









HISTOIRE

DU CANADA.



# HISTOIRE

# DU CANADA

# ET VOYAGES

QUE LES FRÈRES MINEURS RECOLLECTS Y ONT FAICTS
POUR LA CONVERSION DES INFIDÈLES

DEPUIS L'AN 1615

PAR

## GABRIEL SAGARD THEODAT

AVEC UN DICTIONNAIRE DE LA LANGUE HURONNE

NOUVELLE ÉDITION PUBLIÉE PAR M. EDWIN TROSS.

DEUXIÈME VOLUME.

PARIS

LIBRAIRIE TROSS

5, RUE NEUVE-DES-PETITS-CHAMPS, 5.

1866

JUL 30 1959



### HISTOIRE

# DU CANADA

## ET VOYAGES

QUE LES FRERES MINEURS RECOLLECTS Y ONT FAICTS POUR
LA CONUERSION DES INFIDELLES

#### DIUISEZ EN QUATRE LIURES

Où est amplement traiclé des choses principales arriuées dans le pays depuis l'an 1615 iusques à la prise qui en a esté faicle par les Anglois.—Des biens & commoditez qu'on en peut esperer.—Des mœurs, ceremonies, creance, loix & coustumes merueilleuses de ses habitans.—De la conversion & baptesme de plusieurs, & des moyens necessaires pour les amener à la cognoissance de Dieu. L'entretien ordinaire de nos Mariniers, & autres particularitez qui se remarquent en la suite de l'histoire.

FAIT ET COMPOSÉ PAR LE

### F. GABRIEL SAGARD THEODAT,

Mineur Recolled de la Prouince de Paris.

DEUXIEME PARTIE

#### A PARIS

Chez Claude SONNIUS, ruë S. Jacques à l'Escu de Basle & au Compas d'or.

M. DC. XXXVI.

Auec Priuilege & Approbation.



De leurs festins & conviues tant de paix que de guerre, & des ceremonies qu'ils y obseruent.

#### CHAPITRE XV.

Suetone Tranquille, raconte que l'Empereur Octaue Auguste defendit à Rome l'exercice du ieu, & que nul ne peut inuiter autruy à manger chez foy, pour autant disoit il, qu'aux ieux, aucun ne s'abstient de blasphemer contre les Dieux, & aux festins de mesdire || de son prochain, ce que ce victorieux 290 peuple observa religieusement un long temps, plus admirable en ceste victoire de soy-mesme, se priuant de son propre contentement, pour obeïr aux loix, que d'auoir subiugué l'ennemy par le fer où les plus vicieux peuuent remporter de signalées victoires, pendant qu'eux mesmes se laissent vaincre de-leurs propres appetits.

Ie ne voudrois pas neantmoins absolument condamner les honnestes entretiens & petites recreations, qui se font quelquessois entre parens & amis par un pieux diuertissement, puis que cela sert à entretenir l'amitié & beneuolence mutuelle, comme un autre Job auec ses enfans, mais il faudroit qu'ils imitassent ceste mesme vertu & l'exemple, non de quelques auares Chrestiens, mais des anciens Payens, qui donnoient aux pauures & fouffreteux les reliefs de leurs festins & banquets, qui par ce moyen se rendoient meritoires où les nostres sont ordinairement vicieux. Le Philosophe Aristide en une oraison qu'il fist des excellences de Rome dit: que les Princes de Perse, auoient ceste coustume de ne s'asseoir iamais à table pour disner ou soupper, iusques à ce que aux portes de leurs Palais, leurs trompettes eussent sonné, & ce afin que là toutes les vesues & orphelins s'y assemblassent, pour ce que c'estoit une loy entr'eux, que tout ce qui demeuroit des tables royales sussent pour les personnes necessiteuses. Et Plutarque en sa politique confirmant la mesme || chose pratiquée entre les Romains, dit: qu'ils ordonnerent, que tout ce qui demeureroit des banquets & conuiz, qui se faisoient ès nopces & triomphes, sut donné aux pauures, vesues & orphelins.

Voilà des Loix qui ne doiuent point estre appellées payennes, bien qu'ordonnées & pratiquées par les Payens mesmes, mais plustost religieuses & chrestiennes, puis qu'elles sont sondées en charité, de laquelle nous faisons particulierement profession, en

receuant le baptesme.

Nos Sauuages, à la vérité, ne font pas gens de si grande chere, qu'ils ayent besoin de faire sonner leurs tortuës, pour inuiter les pauures à venir manger les restes de leurs festins, car outre qu'ils n'ont point de pauures, ils n'ont aussi point de superflu. Ce n'est pas comme ès maisons de beaucoup de riches auaricieux, lesquels s'ils traictent leurs amis auec quelque abondance, ils se seruent des reliess à leurs autres repas, & n'en sont point de part aux pauures que les vers & la putresaction ne les y contraignent. Action digne de chastiment & non point de merite, car on ne doit rien

donner aux pauures, qui ne foit honneste & bon s'il se peut, autrement ceste osserande est reiettée de Dieu, comme celle de Cain, qui donnoit le pire de son troupeau en facrissice, où le bon Abel faisoit choix du meilleur, imité à present de plusieurs bonnes dames, & de personnes de merite, qui se priuent souuent des mets les plus delicieux deleur table, pour en faire part || aux pauures malades & necessiteux, qu'ils enuoyent visiter iusques dans les cachots & où ils sçauent qu'il y a necessité.

292

Quand quelqu'un de nos Canadiens ou Hurons, veut faire festin à ses amis, il les enuoye inuiter de bonne heure comme l'on faict icy, mais personne ne s'excuse là, dont vous en voyez tels, sortir d'un sestin pleins comme un œuf, qui du mesme pas s'en vont à un autre, où ils se racheptent s'ils ne peuuent manger, car ils tiendront à affront d'estre esconduits s'il n'y auoit excuse vrayement legitime, & que ce su un festin à tout manger.

Le monde estant inuité, on met la chaudiere sur le feu, grande ou petite selon la quantité des viandes & le nombre des personnes qui doiuent estre de la seste, tout estant cuit & prest à dresser, on va de reches faire la seconde semonce, par ces mots Montagnais, comme à la première sois Kinatomigaouin, ie te prie de sestin, & s'ils sont plusieurs Kinatomigaouinaou, ie vous prie de sestin, lesquels respondent ho, ho, ho, & entr'eux Ninatomigaouinauo, nous sommes priés de sestin. Mais les Hurons disent d'un ton plus graue & puissant en inuitant au sestin: Saconcheta Saconcheta (qui est un mot qui ne deriue point neantmoins du

nom de festin, car Agochin entr'eux veut dire festin) lesquels s'y en vont à mesme temps auec leur escuelle & la cuillier dedans, qu'ils portent grauement deuant eux auec les deux mains. Si ce sont des Algomquins \* qui fassent le festin, les Hurons portent leurs escuelles garnies d'un peu || de farine pour mettre dedans le brouet, à raison que ces Aquanaques en ont fort peu fouuent, & puis c'est leur coustume.

Entrans dans la cabane chacun s'affied fur les nattes ou la terre nuë, ou pour le plus fur de petits rameaux d'arbres ou de cedre, les hommes au haut bout, & les femmes en suitte, egallement des deux costez iufques au bas. Tout estant entré on dit les mots, aprés lesquels il n'est permis à personne d'y plus entrer, soitil des conuiez ou non, ayans opinion qu'autrement il vauroit du mal-heur en leur festin, qui est ordinairement faict à quelque intention bonne ou mauuaise.

Les mots du banquet font prononcez hautement & intelligiblement deuant toute l'assemblée par le maistre du festin, ou un autre à ce deputé, en ces termes: vous qui estes icy assemblez, ie vous fais scauoir que c'est N. qui faict le festin, nommant la personne & l'intention pourquoy il est faict, & tous repondent du fond de l'estomach, ho, puis poursuiuant sa harangue dit les mots qui precedent le manger à sçauoir: Nequare, la chaudiere est cuite, & de mesme tout le monde respond, ho, ho, en frappant du poing contre terre, Gagnerou youri, il y a un chien de cuit; si c'est du cerf, ils disent Sconoton youri, & ainsi des autres viandes, nommant l'espece ou les choses qui font dans la chaudiere, les unes aprés les autres, &

tous respondent ho, leuans la derniere sillabe à chaque fois, puis frappent du poing contre terre d'autant plus gaillardement qu'ils estiment ce fe- || stin & l'ex- 294 cellence des viandes qui leur doiuent estre seruies.

Les Montagnais ont cela de particulier qu'en difans les mots du festin, ils annoncent aussi si c'est un sestin à tout manger, car quand ce n'est pas à tout manger, ils remportent le reste chacun à sa cabane, pour leurs femmes & leurs enfants, qui est une coustume louable.

Cela faict les Officiers vont de rang en rang prendre les escuelles de tous, les unes aprés les autres, qu'ils emplissent de brouet auec leurs grandes cueillieres, & recommencent toufiours à remplir, tant que la chaudière soit nette, & si c'est un festin à tout manger, il faut qu'un chacun auale tout ce qu'on luy a donné, & s'il ne peut pour estre trop saoul, qu'il se rachepte de quelque petit present enuers le maistre du festin & fasse acheuer son escuelle par un autre, tellement qu'il s'y en trouue, qui ont le ventre si plein, qu'il · leur bande comme un tambourin.

Ce grand Philosophe Platon cognoissant le dommage que le vin apporte à l'homme, quand il est pris auec excez, disoit : qu'en partie les Dieux l'auoient enuoyé ca bas, pour faire punition des hommes & prendre vengeance de leurs offences, les faisans (aprés qu'ils font yures) quereller & se tuer l'un l'autre, comme il n'arriue que trop souuent par deça entre gens de petite condition & de petit esprit. Chose si hideuse, que pour en faire abhorrer le vice, les Lacede-II moniens fouloient faire voir à leurs enfants leurs efclaues pleins de vin.

Or nos barbares en leurs festins sont exempts de ces mal-heurs là Dieu mercy, car on n'y presente iamais ny vin, ny biere, ny citre, & si quelqu'un demande à boire, ce qui arriue fort rarement, on lui donne de l'eau toute claire, non dans un verre, mais dans une escuelle ou à mesme le chaudron, qu'il auale gaillardement, & par ce moyen sont exempts d'iurognerie, qui est un grand bien & pour le corps & pour l'esprit, car il est croyable, que s'ils auoient l'usage du vin, qu'ils se rendroient intemperés comme nous, & puis feroient des surieux, comme on a veu en quelques Montagnais, coeffez d'eau-de-vie que les Mattelots leur traictent.

Nos Sauuages ont ie ne sçay quoy de prudent & venerable dans leurs desbauches, qu'ils ne s'emancipent point aysement en parolles & disputes, vont aux sestins d'un pas plus modeste & representans ses magistrats, s'y comportent auec la mesme modestie & silence, & s'en retournent en leurs maisons & cabanes auec la mesme sagesse : de maniere que vous diriez voir en ces Messieurs là, allant à leur brouet, les vieillards de l'ancienne Lacedemone.

Valerius Leo, donnant un iour à foupper à Jules Cefar en la ville de Milan seruit à table des asperges, où l'on auoit mis d'une huyle de senteur, au lieu d'huyle commun\*, il en mangea simplement sans faire semblant de rien, & tança ses amis qui s'en offençoient, en leur disant qu'il leur deuoit bien suffire de n'en manger point si || cela leur faisoit mal au cœur, sans en saire honte à leur hoste, & que celuy qui se plaignoit estoit bien inciuil & mal appris.

Personne ne se plaint du mauuais goust des viandes aux festins de nos Canadiens, on ne dit point elles font trop cuittes, elles font mal nettes, trop espicées, mal falées, la fauce en est amer & d'un goust fade, qui me faict bondir le cœur & me rauit l'esprit du corps, non: mais on y mange simplement les viandes seruies & telles que le maistre les donne, sans faire la mine & se plaindre de chose qui soit, pour n'estre estimé impertinent, croyans que le cuisinier & celuy qui traicte ont tasché de bien faire, & que de les blasmer seroit se rendre blasmable soy-mesme.

Ils font quelquefois des festins où l'on ne prend que du petun auec leur petunoir, qu'ils appellent Anondahoin: & en d'autres où l'on ne mange rien que des petits pains de bled d'Inde, cuits fous les cendres chaudes. Aucune fois il faut que tous ceux qui font au festin soient assis à plusieurs pas l'un de l'autre, & qu'ils ne se touchent point. Autre fois quand les festinez sortent, ils doiuent faire une laide grimasse à leur hoste, ou à la malade, à l'intention de laquelle le festin aura esté saict. A d'autres il ne leur est permis de lascher du vent 24. heures, par une opinion qu'ils en mourroient incontinent aprés, quoy qu'ils mangent en tels festins que chose fort venteuse, comme font une espece de petits pains bouillis.

Quelquefois il faut aprés qu'ils font bien faouls & ont le ventre bien plein, qu'ils || rendent gorge au- 297 prés d'eux, ce qu'ils font facillement & ne s'en tiennent pas moins honnestes & ciuils car estant l'ordre ils l'obseruent comme action de religion ou de superstition, car telle est leur religion de croire à leurs folles

pensées, & aux aduis de leurs charlatans qui sçauent se donner du crédit, & auxquels ils ont tant de croyance, que s'ils auoient obmis la moindre ceremonie de leur ordonnance, ils croiroient auoir commis une grande saute & s'en consesseroient miserables. Il me souuient à ce propos auoir leu dans Florimond de Remont, d'une certaine heresie ou sausse religion obseruée dans l'estat de Hollande (à mon aduis) qui permettoit à ses sectateurs de mettre en esset (s'ils pouuoient) tout ce qui leur venoit premier en santasse, sut honneste ou non conuenable, car disant le Sainct Esprit me l'a inspiré cela suffisoit pour se mettre en besongne, & Dieu sçait comme tout alloit au prosit des maistres Milourds, & au contentement des malins esprits qui auoient là leur empire.

Aussi nos Sauuages reuans qu'il nous fallut saire mourir, il ne faudroit point d'autre arrest pour nous tous mettre à mort, car comme ie viens de dire ils croyent parsaitement leur songe, & ne veulent pas qu'on s'en mocque, ny d'aucune de leurs singeries pour exhorbitantes qu'elles soient, helas il y a assez de Chrestiens qui ne sont pas moins superstitieux, & qui adorent leurs pensées & leurs songes de la nuict, 298 autant superstitieusement || que les Sauuages mesmes, de quoy sont encore soy beaucoup de bonnes semmes, qui nous en demandent les explications, autant difficilles à donner qu'il y a de difficulté de croire les vaines propheties.

De quelque animal que soit le festin, la teste entiere est tousiours presentée au principal Capitaine, ou a un autre des plus vaillans de la trouppe, pour tesmoi-

gner l'estime que l'on fait de la vaillance & vertu, comme nous remarquons chez Homere aux festins des Heros, c'est à dire les Princes ou hommes extraordinairement vertueux & nobles, dans le sang desquels est meslé ie ne sçay quoy de diuin, en un mot Heros est un homme tres-sage & genereux, qui a mis à chef quelque signalée entreprise, qu'on leur enuovoit quelque piece de bœuf pour honorer leur vertu, ce qui semble estre un tesmoignage tiré de la nature. puis que ce que nous trouuons auoir esté pratiqué ès festins solemnels des Grecs, peuples polis, se rencontre en ces Sauuages par l'inclination de la nature fans cette politesse.

Pour les autres conuiez qui font de moindre consideration, si la beste est grosse, comme d'un ours, d'un eslan, d'un grand esturgeon, de plusieurs assihendos, ou bien de quelqu'un de leurs ennemiz, chacun a un morceau de la beste, & le reste est demincé dans le brouet. C'est aussi la coustume que celuy qui fait le festin ne mange point pendant iceluy, ains petune, chante ou entre- || tient la compagnie de quelque dis- 299 cours. I'y en ay veu neantmoins quelqu'uns manger, contre leur coustume, mais peu souuent, car mesme quand un particulier me faisoit festin, moy seul ie mangeois & ne pouuois gaigner fur eux de manger un morceau auec moy, ny pendant que i'estois à table, ce qui m'estonnoit au commencement, mais depuis i'ay esté sçauant en toute leur \* ceremonies fondées fur des imaginations d'esprit plustost que sur des expériences.

Pour dresser la ieunesse à l'exercice des armes, & les

rendre recommandables par le courage & la prouesse, qu'ils estiment plus que toutes les richesses de la terre, ils ont accoustumé de faire des sestims de guerre, & de resiouissance, pendant lesquels les vieillards auec les ieunes hommes, les uns aprés les autres, ayans une hache en main, une masse ou quelque autre instrument de guerre, font des merueilles (à leur opinion) d'escrimer & faire des armes, usans de paroles menaçantes & de mespris, comme si en essect ils estoient aux prises auec l'ennemy.

Au commencement que ie me trouuay en de ces festins, ie ne sçauois comment bonnement prendre ces escrimes, car le taillant de la hache, ou le vent de la masse, approchoit par fois si prés de mes oreilles que ie ne les trouuois pas bien asseurées, de quoy s'aperceuans les Sauuages ils s'en prenoient à rire, & me disoit Etagon prens courage, car ces escrimeurs 300 ont la main tellement asseurée || qu'il ne leur arriue iamais de blesser nonobstant le hazard.

Si c'est un festin de victoire & de triomphe, en faisant des armes, ils chantent d'un ton plus doux & agreable, les louanges de leurs braues Capitaines, qui ont bien tué de leurs ennemis de guerre, puis se rassoient & un autre prend la places 'iusques à la fin du sestin que chacun se retire, aprés auoir faict les ordinaires remerciemens du pays Onne ottaha, ie suis saoul, ou satani, ie suis rassassié, en frappant doucement leur ventre de la main ho ho ho Onianné, voyla qui est bien. Mais quand ce qu'ils mangent leur agrée vous leur entendez dire de sois à autre à Houygahouy mécha, voyla qui est bon, & les Montagnais Tapoué nimitison, en verité ie mange.

Ie n'ay point remarqué que nos Huronnes fassent des festins entr'elles, comme sont quelquesois en Hyuer les Canadiennes & Montagnaises en l'absence de leurs marys, car comme elles ont peu souuent de la viande, & du poisson, qui ne soit sceu de leurs domestiques, il y a toussours quelque \* hommes dans les cabanes, qui les pourroient accuser & apporter du trouble entre elles & leur \* marys, lesquels quoyque sans ialousie, ne trouveroient pas bonnes ces petites friponneries s'ilz n'y estoient appellez.

Les Canadiennes & Montagnaises ont un moyen plus facile de se consoler & faire leurs petites assemblées, car comme leur \* || marys font à la chaffe, qui est ordinairement pendant les grandes neiges, elles se donnent le mot, & avans chacune choisv de la meilleure viande, elles en font de rostie, & de boüillie qu'elles mangent en quantité, le plus souuent iusques à rendre, puis c'est à rire, à gausser, & saire des contes à plaisir, qui leur mettent à toutes le cœur à iove; puis elles se font des confessions generales de toute leur vie passée, ou elles adjoustent plustost qu'elles ne diminuent, non par deuotion ou de contrition, mais plustost pour faire voir qu'elles n'ont pas tousiours esté nyaises ny vescu en bestes, comme disent les femmes mal fages, ie crov neantmoins qu'en tout cela il y a fouuent plus de plaisanteries que de malices, & qu'elles sont plus plaisantes que des-honnestes. Ainsi lisons nous en nos Croniques d'un ieune Religieux fort iouial duquel s'estant enamouraché certaines femmes ou filles, elles le firent entrer dans leur chambre sous pretexte de luy donner l'aumosne, puis l'ayant

301

enfermé sous clef le voulurent contraindre de contenter leur deshonnesteté, ce qu'ayant absolument refusé, elles l'estranglerent & firent mourir miserablement, ce qui sut sceu par nos Religieux qui loüerent Dieu, que ce Frere en un aage si tendre, si gay & iouial de son naturel, auoit pû (assisté de la grace de Dieu) resister à la surie de ces semmes.

Ces matrones ont la prudence & le soin de briser leurs assemblées auant le retour de || leur\* marys, & se rendent toutes si sages que vous diriez à les voir qu'elles n'ont toutes de consolation qu'en la presence de leurs marys, ausquels elles tiennent de la viande toute preste, & du boüillon tout chaud, qu'elles leur sont aualler quand ils arriuent pour les delasser, qui est une inuention admirable, car ils tiennent par experience, que quand ils boiuent leur boüillon, ou faute d'iceluy de l'eau chaude allans ou reuenans de la chasse, ils n'ont iamais les iambes roides.

Les hommes font aussi leurs festins, & à diuerses intentions ainsi que font nos Hurons, ou par recreation ou pour gratissier un amy, ou pour observer un songe, à la pluspart desquels il faut tout manger ou creuer à la peine, & pour plusieurs autres intentions & respects que nous ne sçauons pas, mais si c'est pour auoir bonne chasse, ils se donnent bien de garde que les chiens n'en goustent tant soit peu; car tout seroit perdu & leur chasse ne vaudroit rien à leur dire, mais qui croiroit une telle sottise.

Comme le Pere Joseph le Caron, & l'un de nos freres se trouuerent un Hyuer auec eux, un barbare nommé Mantouiscache, songea que Choumin auoit

tué un eslan de la teste duquel il auoit fait festin auec du bled d'Inde qu'il auoit enuoyé querir à Kebec, 8. ou 9. lieuës de luy. Le lendemain il dit son songe à Choumin auant qu'il allast à la chasse, à laquelle il frappa ce iour là mesme un ieune eslan deux fois de fon espée, sans || qu'il pû l'aborder ny l'atteindre, pour 303 luy donner un dernier coup, de maniere qu'il futcontrainct (à cause qu'il se faisoit tard) de laisser là sa beste, & s'en retourner à sa cabane, où il conta à son songeur ce qui luy estoit arriué, qui luy respondit qu'asseurement la beste estoit morte, & l'enuoyerent chercher le lendemain matin par un de leur \* parens, qui la trouua abbatue à trois lieuës de leur cabane, cent pas d'où elle auoit esté frappée.

Ce fut là une heureuse rencontre pour luy & toute leur famille, car ils se regalerent & se remplirent à plaisir, après auoir enuoyé querir du bled d'Inde à Kebec, qui fut l'accomplissement du songe de Mantouiscache. Je ne veux pas gloser là dessus, mais i'admire que le Diable ayt pû si precisement coniecturer tout ce qui deuoit arriuer, car encor bien que Choumin pû en auoir dit quelque chose par esperance, la chose n'estoit point asseurée, & pouuoit ne point arriuer, car enfin le Diable ne scait pas les choses futures que par des coniectures, si Dieu ne luy reuele pour la punition de ceux qui ont recours à luv.

le m'oubliois de dire qu'aux repas ordinaires de tous nos Sauuages, aussi bien qu'en leurs banquets & festins, on donne à un chacun sa part, d'où vient que s'il y a de la viande ou du poisson à departir, il n'v en a que 3. ou 4. qui ayent ordinairement les meilleurs

304 morceaux, car il n'y en a pas souuent pour || tous, & si personne ne s'en plaint. Pour la sagamité elle est departie egallement à tous, autant au dernier comme au premier auec un tel ordre que tout le monde reste content.

Des dances, chansons & autres ceremonies ridicules de nos Hurons.

#### CHAPITRE XVI.

Nos Sauuages, & generalement tous les peuples des Indes Occidentales font de grands chanteurs, & ont de tous temps l'usage des dances; mais ils l'ont à quatre fins: pour agreer à leurs demons, qu'ils pensent leur faire du bien, ou pour faire feste à quelqu'un de leurs amis ou alliez, pour se resiouyr de quelque signalée victoire, ou pour preuenir & guerir les maladies & infirmitez qui leur arriuent. Lorsqu'il se doit faire quelques dances, nuds, ou couverts de leurs brayers, à la disposition du malade, du Medecin, ou des Capitaines du lieu, le cry s'en fait par toutes les ruës de la ville ou village, à ce que tous les ieunes hommes, femmes & filles s'y trouuent à l'heure & iour ordonné, matachiez & parez de ce qu'ils ont de plus beau & precieux, pour faire honneur à la feste, & obtenir 305 par ces ceremonies l'entiere gue- || rifon d'une telle personne malade, qu'ils nomment publiquement, à quoy obeissent punctuellement toutes les ieunes gens

mariez ou non mariez, & mesmes plusieurs vieillards & femmes decrepites par deuotion. Les villages circonvoisins ont le mesme advertissement, & s'y portent auec la mesme affection à la liberté d'un chacun, car

on n'y contraint personne.

Cependant on dispose l'une des plus grandes cabanes du lieu, & là estans tous arriuez, ceux qui n'y font que pour spectateurs, comme sont les vieillards, les vieilles femmes. & les enfants, se tiennent assis sur des nattes contre les establies, & les autres au dessus, le long de la cabane, puis deux Capitaines estans debouts, chacun une tortuë en la main (de celles qui feruent à chanter, & foufler les malades) chantent ainsi au milieu de la dance, une chanson, à laquelle ils accordent le son de leur tortuë; puis estant finie ils font tous une grande acclamation difans, Hé, é, é, é, puis en recommencent une autre, ou repetent la mesme, iusques au nombre des reprises qui auront esté ordonnées, & n'y a que ces deux Capitaines qui chantent, & tout le reste dit seulement, Het, het, het, comme quelqu'un qui aspire auec vehemence, & puis tousiours à la fin de chaque chanson une || haute & longue accla- 306 mation disans, Hé, é, é, é. Mais ce qui est louable en eux est, qu'il ne leur arriue iamais de chanter aucune chanson vilaine ou scandaleuse, comme l'on faict icy, aussi lors que quelque François chantoit & qu'ils luy demandoient l'explication de sa chanson, s'il leur difoit qu'elle estoit d'amour, ou mondaine, ils n'en estoient pas contans, & disoient Danstan téhongniande, cela n'est pas bien, & ne le vouloient point escouter.

Toutes ces dances se font en rond, mais les dan-

ceurs ne se tiennent point par la main comme par deça, ains ont tous les poings fermez, les filles les tiennent l'un fur l'autre, esloignez de leur estomach, & les hommes les tiennent aussi fermez, esleuez en l'air, & de toute autre façon en la maniere d'un homme qui menace, auec mouuement & du corps. & des pieds, leuans l'un, & puis l'autre, desquels ils frappent contre terre à la cadence des chansons, & s'esleuans comme en demy-sauts, & les filles branslans tout le corps, & les pieds de mesme, se retournent au bout de quatre ou cinq petits pas, vers celuy ou celle qui les fuit, pour lui faire la reuerence d'un hochement de teste, & ceux ou celles qui se demeinent le mieux, & font plus à propos toute ces petites chimagrées, font 307 estimez entr'eux les || meilleurs danceurs, c'est pourquoy ils ne s'y espargnent pas, non plus qu'en un

festin ou quelque bon repas.

Ces dances durent ordinairement une, deux ou trois aprés difnées, & pour n'y receuoir d'empeschement des habits, quoy que ce foit au plus fort de l'Hyuer, ils n'y portent iamais autres vestemens, ny couuertures que leurs brayers, finon que pour quelqu'autre fuiet il foit ordonné de les mettre bas; n'oublians neantmoins iamais leurs colliers, oreillettes, & braffelets, & de se peinturer par fois, comme au cas pareil les hommes fe parent de colliers, plumes, peintures, & autres fatras, dont i'en ay veu estre accommodez en mascarades ou caresme prenant, ayans une peau d'ours qui leur couuroit le corps, les oreilles dressées au haut de la teste, & la face couuerte, excepté les yeux, & ceux-cy ne seruoient que de portiers, ou boussions,

& ne se mesloient à la dance que par interualle à cause qu'ils estoient destinez à autre chose.

Je vis un iour un de ces bouffons entrer processionnellement dans la cabane où se deuoit faire la dance, auec tous ceux qui estoient de la feste, lequel portant fur ses espaules, un grand chien lié & garotté par les iambes, & le museau, le prit par celles de derriere, & le rua tant || de fois contre terre qu'il en mourut, ef- 308 tant mort il l'enuoya apprester à la cabane voisine pour le festin qui se deuoit faire à l'issuë de la dance.

Que cela ayt esté fait sans dessein ou pour un facrifice, ie n'en ay rien fceu, car perfonne ne m'en pû

donner l'explication.

Si la dance est ordonnée pour une malade, à la troisiesme ou derniere aprés disnée, s'il est trouué expedient, ou ordonné par Loki, elle y est portée, & en l'une des reprises, ou tour de chanson, on la porte, en la seconde on la faict un peu marcher & dancer, la foustenant par sous les bras: & à la troisiesme, si la force luy peut permettre, ils la font un peu dancer d'elle mesme, sans ayde de personne, luy criant cependant tousiours à pleine teste: Etsagon outsahonne achieteque anatetsence; c'est à dire, prend courage femme, & tu feras demain guerie, & aprés les dances finies, ceux qui font destinez pour le festin y vont, & les autres s'en retournent en leurs maisons.

Il se fit un jour une dance de tous les jeunes hommes, femmes, & filles toutes nuës en la presence d'une malade, à laquelle il fallut (traict que ie fcay comment excuser ou passer sous silence) qu'un de ces ieunes hommes luy pissast dans la bouche, & qu'elle auallast

300 cette eau, com- || me elle fit auec un grand courage. esperans en receuoir guerison: car elle mesme desira que le tout se fit de la sorte, pour accomplir, & ne rien obmettre du fonge qu'elle en auoit eu la nuit precedente : que si pendant leur resuerie il leur vient encore en la pensée qu'on leur fasse present d'un chien blanc, ou noir, ou d'un grand poisson pour festiner, ou bien de quelque chose à autre usage, à mesme temps le cry s'en faict par toute la ville, afin que si quelqu'un a une telle chose qu'on specifie, qu'il en fasse present à la malade, pour le recouurement de sa santé: ils sont si secourables qu'ils ne manquent point de la trouuer, bien que la chose soit de valeur ou d'importance entr'eux, aymans mieux fouffrir & auoir disette des choses que de manquer au besoin à un malade necessiteux, ou qui aye enuie de quelque chose qui soit en leur puissance\*. Pour exemple, le Pere Joseph auoit donné un chat

à un grand Capitaine, comme un present tres rare, car ils n'ont point de ces animaux. Il arriua qu'une malade songea que si on luy auoit donné ce chat qu'elle seroit bien-tost guerie. Ce Capitaine en sut auerty, qui aussi-tost luy enuoya son chat bien qu'il l'aymast grandement, & sa fille encore plus, laquelle se voyant priuée de cet animal, qu'elle aymoit || passionnement, en tomba malade & mourut de regret, ne pouuant vaincre & surmonter son affection, bien qu'elle ne voulut manquer à l'ayde & secours qu'elle deuoit à son prochain, ce qui nous est d'un grand exemple.

Pour recouurer nostre dé à coudre qui nous auoit esté desrobé par un ieune garçon, qui depuis le donna

à une fille, ie fus au lieu où se faisoient les dances, & ne manquay point de l'y remarquer, & le rauoir d'une fille qui l'auoit pendu à fa ceinture auec fes autres matachias, & en attendant l'issuë de la dance, ie me fis repeter par un Sauuage l'une des chansons qui s'y disoient, dont en voicy une partie:

Ongvata éuhaha, ho, ho, ho, ho, ho, Eguyotonuhaton, on, on, on, on, on, Eyontara éintet, onnet, onet, onet, Evontara éintet à, à, à, onnet, onnet, onnet, ho, ho, ho. (Faut repeter chacune ligne deux fois).

Ayant descrit ce petit eschantillon d'une chanson Huronne, i'ay creu qu'il ne seroit pas mal à propos de descrire encore icy partie d'une autre chanson, qui se disoit un iour en la cabane du grand Sa || gamo des 311 Souriquois, à la louange du Diable, qui leur auoit indiqué de la chasse, ainsi que nous apprend l'escot qui s'en dist tesmoin auriculaire, & commence ainsi :

Haloet, ho, ho, hé, hé, ha, ha, haloet, ho, ho, hé. Ce qu'ils chantent par plusieurs fois: le chant est fur ces notes:

Re, fa, fol, fol, re, fol, fol, fa, fa, re, re, fol, fol, fa, fa.

Une chanson finie, ils font tous une grande exclamation, disans Hé, puis recommencent une autre chanson, disans:

Egrigna hau, egrigna hé, hé, hu, hu, ho, ho, ho, Egrigna, hau, hau, hau.

Le chant de cette cy estoit: Fa, fa, fa, fa, fol, fol, fa, fa, re, re, fol, fol, fa, fa, fa, re, fa, fa, fol, fol, fa.

Ayans faict l'exclamation accoustumée, ils en commencerent une autre qui chantoit:

Tameia alleluia, tameia à dou veni, hau, hauhé, hé.

312 || Le chant estoit: fol, fol, fol, fa, fa, re, re, re, fa, fa, fol, fa, fol, fa, fa, re, re.

Les Brasiliens en leurs sabats, sont aussi de bon\* accords, comme

Hé, hé, hé, hé, hé, hé, hé, hé, hé.

Auec cette notte:

Fa, fa, fol, fa, fa, fol, fol, fol, fol, fol.

Et cela faict s'escryoient d'une façon, & hurlement espouuentable, l'espace d'un quart d'heure, & sautoient en l'air auec violence, iusques à en escumer par la bouche, puis recommencerent la musique, disans:

Heu, heüraüre, heüra, heüraüre, heüra, heüra, ouck.

La notte est: Fa, mi, re, fol, fol, fol, fa, mi, re, mi, re, mi, ut, re.

313 | Dans le païs de nos Hurons, il se faict aussi des assemblées de toutes les filles d'un bourg auprés d'une malade, tant à sa priere, suyuant la resuerie qu'elle en aura eüe, que par l'ordonnance de Loki, pour sa fanté & guerison. Les filles ainsi assemblées, on leur demande à toutes, les unes aprés les autres, celuy qu'elles veulent des ieunes hommes du bourg, pour dormir auec elles la nuict prochaine: elles en nomment cha-

cune un, qui sont aussi tost aduertis par les maistres de la ceremonie, lesquels viennent tous au soir en la presence de la malade, dormir d'un bout de la cabane à l'autre, chacun auec celle qui la \* choisi, & passent ainsi toute la nuict, pendant que deux Capitaines aux deux bouts du logis, chantent & sonnent de leur tortuë du soir au lendemain matin, que la ceremonie cesse. Dieu vueille abolir une si damnable & mal-heureuse ceremonie, auec toutes celles qui sont de mesme aloy, & que les François, qui les somentent par leurs mauuais exemples, ouurent les yeux de leur esprit, pour voir le compte tres-estroics qu'ils en rendront un iour deuant Dieu.

il De leur mariage & concubinage, & de la diffe- 314 rence qu'ils y apportent.

#### CHAPITRE XVII.

Nous lisons que Cesar, Prince accomply & doüé d'une honnesteté & pudeur admirable, loüoit grandement les Allemans, d'auoir eu en leur ancienne vie sauuage telle continence, qu'ils reputoient chose tresvilaine à un ieune homme, d'auoir la compagnie d'une semme ou fille auant l'aage de vingt ans, & Solon Salamain commanda par ses loix aux Atheniens, que nulle \* ozast se marier qu'il n'eust aussi attaint l'aage de vingt ans, & le bon Lycurgus ordonna aux Lace-

demoniens, de ne prendre femme qu'ils n'eussent accomplis les 25. ans, mais le Philosophe Protheus, prohiba aux Egyptiens, de ne contracter mariage, qu'ils n'eussent passé les trente, tellement que si quelqu'un s'auançast à prendre semme auant le temps ainsi limité, estoit decreté & commandé par la loy, de chastier publiquement le pere, & d'estimer les enfans

non legitimes.

C'est sans difficulté qu'on peut approuuer ces loix pour bonnes ou pour mauuaises, loüables en une chose & dangereuses en l'autre, mais à les prendre comme on voudra, toufiours les infideles & les Payens 315 mesmes, se sont faicts || admirer des Chrestiens, comme plus retenus & continens. Et quoy peur de scandale on est auiourd'huy contrainct de marier des enfans à des enfans, qui n'engendrent que d'autres enfans foibles & delicats, d'où il arriue tant d'employ pour les medecins, mais il vaut mieux se marier que brusler, dit l'Apostre, & faire une chose licite qu'illicite, car d'y apporter un reglement, la coustume estant tournée en habitude, elle s'est renduë irremediable, & comme passée en loy, & d'en poser d'autres, si les Legislateurs les observoient eux-mesmes, elles ne seruiroient que pour chastier les petits & donner l'elfor aux grands du monde, qui croyent que toutes choses leur sont permises, pour ce que les loix sont femblables aux toiles des araignées, disoit Solon, en tant \* qu'en icelles, il n'y a que les pauures & debiles, qui y soient prins, mais les riches & puissans les rompent & destruisent.

La jeunesse entre nos Hurons, Quicunontateronons

& autres peuples sedentaires, a un peu trop de liberté au vice, car les ieunes hommes ont licence de s'addonner au mal si tost qu'ils peuuent, & les filles de se prostituer si tost qu'elles en sont capables, neantmoins ie peux dire auec verité, de n'y auoir iamais veu donner un seul baiser, n'y veu faire un geste ou regard impudique, & pour cette raison i'ose affirmer qu'ils font moins suiest\* à ce vice que l'on n'est par deca, dont on peut attribuer la cause non à la Loy, car auant nous ils n'en auoient encor receu aucune, mais à leur nudité || principallement de la teste, partie au 316 deffaut des espiceries & du vin, & partie à l'usage ordinaire qu'ils ont du petun, la fumée duquel estourdit les sens & monte au cerueau, & puis pour le peu d'attraicts de ces obiects, plus degoustans que rauissans, à quiconque a tant soit peu de retenue, & l'œil aucunement chafte.

Les ieunes hommes qui ne se veulent point marier, ny obliger à une femme, tiennent ordinairement des filles à pot & à feu, qui leur seruent en la mesme maniere que s'ils en estoient les marys, il n'y a que le seul nom de difference, car ils ne les appellent point Atenonha, femme, ains Afqua, compagne ou concubine, & viuent ensemble autant long-temps qu'il leur plaist, sans perdre ny les uns ny les autres la mesme liberté qu'ils auoient de courir les cabanes, & sans ceste licence de chercher amis, ie croy que beaucoup de filles resteroient vierges & sans marys, pour estre le nombre plus grand que celuy des hommes à mon aduis, il en est presque de mesme en France, où les guerres consomment une infinité d'hommes, de là

vient que l'on y a basty plus de monasteres de filles depuis trente ans ença, qu'il ne s'y en estoit estably mil ans auparauant, de quoy Nostre Seigneur reçoit

gloire & fes espouzes le Paradis.

Quand un ieune homme veut auoir une fille en mariage, il faut qu'il la demande à ses pere & mere, fans le confentement desquels la fille n'est point à luy, bien que le plus souuent la fille ne prend point leur confentement ny aduis, finon les plus fages. Cest amant 317 voulant || faire l'amour à fa maistresse & acquerir ses bonnes graces, il fe peinturera le visage & s'accommodera de ses plus beaux matachias, puis presentera à sa maistresse quelque \* colliers, brasselets ou oreillettes de pourceleine, & si la fille a ce seruiteur aggreable, elle recoit ces presens, cela faich, cest amoureux viendra coucher auec elle 3. ou 4. nuicts, & iusque là il n'y a point encore de mariage parfaict, ny de promesse donnée, pour ce qu'après ce dormir il arriue assez. fouuent que l'amitié se refroidit & que la fille qui a fouffert ce passe droict n'affectionne pas pour cela ce feruiteur, & faut après qu'il fe retire sans plus parler de mariage, comme il arriuade nostre temps à un ieune homme de la bourgade de Saint Nicolas ou Touenchain congedié par la feconde fille du grand Capitaine Auoindaon, de quoy le pere mesme se plaignit à nous bien qu'il ne la voulut contraindre de passer outre au mariage qu'il eut fort desiré.

Les parties estans d'accord & le consentement des pere & mere donné, on procede à la ceremonie du mariage, par un festin où tous les parens & amis des accordez sont inuitez. Tout le monde estant assemblé

& chacun en son rang assis sur son seant, le pere de la fille ou le maistre de ceremonie à ce deputé, dit hautement deuant toute l'assemblée, comme tels & tels fe marient ensemble & qu'à cette occasion a esté faicle cette assemblée & ce festin, à quoy tous respon-· dent ho onnianne, voila qui est bien.

Le tout estant approuué & la chaudiere nette || cha- 318 cun se retire, aprés auoir congratulé les nouueaux mariez d'un ho, ho, ho, puis si c'est en Hyuer (à cause que pour lors les mesnages sont fournis de ce qui leur est necessaire) chaque semme est tenuë de porter à la nouuelle mariée un faisseau de bois pour sa prouision, d'autant qu'elle ne le pourroit pas faire feule, & aussi qu'il luy conuient vaquer à d'autres choses pour son nouueau mesnage, qui est tousiours assez riche, puisqu'il est afforty du contentement & de la paix, qui en est la principale piece.

Ceste courtoisie des femmes, ne se pratique point enuers toutes les nouuelles mariées, ny en toutes les Prouinces, mais i'ay appris qu'en quelque Prouince de nostre mesme Amerique la coustume estoit que les parens leur portoient chacun sa piece de mesnage & de leur emmeublement, qui est une chose fort commode, & que nous voyons pratiquer en quelque contrée de la Germanie.

Or il faut notter qu'ils gardent trois degrez de confanguinité dans lesquels ils n'ont point accoustumé de faire mariage: scauoir est du fils auec sa mere, du pere auec sa fille, du frere auec sa sœur & du cousin auec fa cousine, comme ie recognu appertement un iour que ie monstré une fille à un Huron & luy demanday si

elle estoit sa femme ou sa concubine, lequel me respondit qu'elle n'estoit ny l'une ny l'autre, ouy bien sa cousine & qu'ils n'avoient pas accoustumé de coucher auec celles qui leur estoient si proches parentes, qui || est une observation fort louable en comparaison de certains Gentils du Peru auant leur conversion, lesquels se marioient indisseremment qui que ce sust, sœurs, filles & mesmes à leurs meres. Mais hors cela toutes choses sont permises à nos Huronnes & à leurs voisines.

De douaire il ne s'en parle point, non plus que de trousseaux, ni de possessions, & encore moins d'argent, aussi quand il arriue diuorce, le mary n'est tenu de rien, ny la femme de luy rendre compte, chacun prenant ce qui luy appartient, qui n'est pas souuent grand chose, un peu de fourrures, un peu de rassades & quelque \* escuelles. Item voyla tout, car les richesses principales qu'ils demandent en la personne qu'ils recherchent, sont celles de l'essprit & non de la terre, car mieux vaut un homme ou une fille sans argent que de l'argent sans homme ou fille vertueuse, c'est le sentiment de tous les bons Chrestiens, qui s'accordent en cela auec tous les barbares.

Neantmoins si à succession de temps il prenoit enuie à l'un de nos barbares, de repudier sa femme pour quelque suiest que ce soit, comme il n'y a point eu de contrat passé par deuant Notaires, aussi est-il facile de rompre leur mariage, & suffit au mary de dire aux parents de sa femme & à elle-mesme, qu'elle ne vaut rien & qu'elle se pouruoye ailleurs, ce qu'elle faict, du moins elle sort & vit en commun comme les autres, iusques à ce que quelqu'autre la recherche, & non

feulement les hommes procurent ce diuorce quand les femmes leur en ont donné || quelque fuiect, mais 320 aussi les femmes quittent quelquesois leurs marys quand ils ne leur agreent point, ou qu'elles ayment un autre, tellement qu'il s'y en trouue qui ont eu quantité de marys, lesquels marys se remarient à d'autres femmes, & les femmes à d'autres hommes, le tout sans difficulté & sans ialousie, qu'un autre ioüisse de leur couche. Il n'y a que pour les enfans lesquels ils partagent ordinairement par moitié, les filles à la mere, & les garçons au pere, ainsi qu'ils iugent expedient, car ils ne fuiuent pas toufiours un mesme ordre entr'eux pour c'est \* egard.

Les Montagnais & Canadiens observent bien une partie des ceremonies des Hurons en leurs amourettes & mariages, mais encore ont-ils quelques choses de particulieres & plus honnestes, qui ne sont neantmoins propres qu'à des barbares, & gens qui ne

fuyent pas le hazard de tomber au péché.

Quand un ieune Montagnais desire auoir une fille en mariage, il hante simplement sa cabane peinturé & enioliué de diuerses couleurs, & luy declare l'amour qu'il a pour elle, & elle au reciproque luy tesmoigne de l'affection, si elle a ses entretiens aggreables, sinon elle luy donne fon congé. Estant le bien-venu il luy fait quelque present, lequel elle reçoit pour arre de fon affection, cela faict cet amoureux viendra coucher auec elle, lorsqu'il luy plaira, non de nuict, mais en plein iour, enueloppez tous deux d'une couuerture, fans se toucher, car il n'est pas permis de faire rien d'indecent, mais || feulement s'entretenir & discourir 321

de leur amour en la presence de tout le monde & non

point en cachette.

Le ieune homme aggreant à la fille & la fille au garçon, il en parle à ses pere & mere, & à leur dessaut à ses plus proches parens, & ses parens à ceux de la fille, qui considerent auant de rien conclure, le personnage & son humeur, s'il n'est point paresseux, querelleur, mauuais chasseur, ou addonné aux semmes, car encor que ce dernier vice ne soit point en mespris chez eux, si ne sont point estat de ceux qui s'y addonnent.

Or de mesme que l'on s'informe des garçons & de leur \* deffauts, la mesme enqueste se faict pour les filles & de leurs imperfections, l'on voit s'y \* elle est \* point une coureuse, une caioleuse ou une desbauchée addonnée aux hommes, car de telles filles ils n'en font estat non plus que des chiennes (ainsi les appellent ils). L'on demande aussi si elle est \* point une paresseuse, querelleuse, menteuse ou acariastre, car pour rien ils n'en voudroient, si elle trauaille bien proprement aux petits ouurages qu'elle a à faire, comme escuelles d'escorces, raquettes à courir les neiges & vestements, ayans tous deux les conditions requises, les peres & meres prennent iour pour les marier, & en attendant le temps expiré, les parents de la fille avec la fille mesme, trauaillent aux robes pour les futurs espoux & à disposer tout son emmeublement, qui n'arriue pas iusques dans l'excés, car ie vous asseure que quand elles ont une couuerture, une 322 chaudiere & quelques escuelles d'escorces | les voyla

322 chaudiere & quelques escuelles d'escorces || les voyles prou contentes & riches.

Pour le garçon il est aussi reciproquement assisté de se parens, car son pere luy sournit d'un canot d'escorce auec les auirons, de quelques rets & silets pour la pesche, d'une hache, d'une espée, d'un arc & sleches, mais ce qui est excellent & qui tesmoigne en esset une douce & amiable société en ceux qui n'ont iamais eu de pedagogue que la simple nature, est qu'un chacun des parens & amys des suturs espoux vont à la pesche ou à la chasse selon la saison, pour faire le festin des nopces, où au iour assigné, tous les parens s'estans assemblez & l'espousée parée d'une belle robe neuue bien matachiée & le visage huylé & peint de diuerses couleurs, elle en faict autant à son sutur mary, qui s'en tient d'autant plus beau qu'il est mieux coloré & barré d'huiles & de peintures.

Toute la ceremonie se paracheue au sestin, où chacun tasche de se consoler, aprés lequel, le gendre demeure de famille avec sa femme au logis de son beau pere ou de sa belle mere, & ne s'en retire que pour quelque different ou mesintelligence. Ils ne prennent aussi ordinairement que chacun une semme, bien qu'il s'y en est rencontré qui en ont eu iusques à 3. ou 4. mais sort rarement, sinon un qui en auoit iusques à 7. en diuers endroits, ce qui ne se voit iamais parmy nos Hurons, qui ont auec leur semme toute liberté de courir aux autres (mais sans violence aucune) ce que n'ont pas nos Montagnais, qui mesprisent d'ailleurs ces hommes chargez de plusieurs semmes, comme ennemis de l'honnesteté.

|| Mais comme il est impossible qu'il n'y arriue 323 quelquesois des disgraces dans un mariage, nos Mon-

tagnais pour paisibles qu'ils soient, chassent aucune sois leur\* femmes au loin, mais par le moyen de leurs amis, ils sont facilement reconciliez & se remettent ensemble, ce qui ne se faict pas si aysement parmy nos Hurons, où un chacun a bien tost trouué party quand l'un des deux abandonne l'autre.

De la naissance, & de quelque \* ceremonies que les Sauuagesses pratiquent à l'endroit des enfans nouueaux nais. De l'amour que les peres ont pour eux & de l'imposition des noms & surnoms.

## CHAPITRE XVIII.

Nonobstant que les femmes voyent d'autres hommes que leurs maris & les maris d'autres femmes que les leurs, si est-ce qu'ils ayment tous grandement leurs enfans, gardans cette loy que la nature a entée ès cœurs de tous les animaux d'en auoir le soin.

Or ce qui faict qu'ils ayment leurs enfans plus

qu'on ne faict par deça, est à mon aduis qu'ils sont le support des peres & meres en leur vieillesse, soit pour les ayder à viure, ou bien pour les dessendre de leurs ennemis, & la nature conserue en eux son droict tout entier pour ce regard: à cause de quoy ce qu'ils sou324 haitent le plus || est d'auoir nombre d'ensans, pour estre tant plus sorts & asseurez de support au temps de maladie ou de vieillesse, & neantmoins entre les Hurons les semmes n'y sont pas si secondes que par

deca: peut-estre à cause de tant d'amis ou du climat, ou pour autre raison que ie ne cognois point, non plus que pour celles qui donnent dauantage d'enfans aux

Françoises qu'aux Espagnoles & Italiennes.

La femme estant preste d'accoucher toute la ceremonie qu'ils y apportent n'est pas grande & les preparatifs encore moins curieux, car ils plantent simplement 4. ou 5. bastons en un coin de la cabane. qu'ils entourent de peaux & couuertures, comme un habitacle dedans lequel ils couchent la malade à platte terre, ou pour le plus fur quelque\* fourrures ou rameaux de sapin, & là elle faict son fruict assistée de quelque vieille qui luy sert de sage-femme, il v en a qui accouchent d'elles-mesmes & en peu de temps, & peu meurent de ce trauail, qui leur semble estre moindre qu'aux femmes delicates de par-deca.

L'enfant estant nay, le premier office qu'il faict est de fonner la trompette en pleurant, pour dire qu'entrant au monde il entre à la guerre, comme en effect ce monde n'est qu'une guerre continuelle, un seiour de miseres, & une vallée de larmes, où à peine auons nous gousté de la vie qu'il faut gouster de la mort.

Il y en a qui ont remarqué que si l'enfant est masle il profere dés aussitost A, & E si c'est une femelle, comme fi chacun en son sexe ac- || cusoit Adam & Eue, 325 d'où nous tirons toutes nos miseres & calamitez. mais cela vient d'une autre cause que les medecins sçauent & que ie ne peux expliquer.

En quelque contrée dés l'instant de la naissance de l'enfant, on leur frotte tout le corps d'huyle & de peintures comme au Bresil, & parmy nos Canadiens

mesme les meres leur peignent le visage de noir, aussi bien qu'en la mort de leurs parens, comme si entrant au monde il faloit des-ia penser au trespas, car le noir

fignifie deüil & triftesse.

Il y en a qui leur fontaualer de la graisse fondue ou de l'huyle, sitost qu'ils sont sortis du ventre de leur mere, ie ne sçay à quel dessein ny pourquoy sinon que le diable (singe des œuures de Dieu) leur ait voulu donner ceste inuention pour contresaire en quelque chose le

Les Canadiennes leur tordent auffi les deux genoüils en dedans leur faisant tourner les deux talons en dehors, en sorte que en marchant ils iettent les orteils

S. Baptesme ou la Confirmation.

en dedans & les talons en dehors, & ce afin qu'ils , prennent leur ply, & qu'estans grands ils puissent plus facilement & commodement porter leurs raquettes & fe tenir auec plus de fermeté dans les canots quand il faut estre debout, & en essect nous trouuons par experience qu'ils ont raison, & qu'ils les portent mieux que les François, qui iettent tousiours la pointe du pied en dehors, & par ainsi font que la queuë de leurs 326 raquet- Il tes allans en dedans, les entrelassent souuent & se laissent tomber, comme il m'a pensé quelquesois arriver au commencement que i'y estois moins stilé, où les Sauuages au contraire ont tousiours la queuë de leurs raquettes en dehors, & hors de crainte de pouuoir marcher dessus & s'entretailler comme nous faisons, dont nos cheuilles pourroient souuent dire des nouuelles, chaussez de fandalles de bois comme nous fommes & peu fouuent de cuirs.

L'usage de porter des oreillettes est tellement an-

cien, qu'il est dit de Job qu'aprés son affliction, ses parens & amis se coniouissans de sa conualescence, luy firent present chacun d'une brebis, & d'un pendant d'oreille de fin or. Nos Sauuages les ont fort en usage, non d'or ny d'argent qu'ils ne cognoissent point, mais de quoy que ce soit, c'est pourquoy la femme dés qu'elle est accouchée, suiuant la coustume du païs, perce les oreilles de son petit en un, deux, trois, quatre ou cinq endroits, auec une aleine ou un os de poisson, non sans quelque compassion & apprehension de leur faire douleur, mais peur qu'attendant plus tard les maux leurs \* foient plus sensibles & insupportables, puis y met des tuyaux de plumes ou autre chose pour entretenir les trous, estant guéris ils y pendent des patinotres de porceleines ou autres bagatelles, & pareillement à fon col quelque petit qu'il foit.

Apres que toutes les petites ceremonies ont esté faictes à l'enfant nouueau né, on faict le festin || aux amis où la tarte & le bon vin n'est point espargné icy, ny le petun & la sagamité là. Mais pour l'imposition des noms, ils les donnent par tradition, c'est à dire, qu'ils ont des noms en grande quantité, lesquels ils choisssent & imposent à leurs enfans, aucuns desquels sont sans signification & les autres auec signification, qu'ils disent rarement à quiconque leur demande, car il sont autant retenus à dire leur propre nom, comme libres de dire celuy des autres.

Ie veux bien aduertir aussi les nouueaux François qui vont entr'eux que s'ils ne sont soigneux de leur dire leur propre nom dés leur arriuée, que les Sau327

uages ne manqueront pas de leur en imposer de ceux qu'ils croiront leur mieux conuenir.

A ce ieune garçon qui vint demeurer auec nous dans le païs des Hurons à cause qu'il estoit ieune, petit & fretillant, ils l'appellerent Auhaitsique, qui veut dire petit poisson. A un autre François un peu turbulant & leger de la main, ils luy donnerent le nom de Houaonton, qui signifie fascheux & querelleur. A moy ils m'auoient donné le nom de grand Chef de guerre, ie ne scay par quelle raison (car ie n'auois ny espée ny mousquet) sinon que ie n'aprehendois aucun peril ny danger, ou pour la recommandation des chefs de l'habitation, lesquels auoient de l'affection & du respect particulier pour moy qui estois le moindre de tous nos frères.

Après que i'eu sceu par le moyen du Truche-328 || ment Bruslé & du fieur du Vernet la fignification de ce nom nullement conuenable à un pauure frere Mineur, ie leur dis qu'il m'appelassent par mon propre nom Gabriel, comme ils faisoient mes deux autres confreres Iofeph & Nicolas, ce qu'ils firent, finon par les champs & parmyles autres nations qu'ils usoient du mot Garihouanne, grand Capitaine. On dit que les Roys du Péru, auoient accoustumé de prendre les noms des principaux animaux, des principales plantes ou des plus belles fleurs de leur païs, pour donner à entendre & s'instruire eux-mesme \* que comme ces choses excelloient par dessus celles de leur espèce, il falloit de mesme qu'ils parussent plus excellemment vertueux que tous les autres hommes du commun. Aussi ce nom que mes Hurons m'auoient imposé,

m'obligeoit à une plus exacte pratique de la vertu, non en paroles seulement, mais à la patience & à souffrir genereusement les choses qui contredisoient à mon esprit & desplaisoient à mes sens, car pour la guerre contre les hommes elle n'estoit pas de mon gibier.

I'ay cogneu un homme d'entr'eux qui se nommoit Onniannetani, qui veut dire ie suis empesché, un autre Tarhy, arbre, ie pensois au commencement qu'il voulait dire Tharé, le nom du pere d'Abraham, mais ie me mesprenois auec eux. Aucuns portent le nom de quelque animal, autres des montagnes, & valées, du vent, ou de quelque || partie du corps humain, & un qui s'appelloit Joseph, mais ie n'ay pû scauoir qui luy auoit imposé ce nom la, & peut estre que parmy un si grand nombre de noms qu'ils ont en usage, il s'y en peut trouuer quelqu'uns approchans des nostres, ou par rencontre ou a dessein.

L'on tient que nos Montagnais ont cela de particulier qu'ils imposent souvent deux noms à leurs enfans & quelquesois trois comme celuy qui sut nommé Mahican, Atic, Ouche, Loup, Cerf, Canot. Puis Choumin, Raisin, Atic, Crapaut, Petitchiouan, la Mer monte, Amiscouecan, Vieille robe de Castor, & plusieurs autres sortes de noms à la fantasie des parens, car aussitost est donné le nom d'un oyseau, ou d'une beste, à l'ensant comme d'une autre chose matérielle

ou impropre.

I'ay quelquesois ruminé en moy mesme d'où pouuoient proceder ou deriuer les surnoms de nous autres Chrestiens, veu qu'ils ne sont pas ordinairement en usage chez les Juis, Payens & Insidelles, desquels 320

pris naissance d'Eue & d'Adam, des Juifs ou des Gentils. & asseurement des enfans de Noël\*, & ay creu. que plusieurs ont esté imposez par le vulgaire, ou pour quelque action, ou pour quelque accident, & que 330 d'autres s'en sont imposez d'eux mesmes || prenans des noms de guerre, de ville ou de Seigneurie, enseuelissans par ce moyen le leur ancien, mais ie croy, & il ya bien de l'apparence que nos furnoms font pour la pluspart les noms propres de nos anciens parens auant qu'ils fussent faicts Chrestiens, ausquels on imposoit un nouueau nom au Sainct Baptesme, & le leur propre qu'ils auoient auparauant leur a feruy de surnom, qui est venu iusques à nous de pere en fils, ainsi que nous pratiquons encores de present enuers plusieurs de nos Canadiens conuertis, ausquels nous auons laissé leur ancien nom sauuage pour furnom.

Car que veulent dire la pluspart de nos surnoms, personne n'en sçauroit rien dire, non plus que des noms des Payens, & Sauuages dont nous ignorons les loüanges, ou bien il faudroit qu'eux mesmes nous en donnassent l'explication, car ils en ont peu sans signification, & si on considere de prés on trouuera que iamais nos anciens qui ont imposé les premiers noms aux hommes, n'en ont donné aucun sans consideration, & qui n'aye signifié quelque chose, comme i'ay dit, laquelle signification n'est point venuë iusques à nous.

Or le nom que nos Sauuages ont imposé à leurs enfans en la naissance leur reste tousiours, sinon que pour quelque occasion particuliere & remarquable on leur change, ou qu'on leur en adiouste encore un autre de vitupere ou d'honneur, comme i'ay dit en la || resurrection des valeureux Capitaines morts entre les neutres, où l'on faict reuiure leur memoire.

331

Nous auons appris du sieur Champlain qu'il y eut un Sauuage de sa cognoissance qui par consideration voulut changer son premier nom en celuy de Loup & Cerf, on luy en demanda la raison & pourquoy il auoit pris les noms des deux animaux si contraires, il respondit qu'en son païs il n'y auoit beste si cruelle que le loup, & animal plus doux que le cerf, & qu'ainsi il seroit bon, doux & paisible enuers un chacun n'estant point offencé, mais que s'il estoit outragé, il seroit furieux & vaillant, & ne pardonneroit à personne, non plus que le loup au cerf, quand il le tient arresté.

I'ay desia dit en quelque endroit de ce volume la force des semmes Sauuagesses, & comme elles accouchent sans grand trauail, du moins qui paroisse, mais ie repete de reches qu'elles sont admirables, car elles n'ont pas si tost mis un ensant au monde, qu'elles sont encores plustost sur pieds, vont au bois, vont à l'eau, & sont tout le reste de leur petit mesnage comme si de rien n'auoit esté, de se geindre point de nou-uelle, & de faire la delicate encore moins. On se rit plaisamment en France du caquet des accouchées, où toutes sortes de disserens discours s'estalent & se de-uident, car l'une y parle de son mary, & l'autre de sa seruante, du sour, & du moulin, & du marché, des halles. O mon Dieu quel || cliquetits, il n'y a que se plus spirituelles qui parlent un peu de Dieu mais en-

332

core fobrement, car la mode & les collets, la iuppe, & les fouliers ont là leur empire.

Un certain François fit un iour diuers interrogats à une ieune femme nouvellement releuée de ses couches, fur ce qu'elle n'auoit point paruë enceinte ny groffe, guere plus qu'à son ordinaire (c'est que i'ay admiré entre nos Huronnes), ne s'estoit point plainte. & n'auoit point gardé la chambre, comme font les femmes de France. A cela toutes se prirent à rire, disans que les Françoises estoient bien paresseuses, & auoient bien peu de courage que pour auoir mis un enfantau monde elles voulussent tenir le lict, elles deuroient tascher (dirent-elles) d'accoucher en Hyuer afin de faire comme les ours, qui se tiennent quatre ou cinq mois enfermez de peur du froid.

Et comme nostre frere Geruais estoit un iour aupres du Sauuage Napagabiscou malade dans sa cabane.

fortit d'aupres de luy la femme de ce bon homme pour aller faire ses couches à la cabane voisine, mais auec tant de prudence que personne ne s'apperceut de son incommodité, non pas mesme son mary, que le lendemain matin que sa belle-sœur apporta une petite fille que Dieu luy auoit donnée, de quoy ils furent tous estonnez car personne ne s'estoit apperceu de sa grossesse, ny le frere Geruais qui demanda à cette femme, 333 mais un peu trop simplement si cette || fille estoit d'elle, laquelle luy respondit en riant que ouy (car il n'y auoit que 4. ou 5. mois qu'elle estoit accouchée) & puis dit & quoy les femmes de France en ont elle \* fi fouuent, non dit le Religieux que d'année en année. & au plus de neuf en dix mois, mais il leur arriue

quelquesois d'en auoir deux d'une couche (pour moy i'ay esté une sois en un village, où une semme estoit accouchée de quatre garçons ayans tous vie). A cela elle fit un grand cry disant: Cheté: (car c'est leur saçon d'admirer) elles ressemblent donc aux semelles des eslans qui portent deux petits à la soys, iamais ie n'ay veu aucune semme de nostre Nation auoir deux ensans d'une couche. Ie croy qu'elle auoit quelque raison, car la chose arriue sort rarement entr'eux, neantmoins pendant que i'estois aux Hurons une sille en accoucha de deux, de quoy elle restoit toute honteuse, non d'auoir perdu sa virginité qui ne leur est point honorable, mais d'auoir fait un iumeau.

Entre les Montagnais ils ont cette coustume que perfonne ne se sert de vaisselles, calumets ou petunoirs de la nouuelle accouchée pendant le temps de 15. iours, tenant tout cela comme immonde, lesquels ils ne veulent mesme pas toucher, & les bruslent après ce temps là, ce qui sent fort de son honnesseté.

|| Du choix qu'il faut faire des nourrices. De la 334 nourriture & emmaillotement des enfans, comme ils font endurcis à la peine, & ne succedent point aux biens du pere.

## CHAPITRE XIX.

Donner une bonne & vertueuse nourrice à l'enfant, est le sait d'une mère sage qui y doit auoir l'œil, car

de la depend en partie sa bonne inclination, pour ce qu'il tient ordinairement plus du naturel de celle qui l'a alaicté, que de celuy qui l'a engendré, comme l'antiquité a tres-bien experimenté en Titus fils de Vespasian, & en plusieurs autres, lequel (ainsi qu'escrit Lampride) sut tout le temps de sa vie suiet à plusieurs maladies & infirmitez, à cause qu'il auoit esté baillé à nourrir à une nourrice suiette à maladie.

Mais le pis est qu'il demeure quelque impression & caractere auxames de cette vicieuse nourriture, comme le Grec escrit au second liure des Cesars, lorsqu'il fait mention de Calligula quatrieme Empereur de Rome: les cruautez & infamies duquel n'estoient imputées à pere ny a mere: mais à la nourrice qui l'alaicta, laquelle outre qu'elle || estoit cruelle & barbare d'ellemesme, encore frotoit elle quelquesois le bout de sa mamelle de sang, & le faisoit succer à l'ensant qu'elle allaitoit.

Si la nourrice est iurongne, elle prepare l'enfant à conuulsion & debilité, mesme le fera yurongne & comme on lit en la vie de l'Empereur Tibere, qui sur grand yurongne, parceque la nourrice qui l'alaictoit non seulement beuuoit excessiuement, mais elle seura l'ensant auec des souppes trempées à du vin.

Et voyla pourquoy le diuin Platon entre les Grecs & Lycurgue entre les Lacedemoniens ordonnerent & commanderent en toutes leurs loix, non seulement que toutes les femmes simples, mais les bourgeoises, Damoiselles & de moyen estat, nourrissent leurs enfans, & celles qui estoient Princesses & délicates au moins qu'elles nourrissent leurs enfans aisnez, à cause

335

comme i'ai dit, que l'enfant succe ordinairement l'humeur & l'inclination de la nourrice auec le laict de sa mamelle.

Ioint que comme dit le mesme Platon en son troisiesme liure des Loix, que iamais les enfans ne sont autant aimez des meres, comme quand elles les nourrissent de leurs propres mamelles, & que les peres les tiennent entre leurs bras, ce qui est vray semblable pour ce que la premiere amour en toutes choses est la plus vraye amour.

Plutarque au liure du regime des Princes || dit que 336 Thomiste sixiesme Roy des Lacedemoniens, mourant laissa deux enfans desquels le second herita au Royaume, pour ce que la Reynel'auoit nourry, & non le premier à cause qu'une nourrice l'auoit alaicté nourry & esleué. Et dece demeura la coustume en la pluspart des Royaumes d'Asie, que l'enfant qui ne seroit alaicté des mamelles de sa propre mere, n'heritast aux biens de fon propre pere.

Mais sans aller chercher des coustumes plus au loin: les anciennes femmes d'Allemagne tant louées par Tacite, d'autant que chacune nourrissoit ses enfans de ses propres mamelles, & n'eussent voulu qu'une autre qu'elle les eust alaictez, comme il se pratique encor de present en la pluspart des pays circonuoisins, qui se liberent par ce moven là entre les autres inconueniens susdits de receuoir un enfant pour un autre, ce qui est quelquefois arriué.

De cette loy se peuuent liberer sans scrupule, les femmes ausquelles la nature n'a point donné assez de force pour pouvoir supporter, & le iour & la nuice les

on peut auoir recours à une nourrice, non à la premiere venuë, mais à une fage & vertueuse, comme firent iadis deux certaines Dames bourgeoises, qui toutes deux firent choix d'une mesme nourrice, à laquelle elles donnerent à nourrir en diuers temps, l'une deux filles, & l'autre deux garçons laquelle nour- || rice sit apres le mariage entre ses quatre nourissons qui se marierent tous en un mesme iour, & sus prié du sestin, où ie n'allay point pour ce qu'ils estoient Huguenots. Mais on peut inferer que le mariage de ces quatre estoit un mariage bien fait, car ayans esté nourris d'une mesme mamelle ils pouvoient auoir succé une mesme humeur, ou du moins qu'il s'estoit attaché en leur nature ie ne scay quoy de fort approchant à la sa-

gesse & modestie de leur mere de laict.

Nos Sauuagesses sans autre loy que celle que la nature leur donne, d'aymer, nourrir & esleuer leurs enfans, puisque les animaux mesmes les plus seroces ont soin de leurs petits, les allaictent de leurs propres mamelles, & n'ayans l'usage ny la commodité de la bouillië, elles leur baillent des mesmes viandes desquelles elles usent, apres les auoir bien maschées, & ainsi peu a peu les esleuent. Que si la mere meurt auant que l'enfant soit seuré, le pere, ou à son désaut une autre personne, faict bouillir du bled d'Inde dans un pot de terre, puis en tire l'eau, laquelle il prend peu à peu dans sa bouche & la ioignant à celle de l'enfant luy fait aualler cette eau, qui luy sert de laict & de bouillie, ie l'ay veu ainsi pratiquer à plusieurs & particulierement enuers le petit

de nostre Sauuagesse baptisée, duquel le pere auoit un soin si particulier qu'il ne le negligeoit en rien, & luy faisoit aualler luy mesme de cette eau, ou boüillon.

|| De la mesme inuention se servent aussi les Sauuagesses pour nourrir les petits chiens que les meres ne peuvent engraisser, ce que ie trouvois sort salle & vilain, d'ainsi ioindre à leur bouche le museau des petits chiens, qui ne sont pas souvent sort nets.

En quelque prouince de nostre Inde occidentale, on n'emmaillotte point les enfans, peur de les rendre courbez ou contrefaicts par cet empressement, ce seroit neantmoins les mettre en un grandissime peril, n'estoit qu'on les couche dans des lits suspendus en l'air, comme sont nos Canadiens, d'où ils ne peuvent tomber ny sortir.

Mais nos Huronnes qui n'ont point l'ufage du berceau, ny de ses lits suspendus, emmaillottent leurs petits enfans durant le iour dans des peaux sur une petite planchette de bois de cedre blanc d'enuiron deux pieds de longueur ou peu plus, & un bon pied de largeur, où il y a à quelqu'uns un petit arrest, ou aiz plié en demy rond attaché au-dessous des pieds de l'enfant, qu'ils appuyent contre le plancher de la cabane, ou bien elles les portent promener auec icelles derriere leur dos, auec un collier ou cordelette qui leur pend sur le service leur dos, presque debouts, la teste en dehors, qui regarde des yeux d'un cossé & d'autre par-dessus les es- || paules de celle qui le porte.

Lorsque l'enfant est emmaillotté sur la petite planchette, ordinairement enioliuée de matachias & chap338

339

pelets de pourceleine, ils luy laissent une ouuerture deuant la nature, par où il faict son eau, & si c'est une fille, ils y adioustent une fueille de bled d'Inde renuersée, qui fert à porter l'eau dehors, sans que l'enfant foit gastée de ses eauës, ny falle de ce costé là laquelle inuention est pratiquée par les Turcs mesmes, mais plus commodement, car i'en ay veu un modelle. Ils font un pertuis au berceau au desfous du siege de l'enfant qui est descouuert, & appliquent un tuyau courbé à la nature, lequel passant entre les iambes de l'enfant, respond à ce trou du berceau, sous lequel ils tiennent un petit pot qui recoit les excremens l'urine, & par ce moyen rend les enfans toufiours nets & mieux fentans que ceux d'icy, d'ou ie conclus que pour ce regard on deuroit les imiter, particulierement les pauures gens qui ont faute de linge, d'estosses & d'habits.

Les Sauuagesses comme elles n'ont iamais eu l'usage du linge, ny la methode d'en faire, encore qu'elles ayent du chanure assez, ont trouué l'inuention d'un duuet fort doux de certains roseaux, sur lesquels elles couchent leurs enfants fort mollement, & les nettoyent du mesme duuet, ou auec de la poudre de bois fec & pourry, & la nuict venuë, elles les couchent fou-340 uent || tout nuds entre le pere & la mere, ou dans le fain de la mere mesme, enueloppé de sa robe pour le tenir plus chaudement, & n'en arriue que tres-rarement d'accident.

Les Canadiens & presque tous les peuples errants fe seruent encore d'une pareille planchette pour coucher leurs enfans, qu'ils appuyent contre quelque ar-

bre ou l'attachent aux branches, mais encore dans des peaux sans planchette, à la maniere qu'on accommode ceux deça dans des langes, & en cest estat les posent de leur long doucement dans une peau suspenduë en l'air, attachée par les quatre coins aux bois de la cabane, comme sont les lits de roseau des Mattelots sous le tillac des Nauires, & s'ils veulent bercer l'enfant, ils n'ont qu'à donner un bransle à cette peau suspenduë, laquelle se berce d'elle-mesme.

Les Cimbres auoient accoustumé de mettre leurs enfans nouueaux naiz parmy les neiges, pour les endurcir au mal, & nos Gaulois au contraire les delicatent le plus qu'ils peuuent, pour les rendre fluets & mal sains, de sorte que s'ils sentent un peu de vent, de chaud ou de froid plus qu'à l'ordinaire, tout est perdu, voyla un enfant malade, il faut le Medecin, il luy faut ouurir la veine, cette viande ne lui est pas propre, gardez vous du bruit, & pour petit qu'il foit, on fait de son estomach une || boutique d'Apoticaire, & 341 d'où vient cela, ce qu'ils sont trop mignardez, & nais de parens fluets, car on ne voit point tant d'infirmitez aux enfans villageois non plus qu'à ceux de nos barbares qui n'v apportent point tant de facon. Bon Dieu que d'abus & de fottife il y a parmy de certaines maisons des grands, vous diriez proprement ales voir faire, & à les entendre qu'ils ont un autre pere qu'Adam, qu'ils ne font point de la mesme nature des autres hommes, & qu'ils auront un Paradis à part, ouv & tel qu'ils l'auront fabriqué par leurs œuures.

Nos Sauuagesses imitans les Cimbres esleuent leurs enfans le moins delicatement qu'il leur est possible, &

les laissent non seulement trotter & courir nuds à quatre pieds par les cabanes, sans ayde ny conduite de personne; mais estans grandelets ils se veautrent, courent & se roullent dans les neiges, & parmy les plus grandes ardeurs de l'Esté, sans en receuoir aucune incommodité, de quoy ie m'estonnois fort, & de ce que mettant quelquefois un petit morceau de fucre dans la bouche des petits enfans ils me suiuoient à quatre pieds, comme petites bestioles, dans les plus grandes rigueurs de la faison. Et de là vient qu'ils s'endurcisfent tellement au mal, & à la peine, qu'estans deuenus grands, vieils & chenus, ils restent touiours forts & robustes, sans ressentir presque aucune indisposition, tes, qu'elles s'accouchent fouuent d'elles-mesmes,

342 & || mesmes les femmes enceintes sont tellement forcomme elles m'ont dit, & n'en gardent point la cabane pour la pluspart. I'en ay veu arriuer de la forest chargées d'un gros faisseau de bois qui accouchoient dés aussi tost qu'elles estoient arriuées, puis au mesme instant sus pieds, à leur ordinaire exercice.

Et pour ce que les enfans d'un tel mariage ne se peuuent asseurer legitimes, ils ont cette coustume entr'eux, aussi bien qu'en plusieurs autres endroits des Indes occidentales, que les enfans ne fuccedent point aux biens de leur pere; mais ils en font succesfeurs & heritiers, les enfans de leurs propres fœurs, lesquels ils font affeurez estre de leur sang & parentage, & par ainsi les hommes sont hors du hazard d'auoir pour heritiers les enfans d'autruy bien qu'ils fussent de leurs propres femmes.

En suitte de cela il y en a qui pourroient douter

que les peres eussent de l'amitié pour leurs enfans, n'estant point asseurez qu'ils sussent de leur faict, ou non, mais ie vous asseure encor une fois, qu'ils les tiennent si cher, & en sont tant d'estat qu'ils ne les voyent pas à demy, leur donnent toute la liberté qu'ils veulent & ne les reprennent pour faute aucune, car de chastiment il ne s'en parle point, c'est pourquoy il ne saut pas s'estonner si estans grands ils se portent si facilement au vice, puisque dans || les samilles Chrestiennes & Religieuses, où la correction & le chastiment manque\* à la ieunesse, on n'y voit que desordre, qu'ambition & presomption d'esprit, auec plus d'excez de beaucoup que dans les familles sauuages les plus barbares, & esloignées de la cognoissance de Dieu.

Il faut que ie m'explique & dise (pour ne condamner les innocens auec les coupables) que s'il y a un grand nombre d'enfans Sauuages mal-sages, & vicieux, & fans le respect deu à leurs parens, il y en a un autre grand nombre qui font mieux. Car outre qu'ils n'ont pas tant de legeretez pueriles, comme beaucoup d'enfans par deça, ils sont doüez d'une petite grauité si iolie, & d'une modestie naturelle si honneste, que cela les rends \* extremement agreables & amyables, de forte que ie prenois un fingulier plaisir de leur enseigner les lettres & de les instruire en la Loy de Dieu, selon qu'ils en estoient capables; aussi en auions nous toufiours plufieurs dans nostre cabane, où nous leur donnions facile accez, aux heures qui ne nous estoient point incommodes, & non sans quelque difficulté aux mauuais garcons, pour les obliger à imiter les bons.

343

Nous en aujons pratiqué cinq ou six de tres jolys. beaux, & d'un fort bon esprit pour les amener en France, auec le consentement de leurs peres & meres, mais quand || il fut question de partir, cet amour si tendre des meres & le reciproque des enfans enuers elles, tira tant de larmes des yeux des uns & des autres qu'en fin elles esteignirent cette premiere deuotion, par un ouy dire qu'on foüettoit, qu'on pendoit & qu'on faisoit mourir les hommes entre les Francois, fans discerner l'innocent du coupable, doctrine qui leur auoit esté donnée par le Huron Sauoignon, laquelle nous empescha du tout d'en pouuoir amener aucun quelque promesse que leur fissions d'un bon traictement & de les ramener en leur pays dans dix huist ou vingt Lunes, qui sont un an & deiny de temps, car il ne se pouuoit à moins.

De l'instruction de la ieunesse & des exercices ordinaires des enfans.—De la dissolution des François.—Et d'une certaine Nation où l'on couppe le né des filles mal viuantes.

## CHAPITRE XX.

Ce grand Empereur Marc-Aurelle, que pleust à Dieu qu'il eust esté chrestien, il ne luy eut rien manqué digne d'un Prince egallement puissant & ver345 tueux, || discourant un iour auec son amy Pullion du soin que les anciens Romains auoient d'instruire

leurs enfans dans la vertu & l'habitude des bonnes mœurs, dit de luy-mesme ces parolles dignes à la verité d'estre grauées & burinées sur le cœur de tous ceux qui ont à gouverner la ieunesse & les esprits encore tendres, dans la vertu.

Mon pere Anne Vere, fut en cas autant digne de louange, comme ie suis digne de reprehension: car moy estant ieune enfant, iamais ne me laissa dormir en list, affoir en chaire, boire ny manger auec luy à fa table, & si n'osois hausser ny leuer la teste ny les yeux pour le regarder en face, & pour ce fouuent me disoit: Marc mon fils, i'ayme trop plus que tu sois vertueux & honneste Romain, que Philosophe superbe & dissolu, car celuy là est indigne de viure & de paroistre entre les hommes qui n'ensuit la vertu, laquelle les Dieux mesmes recompensent dans le ciel, & les hommes honorent fur la terre.

Puis poursuiuant son discours disoit: anciennement les enfans des bons tettoient iusques à deux ans, iusqu'à quatre viuoient en leur appetit & volonté, lisoient iusques à six & estudiaient en grammaire iusques à dix, puis deuoient prendre office ou mestier, selon qu'ils se sentoient appelés ou destinés, ou s'adonnerà l'estude, ou aller aux exercices de la guerre, de maniere que parmy Rome ils n'alloient oisifs ny vagabonds, veu mesmes qu'ils auoient des Maistres & Precepteurs vieils & tellement fa- || ges & prudens, que 346 leur seule presence sans mot dire, estoit capable de les maintenir dans leur deuoir & conseruer dans la vertu.

l'ay estudié, dit ce bon Prince, en grammaire auec un Maistre qui s'appelloit Euphermon, il auoit la teste

toute blanche de vieillesse, il estoit fort moderé en parler, en discipline fort rigoureux, & en la vie treshonneste, pour ce qu'en Rome y auoit une Loy que les Maistres des enfans fussent fort anciens, de maniere que si le disciple auoit l'aage de dix ans, le Maistre deuoit passer cinquante. Et ce qui faict qu'à present on voit si peu d'enfans sages & modestes, c'est pour ce que les Maistres sont eux-mesmes ieunes & sans vertu & ont encore moins d'experience; c'est pour quoy on ne doit trouuer estrange si on ne leur obey pas toufiours en choses iustes & licites, puis qu'en imprudens & peu experimentez, ils commandent souuent choses iniustes, où \* par une maniere trop precipitée s'emportent au gré de leurs passions à la moindre mousche qui les picque, pensans par là se faire estimer bon conducteur de la discipline & du bon gouvernement, en mesme paralelle de ceux qui pour estre maintenus tollerent les choses qu'ils deuroient corriger. Car les commandemens iustes & bien digerez, en-

miner, font les cœurs doux, fouples & debonnaires, comme au contraire, les commandemens iniustes ou mal-faicts, tournent & conuertissent les hommes humbles & doux, en personnages durs & austeres, comme 347 || l'experience nous l'a faict voir maintesois, & dans les Religions les plus austeres mesmes, où la voye de la douceur est tousiours employée la premiere, puis la verge si elle ne suffit.

core qu'il n'appartienne pas aux disciples de les exa-

Il est vray que nous voyons souuent des peres, estre cause de la perte de leurs enfans, & de la corruption

de leurs mœurs, par les mauuaises habitudes qu'ils leur laissent prendre en leur bas aage. Car les uns font gloire de les nourrir dans les delicatesses & les delices, & leur souffrent de faire tout ce qu'ils veulent comme s'ils estoient enchantez des merueilles imaginaires de leur esprit&de leur beauté, sans se mettre en peine de ce qui en arriuera quand ils seront grands. Les autres tout au contraire les esleuent auec trop de rigueur, comme aux maisons des mecaniques, & ceux cy les perdent encore; car comme par une excessiue delicatesse, les forces du corps & de l'esprit s'affoiblisfent, aussi par un chastiment trop rude, ils deuiennent si hebetez qu'ils perdent souvent toute esperance d'apprendre, & font en des apprehensions continuelles, qui les empeschent de faire rien de viril, de maniere que pour les rendre tels qu'ils doiuent estre, il n'est rien meilleur que tenir un milieu entre la douceur & la seuerité, afin qu'aux occasions ils soient tousiours discrets & sages, & apprennent sans timidité.

Or que ce milieu dans lequel consiste la vertu soit pratiqué par nos Sauuages enuers leurs enfans, il y a apparence qu'ils n'y manquent pas en toutes choses, bien qu'ils leur souffrent | les desobeissances, & de 348 manquer au respect qu'ils doiuent à leurs parens. l'en av veu de bien sages, i'en av veu de bien fols & temeraires, mais cela venoit de l'instinct & inclination de leur propre nature, à laquelle ils adherent, & non de l'instruction & conduite de leurs parens, lesquels les laissent viure dans toute sorte de liberté, la bride sur le col & sans chastiment comme ils ont esté eux-mesmes esleuez fans correction, car les Sauuages n'en scau-

roient sousserie à leurs enfans, & de vérité ils n'en meritent souvent pas tant que ceux d'icy, pour ce qu'ils ont moins de malices & moins d'instructions.

S'ils ne scauent que c'est d'estre rudovez & seuerement reprimandez, ils n'experimentent non plus de delicatelles & font esleuez fort austerement. De ses petites mignardifes & careffes que les peres & meres traictent icy leurs enfans, on ne scait que c'est aux Canadiens, car ils ayment d'une amitié plus cachée que descouuerte, & plus virilement que sensuellement, & par cette maniere de gouvernement l'on peut iuger comme i'ay des-ia dit, que nos Canadiens tiennent quelque chose du milieu en la conduite de leurs enfans, & mesme nos Montagnais, lesquels ne font autre reprimande à leurs petits garçons quand ils crient, que de leur dire: Et quoy ne veux tu pas te taire, ie te dis que tu ne tueras point d'Ours, d'Eslans, ny de Castors. & si tu te tais tu en tueras. Et aux filles ils leur difent feulement: Cheté ega maché, arreste-toy, ne crie pas, & rien plus.

349 || Leurs exercices ordinaires, particulierement des ieunes garçons n'est pas de bien employer le temps, ny d'apprendre mestier, car il n'yen point entre nos Canadiens & Hurons, où chacun mesnage faict de luymesme ce qui luy est conuenable & necessaire, soit à coudre, à filler, faire des pots de terre, & toute autre ouurage & action de mestier qui leur faict besoin; mais nos ieunes Hurons s'exercent principallement à tirer de l'arc en quoy ils se rendent sort adroits, à darder la sleche, qu'ils sont bondir & glisser droict superficiellement par dessus le paué, iouer auec des bastons cour-

bez qu'ils font couler par dessus la neige & crosser une bale de bois leger comme l'on faict par-deça. Apprendre à ietter la fourchette auec quoy ils herponnent le poisson entre les enfans des Quiennontateronons, & darder l'espée entre nos Montagnais, par le moyen d'un baston au bout duquel ils attachent une aleine, qu'ils eslancent contre un but, puis à beaucoup d'autres petits ieux & exercices de recreation, qui ne les empechent pas de se retrouuer à la cabane aux heures des repas, & lorsqu'ils ont faim d'aller griller du bled.

Que si une mere prie son fils d'aller querir de l'eau, du bois, ou faire quelque autre semblable service du mesnage, il luy respond que c'est un ouurage de fille & n'en faict rien: que si parsois nous obtenions d'eux de semblables services, c'estoit à condition qu'ils auroient tousiours entrée en nostre cabane, ou pour quelque espingles, plumes ou autre petite chose à se pall rer, de quoy ils estoient fort contans & nous aussi, pour ces petits & menus services que nous en recetuions.

350

Il y en auoit pourtant de malicieux, qui se donnoient le plaisir de couper la corde qui soustenoit nostre porte en lair\*, & puis estant tombée nioient absolument que ce sussent eux, ou bien prenoient la suite, car ils n'aduoüent iamais guere leursaute s'ils ne sont attrapez sur le fait ou que l'on ne leur conuainque l'esprit par raisons. C'est une petite vanité qui n'est pas blasmable en eux, comme elle pourroit estre en des chrestiens de vouloir estre estimé meilleur qu'on n'est, c'est neantmoins la persection du iourd'huy, car qui voyons nous qui vueille fouffrir le mespris qu'il merite, ou d'estre estimé pour tel qu'il est, personne, car le monde ne veut point de ces pratiques là, on la laisse pour les Cloistres, encore y est-elle souuent bien mal traictée & encores plus mal receuë, par ceux qui deuroient monstrer l'exemple aux autres.

Il y en a qui veulent bien estre estimez pour tels qu'ils sont, non par vertu, mais par imprudence, & font voir eux mesmes à descouuert l'impersection & malice de leur esprit, de laquelle ils veulent tirer gloire, mais gloire qui leur tournera à consusson deuant Dieu.

De mesme que les petits garçons ont leur exercice

particulier, & apprennent à tirer de l'arc les uns auec les autres, si-tost qu'ils commencent à marcher, on met aussi un baston entre les mains des petites fillet-351 tes, en mes- | me temps qu'elles commencent à se fortifier, pour les stiller & apprendre de bonne heure à piler le bled, qui est leur exercice plus rude, & estans grandelettes elles iouent aussi à diuers petits ieux auec leurs compagnes, & parmy ces petits ébats on les dreffe encore doucement à de petits & menus seruices du mesnage, & aussi quelquesois (chose deplorable) au mal qu'elles voyent commettre deuant leurs yeux, qui faict qu'estans grandes elles ne valent rien pour la pluspart & font pires (peu exceptées) que les garçons mesmes, se vantans souuent du mal, qui les deuroit faire rougir & qu'elles n'ont pas commis pour se faire rechercher & admirer comme valeureuses desbauchées.

Les Montagnaites apprennent aussi ce qui est du mesnage, à faire les robes, les raquettes, les escuelles

ustencilles, vaisselles & autres petites ioliuitez, peindre & faire des franges aux robes, & nagent comme canars. le louë Nostre Seigneur de ce que les Huronnes prenoient d'affez bonne part nos reprimandes. & qu'à la fin elles commencoient d'auoir de la retenuë & quelque honte de leur dissolution, n'osans plus que fort rarement user de leurs impertinentes parolles en nostre presence, & admiroient en approuuant l'honnesteté que leur disions estre aux filles de par-deça, ce qui nous donnoit esperance d'un prochain amendement de vie, si les François qui estoient montez auec nous par une malice effrenée, ne leur eussent dit le contraire, diffamans & taxans meschamment l'honneur & la pudicité des femmes & filles de leur || païs. 352 pour pouvoir continuer auec plus de liberté leur vie infame & mauuaise, tellement que ceux qui nous deuoient seconder & seruir par bons exemples, à l'inftruction & conuersion de ce peuple, estoient ceux-là mesmes qui nous empeschoient, & destruisoient le bien que nous allions establissant. Il y en auoit neantmoins quelqu'uns de tres-honnestes & discrets, lesquels s'ils faisoient du mal, il ne venoit pas à nostre cognoissance, & n'esclatoit point en publique\*.

Tous les peuples infidelles & barbares, ne sont point neantmoins tous tellement abrutis dans le mal & si plongez dans l'horreur du vice, qu'il ne s'y en trouue encore quelqu'uns, qui observent les loix de l'honnesteté & plus rigoureusement que les chrestiens mesmes, bien que les premiers n'ayent aucune loy, qui leur defende le mal & les derniers ayent les deffences expresses du Createur de ne le commettre pas.

L'un de nos François nommé Crenole, ayant esté à la traicte du costé Nord, en une nation esloignée enuiron cent lieuës des Hurons, tirant à la mine cuiure. nous dit à fon retour y auoir veu plusieurs filles, aufquelles on auoit couppé le bout du nés felon la couftume du païs, pour auoir faict bresche à leur honneur (bien opposite & contraire à celle de nos Hurons & Canadiens, qui leur permet toute liberté), & nous affeura de plus auoir veu ces Sauuages, faire quelque forme de priere auant que prendre leur repas : qui 353 estoit un preiugé, qu'ils || recognoissoient & adoroient vrayment quelque diuinité, à laquelle ils rendoient aussi action de graces aprés leur repas. Cette disposition nous fit conceuoir un grand desir d'y aller, si Dieu par sa diuine prouidence n'en eust autrement ordonné, me renuoyant pour affaires en Canada, & de là en France pour Paris.

De l'excellence de l'escriture. Des principes que nous en donnions aux enfans Hurons, de leur langue & de celles des Canadiens.

## CHAPITRE XXI.

Entre toutes les choses plus admirables du monde, l'escriture est digne d'estre de tres-grande admiration. Premierement pour son premier Autheur qui a esté Dieu mesme, secondement pour son utilité, Dieu en a esté le premier Autheur, comme les parolles qu'il tint

à Moyse nous l'apprennent : Monte dit le Seigneur, & vien me treuuer sur la montaigne, là ie te bailleray deux tables de pierre: la Loy & les commandemens que i'ay escrits, afin que tu les enseignes aux fils d'Ifraël. Ce que Dieu auoit escrit estoit engraué dans les tables que Moyse rompit puis aprés émeu de colere, lorsqu'il trouua les enfans d'Israël idolatrans aprés le veau d'airain.

Il Depuis Dieu fit commandement à Moyse de re- 354 nouueller les tables, & d'escrire ce qui estoit contenu en celles qui estoient rompuës, si bien que nous voyons par là, que c'est Dieu qui est Autheur de l'escriture, & que Moyse a esté le premier entre les hommes, qui

a escrit, vovons de l'imprimerie.

L'inuention de l'imprimerie en Europe, comme tient la commune opinion, a commencé en l'an de grace 1438, & est attribuée à un Allemand appellé Jean Guttemberg, & le premier moule dont on imprima se fit en la ville de Mayence en Allemagne, duquel lieu un autre Allemand nommé Conrad en porta l'inuention en Italie, & que le premier liure qui s'imprima, ce fut un œuure de S. Augustin lequel est intitulé De la Cité de Dieu.

Mais les Chinois peuples inuentifs & des mieux polissez de la terre, s'attribuent auec quelque apparence de raison, l'honneur d'en auoir esté les premiers inuenteurs, & que les peuples Germaniques ne l'ont sceu qu'aprés eux, ou appris de quelqu'un d'eux. De mesme ils s'attribuent l'honneur d'auoir esté les premiers inuenteurs de l'artillerie, car elle ne commenca en Europe qu'en l'an 1330, par l'industrie d'un Alle-

mand. Munster en sa Cosmographie liu. 7. dit en l'an 1354, par un Moine Allemand nommé Bertholde Sohonores.

A la verité on ne scauroit assez loüer l'inuention & l'utilité de l'Escriture, puis qu'un Dieu en a esté le premier Autheur, & que d'elle dépend la principale 355 science des hommes, mais || pour ce qu'elle ne s'apprend qu'auec peine & un grand temps, peu de Hurons s'y vouloient adonner, & se contentoient de conter les fueillets de nos liures, & d'en admirer les images auec tant d'attention qu'ils perdoient tout autre soin, & eussent passé les iours & les nuicts entiers qui les eut laissé faire, mais un si frequent maniement de nos liures, qu'ils demandoient à voir à tout moment les uns aprés les autres, principallement la S. Bible pour sa grosseur & ses images les perdoit & rendoient \* tout frippez.

Nous auions commencé d'enseigner aux enfans les lettres & l'escriture, mais comme ils sont libertins & ne demandent qu'à iouer & se donner du bon temps, ils oublioient en trois iours ce que nous leur auions appris en quatre, saute de continuer & nous venir retrouuer aux heures que leur auions prescrites, & pour nous dire qu'ils auoient esté empechez à iouer, ils en estoient quittes, sans autre plus grande ceremonie, aussi n'estoit il pas encore à propos de les rudoier ny reprendre autrement que doucement, & par une maniere affable les admonester de bien apprendre une science qui leur deuoit tant profiter à l'aduenir, s'ils s'y addonnoient auec soin, plaisir & contentement.

Il y auoit des hommes qui nous demandoient d'ap-

prendre le François auec eux, mais comme en toute leur langue il ne se trouue aucune lettre labialle, ny les uns ny les autres n'en pouuoient prononcer une seule que tres difficillement. Pour dire P. ils disoient T. pour F. S, & || pour M. N. &c., & par ainsi il 356 leur eut esté comme impossible de la pouuoir apprendre dans leur païs (i'entends les personnes aagées) qu'auec une grand longueur de temps & des peines indicibles, & fuis affeuré qu'un ieune garcon Huron s'efforca deux ou trois cens fois pour pouuoir prononcer la lettre P & ne pû iamais dire que T, car voulant dire Pere Gabriel il disoit T. Auiel.

Les Montagnais non plus que les Hurons, n'ont pas tant de lettres en leur Alphabeth, que nous en auons au nostre, car ils n'ont point les lettres F. L. V. ils prononcent un R au lieu d'un L. ils prononcent un P. au lieu d'un V. & ont plusieurs autres obseruations en leur langue qui ne peuuent estre conceues que par ceux qui ont l'usage de ladite langue, mais elle est telle que les enfans qui ont la langue assez bien pendue prendroient bien-tost nostre prononciation si on les instruisoit. & encores assez facilement les Hurons, car les deux qui furent enuoyez en France il y a quelques années, dont l'un nommé Sauoignon est retournéen son païs, & l'autre nommé Louys est resté à Kebec, s'y font formez, particulierement le petit Louys, car pour l'autre il n'a iamais esté bien scauant, aussi estoit il plus aagé & moins apte pour apprendre que le dernier qui estoit plus ieune & gentil.

Il faut que ie vous die de ce Sauuage ce petit mot en passant, que tous les Hurons l'estimoient menteur.

lorsqu'il leur racontoit les merueilles qu'il auoit veues en nostre Europe, comme en effect il y a des choses 357 qu'ils cro- || yoient impossible, comme un carosse attelé de six & huict cheuaux, un orloge sonnant & beaucoup d'autres choses, que nostre tesmoignage leur sist croire faisable.

Ce bon Sauuoignon se resouuenoit bien de la bonne chere qu'il auoit fait en France & s'en vantoit par tout, neantmoins il ne luy print iamais enuie d'y vouloir retourner, iusques à un certain iour qu'ayant receu mescontentement de sa compagne, il print resolution de s'en vouloir retourner & demandoit à nos François s'il y pourroit auoir une semme pour trois Castors, encor croyoit il la mettre à bien haut prix, ce qui nous donna plus de compassion que d'enuie de rire.

Ces fimplicitez particulieres n'empechent pas, qu'il ne fe trouue des gens d'esprit entr'eux, & qu'on n'en puisse faire quelque chose de bon, car il n'y a que la politesse qui leur manque, & si nous eussions esté encore deux ans dans le païs, ie croy que nous en eussions rendu d'auancez aux lettres & de bien instruicts en la soy, car les hommes comprenoient assez bien, & les ensans tenoient gentiment la plume.

Tous ces commencemens feruiront de beaucoup à ceux qui iront aprés nous trauailler en ceste vigne, car la chose plus difficile est faicte & les principales pieces esbauchées, il n'y a plus qu'à les polir quelles ne soient parfaictes. Le scay bien que les derniers ouuriers sont tousiours assez peu d'estat du trauail des premiers & y trouuent souuent à redire. Ce sont maladies natu-

relles qui naissent auec || l'homme, lesquelles il faut 358 excuser & non point condamner, puisque Dieu seul est Juge de nos actions.

Les langues ne se sçauent pas sans sautes, qu'aprés une grande pratique & longue experience, à la Françoise mesme personne ne se dit parsaict tant elle est changeante & suiette à la caprice\* des hommes, qui inuentent tous les iours des mots nouueaux, ou une nouuelle saçon de prononcer, de sorte que l'ancien Gaulois semble auiourd'huy un langage estranger comme le sera à cent ans d'icy, celuy duquel on use pour le iourd'huy.

Dés la France i'auois une grande inclination pour les langues fauuages, afin qu'en y profitant ie puisse aprés profiter aux ames, & en auois des-ia assemblé une quantité de mots, mais pour ne les sçauoir prononcer à la cadence du païs, à la premiere rencontre que ie sis des Montagnais, pensans baragouïner, ie demeuray muet, & eux auec moy.

Marry que i'eu perdu & ma peine & mon soin, auec toutes mes estudes que i'auois faictes sans autre maistre que du petit Patetchouan, ie m'adressay au truchement Marsolet pour en auoir quelque instruction, mais il me dit franchement dedans nostre barque à Tadoussac qu'il ne le pouuoit nullement & que ie m'adressasse à un autre; ie luy en demanday la raison il me dit qu'il n'en auoit point d'autre que le serment qu'il auoit faict de n'enseigner rien de la langue à qui que ce fut.

Me voyla donc esconduit, & ne me rebute || pas 359 pour tant, ie le prie derechef de m'apprendre quel-

que \* mots de ce langage, puisqu'il n'y en auoit point d'autre plus capable que luy, & que ie le seruirois en autre occasion, mais il continuë en son refus, ne voulant pas, disoit-il, sausser son serment & faire rien contre ses promesses, neantmoins à la fin il me lascha ces deux mots Montagnais Noma kinistotatin, qui veulent dire en François, non ie ne t'entend point, car en Huron il faudroit dire: Danstan tearonea. Voyla tout ce que ie pû tirer de luy auec toute mon industrie, & croy que tout son plus grand serment estoit de se rendre necessaire, & de ne laisser empieter personne sur son office, mais c'estoit mal prendre ses mesures que de s'adresser à nous, qui n'estions pas pour luy nuire.

Ce peu que i'en ay sceu davantage, ie l'ay appris de nos Religieux de Kebec, des Montagnais & d'un petit dictionnaire, composé & escrit de la propre main de Pierre Anthoine nostre Canadien, que i'ay creu d'autant plus asseuré, que ce Sauuage là faict auant qu'auoir perdu les Idées de sa langue, & s'il est fautis en quelque chose, c'est en la mesme maniere que ie le suis en la langue Françoise, en comparaison d'un Orateur disert, car il y a le bon & le mauuais Montagnais, comme le bon & le mauuais François, duquel i'ymite le dernier pour ne pouuoir faire mieux.

Toutes les langues de la Nouuelle France se peuuent reduire en deux principales: à sçauoir Huronne & Canadienne. La Huronne comprend presque tou-360 tes celles qui courent, les nations se- || dentaires & quelqu'unes des errantes, comme les Houandates, les Quieunontateronons, Sontouhouethonons, Attiuoindarons, Affiftagueronons, & autres des contrées de la mer douce, lesquelles toutes ensemble peuuent contenir enuiron 3. ou 4. cens mille ames en 200. lieuës de païs, qui feroient une belle Prouince si elles estoient possedées par un seul Prince Chrestien, car pour le iour d'huy les montagnes, les sleuues & les riuieres, ne seruent point de limites ny de bornes aux Prouinces & Regions, ains les langues & les Seigneuries, & se dit une Prouince ou Region auoir autant d'estenduë comme la langue d'icelle est parlée & entenduë en icelle.

La Canadienne comprend presque toutes les nations errantes, qui tiennent depuis l'embouchure du grand sleuue S. Laurens, iusques au païs des Hurons, parmy lesquelles nous comprenons les Almouchiquois, Montagnais, la petite Nation. Les Sauuages de l'Isle, les Ebicerinys & generalement les Algoumequins & autres nations errantes, qui se rencontrent dans l'estenduë de plus de 350. lieuës de païs, qui ne peuuent faire en tout à mon aduis 50. ou 60. mille ames au plus, & tous errants & vagabonds comme i'ay dit.

Il demeure donc constant que nous n'auons que deux langues principales dans toute l'estendue de nostre Canada & que tout tant qu'il y en a \* deriuent de l'un de ses deux, & n'y a autre disserence que du Gascon ou du Prouençal au François, car encor bien qu'il y ait un Truchement particulier pour les Montagnais, un autre pour les Sauuages de l'Isle, & un pour les Ebicerinys, || si est-ce que c'est tousiours une mesme langue, & n'y a autre disserence que celle que ie vien de dire, qui est assez anatmoins pour obliger d'auoir

361

partout des Truchemens diuers, tant pour n'ignorer rien des langues, & d'une infinité de mots qu'ils ont de differens les uns des autres, que pour maintenir les François en l'amitié de ses peuples, & attirer leurs castors en procurant leur salut.

On dit qu'il y a en quelque contrée des Indes, une Nation dont les hommes ont un langage particulier & les femmes un autre, fans qu'il leur foit loifible d'ufer de celuy de leurs marys, il n'en est pas de mefme entre nos Nations Canadiennes, mais entre toutes il me semble que les femmes Ebicerinyennes parlent le plus delicatement & mignardement, elles ont un petit bec affilé dont vous diriez que les paroles leur partent du bout des leures, & ce qui en est plus admirable est, qu'elles coulent de suitte sans hesiter ny reprendre haleine, & si doucement qu'à peine leur voyez-vous ouurir les leures en leurs petits entretiens & esbats.

Ie m'estonnois mesme comme elles se pouuoient entendre & le Truchement Richer comprendre ce qu'elles disoient, car pour moy, il faut que i'aduouë qu'il m'eust esté bien difficile de m'y rendre sçauant.

I'en voulu faire l'experience au pays des Hurons, où elles estoient venuës hyuerner auec leurs marys, 362 & en receu des leçons du || Truchement que i'estudiay quelque temps ensemble, auec le Montagnais & mon Huron, mais ne m'y pouuans aduancer pour en auoir trop entrepris à la fois, ie sus contraint de quitter les deux premiers \* & vaquer seulement à la derniere, car en pensant parler d'une i'y entremellois des

mots de l'autre, ie courois apres trois lieures & n'en prenois aucun.

Et pour vous monstrer qu'en effet il y a beaucoup de periodes qui ne se rapportent point aux langages des Montagnais & Ebicerinys non plus qu'au Huron, qui est une langue particuliere, & que le baraguoin de l'un est differant du baraguoin de l'autre, ie vous en rapporteray icy quelques mots, par le moven desquels vous cognoistrez la difference veritable mentionnée cy dessus.

Par exemple: Les Hurons appellent un chien gagnenon, Les Ebicerinys arionce, & les Montagnais atimoy, voyla une grande difference entre ces trois mots qui ne fignifient tous qu'une mesme chose. De plus: Pour dire en Huron i'ay faim, Atoronchesta, en Montagnais Nichimitisonne, & en Ebicerinyen Ninihoinchaé. Et pour demander à manger nos Hurons usent de ce seul mot Taetsenten, les Montagnais de celuy-cy Minitmitson, & les Ebicerinyens de cet autre Michilmijchim. Tellement qu'on voit en ce peu de mots bien peu de rapport, particulierement du langage Huron aux deux autres qui ont quelque correspondance.

Il le trouue une autre grande difficulté en ces 363 langues, en la prononciation de quelque \* fyllabes, à laquelle confistent les diuerses significations d'un mesme mot, qui est une difficulté plus grande que l'on ne pense pas, car manquez seulement en une, vous manquez en tout, ou si vous vous faites entendre, ce sera tout autrement que vous ne desirez, comme en ce mot Ebicerinyen: Kidauskinne, lequel auec

une certaine façon de prononcer veut dire, tun'as point d'esprit, & par un autre ton signifie : tu as menty.

Ainsi en est-il de quantité d'autres mots, c'est pourquoy il faut ayder à la lettre, & apprendre la cadence si on y veut profiter, car le Truchement Bruslé s'y est quelquesois luy-mesme trouué bien empesché & moy encore plus lorsque les Hurons me faisoient recorder & souuent repeter de certains mots difficiles que ie ne sçauois comment prononcer, & n'y pouuois auenir auec toutes les peines que i'y prenois, que de fort loing (i'entends de quelque \* mots) nonobstant l'assistance & le secours du Truchement, c'est ce qui nous sit iuger que nos principaux maistres en cet art, deuoient estre nos soins & la frequente communication auec les Sauuages.

Auant que ie fusse passé dans les Indes Canadiennes, & aucunement recognu la facon de parler de ses habitans, ie croyois leur langue dans l'excés de pau-364 ureté, comme elle est en || esset de beaucoup de mots. pour autant que n'avans point de cognoissance de beaucoup de choses qui sont en nostre Europe, ils n'ont point de noms pour les fignifier; mais i'ay recognu du depuis qu'és choses dont ils ont cognoisfance, leurs langues font en quelque chose plus fecondes & nombreuses, pouuans dire une mesme chose par quantité de differens mots, entre lesquels ils en ont de si riches, qu'un seul peut signifier autant que quatre des nostres, principalement la langue Huronne, c'est à dire qu'ils ont une infinité de mots compofez, lesquels font des fentences entieres, comme les caracteres des Chinois.

Ie scay bien qu'il peut y auoir des fautes en mes Dictionnaires, & que plusieurs choses y manquent pour les rendre parfaicts, mais ie ne doute point aussi qu'un plus habile que moy ne se trouuat bien empesché de pouuoir faire mieux en si peu de temps que i'y ay employé, tousiours c'est un trauail qui n'est pas petit ny de petit profit, car pourueu qu'on sache la prononciation des mots plus difficiles, on peut aller auec iceux, par tout leur pays & traiter sans Truchement, qui est un bien, & une commodité qui ne se peut estimer, & de laquelle plusieurs se seruent, pour n'y en auoir encor eu aucun autre que les miens. C'est neantmoins une chose bien pitovable à l'homme d'estre en cela plus miserable que les oyseaux & bestes brutes, lesquelles se font entendre à toutes celles de || 365 leur mesme espece en quelque part du monde qu'elles se rencontrent, car elles n'ont toutes qu'une mesme voix, là où l'homme pour peu qu'il s'absente du lieu de sa naissance, demeure muet, & sans communication, dont on doit attribuer la difgrace à nos pechez.

Ceux qui ont estudié quelque peu en Magie, selon quelques Autheurs, sçauent fort bien qu'aucuns liures de cette mauuaise science, enseignent quelques moyens pour paruenir à la perfection de l'intelligence de ces voix, fons, paroles, ou langues de ces oyfeaux, & animaux, comme un Apollonius Thyaneus grand Magicien, lequel entendoit le iargon des oyseaux, & la voix des animaux, par laquelle il recueilloit les conceptions de leurs fantasies, ce que faisoit aussi Melampus fils de Amythaon. Mais pour nos langues fauuages qui en tous fiecles changent pour le moins

une fois, ie conseillerois volontiers ceux qui en ont la puissance d'abatardir & biffer toutes celles qui sont en usage chez les Hurons & Canadiens, & d'introduire en leur place la langue Françoise par tout, car qu'elle \* apparence que tant de petits peuples ayent des langues si differentes & si difficiles à apprendre. le suiet ne le merite pas, & si les Religieux qui ont à les instruire, y ont trop de difficulté, tant y a qu'il y a (comme ie croy) moins de peuples en tous ces pays là, en y comprenant encore toute l'Acadie, où 366 nous auons fait bastir une || maison l'an 1630, en la Baye du port du Cap Naigré, que les François ont nommé le port de la Tour à cause de l'habitation des François ou \* commande le sieur de la Tour, qu'en la feule ville de Paris, & de là iugez s'il feroit à propos de maintenir tant de langues differentes, & les reduire en arts, comme on pourroit faire, mais fans necessité.

Il est dit des anciens Roys de Mexique, de mesme que de ceux du Peru, qu'ils n'auoient moins de soin d'estendre leur langue que leur Empire, car au Nouueau Monde la langue de Mexique estoit estenduë par l'espace de mille lieuës, & celle de Cusco Capitale de l'Empire du Peru n'en auoit pas moins, & combien qu'on use en ces deux grands Royaumes ou Empires de plusieurs langues particuliers \*, & fort disserntes entr'elles, consideré leur longue estenduë, toutesois celle de la ville de Mexique est belle & riche & commune à toute la nouuelle Espagne, & celle de Cusco au Peru, comme entre nous la Latine, & entre les Turcs l'Esclauone en Europe, & l'Arabique en Asie.



Tellement qu'il suffit (au rapport de quelque historien) à ceux qui preschent la parole de Dieu, d'apprendre une seule langue de celles-là pour aller par un pays long de deux ou trois mille lieuës, au lieu qu'il leur auroit sallu 15. ou 20. langues, voire d'auantage \*, pour pouuoir porter l'Euangile de Nostre Seigneur par tout cette estendue de Prouinces & Royaumes.

De la forme, couleur & statuë des Sauuages, & de 367 leurs parures, ornemens & matachias.

## CHAPITRE XXII.

Toutes les Nations & peuples Indiens, & Sauuages que nous auons veus en nostre voyage, sont presque tous de couleur brune, oliuatre ou bazanné (excepté les dents qu'ils ont merueilleusement blanches) non qu'ils naissent tels, mais cela vient de la nudité, de l'ardeur du Soleil qui leur donne à plomb sur le dos, & de diuerses graisses, huyles, & peintures, desquelles ils se frottent & peignent souuent tout le corps, comme nous voyons en France à ceux qui se sont appeller Egyptiens ou Bohemiens, lesquels changent leur couleur blanche en brune, & oliuastre, par le moyen des huyles desquelles ils se frottent le corps pour sembler Egyptien, bien qu'ils soient François, & n'ayent ressenty autre chaleur que celle d'icy, ny habité autre climat que celuy de la France.

Cette couleur pourtant ne diminuë en rien de leur beauté naturelle, des traicts de leur visage, ny de la iuste proportion de leurs corps, qui ne cedent en rien 368 à ceux d'i- || cy, car ils sont tous generalement bien formez & proportionnez sans dissormité aucune, marchent droit auec un maintien graue & modeste, sans estre aucunement courbé, bossu, vouté, boiteux, borgnes ou aueugles, d'où vous voyez d'aussi beaux enfans, & des personnes d'aussi bonne grace qu'il y en sçauroit auoir en France, entre lesquels ie n'y ay iamais veu autre dessaut, qu'un Honqueronon borgne encor par accident, & un bon vieillard Huron, qui pour estre tombé du haut d'une cabane en bas s'essoit faict boiteux.

Ils font de mesme grandeur & hauteur que par deça, tous dispos, gays, & alaigres, ieunes & vieux ne sont point valetudinaires comme la pluspart de nous autres, ny suiets à la goutte, comme beaucoup de personnes trop à leur ayse, il n'y a pas mesme de ces gros ventres pleins d'humeurs & de graisse, que nous auons icy, car ils ne sont ny trop gras ny trop maigres, aussi n'ont-ils pas trop de quoy s'engraisser, & c'est ce qui les maintient en santé, & exempts de beaucoup de maladies, ausquelles nous sommes suiets par trop faire bonne chere, car comme dit Aristote, il n'y a rien qui conserue mieux la santé de l'homme que la sobrieté, laquelle ils observent mieux que nos gens sans soucy, & moins que nos auares, tenans le milieu entre les deux.

L'une des raisons principales pour laquelle nos 369 Sauuages n'ont rien de dissorme en || leur corps, vient

de ce qu'ils ne sont point violentez ou contrainces. comme les Mignons & Muguettes de par-deca, par des habits trop estroicts qui forcent leur naturelle difposition, & la raison en est tres-bonne, d'autant que par cet empressement d'habits pour sembler linges\* & bien faicles, les femmes qui en usent de la forte sont pour la plus part contrefaictes, bossuës, voutées & ridées, encore qu'il n'apparoisse point au dehors, lesquelles si elles estoient veuës en cette difformité par les Sauuages, ils auroient de quoy rire & se mocquer de nous, eux qui n'ont accoustumé de voir les choses que dans le naturel non violenté.

Il faut aduoüer pourtant que ces affiquets mondains, ces gorges descouuertes & ces estosfes rauissantes, quelque difformité qu'elles couurent sont des pieges bien plus pesans, & desquels le Diable tire un bien plus grand aduantage que de la nudité de nos Sauuagesses, qui porte ie ne sçav quoy de desplaisant à la veuë de ceux qui l'ont tant foit peu chaste, car il

n'y a que les mal-sages qui s'y meslent.

Or laissons à part les difformitez qui viennent par accident, & disons qu'il est vraysemblable que les femmes, entre les Chrestiens, engendrent plus de monstres, & d'enfans marquez & contrefaicts, que ne font les femmes Sauuagesses de nostre Canada, & me femble que cela arriue plus ordinairement à celles qui font les mignardes, & de- || licates, & qui ont le 370 loisir d'entretenir leurs pensées, qu'à celles qui ont moins de loifir, car n'ayans point d'occupations ferieuses, il faut de necessité qu'elles donnent lieu à une partie de leurs folles imaginations & fantasies, ce que

ne font point les villageoifes, non plus que les femmes doüées d'un esprit masle & resolu qui occupent le temps. I'en pourrois rapporter icy une infinité d'exemples, & des choses mesmes que i'ay veuës de mes yeux, si le suiet le meritoit, ou que la chose sui tirée: \* en doute, mais comme le cas est assez commun, & que l'on voit en beaucoup de lieux des personnes ayans de ses marqués \* sur leurs corps, ou au visage, qui une solle, qui une leure de lieure, une prune, une tache de vin, &c., ie n'en diray pas dauantage, sinon de vous afseurer que i'ay veu deux ensans iumeaux n'auoir qu'un dos, ou plustost auoir les deux dos collez ensembles \*, & les autres parties du corps parfaites en chacune d'elles.

Au mois d'Octobre dernier ie vis à Paris au bout

du pont neuf, un ieune garçon de Gennes, aagé de feize ans, en auoir un autre qui luy fortoit du milieu du ventre, à une cuisse prés, qui luy restoit dedans le corps, & n'en fembloit gueres incommodé, finon un peu à la pefanteur du fardeau qui luy pendoit. Au mesme mois d'Octobre dernier le 20, il nasquit à Londres capitale d'Angleterre, une fille monstrueuse ayant deux testes, & deux visages bien formez, quatre 371 || bras, deux cuisses, deux iambes, & deux pieds, auec une forme de queuë, & ayant esté ouverte apres fa mort en la presence du Roi d'Angleterre, il luy fut trouué deux cœurs. Ces deux ou trois exemples doiuent suffire pour confirmation des choses que i'ay dites, car ce ne feroit iamais fait, qui voudroit s'amuser à discourir des miseres dont la nature est souuent vitiée par nos pechez, ou ceux de nos parents,

desquels les enfans portent souuent la peine, ou en leur esprit, ou en leurs membres. Ie les puniray iusques à la troisiesme & quatriesme generation, dit Dieu aux sainctes lettres.

Les jeunes femmes, & filles font grandement curieuses d'huyler leurs cheueux & de se peindre & parer le corps auec diuers petits fatras, pour sembler belles aux assemblées, & aux dances, où elles paroisfent toufiours auec tous leurs atours. Si elles ont des matachias & pourceleines elles ne les oublient point, non plus que les rassades, patinotres, & autres bagatelles que les François leur traictent, & desquelles elles font estat, comme nous de l'or & des pierreries.

Leurs vignols & pourceleines font diuersement enfilées, les unes en colliers larges de trois ou quatre doigts, comme une sangle de cheual qui en auroit ses fisselles toutes enfilées & accommodées, & ces colliers ont enuiron trois pieds & demy de tour ou plus, qu'elles mettent en quantité || à leur col, selon leur 372 moyen & richesse, puis d'autres enfilées comme nos chaines & chapelets de diuers \* longueurs pour pendre de mesme à leur col, & aussi à leurs oreilles. Elles en font encore d'autres de vignols gros comme noix, assez mal arondis (à cause de leur dureté), qu'elles attachent fur les deux hanches, & viennent par deuant arrangées de haut en bas par dessus leurs cuisses & bravers. Il y en a de celles qui portent encores des brasselets de pourceleine aux bras, & de grandes plaques accommodées de mesme par deuant leur estomach, & d'autres par derrière en rond & en quarré comme une carde à carder la laine, attachées à leurs

tresses de cheueux: quelqu'unes d'entr'elles ont aussi des chaines, ceintures, & des brasselets faits de poil de porc epic, taints en rouge cramoify & fort proprement tissues, les uns larges comme une fangle, & les autres comme une grosse gance, & cette teinture est si viue & tient de telle forte qu'elle fait honte à l'escarlate.

Pour les ieunes hommes ils ont la mesme curiosité de s'embellir & farder comme les silles. Ils huylent leurs cheueux & y appliquent des plumes & du duuet fort ioliment, & au lieu de collet de fine toille, ils se sont des petites fraizes du mesme duuet, qu'ils mettent autour de leur col, fort proprement arrangez. Il y en a qui pour brauerie portent de grandes peaux de serpens sur le front en guise de fronteaux, qui leur pendent par derrière une grande aulne de Paris de chacun costé.

Ils se peindent aussi le corps & la face de diuerses couleurs, de vert, de iaune, de noir, rouge & violet qui sont leurs couleurs les plus communes. Vous leur voyez quelquesois la face toute bigarée de rouge, & de vert, quelquesois ils n'en peignent qu'un costé, depuis le sommet de la teste iusques au col, il y en a de si industrieux qu'ils se figurent toute la face, & le corps deuant & derriere, de passements tirez au naturel, & des compartimens auec diuerses figures d'animaux assez bien faites pour des personnes qui n'ont pas appris l'art de la peinture.

Mais ce que ie trouuois de plus estrange, & d'une folie plus eminente, estoit de ceux qui pour estre estimez courageux, & redoutables à leurs ennemys, pre-

noient un os d'oyfeau ou de poisson qu'ils affiloient comme rasoirs, auec lesquels ils se grauoient & figuroient le corps, mais à diuerfes reprifes, comme l'on faict icy une paire d'armes auec le burin. En quoy ils monstroient un courage & patience admirable audelà du commun des hommes, non qu'ils ne ressentissent bien le mal, car ils ne sont pas insensibles, mais pour les voir immobiles & muets en un si furieux chatouillement, puis on essuyoit le sang qui leur decouloit de ces incisions, lesquelles ils frottoient in-Il continent apres auec quelque couleur noire en 374 poudre, qui s'infinuoit dedans les cicatrices, fi que les figures qu'ils ont grauées leur demeurent sur le corps pour tousiours, fans que iamais on les puisse effacer, non plus que les marques qu'ont aux bras les Pelerins qui reuiennent de Hierusalem.

Tous n'en veulent pas neantmoins fouffrir la peine, aussin'en font-ils pas tous accommodez, mais les Sauuages qui s'y plaisent d'auantage \* sont les petuneux, lesquels ont pour la pluspart le corps ainsi figuré, ce qui les rends \* effroyables & hideux, à ceux qui n'ont pas accoustumé de voir de tels masques, car ils me sembloient à moy-mesme en les regardans l'image de quelque Demon, auec lesquels ie ne me trouuois pas trop asseuré au commencement, & guere plus à la fin.

Il y a des femmes, & filles, mais peu qui souffrent ces incisions, dont i'en ai veu quelqu'unes qui estoient figurées iusques par dessus les yeux, & tout cela pour fembler autant valeureuses que belles, & redoutables. I'ay veu des Sauuages d'une certaine Nation

auoir tous le milieu des narrines percées, auxquelles pendoient des patinotres bleuës affez groffes, qui leur battoient la leure d'en haut, attachées à des petites cordelettes ou filets.

Et comme ils ne portent rien sur leur || corps que 375 pour ornement ou pour se dessendre du froid, nos Sauuages crovoient au commencement que nous portassions nos chapelets à la ceinture pour embellissement, comme ils font leurs pourceleines, mais en comparaison ils en faisoient fort peu d'estat, disans: qu'ils n'estoient que de bois & que leur pourceleine qu'ils appellent Onocoirota estoit de grande valeur, pour la petite teste de mort qui y estoit attachée, beaucoup la croyoient auoir esté d'un enfant viuant, mais ie les ostay incontinent de cette pensée, & la volonté aux femmes de vouloir emprunter nostre manteau & nostre capuce, pour aller en festin, & voir les nouuelles mariées, car elles m'en importunoient fort, & fe fussent carrées auec cela comme fort parées & gentilles.

Pour nos fandales ou semelles de bois, ie leur permettois bien à tous d'y mettre le pied, & les esprouuer, mais à condition de me les rapporter incontinent peur de les perdre. Ils me disoient *Prou, Aviel Saracogna*, Gabriel fais-moy des souliers, car ils appelloient nos fandales souliers, mais ie n'estois pas en lieu pour leur en pouuoir faire, & d'y mettre la main eux-mesmes, outre qu'ils sont trop paresseux d'apprendre, ils n'auoient pas les outils propres, non plus que moy, qui me seruois d'un seul meschant petit outil pour les miennes, & au lieu de cloux (car il ne

s'en trouue pas dans le pays) nous nous || feruions de 376 cordelettes passées par des petits trous pour attacher nos cuirs.

Comment les Sauuages accommodent leur cheuelure. De la barbe & de l'opinion qu'ils ont qu'elle amoindrit l'esprit. Comme sain& François n'en a point porté. Des Pygmées, & d'une fille veluë & avant barbe.

## CHAPITRE XIII.

Tous les esprits des hommes ne viuent pas dans un mesme sentiment, ny dans une mesme pensée, car chacun a ses opinions particulieres, d'où viennent nos difficultez, & les diuerses disputes entre les hommes, mais le fage cede toufiours à la raifon & le fol à son opinion, pour ce que l'opiniatreté ne vient que d'ignorance.

Sainet Augustin a dit parlant de la barbe de l'homme, qu'elle est une marque de force & de courage, & nos Sauuages tout au contraire, tiennent auec le reste des peuples Americains qu'elle amoindrit l'esprit, & rend la personne difforme & espouuentable, comme ie vous feray voir par quelques petits traicts familiers que i'ay appris & veus dans le pays.

|| Par ces opinions, ils ont la barbe & le poil telle- 377

ment en horreur qu'ils n'en peuuent fouffrir un feul petit brin ailleurs qu'à la teste, si l'arrachent & en ostent mesme la cause productiue, de maniere qu'on ne peut presque discerner le visage d'un homme d'auec celuy d'une semme, & pensans faire iniure à nos François desquels ils auoient assez mauuoise opinion à cause de leur barbe il les appelloient Sascoinronte, qui est à dire barbu, tu es un barbu, & par ce moyen les obligeoient pour auoir paix de se raser & se conformer aucunement à eux en leur poil & cheuelure, comme ils l'estoient des-ia aux habits & en la nudité, pour la netteté.

Et non seulement ils auoient une si mauuaise opinion de la barbe & des barbus, mais ils nous vouloient mesme persuader d'arracher la nostre, quoy que fort courte, & nous disoient que nous en serions de beaucoup plus beaux & aggreables en nostre conuersation. Il arriua un iour qu'un Sauuage des plus laids d'entre les petuneux, voyant passer un de nos François auec sa grande barbe & ses moustaches mal releuées, plein d'estonnement & d'admiration, se tournant à ses compagnons leur dit: Voyez ce sale barbu, ce laid homme, est-il possible qu'aucune semme le voulut enuisager de bon œil, c'est un ours, & luymesme estoit un vray masque; c'est pourquoy il auoit fort bonne grace de mespriser ce barbu & de l'appeller ours, luy qui estoit laid par despit.

Il arriua une histoire aussi plaisante au Truchement 378 des Ebicerinys nommé Jean Richer || lorsqu'ils luy voulurent faire croire qu'il commençoit d'auoir de l'esprit. Il y auoit deux ans & plus, qu'il estoit dans

leur païs & viuoit auec eux assez doucement en apprennant leur langue pour d'icelle seruir les François à la traicte. A la verité il y auoit assez bien profité & s'en seruoit fort à propos & mesme d'un peu de la Huronne qu'il scauoit passablement. Or ces Sauuages, apres luy auoir faict quelques reproches d'auoir quitté le mauuais païs de la France, pour venir habiter le leur beaucoup plus beau & meilleur, luy dirent: & bien, jusque à present tu as presque vescu en beste fans cognoissance & fans esprit, mais maintenant que tu commence \* à bien parler nostre langue, si tu n'auois point de barbe, tu aurois presque autant d'esprit qu'une telle nation, luy en nommant une qu'ils estimoient auoir beaucoup moins d'esprit qu'eux, & les François auoir encor moins d'esprit que cette nationlà, tellement qu'il eut fallu à leur compte que ce Truchement eut encor estudié pour le moins deux ou trois ans leur langue & n'auoir point du tout de barbe, pour y estre estimé homme d'esprit & de iugement; & voylà l'estime qu'ils font de nos gens, par une seconde raison, du peu de vertu & de modestie qu'ils vovent en ceux qu'on enuoye de delà, aufquels ils ne se fient que de bonne sorte, & pour le moindre suiect leur disent l'iniure ordinaire Téondion ou Tescaondion, c'est-à-dire, tu n'as point d'esprit Atache, mal bafty.

A nous autres Religieux, quelques mal aduisez nous en disoient autant au commence- || ment, mais à la 379 fin ils nous eurent en meilleure estime, & nous difoient au contraire: Cachia atindion, vous auez grandement d'esprit: Houandate danstan téhondion, &

les Hurons n'en ont point; vous estes gens qui cognoissez les choses d'en haut & surnaturelles & qui pouuez sçauoir les choses les plus cachées & secrettes, ce qu'ils disoient à cause de nos escritures, & que nous leur enseignions des choses qu'ils auoient ignorées iusques alors, & n'auoient point ceste bonne opinion des autres François, ausquels ils preseroient la sagesse de leurs ensans, pour ce qu'ils ne leur disoient que des sottizes.

Que si ces peuples Americains, qui font presque la moitié de toute la terre habitable, ne portent point de barbe, il n'y a de quoy s'esmerueiller, puisque les anciens Romains mesmes, estimans que cela leur seruoit d'empeschement, n'en ont point porté iusques à l'Empereur Adrien, & felon quelque Autheur, iufques à François Marquis de Mantouë (qui mourut l'an 1519, pere de Frederic 5. qui fut crée Duc de Mantouë par Charles quint) fut le premier de tous les Princes d'Italie, qui nourrit tousiours une longue barbe. Ce qu'ils reputoient tellement à honneur, qu'un homme accufé de quelque crime n'auoit point ce priuilege de faire razer fon poil, comme fe peut recueillir par le tesmoignage d'Aulus Gellius, parlant de Scipion, fils de Paul, & par les anciennes medailles des Romains & Gaulois, que nous voyons encores à present en plusieurs lieux.

380 | C'est ce qui a faict que beaucoup se sont autrefois estonnés & auec raison de ce que S. François (Italien de Nation) estoit peint auec un peu de barbe, car ny Prestre, ny Moyne, ni Religieux, ny mesme aucun Lay, nourrissoit sa barbe de ce temps là. Qui a faict penser ou que c'est une licence de peintre, ou que S. François fut portraict lors qu'il alloit ou reuenoit d'Orient, comme nous lisons de S. Dominique, à cause que les Latins & Occidentaux, faifans le voyage d'outre mer, entretenoient leur barbe longue, comme font encore de present nos Religieux, pour se conformer à la coustume du païs, auquel la barbe raze estoit honteuse. & appelloient les hommes de deça eunuques, chastrés & effeminés, comme selit dans les histoires de la guerre Saincle. Il ne faut donc point penser que S. François portast ordinairement barbe longue, cela estant tresseuerement deffendu & puny par les Saincts Canons. Ie laisseray ce qui est de plus commun sur ceste matiere, me contentant d'un iugement de Gregoire 7. qui feoit l'an 1170. Lib. 8. Reg. Epist. 10. à Orsoc Gouuerneur de Calaris Capitale du Royaume de Sardaigne. Nous ne voulons point que vostre prudence trouue mauuais de ce que nous auons contrainct Iacques vostre Archeuesque de razer sa barbe, car telle est la coustume de la faincte Eglise Romaine pratiquée déssa naissance, que tout le Clergé de l'Eglise Occidentale raze sa barbe, &c. Et ne faut point penser que sainct François eut voulu contreuenir au commandement de l'Eglise par quelque singularité ou vanité. De nostre me Il moire les souueraines Cours de 381 Parlement, ont prononcé des Arrests tres-rigoureux contre toute forte de personnes, qui ne razoient point leurs barbes, d'où reste encores le prouerbe: Barba raza, respondebit curia.

Nos François qui ne demandoient qu'à rire & plaifanter, auoient fait entendre aux Huronnes, que les

femmes de France auoient de la barbe, & leur auoient encore persuadé tout plain d'autres choses, que par honnesteté ie n'escris pointicy, de sorte qu'elles estoient fort desireuses d'en voir; mais les Hurons qui me ramenerent en Canada, ayans veu mademoiselle Champlain ay \* esté asseuré qu'elle estoit semme, ils surent destrompez & recognurent qu'en essection leur en auoit donné à garder.

De ces particularitez on peut inferer que nos Sauuages ne font point velus, comme quelques uns pourroient penser. Cela appartient aux habitants des Isles Gorgades, d'où le Capitaine Hanno Cartaginois, rapporta deux peaux de femmes toutes velues, lesquelles il mit au Temple de Iuno par grande singularité, & ay ouy dire à une personne digne de foy, d'en auoir veu une toute pareille à Paris, qu'on y auoit apportée par grande rareté, & à une autre d'auoir veu une fille viuante toute couuerte de poil comme une beste en une ville de France dont i'ay oublié le nom; mais bien dauantage un de nos Religieux m'a affeuré d'auoir veu deux Sauuages en l'armée des Espagnols pendant la ligue, tellement velus du pied iusques à la 382 teste, qu'on ne leur voyoit que || le blanc des yeux. Ce font des merueilles de la nature, qui ont donné l'opinion à plusieurs que tous les Sauuages estoient velus, bien qu'ils le foient moins naturellement que les personnes de nostre Europe, entre lesquelles il s'en voit quantité qui ont l'estomach tout couuert de poils, ce que ie n'ay point veu en aucun Sauuage.

Au mois d'Octobre de l'an 1633, ie vis à Paris une fille du païs de Saxe, aagée d'enuiron quatre ans &

demy, laquelle auoit une barbe blonde, fine, presque comme soye, longue & large en arondissant comme celle d'un homme de 35. à 40. ans, & cequi estoit encor fort admirable, il luy fortoit du dedans des deux oreilles, deux grandes moustaches longues presque d'un pied, & au dessus des reins une autre plus courte, qui sembloit une queuë, qui fit penser à plusieurs qu'il y eut quelque chose du Satyre en cette sille, mais ils se trompoient, car hors-mis sa longue barbe & qu'elle estoit veluë par tout le corps d'un poil blond semblable à celuy de la barbe, elle estoit fort aggreable tant en la disposition du corps, qu'en la gentillesse de son esprit, autant honnesse, que iouialle & plaisante.

Si quelqu'un entroit dans la chambre pour la voir, en se promenant sur la table qui luy seruoit de theatre, elle baisoit doucement sa main, leur presentoit & les saluoit de fort bonne grace en disant: bon iour mon pere, soyez le bien venu Monsieur, (car on luy auoit appris quelque \* petits mots François qu'elle prononçoit || fort gentiment). Lors que d'abord ie la vy pour la premiere sois, il me sembloit voir en elles \* un vieillard du païs des Pygmées, qu'on dit n'auoir qu'une coudée de hauteur au rapport de plusieurs historiens, car celle-cy n'en auoit guere dauantage.

Or puisque i'ay icy entamé le discours des Pygmées, il semble que par bien-seance ie sois comme obligé d'en dire ce que i'ay appris de diuers Autheurs approuuez, pour aucunement satisfaire ceux qui sont encor en doute, scauoir s'il y en a, ou non, car le nombre des Escriuains qui ont escrit de ces Nains est si

383

celebre & leurs raifons si probables, qu'elles persuadent un chacun à les croire. Or entre un tel nombre il me semble que le tesmoignage de S. Augustin nous doit suffire, sans parler de celuy des Autheurs prophanes & plus anciens, comme d'Aristote, voicy ces parolles. Les Gruës (dit-il) viennent des campaignes Scythiques iusques aux paluds de l'Egypte superieure, d'où sort le Nil, auquel lieu l'on dit qu'elles sont la guerre aux Pygmées.

Mela parle aussi de cette sorte de gens en ces termes. Les Pygmées sont une certaine espece de genre humain, qui ont guerres contre les Gruës pour les bleds semez. Pline encore faich souvent mention d'eux, car il dit, qu'ils ont habité en Scythie & en la ville de Geranie, & prés de Thebaide, & au païs de Prasie, & lieux montaigneux, & apres il escrit qu'ils habitent ioignant les Palus d'où le Nil prend sa source, & voicy ce qu'il en dit encores. Aux confins d'In || die, qui sont les plus esloignez, & auprés du sleuue Ganges, & en l'extremité des montaignes, demeurent les Pygmées. Aule Gelle, en parle encore comme faich aussi Isidore, & chacun des Escriuains, les saich de la hauteur d'une coudée. Elian de mesme, disant que la nation des Pygmées a accoustumé d'auoir des Roys,

Ceux qui ont couru de nostre siecle toute la terre par leurs nauigations, ont aussi rendu tesmoignage des Pygmées, qu'ils ont descouuerts, car Antoine Pigasera les descouurit entre les Moluques en l'Isle

& lors que les Roys leur vindre \* à deffaillir, ils eurent une Reine, qu'ils appellerent Geraune, c'est à dire

Gruë en leur langue.

Arucheto, & outre il dit qu'ils habitent encores entre les mesmes Molugues en l'Isle Caphieos, Paule Ioue, confirme fon dire affeurant qu'ils font outre les Lapons grands babillards, toufiours en crainte & prefque semblables aux singes. Nous auons encores ce qu'en dit Oderic, qu'il vit des Pygmées aux Indes de la grandeur de trois paumes de la main, lesquels engendrent en l'aage de cinq ans, il dit en outre qu'il y en a de la mesme stature en l'Indie Orientale, non loin de Ouinsay ioignant Chile. Albert le Grand adiouste cecy: ces Pygmées que nous disons habiter prés du Nil, combattent perpetuellement contre les Gruës, engendrent en l'aage de trois ans, & meurent à huict. I'ay leu dans quelque Autheur dont il ne me fouuient pas du nom, d'un petit animal qui naist au matin, vieillit à midy, & meurt le soir.

|| Par ce moyen l'on doit adiouster foy à tant d'Autheurs celebres, qui traissent de ces Pygmées; lesquels font leur demeure en la Plage Australe, Orientale & Aquilonaire: mais plus en l'Occidentale.

Auparauant que i'en eusse leu de si asseurez tesmoignages, ie me doutois fort de la verité de la chose, & qu'il s'y trouuast des nations d'hommes si petits, mais à present cela m'est assez facile à croire, veu mesme qu'entre les Europeans, il s'y engendre quelquesois de petits Nains que les Princes entretiennent & nourrissent par admiration. Voicy ce que dit Nicephore d'un certain tout semblable aux Pygmées sort prudent & fort sage qui nasquit en Egypte sous l'Empire de Theodose, d'une si petite stature qu'elle est incroyable, car il estoit si petit, qu'il sembloit une perdrix: & 385

c'estoit aussi un plaisant spectacle de le voir conuerser en la compagnie des hommes, & de le voir debattre & gausser parmy eux. Enfin cecy est admirable, qu'il estoit capable de prudence, aussi bien qu'un homme parfaict, & pourquoy ne le seroient pas de mesme les Pygmées, où la contrée & le climat, finon la race. n'engendre que des Nains. Un homme petit peut auoir la mesme sagesse d'un geant, fut il de ceux desquels la S. Escriture faict souuent mention de leur force, car au liure des Nombres il est dit que le reste des hommes fembloient fauterelles au respect d'eux. Et au mesme liure il est faict mention d'un Geant memorable Og, qui tiroit son origine des Geants, qui se 386 seruoit || d'un lict de fer, lequel auoit neuf coudées en longueur, & quatre en largeur, ce que redit aussi Theodoret, & neantmoins personne n'oseroit soustenir que ce Geant non plus que le Goliat, eut plus

d'esprit que le petit Dauid.

Mais voicy bien un autre prodige. Il me souuient qu'estant petit garçon, on m'enuoyoit fort soigneusement à l'Escole, où nous auions entre nous autres petits escoliers de forts plaisans & serieux entretiens, car comme chacun apprenoit quelque chose à la maison de son pere ou en quelque bonne compagnie où la curiosité nous portoit (car souuent la ieunesse, sans qu'on s'en donne de garde obserue ce que les grands discourent) nous faissons nostre profit de tout & rapportions tous nos petits contes en nostre conseil d'estat, composé de quatre ou cinq petits garçons de nostre humeur, car la compagnie de tous ne nous agreoit pas, principallement des iuristes, menteurs ou desbauchez.

Or vous pouuez croire que quoy que nous parlassions assez serieusement & non point en enfans de fept à huist ans, que nous occupions beaucoup de temps (aprés nos lecons estudiées) à discourir des fables & des romans, desquels les seruiteurs nous entretenoient les foirs auant de nous coucher, mais fur tout nous entrions dans l'admiration, fur la penfée des jugemens de Dieu, qui nous venoit par la contemplation d'un || grand iugement depeint contre la 387 muraille d'une Chappelle, duquel nous faisions reflexion fur les Infidelles & Sauuages, desquels nous auions ouy parler à nos petits Maistres, i'appelle petits Maistres, certains escoliers sages, qui nous faifoient repeter nos leçons, auant d'aller deuant le grand Maistre.

Or ces Sauuages qu'on nous faisoit perdus auec tous les mauuais Chrestiens, nous faisoient bien quelque compassion, mais les contes & le recit de leur forme & figure nous faisoient douter qu'ils fussent hommes comme nous, car on nous les figuroit generalement tous velus, comme beaucoup font encore dans cette erreur là; non seulement les hommes sans lettres, mais plusieurs qui se croyent sages. On nous parloit aussi de cette sorte de gens que nous appellons Pygmées, desquels ie viens de traicter, mais bien particulierement d'une autre espece du genre humain qui estoient sans testes, ayans les yeux & la bouche dans l'estomach, & d'autres qui n'auoient qu'un œil posé fur le milieu du front, mais ceux qui nous sembloient les plus heureux & accommodez, estoient ceux qu'on nous disoit auoir l'un de leur pieds large comme

un grand van à vaner, duquel ils se seruoient pour se couurir en temps de pluyes, qui par ce moyen en

estoient garantis.

Depuis que i'ay esté grand ie me suis ris de tous ces contes & croyances enfantines, & n'y ay adiousté de 388 foy iusque à present, qu'en lisant || i'ay trouué que nous auions quelque raifon, & que parmy nos fables il s'v trouuoit quelque verité, ou bien les Autheurs nous trompent aussi bien que nos petits Maistres. Strabon s'est mocqué autrefois de Megasthenes, parce qu'il auoit escrit, qu'il y auoit des hommes differents de testes, de bouche, d'oreilles, de plante de pieds, & de tout le corps; toutesfois il est conuaincu aysement par le nombre & authorité de ceux qui ont escrit de ces choses: mais afin de commencer par la teste. Mela nous escrit que les Blemiens, n'en ont point, & que toutes les parties de leur visage sont en la poitrine. Solon nous apprend le mesme. On trouue (dit-il) des hommes qui n'ont point de testes. & qui ont les yeux aux espaules, & auparauant ceux-cy d'autres en ont escrit le mesme, qu'Aule Gelle recite.

Pline affeure le mesme en termes exprés & bien souuent disant: qu'ils n'ont point de teste ayant la bouche & les yeux en leur poistrine: & en autre part il dit que prés de Troglodites, il y en a qui n'en ont

point, ayant les yeux fur les espaules.

Il n'y a personne qui nous sorce à ceste croyance: neantmoins combien que S. Augustin die que nous ne sommes pas astraints de le croire, toutessois il me semble qu'il infere qu'il n'est pas impossible que cela soit: puisque mesme au sermon trente & septiesme qu'il

addresse aux freres Hermites, il tesmoigne les auoir luy mesme veus, en ces termes : l'estois des-ia Euesque d'Hippone (dit-il) lorsqu'ac || compagnez de certains seruiteurs de Iesus Christ, ie m'en allay en Ethiopie, pour y prescher l'Euangile, où nous vismes plusieurs hommes, & plusieurs femmes, qui n'auoient point de testes, mais bien des yeux gros sichez en la poistrine; le reste de leurs membres estoit semblable aux nostres.

389

Reprenons nostre petite fille veluë que ie vis à Paris: car quelqu'un pourroit douter si elle estoit hermofrodite, ou artificiellement barbuë & veluë. Non, ie dis qu'elle n'estoit point hermofrodite & n'auoit aucun artifice en son faict, car pour en oster l'opinion, on ne faisoit aucune difficulté de la faire voir à nud deuant tout le monde, & puis son ieune aage demonstroit assez la merueille, & que naturellement elle estoit sortie du ventre de sa mere veluë, comme un autre Esau.

D'où vient donc ce poil & cette barbe en un aage si tendre & extraordinaire, ie n'en sçaurois donner autre raison sinon, que cela peut venir de l'imagination & fantasie de la mere au temps de la conception, & que i'ay veu de mesme la fille d'une honneste damoiselle de la ville de Paris ressembler au pourtraich d'une Vierge deuant laquelle elle souloit faire tous les iours ses prieres. Mais ce que i'ay trouué de plus admirable est qu'un de nos amis ayant aduerty sa semme, que s'il luy prenoit en fantasie de manger quelque chose qu'elle ne pû auoir, qu'elle ne portast point sa main en son visage, ains en quelque partie cachée, ce

qu'elle fit, & en un mesme endroict son enfant sut marqué, com || me elle nous a affeuré elle mesme, ce que ie dis par charité & pour aduertissement aux femmes de se ressouuenir de cet aduis remarquable, car toutes ne le sçauent point, autrement on ne verroit pas tant de dissormités au visage que plusieurs portent comme les indices de la foiblesse de leur mere. Les exemples en cette matiere ne sont que trop frequentes, il suffit qu'on se souuienne des moyens dont Iacob uza chez son beau-pere Laban, pour auoir des Agntets \* tachetez, & que la femme sans son vouloir peut marquer en son fruict quelque chose de son obiect ou de son imagination au temps de la conception.

Lycurgus fouloit dire que les cheueux rendent ceux qui font beaux encores plus beaux, & ceux qui font laids encores plus laids & espouuentables à voir; c'est la perruque qui donnoit lustre à la rare beauté d'Abfolon, comme les moustaches voltigeantes de nos Sauuagesses de l'Isle, aux traicts de leur visage assez bien faicts, si leur ame plus noble, n'estoit souillée par le peché & la corruption des mœurs vitiées; parmy toutes lesquelles non plus qu'entre les hommes, il ne s'y voit aucune rousse noi plus qu'entre les hommes, il ne s'y voit aucune rousse quelques unes qui les ont chastaignez) lesquels elles accommodent & aiancent diuersement selon les Nations, car entre toutes il y a de la differance aysée à cognoistre.

Les Canadiens & Montagnais tant hommes que femmes, portent tous longue cheuelure qui leur bat 391 fur les espaules & à costé des iouës, || sans estre nouez ny attachez, & n'en couppent qu'un bien peu du de-

uant, qui restent courts sur le front, comme les garsettes des femmes mondaines, à cause que cela leur empescheroit la veuë en courant. Les semmes & filles Algoumequines mypartissent leur longue cheuelure en trois, les deux parts leur pendent de costé & d'autre fur les oreilles & à costé des iouës, & l'autre partie est accommodée par derriere en tresse, en la forme d'un marteau pendant couché sur le dos, de la longueur d'enuiron cinq quarts de pied. Mais les Huronnes & Petuneuses ne font de tous leurs cheueux qu'une tresse accommodée de mesme celle des Algoumequines qui leur bat fur le dos, liez & agencez auec des lanieres de peaux d'Eslans ou d'autres animaux qu'ils ont en commoditez

Pour les hommes ils portent deux grandes mouftaches pendantes à costé des iouës, & quelqu'uns n'en portent qu'une qu'ils tressent & cordellent quelquesfois auec des plumes & autres bagatelles qu'ils y entremeslent, le reste des cheueux est couppé court ou bien en compartimens & en telle autre maniere qu'il leur plaist, estimant à beauté que le dessous de la couronne soit raz & couppé de prés, & mesme aux petits garçons le reste des cheueux, excepté les moustaches, à cause des petits vermisseaux.

Depuis nostre arriuée, plusieurs femmes prenoient plaisir de faire des tonsures & couronnes clericales à leurs enfans, pour les rendre semblables à nous, à ce qu'elles disoient, & les || garçons mesmes s'en glori- 392 fioient en nous les monstrans; ie pensé les en reprendre, mais ie me retins comme n'y ayans point de mal en ceste imitation : au contraire un tesmoignage d'a-

mitié & d'estime. Il n'y a pas iusques à des vieillards mesmes qui en ont voulu porter, aucuns desquels estoient tellement curieux de parures, bien qu'ils eussent des-ia par maniere de dire, un pied dans la fosse, qu'ils se faisoient coupper les cheueux par petits compartiments & y accommoder des plumes & du duuet, comme les petits enfans.

Pour les cheueux ou poils leuez des nations que nous auons au Su, ils entretiennent tous leurs cheueux sur le front fort droits & releuez, plus que n'estoient ceux que nos damoiselles portoient anciennement, ils sont couppez de mesure, allans tousiours en diminuans & racourcissans de dessus le front iusques au derrière de la teste.

393 De l'humeur, vertu & inclination naturelle des Sauuages en general, & de quelques exemples propres à ce fuiet.

## CHAPITRE XXIV.

Toutes les œuures de Dieu font admirables, & telles qu'on n'y peut que changer ny desirer, de sorte qu'il nous suffit de dire, Dieu les a faicles, mais entre celles qui nous sont visibles, & que nous pouvons contempler des yeux du corps, ie trouve que le visage de l'homme n'est point assez admiré. Il y a prés de six mil ans que le monde est creé & neantmoins entre tant

de personnes que la semme a enfanté, & que du depuis le Paradis & l'Enfer ont partagez, deux ne se sont pas

de tout point trouuez semblables.

Or de mesme que le visage de l'homme est diuers, l'esprit, l'humeur, & le naturel en est different, car si l'un est ioyeux, l'autre est triste, si l'un a un bon entendement. l'autre en a peu ou point du tout; & personne neantmoins ne veut aduoüer son impersection, car fouuent les plus fols veulent estre estimez les plus fages, & les plus opiniastres prudents, mais prudence de beste.

Dans la face de l'homme comme dans un miroir on iuge souuent des pensées de l'esprit, mais l'action, & non le semblant nous || faict cognoistre pour tels que 394 nous fommes. Il y a diuerfes ioyes comme il y a diuerses sources d'où elles procedent, mais la meilleure de toutes est celle qui vient de la bonne conscience, comme la fausse & batarde des plaisirs du sens & de la bonne opinion de foy-mesme.

Difficilement voit-on iamais un esprit trifle & chagrin acquerir le degré de perfection, mais seulement celuy qui a vraye compunction en son cœur, car l'esprit de Dieu ne se plaist qu'en un esprit doux & hum-

ble, & non point simulé ny arrogant.

Il n'y a rien de plus ayfé à conduire qu'une perfonne humble & de bon entendement, mais à contrepoil, il n'y a rien de plus difficile à diriger qu'un petit esprit, sombre, & qui comme une beste brutte ne fuit que l'instinct de sa propre nature, pour laquelle il faict par tout choix de ce qui la peut dauantage accommoder, sans vouloir entendre raison ny faire cas

des remonstrances, insensible qu'il est aux affronts & à la honte, & cette humeur grossiere, rustique & inciuile, est neantmoins aucune sois prise pour vertu & bonté par ceux qui ne sçauent discerner le naturel stupide & bas, d'auec la vraye vertu & sincerité de ceux qui ont tout un autre soin que de leur ventre.

Les climats ont neantmoins pour l'ordinaire un grand pouvoir sur nos humeurs, car autant qu'il y en a au monde, autant y voit on de sortes de mœurs, & 395 de disparitez || d'esprits, l'air estant divers en chaque climats\*. Ainsi voyons nous que les habitans de Stisse sont autres que ceux de l'Italie, & que l'air septentrionnal estant froid & grosser, fait ordinairement les hommes moins polis & tardis, où l'air meridional chaud & subtil, les subtilise, & les rend d'un esprit releué & gentil quand au general, mais descendant au particulier, il y a des sages, & des moins aduisez par tout.

Tous nos Sauuages, foit que cela vienne en partie du climat, ou autrement, ont l'esprit assez bon & capable de conceuoir, & d'apprendre tout ce qu'on leur voudroit enseigner, & ne se conduisent que par la raison, à laquelle ils cedent facilement, & non à la passion, car la violence n'a point de credit chez eux. Ie n'entends pas neantmoins les releuer au dessus des esprits cultiuez & ciuilisez, car ie ne sais estat que de leur naturel simplement, comme gens qui ont esté de tout temps Payens, Barbares, & cruels à ceux qui les ofsencent.

En tant de Nations que nous auons veuës toutes differentes en quelque chose l'une de l'autre, soit pour

le gouuernement, l'entretien, ou pour se vestir & accommoder de leurs parures, chacune Nation se croyant la plus sage & mieux aduisée de toutes, car la voye du sol est tousiours droite deuant ses yeux, dit le Sage. Et pour dire ce qu'il me semble de quelqu'uns, & lesquels sont les plus heureux, ou miserables: ie tiens les || Hurons, & autres peuples sedentaires, comme la noblesse du pays, car ils ont le port & le maintien vrayement noble, n'ont autre exercice que la chasse & la guerre, trauaillent peu & ont tousiours de quoy viure.

396

Les Algoumequins doiuent tenir rang de bourgeois entre tous, entant qu'ils trafiquent fort, & comme de bons marchands entreprennent des voyages de longs cours, ils ont bien encore l'exercice de la chasse & de la pesche, mais il faut qu'ils s'employent serieusement s'ils veulent disner, car leurs voyages, & leurs chasses ne leur en donnent pas tousiours à suffisance, il faut donc qu'ils trauaillent à la terre comme ils ont ia commencé, non par tout, mais en quelques endroits, & à la fin ils seront consolez & reduits à leur ayse.

Pour les Montagnais, Canadiens & autres peuples errants, nous les mettons au rang des villageois & du petit peuple, car ils font en effet, les plus pauures, miferables & necessiteux de tous, font tres-peu en nombre & comme gredins & vagabonds, courent les champs & les forests en petites trouppes, pour trouuer à manger, n'ont point de prouisions, ny de lieu arresté, & meurent de faim pour la pluspart du temps, à cause qu'ils ne cultiuent point les terres, & que comme nos gueux, s'ils ont de quoy un iour ils se

donnent au cœur ioye, pour mourir de faim l'autre.

397

|| Tous en general font priuez de la cognoissance du vray Dieu, trauaillent pour le corps feul, & non pour le Salut, & c'est en quoy ils sont principalement digne \* de compassion : car en vain trauaille l'homme, s'il ne peine pour le Paradis. Sont tous d'un \* humeur assez ioyeuse & contente, toutesois un peu Saturniens, serieux & graues, ennemis de legereté, comme de l'humeur noire & melancolique, par une maxime qu'ils ont que la legereté d'esprit est le vray simbole de folie & d'inconstance, & que sous l'humeur triste & melancolique est ordinairement la malice & desloyauté cachée, nous en auons l'exemple en la vie de Saul, l'esprit duquel estoit gouverné par le Diable au temps qu'il estoit sombre. Et c'estoit la raison pour laquelle un François n'osoit se promener seul à l'escart ou dans le village, comme les hommes pensifs font quelquesois, pour ce qu'ils soupconnent dés aussi tost qu'ils machinoient quelque trahison, ou pensoient à quelque malice contre eux.

Ne fachant pas encore au commencement que ie m'affociay auec eux, qu'elle\* effoit l'humeur qui leur agreoit dauantage, car comme dit l'Apostre, il se faut faire tout à tous pour les gaigner tous, la prudence m'obligea de leur faire voir plusieurs faces & diuers changemens d'humeurs, & trouuay que celle qui portoit la douceur en la bouche, le contentement au cœur, & un maintien humblement graue & modeste estoit celle de laquelle ils faisoient principalement estat.

398 || Cefar se trouuant un iour en la compagnie de ses amis, où il se reioüissoit honnestement & franchement

d'auanture y arriua quelque bon compagnon, deliberé & ioyeux, mais grand, gros & gras par despit : lors quelqu'un dit à Cesar, parlez plus bas & vous gardez de cet homme qu'il ne iuge mal de vous & n'en murmure; Cesar dit alors doucement en riant : il ne saut point craindre ces gens là; mais gens maigres & tristes : & par signe il monstroit Brutus & Cassius, hommes pleins de malices & cautelles.

Sans flatter le dé, nos Hurons ont quelque chose de louable par-dessus nous, & s'ils estoient Chrestiens seroient meilleurs Chrestiens que nous, car ils possedent des vertus morales qui les sont admirer & suspendre à plusieurs leur condemnation, & non celle des Heretiques qui ont resusé la grace, Moyse & les

Prophetes, & les Sauuages non.

Ils sont si attrempez & retenus que lorsque vous leur parlez, ils vous escoutent, & vous donnent tout le temps que vous desirez, sans vous interrompre, ny parler que vous n'ayez finy. Ils parlent fort posement, comme se voulans bien saire entendre, & s'arrestent aussitost en songeans une grande espace de temps, peur de se mesprendre, ou qu'on n'ave bien conceu leur dire, puis reprennent leur parole. Cette modestie est cause qu'ils appellent nos François semmes, & les Montagnais oyes babillardes, lorsque || trop precipitez & boüillans en leurs actions, ils parlent tous à la fois & s'interrompent l'un l'autre comme femmes, ce qui n'est que trop ordinaire, estant tres-veritable ce que disoit Salomon l'Hebrieu, que le Sage a la langue dans le cœur: mais que celuy qui est fol & furieux a fon cœur en sa langue.

399

Ils craignent le deshonneur & le reproche qu'ils euitent autant qu'ils peuuent, & font excitez à bien faire par l'honneur & la loüange, d'autant qu'entr'eux est tousiours honoré, & s'acquiert du renom, celuy qui a fait quelque bel exploit, ou exercé quelque acte de vertu heroïque.

Un cœur bien assis, & une ame bien logée, est tousiours liberale & pleine de charité, donne librement &
gayement de ce qui est à son pouvoir, ne laisse point
languir le souffreteux, assiste les indigens, & ne veut
auoir de biens que pour en faire part aux pauvres:
au contraire des auares & mesquins, qui ne veulent
que pour eux-mesmes, suent de detresse quand il leur
faut faire du bien, & sont tousiours dans les plaintes.
O mon Dieu cela se voit mesme dans les maisons des
plus riches esleuez de la fortune, où rarement on
trouue de la charité.

Les Sauuages felon leur pauureté, font louables en cette vertu, laquelle ils exercent indifferemment enuers tous ceux qui ne leur font point ennemis, car ils fe visitent les uns les autres, ils se font des presens mutuels, & ne resusent iamais rien au pauure ny au 400 ma- || lade qui leur demandent, s'ils ont moyen de leur satisfaire & subuenir, & ce qui en est un euident tesmoignage est comme i'ay dit ailleurs qu'ils n'ont aucuns pauures mendiants parmy eux, & enuoyent de leurs biens iusques dans la maison des necessiteux malades, vesues & orphelins, sans leur en faire iamais de reproches, ny aux passans lesquels ils logent librement, aussi longtemps qu'ils veulent, & ne leur en demandent aucune recompense, & si nous leur en

donnions quelquesois un petit present pour ce regard, cela venoit de nostre mouuement, & non de leur im-

portunité.

Et pour monstrer leur galantise ils ne marchandent point volontiers & se contentent de ce qu'on leur baille honnestement & raisonnablement, blasmans les saçons de faire de nos marchands, qui barguignent une seure pour un Castor, c'est pourquoy ils se rient d'eux quand ils les ont trompez, & ne se fachent point quand ils y sont attrapez.

Si dans un grand nombre il se trouue quelque particulier Sauuage auare, & qui refuse d'ayder au necessiteux, ayant moyen de luy bien faire, il en est fort blasmé, mais il ne s'y en voit aucun de si impitoyable & cruel, que le riche bourgeois de Paris, duquel un homme digne de foy m'a eu parlé sans me le nommer, car ie n'ay pas desiré scauoir le nom d'un si vilain barbare, lequel ayant des rentes à milliers, viuoit dans un si grand espargne & si || echarsement que peur de 401 donner un fol à un pauure il ferroit luy mefme fon bois & n'auoit autre seruice que celuy qu'il se rendoit. Mais le principal traict de sa villenie, sut que sa sœur luy ayant demandé quelques confitures pour remettre deux pauures malades en appetit, il luy respondit (Arabe qu'il estoit) qu'ils mangeassent du pain bis & que l'appetit leur reuiendroit, voyla une rudesse & barbarie que ie n'ay point veu aux barbares mesmes & qui peut estre accomparée à celle du mauuais riche.

La clemence & mansuetude, est une vertu propre & naturelle des vrays Princes, sans laquelle ils sont ty-

rans. & non Princes pour ce que Dieu ne les a establis que pour la conferuation & soulagement de leurs peuples, & non pour les opprimer & destruire. L'Empereur Traian a esté grandement loué par Helie Spartain, d'autant qu'estant à cheual pour aller à la guerre. mist pied en terre, seulement pour ouyr la plainte que luy faisoit une pauure femme. Nos Sauuages l'ont bien enuers tous ceux qui ont recours à eux pourueu qu'ils ne leur foient point ennemis, mais en fouuerain degré enuers les malades & personnes affligées. Ils usent aussi d'une maniere de clemence à l'endroit des femmes & petits enfans de leurs ennemis qu'ils prennent en guerre, auxquels ils fauuent ordinairement la vie bien qu'ils demeurent leurs prisonniers pour seruir, mais c'est auec la mesme condition des libres, & par ainfi ils font comme en leurs propres 402 maisons, || finon qu'ils ne voyent point leurs parens, aufquels ils ont fort peu d'attache.

Socrates estant un iour en sa maison, luy furent presentez des choux d'un sien amy Philosophe, qu'il receut de fort bonne grace, honorant le donneur au don, mais sa femme poussée d'enuie & precipitée de fa colere maligne, les luy arracha des mains & les foulla aux pieds, sans que le bon Socrates luy dit autre chose finon: ma femme, en me priuant de ma part des choux tu t'es priuée de la tienne, & puis se teut, pendant que sa femme fulminant de rage de ne l'auoir pû colerer, luy ietta de sa chambre haute un plein pot d'eau fur la teste comme il pensoit fortir, mais pour cela sa patience ne fust point esbranlée, car esleuant les yeux en haut vers la chambre, il dit seulement: ie scauois

bien qu'apres la tempeste viendroit la pluye, & puis

passa son chemin.

La patience est une belle vertu & si elle n'est pas tousiours vertu, il n'y a qu'à la bien prendre qu'elle nous acquiert du merite. Le grand contemplatif Taulere parlant de luy mesme disoit : ie ne suis non plus humble que ie suis patient, ny patient que ie suis humble, aussi est il vray que celuy qui est humble est necessairement patient, & ne se colere que pour la iustice, faschez vous & ne m'offencez point, dit l'Escriture. La patience de nos Sauuages, est tres-admirable & edificative en toutes fortes d'occasions, de maladies, de peines ou de trauail, pas un mot pour se plaindre, pas un mouuement d'impatience, tout est calme chez eux, || & ne s'y entend aucun murmure 403 non à la maniere de certains Philosophes anciens, qui fouffroient bien l'iniure exterieurement & interieurement en recherchoient l'honneur, mais pour le feul respect de la vertu.

Mettant l'humilité à part, ie dis de rechef que leur patience surpasse de beaucoup la nostre, & qu'ils ont un pouvoir fort absolu sur leurs passions naturelles qu'ils maistrisent & dominent puissamment, comme on peut remarquer en leur conversation & dans des occations, qui feroient suer les plus hardis & constans d'entre nous, car toute leur plus grande impatience gift en un petit fouris auec un petit ho, ho, ho, mais il ne s'en faut point estonner ny perdre courage en nos infirmitez, puis qu'ils n'ont point de demons \* qui les prouoque en d'autre mal, qu'à se maintenir dans l'in-

fidelité, comme les heretiques, dans leur herefie, suffit au diable qu'on foit à luy.

Les Sauuages qui me femblent les plus honnestes & mieux appris de toute cette grande estenduë du Canada, font à mon aduis, ceux de la contrée de Miskou, car pour si peu que ie les ay conuersé ie recognu facilement qu'ils tenoient des-ia quelque chose du poly, mais entre tous, le Sauuage du bon Pere Sebastien Recollect Aquitanois, qui mourut de faim auec plusieurs barbares, vers un lieu appellé de Sainct Iean, pendant un Hyuer que nous demeurions aux Hurons, enuiron quatre cens lieuës de luy, lequel ne fentoit nullement son Sauuage en ses mœurs & saçons de faire, 404 ainf || fon homme sage, graue, doux & bien appris, n'approquant nullement la legereté & inconstance qu'il vovoit en plusieurs de nos hommes, lesquels il reprenoit doucement en son licence & sa retenuë, aussi estoit il un des principaux Capitaines & Chess du païs.

Des vices & imperfections des Sauuages & comme ils ont recours aux Magiciens pour recouurer les choses perduës.

## CHAPITRE XXV.

Bien heureux est celuy qui supporte la soiblesse & fragilité de son prochain, comme il seroit sort ayse d'estre supporté en la sienne, disort nostre Seraphique

Pere S. François, car en cela gist la vraye charité & le vrav amour que nous deuons auoir l'un pour l'autre. Veritablement il y a bien de quoy se mortisier & exercer la patience en la compagnie de nos Sauuages, aussi bien qu'en celle de beaucoup d'impertinens & vicieux Chrestiens, car si d'un costé & en de certaines actions ils monstrent de la vertu, ils ont d'ailleurs des imperfections qui ternissent bien le lustre de leur vertu, car il n'y a personne pour bon qu'il soit qui n'aye en foy, quelque chose à reprendre, ny si meschant & imparfaict, qui n'aye quelque chose à louer, disoit un ancien Sage entre les Grecs.

|| Ils manquent sans ialousie, à la fidelité coniugale 405 que le mary & la femme se doiuent reciproquement, i'entends parmy les Hurons, car pour les Canadiens & Montagnias \* on les tient plus honnestes en effects,

& moins en paroles au dire de quelqu'uns.

Le peché du mensonge est un vice detestable en la bouche du Chrestien, car pour petit qu'il soit il nous conduit dans l'infidelité, c'est pourquoy nous pouuons à bon droict estimer du menteur comme d'un puits de maledictions où toutes fortes de vices & de pechez abondent, car iamais le mensonge n'est seul en une ame: c'est un Prince de tenebres, qui a une longue suitte, & deuant lequel les seuls meschants flechissent le genoüil. O mon Dieu pere de verité faicles nous abhorrer le mensonge & nous dessendez de la langue mensongere, car les infidelles mesmes l'ont en abomination.

La loy establie entre les Garamantes faisoit mourir l'homme furpris en mensonge, pour les maux qu'il

cause dans une communauté, & celle que Periandre establit en la Republique des Corinthiens portoit que l'homme ou la semme, qui au preiudice d'autruy diroit quelque menterie, porteroit par l'espace d'un mois une pierre en sa bouche, pour ce qu'il n'est point raisonnable que celuy qui a l'habitude de mentir, soit tousiours en liberté de parler.

Oue si ces Loix estoient establies & obseruées entre les Chrestiens, nous serions heureux & deuiendrions enfans & imitateurs de Dieu, qui faict particuliere 406 profession de la || verité plus que de toute autre chose, de laquelle les Romains faisoient anciennement tant d'estat, que l'Empereur Auguste au triomphe qu'il fist de Marc Anthoine & de Cleopatre amena à Rome un Prestre d'Egypte aagé de soixante ans, lequel en tous les iours de sa vie n'auoit iamais dit un seul mensonge. A raison de quoy le Senat ordonna que soudain il fust faict libre & crée grand Prestre, & qu'il luy fust dediée une statuë & posée entre celles des plus renommez hommes des anciens, & condamnerent un de leur citoven \* accoustumé à mentir, ce Religieux Senat avant plus d'egard à la vertu qu'aux considerations de la faueur.

Nos Sauuages ont d'autres imperfections en fuitte du mensonge, qui est neantmoins en eux plustost souplesse d'esprit que malice affectée, car s'ils en disent entr'eux (ce qui arriue affez rarement) c'est lors principalement qu'ils se veulent recreer & en donner à garder aux estrangers auec lesquels ils sont affez libres: ils promettent aussi ordinairement plus qu'ils n'ont souuent dessein d'accomplir, sinon à leurs com-

patriots\*, & pour auoir quelque chose de vous il sçauent bien flatter & vous amadouer, & pour cela vous ne tenez encorrien, si ce n'est des plus sages d'entr'eux qui seroient conscience de vous tromper. Voyons de la vengeance.

Manille demandoit une fois à Cesar qu'elle \* chose estoit celle qu'il auoit faicte de laquelle il creut auoir rapporté gloire & || de laquelle se souuenant il se resiouissoit le plus : il pensoit peut estre qu'il luy parleroit de ses victoires & de ses triomphes, faisant plus d'estat de la vertu que de ses conquestes, lui respond : par les Dieux immortels ie te iure, ô Manille, que ie n'estime auoir merité gloire de nulle autre chose de ceste vie, n'y \* nulle autre ne me cause tant d'allegresse que de pardonner à ceux qui me sont iniure & gratifier ceux qui me seruent, que responderez vous à cela, ô vindicatifs & auares.

Nous lisons presque semblable humanité & generosité, dans l'histoire generale du Peru, en la personne de l'un des derniers Yncas, qui a regné auant la prise de leur Empire par les Espagnols, lequel ayant esté aduerty par ses Capitaines, que les Soldats de son armée faisoient aualler à leurs ennemis & aux prisonniers qu'ils prenoient en guerre, d'un certain poison qui les traisnoit dans une perpetuelle langueur, les estropioit de tous les membres, les rendoit perclus de leur iugement, desigurez en leur visage, & exposez à des peines insupportables dedans & dehors, à quoy ils prenoient un singulier plaisir (cruels qu'ils estoient) plus tost que de les voir si tost mourir. Il leur enuoya dire qu'ils eussent à faire brusler à petitseu, tous ceux

407

qu'on pourroit conuaincre d'auoir uzé d'une cruauté 408 fi grande, & proceder exactement || en cette execution, afin qu'il ne restassa l'aduenir aucune memoire de ces meschans. Ce qui su de tout point executé & accomply, pour un exemple rare à tous les gens de guerre qu'un courage noble & genereux n'est iamais cruel à son ennemy vaincu, non plus qu'impatient dans les disgraces de la fortune, car l'impatience & la cruauté sont les marques d'un cœur raualé & mal instruict.

Si nos Hurons auoient ce pouuoir fur leur esprit comme ils ont en d'autre chose, de pardonner à leurs ennemis, ou de les traicter humainement comme ces autres infidelles, auec la pureté qui leur manque, il ne leur faudroit plus autre chose que la croyance & le baptesme qu'ils ne fussent gens de bien, mais ils ne pardonnent pas facilement à quiconque des estrangers a offencé leur patrie, ie dis estrangers, parcequ'entr'eux ils s'offencent rarement & se pardonnent facilement, ce qui leur est aysé à cause de l'amour qu'ils ont l'un pour l'autre.

Pour l'honnesteté & la ciuilité il n'y a de quoy les louer non plus qu'entre nous beaucoup de negligens, qui se tiennent salement & viuent rustiquement sous pretexte de pauureté & deuotion. Deuotion trompeuse ou plustost follie d'esprit, car la vraye deuotion est tousiours accompagnée de l'honnesteté & ciuilité auec

la candeur, qui bannit toute dissimulation.

Ils n'usent d'aucun compliment parmy eux, & sont fort mal nets en l'apprest de leurs viandes particulie-409 rement lorsqu'ils sont par la || campagne. S'ils ont les mains salles, ils les esseure à leurs cheueux ou au

poil de leurs chiens, & ne les lauent iamais, si elles ne sont extremement salles: & ce qui est encore plus impertinent, ils ne font aucune difficulté de pousser dehors les mauuais vents de l'estomach parmy le repas, & en toute compagnie, de quoy ie les reprenois quelquefois, mais fort doucement, aussi s'en prenoient ils à rire.

Ils font aussi naturellement fort paresseux & negligens, & ne s'adonnent à aucun trauail du corps, que forcé de la necessité, particulierement les Canadiens & Montagnais plus que toutes les autres Nations, c'est pourquoy ils en ressentent souuent les incommoditez, & la faim qu'ils ont quelquefois extreme.

D'estre fins larrons, nos Hurons & les Petuneux y font passez maistres, non les uns enuers les autres, car cela arriue fort rarement, mais seulement enuers les estrangers, desquels toutes choses leur sont de bonne prise, pourueu qu'ils n'y soient point attrapez, comme ils sont quelquesois à la traicte, où les François sedonnent principalement garde des mains & des pieds des Hurons.

l'ay admiré le compte \* qui m'a esté faict autrefois d'un coupeur de bourse, lequel ayant conuenu de prix auec un marchand coustelier à Paris, de luy faire un petit cousteau à sa mode moyennant un quart d'escu, le couteau faict & payé, le coustelier qui desia || auoit 410 prié par plusieurs sois l'honneste homme de luy dire de grace à quoy faire un tel cousteau, le bon compere trop simple se laissa approcher de trop prés du drolle pour luy en dire le fecret, car en luy disant tout bas à l'oreille, c'est pour couper des bourses, il luy couppa

la sienne, & remporta son quart d'escu auec le petit cousteau, sans que le pauure coustelier s'en apperceut

qu'un petit quart d'heure trop tard.

Nos Hurons font quelquefois des traicts qui ne font gueres moins fubtils, non à coupper des bourfes, car ils n'ont point l'usage d'argent, sinon pour seruir de parures, mais à prendre toute autre chose, où ils peuuent mettre les mains, ou les pieds, qui leur sont des fecondes mains, car auec iceux ils scauent fort bien destourner les choses & s'en saisir lorsque vous y pensez le moins. Nous y auons esté souuent pris en nostre cabane, sans que nostre soin & nostre œil nous pust garantir de ces fascheuses visites: ie m'en plaignois quelquefois aux cabanes, mais qu'elle \* adresse ou la fubtilité de derober fans estre recognu, est estimée sagesse, & bestise de s'y laisser surprendre.

l'ay veu aux Hurons, iusques aux clefs des coffres de nos Mattelots, des petits morceaux de fer, des peignes, quelques pièces de verres, & autres petits fatras pendus au col des ieunes enfans, que leurs parens auoient defrobé aux François. On estime auec raison la fubtilité, & la patience du petit gar- || con de Sparte, lequel avant defrobé & caché un renardeau fous fa robbe, ayma mieux se laisser ouurir & deschirer les entrailles par ce meschant animal, que de descouurir fon larrecin, & en auoir le fouet, qui luy eut esté plus tolerable. L'inuention d'un Hùron n'est guere moins admirable, lequel ayant defrobé une cuillier d'argent aux François la cacha subtilement dans la partie la plus fecrette de son corps, aymant mieux en souffrir la douleur, que la honte d'estre estimé lourdaut.

S'il arriue, ce qui se voit fort rarement comme i'ay dit, que quelqu'un d'entr'eux ait defrobé son voisin, & que celuy qui a esté volé ait desir de recouurer la chose perduë, il a recours au Medecin Magicien : auquel il manifeste sa perte, & le conduit dans sa cabane, ou en celle qu'il foupconne estre le larron, cela fait, Loki ordonne des festins pour premier appareil (car ces malheureux là n'oublient iamais la cuisine), puis pratique ses magies, par le moyen desquelles il decouure le voleur (à ce qu'ils disent) s'il est present dans la mesme cabane, & non s'il est absent, car il n'appartient qu'au grand Oki de scauoir les choses plus esloignées.

C'est pourquoy le François qui desroba les rassades au bourg de Sainct Nicolas, autrement de Toenchain, eut raison de s'enfuir en nostre cabane, qui en estoit à trois lieuës loin, lorsqu'il sceut l'arriuée du petit Oki dans fon logis, pour le fuiet de fon larrecin | & ne 412 nous dit point la cause de sa fuitte que long-temps apres, que nous le trouuames faify de ses rassades, de quoy nous le tencames fort, tant de l'offence commise, que pour nous auoir mis par cette mauuaise action, en danger de nous faire mourir par les Sauuages, s'il eut esté decouuert : car en ce pays là, la faute d'un parti-

culier est souuent punie en plusieurs.

Les Canadiens, & Montagnais ne font point larrons, du moins n'auons nous encore eu suiet de nous en plaindre, encor qu'ils entrent affez librement dans nos chambrettes, & parmy nostre Conuent, où ils nous pourroient faire du torts'ils vouloient. Iene scav neantmoins s'ils auroient la mesme retenuë enuers les autres

François, y ayans pareille liberté, c'est pourquoy il fera tousiours bon d'estre sur la messiance, mere de seureté, pour ne donner suiet de mal faire à personne, comme i'ay dit, que pour ce regard on ne se puisse encor plaindre, & qu'il ne se parle d'aucun larron par-

Il arriua un iour que deux ieunes garçons, l'un Huron, & l'autre Montagnais, furent visiter nostre

my eux.

Conuent de Nostre Dame des Anges: or comme le Huron se suit apperceu d'un gros pain que nos Religieux auoient serré dans la grande chambre d'embas, il ietta si bien ses mesures, & conduit si à propos ses detours, qu'il s'en saisit sans que personne l'apperceut, non pas mesme son compagnon, lequel sçachant apres la malice du || Huron, marry que ce desplaisir nous eut esté rendu en sa compagnie, nous demanda permission de courir apres le volleur, comme il sit, & nous rapporta le pain, de quoy ie sus d'autant plus edisé.

que ce Montagnais nous aduerty luy mesme de la

faute de son Huron.

Les filles Canadiennes qui d'ailleurs permettent en cachette beaucoup de licences contre la pudeur, femblent à l'exterieur fages & honnestes, tant en leurs paroles, qu'en leurs deportemens, & c'est ce qui m'en auoit tousiours faict bien iuger, neantmoins on m'a voulu faire croire du depuis qu'il n'y auoit que les seules semmes mariées d'honnestes, & que les filles voyoient en cachette de leurs amis pour trouuer marys, c'est à dire qu'elles sont seulement sages en publicq & non en particulier, mais pour moy ie doute encor qu'elles soient libertines, en ayant veu de si modestes,

& point du tout d'impertinentes, foit de paroles ou de gestes. Il y en a qui veulent dire en suitte de la mauuaife opinion qu'ils ont de ces filles, qu'on n'entend que falletez dans les cabanes des Montagnais, pour moy i'y ay passé plusieurs iours & ne l'ay point apperceu, ie confesse bien que ie n'entendois pas leur langue, finon fort peu de mots, mais ie croy que le Truchement m'en eut aduerty, & puis en leur geste i'en eusse descouuert quelque chose. Pour les cabanes des Hurons il y a quelque chose de cela, aussi le peché y est il plus || commun, quoy qu'il ne s'y commette 414 qu'en cachette.

Plutarque rapporte que la femme de Tucydes le Grec estant un iour interrogée, comme elle pouuoit endurer la puanteur de la bouche de son mary, elle respondit qu'elle croyoit que tous les hommes l'auoient femblable. Il y a des particuliers qui ont voulu dire que tous les Sauuages auoient la bouche puante, pour moy ie n'en sçaurois que dire, & ne l'ay pas mesme apperceu de nos escoliers Hurons, qui nous approchoient d'assez prés en leur faisans dire leurs leçons, bien est il vray que la pluspart des Montagnois me fembloient fentir mal des graisses de loups marins, qui leur seruent d'oignement & de ciuette, car le musc leur femble puant comme l'haleine d'un qui auroit mangé de l'ail, laquelle ils ne peuuent supporter, ie l'ay veu par experience lors que par necessité, nous estions contraints de manger d'un petit oignon du pays, qui fent l'ail & l'oignon, d'où l'on peut inferer qu'ils n'ont point la bouche puante. Il y en peut neantmoins auoir quelqu'uns de ce calibre, aussi bien que des filles libertines, & des garçons dissolus en paroles, ce qui n'est que trop ordinaire aux Hurons, & peut y en auoir parmy les Montagnais, auec lesquels ces particuliers se peuuent estre rencontrez.

415 || Des Capitaines, Superieurs, & anciens, de leurs maximes en general, & comme ils se gouvernent en leur conseil & assemblées.

## CHAPITRE XXVI.

Aux vieillards se trouue la Sagesse, dit le Sage. Pline en une Epistre qu'il escrit à Fabate, rapporte que Pyrrhe Roy des Epirotes demanda à un Philosophe qu'il menoit auec luy, quelle estoit la meilleure cité du monde. Le Philosophe luy respondit, la meilleure cité du monde c'est Maserde, Sire, un lieu de deux cens feux en Achaye. Le Roy estonné de cette response luy en demanda la raison, & en quoy il recognoissoit tant d'excellence & de prerogatiue en ce petit lieu, pour ce (dit le Philosophe) que tous les murs de la ville sont bastis de pierres noires, & tous ceux qui la gouvernent on \* les testes blanches. Le Roy admirant sa response conforme à tout ce qu'en a iamais tenu la sage antiquité, se teut & demeura satisfait, car il est tellement important & necessaire en tout estat que les vieillards & hommes prudens en avent la conduite & le gouvernement, que sans cet ordre on n'en

peut espererqu'un notable detriment, & en fin la ruyne totale.

|| Les fiecles passez nous en fournissent une infinité 416 d'exemples, & l'Escriture Saincte d'une signalée aduenue au commencement du regne de Roboam, fils de Salomon, lequel pour auoir suiui le conseil des ieunes, comme ieune qu'il estoit, autant d'esprit que d'années, perdit en un moment dix lignées qui se reuolterent contre luy.

C'est pourquoy les anciens Romains, se sont rendus fages des fautes d'autruy, & prirent cette coutume des Lacedemoniens & d'autres nations entre lesquels il y auoit une loy impofée aux ieunes d'honorer les anciens, & que les honorables vieillards, & non les autres, pouuoient auoir la charge de iudicature, & le gouuernement de la Republique.

Nous lisons en l'Histoire que le R. P. Frere Alphonse de Benauides mineur Recollect a fait de la conuersion du nouueau Royaume de Mexique, que le peuple appelle Moqui, voulant establir parmy eux un bon Capitaine, ils s'assemblent tous au marché, & là ils garottent & lient tout nud à un pilier, celuy lequel ils pensent estre propre, & puis tous les fouëttent auec des chardons, ou des espines picquantes, cela estant fait, ils l'entretiennent par des plaisantes farces, & des ioveuses faceties: & s'il se monstre storquement insenfible à tout, sans pleurer ny faire des laides mines ou grimaces pour l'un, & sans aucunement rire ou se refiouyr pour l'autre; alors ils le confirment, & asseurent || pour preux & vaillant Capitaine, lequel auec 417 les anciens s'assemblent lorsqu'il est expedient, pour

conferer & discerner des choses necessaires & conuenables, lesquelles estant vuidées & determinées, le grand Capitaine sort luy mesme pour les declarer & publier au peuple, sans s'en attendre à personne.

Si entre nous en l'election des Iuges, Chefs, & Superieurs on faifoit de femblables espreuues, ie m'asseure qu'il n'y auroit pas tant de brigues à la poursuite des charges, & que la seule vertu emporteroit le prix, ô mon Dieu, nous ne sommes pas dans unsiècle affez bon, car l'insolence & l'ambition de la ieunesse a preualu par dessus la pieté des anciens, desquels ils sont litiere, & les tiennent en mespris, c'est à ceux-là à qui le grand Sainct Gregoire adresse ces paroles pour leur faire ressourenir qu'estans hommes & sautiss comme les autres, ils ne doiuent pas perdre le don d'humilité, & la prudence qui les doit regler, '& apprendre la conduite de leurs suiets.

Les Superieurs, dit-il, ne doiuent pas regarder à la puissance de leur dignité, ains l'egaller de la condition humaine qu'ils ont enuers leurs suiets: Ils ne se doiuent point resiouyr de se voir superieurs des hommes trop bien de leur estre profitable \*, mais il aduient souuent que celuy qui gouuerne, s'oublie en son cœur à cause de sa preeminence, & voyant que tout passe par son comman- || dement, & qu'il est promptement obey, & que tous ses suiets louent le bien qu'il fait, & ne contredisent point le mal (tant s'en faut, ils louent souuent ce qu'ils deuroient blasmer) seduit par les choses qui luy sont inferieures, le cœur s'ensse par-dessus soy, & se voyant appuyé par dehors de la faueur & applaudissement populaire, il demeure vuide de vertu,

418

& s'oublie foy mesme, prestant l'aureille aux stateries, & croit que cela est ainsi comme il l'entend par dehors, & non comme il est en dedans reellement & veritablement: c'est la cause pourquoy il mesprise se inferieurs, & ne se souvient pas qu'ils luy sont egaux en la nature, & iuge que sa vie vaut mieux que la leur, d'autant qu'il les surpasse en puissance, & parce qu'il peut le plus, il presume de sçauoir plus qu'eux tous.

Nos Capitaines Sauuages ont bien quelque espece de vanité semblable, mais elle est cachée au dedans, & ne l'osent saire paroistre au dehors peur de consusion. Ils ne sont non plus de ces espreuues des Moqui, lorsqu'ils admettent ou eslisent les Capitaines & Chess de leur Republique, mais ils ont ce soin qu'ils paroissent vertueux & vaillans, & qu'ils soient plus tost vieux que de moyen aage, & n'en admettent iamais aucun ieune d'aage dans leur conseil, ny pour la police, ny pour la guerre, qui ne soit vieil de l'esprit, & desquels on ne puisse esperer un bon conseil, une bonne conduite, & de bons es- || sects, car comme disoit le Roy Cyrus, il n'appartient à nul de commander, s'il n'est meilleur que ceux à qui il commande.

Ils viennent ordinairement par succession ainsi que la Royauté par deça, ce qui s'entend si le fils d'un Capitaine ensuit la vertu du pere; car autrement ils sont comme aux vieux siecles, lors que premierement ces peuples esleurent des Roys; mais ces Capitaines n'ont point entr'eux autorité absoluë, bien qu'on leur ait quelque respect, & conduisent le peuple plustost par prieres, exhortations & remonstrances, qu'ils sçauent dextrement & rhetoriquement ajancer, que par ri-

419

gueur de commandement, c'est pourquoy ils s'y exercent. & y apprennent leurs enfans, car qui harangue le mieux est le mieux obey.

La multitude des Loix dans un estat, n'est pas tousiours le meilleur, ny lorsque delaissans les anciennes, on en fait souuent de nouvelles, c'est à dire que le corps est bien malade, & prest de donner du né en terre. Lactence Firmian dit que la Republique des Sicioniens dura plus que celle des Grecs, & que la cause fut pour ce qu'en sept cens & quarante ans, ils n'instituerent onques aucuns Edits nouueaux, & n'outrepasserent aucune de leurs Loix.

Nos Hurons ont bien peu de maximes, & si à mon aduis, ils n'en eurent iamais d'auantage \*, font touf-420 iours dans leurs premieres, || y peuuent perseuerer iusques à la fin des siecles, si le Christianisme opposé à leurs tenebres n'a entrée chez eux; & en tel cas il leur faudra changer de vie, de loix, & de maximes, qui font pour la pluspart autant sauuages que brutales & impertinentes.

1. Pour premiere maxime, ils tiennent de ne pardonner iamais, ny faire grace à aucun de leurs ennemis, que par de grands presens.

2. De defrober qui pourra, aux François, ou estrangers, pourueu qu'on n'y foit point apprehendé, autrement on vous lairoit frotter en homme de peu d'esprit.

3. Conuiennent qu'il est loisible à un chacun de voir les filles & femmes d'autruy indifferemment, sans violence toutefois, & au cas pareil les femmes & filles, aller aux hommes & garçons, fans pouuoir encourir blasme ou notte d'infamie.

4. Qu'on doit assister les malades, & ne souffrir de mendians, n'y \* aucun en disette sans luy saire part de ses biens.

5. De receuoir courtoisement les passans qui ne leur sont point ennemis, & de se rendre l'hospitalité reciproque.

6. D'auoir un grand soin des os des deffuncts, & de faire des presens pour le soulagement des ames en

l'autre vie.

7. De n'entreprendre aucun voyage de long cours, fans en aduertir les Chefs & Capitaines, pour ne laif-fer les bourgs desgarnis de gens de guerre.

8. Qu'on puisse rompre un mariage quand || les ma- 421 riez ont rompu d'amitié, & que l'un des deux le desire

ou procure.

9. Que personne ne s'impatiente ou fasche pour chose qui arriue, s'il ne veut estre estimé semme ou eseminé, sinon qu'il y allast de l'honneur des dessurcts qui ne se peuuent vanger, ou tirer raison des ofsences.

Voyla tout ce qu'ils ont de plus recommandables \* en leurs maximes, & qu'ils observent auec plus d'affection & de soin; reste à deduire comme ils se gouvernent & comportent en leur conseil, qui est tel, que les anciens & principaux de la ville ou du bourg, s'assemblent en un lieu auec le Capitaine où ils proposent & decident tout ce qui est des affaires de leur communauté, non par commandement absolu, mais par supplications & remonstrances, & par la pluralité des voix qu'ils colligent auec des petits setus de ioncs. Il me vient de ressoure d'un beau traist que Varon raconte du Senat Romain, lequel a tousiours tenu en

leur enseignoient, que toutesois & quantes qu'il s'assembloit, bien que ce sut pour affaires de grande importance & qui requissent haste & diligence, la premiere chose qu'on y proposoit deuant que decider desdites affaires, appartenoit à la religion & veneration des Dieux; & voyla comme tous les Princes Chrestiens en deuroient veritablement user dans leurs conseils, pour l'honneur & le respect qu'ils doiuent au seruice nostre \* Dieu, || puis qu'ils se disent ses feruiteurs; mais helas les maximes desquelles l'on se fert pour le iourd'huy sont bien disserentes & contraires à celles du mesme Dieu: qui n'a plus de part dans le conseil des grands, où il n'est point inuoqué.

Il y auoit à la ville de Sainct Ioseph le grand Capitaine de la Prouince des Ours, qu'ils appelloient Garihoua Andionxra pour le distinguer des ordinaires de guerre qu'ils appellent Garihoua doutagueta. Iceluy grand Capitaine auoit encores d'autres Capitaines de Prouince fous luy, tant de guerre que de police, partout les autres bourgs & villages de sa iurisdiction, lesquels en chose de consequence le mandoient & aduertissoient pour le bien du public ou de la Prouince; & en nostre bourg qui estoit le lieu de sa residence ordinaire, il y auoit encores trois autres Capitaines, qui affistoient à tous les conseils auec les anciens du lieu. outre son Assesseur & Lieutenant, qui en son absence, ou quand il n'y pouuoit vacquer, faisoit les cris et publications par la ville des choses necessaires & ordonnées. Et ce Garihoua Andionxra n'auoit pas si petite estime de luy mesme, qu'il ne se voulut dire frere &

cousin du Roy de France, & de mesme egalité, comme les deux doigts demonstratifs des mains qu'il nous monstroit ioints ensemble, en nous faisant cette ridi-

cule & inepte comparaison.

Or quand ils veulent tenir conseil, c'est ordinairement dans la cabane au Capitaine || chef & principal 423 du lieu, sinon que pour quelque autre raison particuliere, il soit trouué autrement expedient. Le cry & publication du conseil ayant esté fait, on dispose dans la cabane, ou lieu ordonné, un grand seu, à l'entour duquel s'assissement sur les nattes, ou à platte terre, tous les Conseillers en suitte du grand Capitaine qui tient le premier rang, assis en tel endroit, que de sa place il peut voir tous ses Conseillers & assistans en face.

Les femmes & filles, ny les ieunes hommes n'y affistent point, si ce n'est en un conseil general où les ieunes hommes de 25. à 30. ans peuuent assister, ce qu'ils cognoissent par un cry particulier qui en est fait. Que si c'est un conseil secret, ou pour machiner quelque trahison ou surprise de guerre, ils le tiennent seulement la nuich, entre les principaux & plus discrets Conseillers & n'en descouurent rien que la chose proietée ne soit mise en esset (s'ils peuuent) prenant pour pretexte de leurs assemblées de nuich, que c'est pour n'estre diuertis par l'aspect d'aucune chose, & que le iour diuertissoit leur esprit, par des obiects, & que par ainsi l'on ne deuoit s'estonner s'ils cherchoient l'obscurité pour voir clair à leurs assaires, plus difficiles à demesler pendant le iour.

Estans tous assemblez, & la cabane fermée, ils font tous une longue pose auant parler, pour ne se precipiter point, tenans cependant tousiours leur calumet en 424 || bouche, puis le Capitaine commence à haranguer en terme & parole haute & intelligible, un assez longtemps, sur la matiere qu'ils ont à traister en ce Conseil: ayant finy son discours, ceux qui ont à dire quelque chose, les uns apres les autres, sans bruit, sans s'interrompre, & en peu de mots, opinent & disent leurs aduis, qui sont par apres colligez auec des pailles ou petits ioncs, & là dessus est conclud ce qui est iugé expedient par la pluralité des voix, non criminellement, mais ciuilement, car ie n'ay iamais veu condamner aucun à mort, à la peine corporelle, ny à aucun bannissement entre nos Hurons, comme il se fait quelque-fois parmy les autres Nations Canadiennes.

Ils font des affemblées generales, sçauoir de regions loingtaines, d'où il vient chacun an un Ambassadeur de chaque Prouince, au lieu destiné pour l'assemblée, où il se fait de grands sessins, & dances, & des presens mutuels qu'ils se sont les uns aux autres, & parmy toutes ces caresses, ces resiouissances & ces accolades, ils contractent amitié de nouueau, & aduisent entr'eux du moyen de leur conservation, & par quelle maniere ils pourront perdre, ruyner & exterminer tous leurs ennemis communs: tout estant faict, & les conclusions signées, non auec la plume, mais du doigt de leur sidelité, ils prennent congé les uns || des autres, & s'en retournent chacun en leur païs, auec tout leur train & equipage, à la Lacedemonienne, le plus souuent un à un.

Peu s'en est fallu que ie ne me sois oublié d'ecrire icy un traist qui ne doit pas estre teu. La coustume que nous auons de faire leuer la main à ceux de qui on exige une verité en justice, que nous appellons faire ferment, est pratiquée parmy nos Canadiens & Montagnais, mais en uné autre manière, car ils presentent à tenir une certaine chose qu'ils appellent Tusteheson, qui est une chaine de rassades d'enuiron une brassée de longueur.

Celuy qui la presente à tenir (representant le Iuge) interroge la partie & luy demande: est-ce toy qui a faict telle chose, ou bien ne sçais-tu point qui l'a faict, l'autre est obligé en la prenant de dire la verité, d'autant que par aprés venant à estre trouué menteur, on ne faict plus estat de luy non plus que d'un faussaire, mais si celuy qui est appellé au serment se sent coulpable, alors ne voulant dire la verité, il ne prend point aussi le Tusteheson, mais faict plusieurs circonlocutions pour s'exempter de le prendre & se liberer de tout foupcon.

On dit mesme que les Turcs sont rarement de faux fermens, tefmoin celuy qui ayant mis fon argentdans un baston creuzé & voulant saire serment par deuant le Iuge, donna ce mesme baston à tenir à son creancier qui estoit à son costé, auquel il dit, Monsieur ie vous supplie de grace, tenez ce baston que ie fasse mon ferment, & leue la main, lequel ayant acheué, le cre-Il ancier tout estonné scachant tres-bien qu'il n'auoit 426 pas esté payé, ietta de colere le baston de son debteur si rudement contre terre que la fourbe en sut descouuerte, car le baston se rompit & l'argent en sortit, qui fist cognoistre ce debteur trompeur & non point menteur.

Auant de finir ce chapitre ie vous feray voir par une difgrace qui nous pensa arriuer, comme ils sçauent affez bien proceder en conseil & user de quelque maniere de satisfaction enuers ceux qui auroient esté offencez par aucun d'eux, si on leur en laisse le jugement. Un iour d'Hyuer que beaucoup de Sauuages nous estoient venus voir en nostre cabane, selon leur coustume ordinaire, un d'entr'eux marry de n'y auoir place à fon gré, vouloit insolemment debouter un Francois de son lieu, si le Pere Ioseph qui prit la parole, ne l'eut prié de ne point faire de bruit, de quoy irrité le Sauuage sans autre replique prit lors un gros baston duquel il luy eut deschargé un grand coup sur la teste, si les François qui se trouuerent là presens, ne l'en eussent empesché & repoussé les autres ieunes hommes Hurons, qui sembloient des-ia vouloir estre de la partie contre nos François, par ie ne scais qu'elle\* enuie qu'ils auoient conceuë contre enx.

En ceste esmeute, ie remarquay particulierement la constance d'un ieune homme Huron, lequel se tenoit effrontement tout nud sans sourciller deuant un François, quy lui tenoit un coutelas esleué duquel il le vouloit frapper, & le Huron l'empescher, & en mesme temps luy || sauter au collet, comme il n'eut pas manqué si ie n'y susse arriué & fait retirer l'un & l'autre à l'edification de tous, car il y alloit d'un ieu qui n'estoit point à rire.

Des-ia ce mesme Huron s'estoit gourmé à coups de poings auec un nommé la Vallée, mais un peu desauantageusement pour luy, car encor qu'il tint ce

427

François par les mouftaches, l'autre ne perdoit point de temps & luy approchoit le poing si prés du né qu'il luy en fist fortir le sang, neantmoins iamais aucun de ses compagnons ne bougerent pour l'assister, car ils ont cela de bon, qu'ils disent qu'un à un la partie est egale, & qu'autrement il y auroit de l'iniustice.

Voyant tant de desordre & que tous les barbares fortoient def-ià du bourg pour voir fe \* qui fe passoit ou pour estre de la partie: ie m'attachay les raquettes fous les pieds pour n'enfoncer dans les neiges, & preuenir le grand Capitaine Auoindaon & tous les vieillards, qui se mirent en peine pour nous & crioient partout contre les Moyenti, comment veut on tuer nos Nepueux, veut on faire mourir nos Capitaines Francois, ennon, ennon Moyenti, non, non, ieunes gens, il ne leur faut point faire de desplaisir, ils sont nos bons amys, & ceux qui monstrerent plus de reffentimens pour nous furent les principaux chefs, à scauoir, Auoindaon, Onorotandi, Yocoisse, Ongyata & Onnenianetani, qui firent publier un conseil general à nostre requeste, pour le lendemain matin où nous affistames le P. Nicolas & moy, auec tous les Hu- || rons, depuis l'aage de 29. à 30. ans, iusques à 428 l'extreme vieillesse. Celui qui auoit voulu donner le coup n'y affifta point, non plus que le Pere Ioseph, qui estoit resté à nostre cabane auec tous les François, crainte qu'on y allast faire quelque frasque ou rauage s'ils s'en fussent absentés, car il n'y a ny clefs, ny ferrures aux portes en tous ces païs là, ny fermeture suffisante qui en puisse dessendre la libre entrée à qui que ce foit.

Pour moy i'allois librement par tout folliciter les affaires des François, & empescher qu'on n'attentast plus sur la vie d'aucun de nous, & d'appaiser les Sauuges, mais i'admiré\* ce traict de bonté en eux, qu'au plus fort du debat, comme i'allois criant à nos François (un peu trop eschaussez) de se retirer & ne blesser personne, il y en eurent qui coururent aussitost au village, publians partout Onianné Auiel, Onianné Auiel: Gabriel est bon, Gabriel est bon, tant sont amis des amateurs de la paix.

Le conseil assemblé, le grand Capitaine nous sit s'addresse de luy, puis ayant imposé le silence, il s'addressa à nous & nous parla en sorte que toute l'assemblée le pû entendre. Mes Nepueux, à vostre requeste i'ay faict assembler ce conseil general, asin de vous estre faict droict sur les plaintes que vous m'auez faictes, de quelque\* malicieux qui vous ont voulu ofsencer, mais d'autant que ces gens icy sont ignorans du faict, proposez vous-mesmes vos plaintes & declarez hautement en leur presence ce qui est de vos griess, & en quoy & comment || vous auez esté ofsencez, &

fur ce ie bastiray ma harangue & vous ferons iustice, car nous ne desirons pas qu'aucun vous fasse de desplaisir, mais au contraire que l'on vous rende tout le service que l'on pourra, pendant que nous aurons ce bien de iouir de vostre presence.

Nous ne fusmes pas peu estonnez d'abord de la prudence & sagesse de ce Capitaine, & comme il proceda en tout sort sagement iusqu'à la fin de sa conclusion, qui fut sort à nostre contentement & edification.

Nous proposames donc nos plaintes, & comme nous

auions quitté un tres-bon païs & trauersé tant de mers & de terres auec infinis dangers & mesays pour leur venir annoncer la parole de Dieu, le chemin du Ciel, & retirer leurs ames de la domination de Loxi, qui les entrainoit tous aprés leur mort dans un abisme de seu sousterrain, puis pour les rendre amis & comme parens des François qui les cherifsoient, & neantmoins qu'il y en auoit entr'eux qui auoient voulu tuer nostre frere Joseph, particuliere-

ment un tel que nous nommasmes.

Quoy, leur dis-ie, pour leur faire admirer la bonté & les richesses de la France, & leur oster l'opinion que les leurs ayent allechez les François, nous mangions de la graisse à plain soul, car c'est là leur plus friant morceau. Les outardes, les grües & les perdrix, nous estoient tellement communes, que cela ne nous estoit non plus espargné qu'à vous le bled d'Inde. Les pauures mesmes ne veulent point manger de la chair de nos chiens. Nos maisons sont basties || non d'es- 430 corces & de bois comme les vostres; mais de pierres & materiaux folides. Les champs font tous femez de bon bled, de bonnes prunes & de racines excellentes, voudriez vous croire à present que nous soyons venus chercher à difner à vos portes, & que la necessité nous ait porté à un si miserable païs, desnué de toutes douceurs, comme vous aduoüez vous mesmes, puisque nous estions si fort à nostre ayse & que toutes choses nous venoient à fouhait, ayez donc de l'amitié pour nous, puis que l'amour que nous auons eu pour vous, nous a faict quitter tant d'ayse & de contentement, & faict ieusner fort austerement en procurant le salut de vos ames.

nos plaintes & leur remonstra l'excellence de nostre condition releuée entre celle des autres François.

qu'ils estimoient moins que nous, (à cause qu'ils ne parloient point à Dieu disoient-ils), puis leur dit que ce ieune homme auoit eu grand tort d'auoir voulu tuer le Pere Ioseph, que nous ne leur rendions aucun desplaisir, & qu'au contraire nous leur procurions du bien & de la confolation, pour cette vie & pour l'autre, en nous priuant nous-mesmes de nostre propre repos. Et bien dit-il, que voulez-vous qu'ils fassent dauantage pour vous, ils vous instruisent, ils enseignent vos enfants, ils parlent à Dieu pour nous, & nous traictent comme leurs parens, & pour recompense nous leur voulons rendre des desplaisirs : quoy la chose seroit-elle raisonnable, non, il n'en sera pas 431 ainfi. || Il leur remontra de plus, que s'il estoit sceu à Kebec, qu'ils nous eussent voulu mal traicter, que les François en pourroient auoir du ressentiment & par ainsi qu'il falloit estouffer ce desordre & nous laisser viure en paix & repos parmy eux. Et pour conclufion, ils nous prierent d'excufer la faute d'un particulier, lequel nous deuions tenir feul auec eux, pour un chien, à la faute duquel les autres ne trempoient point, & nous dirent par exemple, que des-ia depuis peu, un des leurs auoit griefuement bleffé un Algoumequin, en iouant auec luy, & qu'ils s'estoient accordez sans guerre, moyennant quelque petit present, & celuy-là feul tenu pour un chien & meschant qui auoit faict le coup, & non les autres qui estoient bien marris d'un tel accident.

Ils nous firent aussi present de quelques sacs de bled d'Inde, que nous acceptames. & fumes au reste caressez de toute la compagnie, auec mille prieres d'oublier tout le passé, & demeurer bons amis comme auparauant; & nous conjurerent de plus, fort instamment d'assister tous les jours à leurs festins & banquets aufquels ils nous feroient de bonnes fagamitez diuerfement preparées & que par cette hantize & familiere conversation qu'apportent les festins & repas, nous nous maintiendrions plus facilement dans l'intelligence & la bonne amitié, que se doiuent parens & amys si proches, & que de verité ils nous trouuoient assez pauurement accommodez & nourris dans nostre petite cabane, de laquelle ils eussent || bien desiré nous 432 retirer pour nous mettre mieux dans leur bourgade, où nous n'aurions autre soin que de prier Dieu, les instruire en nos sciences, & nous gouverner doucement auec eux, mais comme un continuel & assidu bruit de la mesnagerie n'estoit point compatible à nostre humeur, non plus qu'à nostre condition, nous les remerciames de leur bonne volonté, fismes porter nostre maiz à nostre cabane & primes congé de la compagnie, fort satisfaicts les uns des autres.

De la guerre & des armes dont uzent nos Hurons, & comme nous les empechames de fortir contre les Neutres des-jà tout prests de nous courir sus, auec une exemple d'Vladislas Roi de Hongrie pour la sidelité, &c.

## CHAPITRE XXVII.

L'homme de bien ne cherche point la guerre, si ce n'est pour vanger l'iniure faicte à Dieu, ou pour deffendre les oppressez, contre les Tyrans, autrement ô mal-heur du siecle! à quel propos tenir soldats en campagne & voir ruyner le pupil & le paysan, dont les acclamations vont iusques au Ciel, implorans ses soudres contre les meschans, & ceux qui ne peuuent viure sans trouble.

433 || L'Empereur Marc Aurelle, deuisant un iour auec fon amy Corneille des effects d'une gendarmerie pour bien conduite & disciplinée qu'elle puisse estre, difoit: mais auec ressentiment, qu'il ne sçauoit quelle plus grande guerre les Princes pourroient auoir, que de tenir en leurs Royaumes gens de guerre, si la necessité ne les pressoit de se dessendre, pour ce que selon que nous monstre l'experience, ceux-cy sont deuant Dieu fort coulpables, aux Princes importuns, & aux peuples ennuyeux: de maniere qu'ils viuent au dommage de tous, & sans prosit d'aucun.

C'est pourquoy Scipion l'Africain auoit raison de dire, que toutes les choses deuoient estre essayées en guerre deuant que de mettre les mains aux armes:

& à la verité il n'y a plus grande victoire que celle qu'on gaigne sans effusion de sang, & sans soldats en campagne, car l'amy, aussi bien que l'ennemy, ruine tousiours le bonhomme aussi bien que le païs.

Mais c'est bien le mal-heur lorsque l'on entreprend la guerre iniuste, car outre ces incommoditez & les maledictions des peuples, l'offence de Dieu y est si grande, que tost ou tard on en est puny en ce monde ou en l'autre; & fausser la foy donnée à ses ennemis, est le comble du boisseau qui attire l'ire, & la iuste vengeance de Dieu fur nos testes, comme l'exemple d'Vladislas Roy de Hongrie nous en sert de preuue. Car ce Roy ayant en l'année mil quatre cens quarante trois, du temps d'Eugene quatriesme, gaigné une signalée victoire con- || tre Amurat, second Em- 434 pereur des Turcs, & du depuis faict treues auec luy

pour dix années.\*

L'an fuiuant à la fuafion du Legat du Pape nommé Iulian, il faussa sa foy & lui declara la guerre. Amurat contrainct de se dessendre vint auec une armée de foixante mille hommes. La bataille se donne, où du commencement les Chrestiens eurent de l'auantage, une partie des Turcs tuez fur la place, une autre partie mise en desroute. Ce que voyant Amurat il tire de son seing une coppie de l'accord faict entre luy & Vladislas, & leuant les yeux au ciel, & tenant ce papier en main commença à se plaindre de la perfidie du Roy & des Chrestiens en ces paroles:

Voyla, ô Iesus-Christ, l'accord que les Chrestiens ont passé auec moy, qu'ils ont iuré sur tes Saincles Euangiles d'obseruer inuiolablement, & cependant

auiourd'huy meschans & perfides qu'ils sont, ils faussent leur soy & renoncent perfidement à l'honneur qu'ils doiuent à leur Dieu. C'est pourquoy si tu es Dieu comme ils disent, venge tes iniures & les miennes, & leur faisant payer la peine de leur perfidie & de la soy par eux violée, fais-toy recognoistre iuste à ceux qui n'ont pas encores la cognoissance de ton nom.

A peine auoit-il acheué ceste priere, qu'incontinent voilà la chance tournée. Les Turcs reçoiuent nouuelles forces, une grande boucherie se faict des Chrestiens, le Roy Vladislas tué, & le Legat du Pape, qui auoit esté autheur || & conseiller de rompre la treue: tant Dieu a en horreur la persidie, & veut que l'on garde la foy donnée.

Aussi les Payens mesmes en cela se sont monstrez beaucoup plus religieux que les Chrestiens. Plutarque en la vie de Curtius Camillus & de Pirrhus Roi des Epirotes, en rapporte deux belles exemples, qui deuroient estre imitées par ceux lesquels ambitieux d'honneur, comme de posseder le bien d'autruy, n'obtiennent aucune victoire que par mauuais moyens ou en faussant leur soy, ou en s'aquerant des thraistres\*, & puis il faudra mourir & abandonner tout.

La premiere histoire est, que Camillus ayant esté esleu Tribun militaire auec cinq autres, pour faire la guerre aux Faliques, incontinent auec l'armée Romaine entra dedans ce païs, où il alla mettre le siege deuant la ville des Faleriens, qui estoit bien fortissée & pourueuë de toutes choses requises & necessaires à la guerre; sçachant tres-bien que ce n'estoit pas en-

treprise legere que de la prendre, ne qui se peust executer en peu de temps, mais voulant comment que ce fust tenir ses citoyens occupez à quelque chose, & les diuertir, afin que, par estre trop de seiour en leurs maisons, ils n'eussent loisir de vacquer à seditions & dissentions ciuiles: car les Romains usoient sagement de ce remede là, tournans au dehors, comme bons medecins, les humeurs qui estoient pour troubler le repos de leur chose publique.

Il Mais les Faleriens se confians en l'assiette de leur 436 ville, qui estoit forte de tous costez, faisoient si peu de conte\* d'estre assiegez, que ceux qui n'estoient pas à la garde des murailles se pourmenoyent en robes sans armes, par la ville, & alloient leurs enfans à l'escole, le Maistre de laquelle les menoit ordinairement hors de la ville se promener, iouer & exerciter au long des murailles, car ils auoient un commun Maistre d'escole pour toute la ville, comment\* encores ont les Grecs, voulans que leurs enfans dés le commencement s'accoustument à estre nourris en compagnie, & qu'ils conversent tousiours ensemble.

Ce Maistre donc espiant l'occasion de faire un mauuais tour aux Faleriens, menoit tous les iours leur \* enfans à l'esbat hors de la ville, non gueres loin des murailles du commencement, & puis les remenoit dedans, aprés qu'ils s'estoient esbatus & exercitez. Depuis qu'il les y eut menez une fois, il les tira de iour en iour un peu plus loin, pour les accoustumer à s'affeurer, en leur donnant à entendre qu'il n'y auoit point de danger, iusques à ce qu'un iour à la fin ayant tous les enfans de la ville auec foy, il donna iusques

dedans le guet du camp des Romains, aufquels il liura tous ses escoliers, & leur dit qu'ils le menassent
deuant leur Capitaine general, ce qui fut faict: &
quand il fut deuant Camillus, il se prit à dire qu'il
estoit Maistre & precepteur de ces enfans, mais neantmoins qu'il auoit eu plus cher acquerir sa bonne
437 gra- || ce, que de faire ce que le debuoir de ces tiltreslà luy commandoit: au moyen de quoy il luy venoit
rendre la ville, en luy liurant ces enfans entre ses
mains.

Camillus ayant ouy ces paroles, trouua l'acte bien malheureux & meschant, & dit à ceux qui estoient autour de luy, que la guerre estoit bien chose mauuaise & où il se faisoit beaucoup de violences & d'outrages, toutessois qu'encore y auoit-il entre gens de bien quelque \* loix & quelque \* droits de la guerre, & qu'on ne deuoit point tant chercher ne pourchasser la victoire, que l'on ne fuit les obligations d'en estre tenu à si maudits, & si damnables moiens, & qu'il falloit qu'un grand Capitaine sist la guerre se consiant en sa propre vertu, non point en la meschanceté d'autruy.

Si commanda à fes gens qu'ils deschirassent les habillemens de ce mauuais homme, en luy liant les deux mains par derriere, & qu'ils donnassent des verges & des escorgées aux enfans, afin qu'ils remenassent le traistre qui les auoit ainsi trahis, en le souettant, iufques dedans la ville.

Or si-tost que les Faleriens eurent entendu la nouuelle, comme ce Maistre d'escole les auoit trahis, toute la ville en mena grand dueil, ainsi qu'on peut estimer en si grieue perte, & s'en coururent hommes & sem-

mes, pesle mesle fur les murailles & aux portes de la ville, sans scauoir qu'ils faisoient, tant ils estoient troublés. Estans là, ils apperceurent leurs enfans qui ramenoient leur Maistre nud & lié en le souëttant, || & 438 appellant Camillus, leur Pere, leur Dieu & leur Sauueur : de maniere que non seulement les peres & meres des enfans, mais aussi tous autres citoyens generalement conceurent en eux-mesmes une grande admiration & finguliere affection enuers la preud'hommie, bonté & iustice de Camillus, tellement que sur l'heure mesme ils assemblerent conseil, auquel il sut refolu qu'on luy enuoyeroit promptement des Ambassadeurs pour se remettre eux & leurs biens du tout à fa discretion.

Si cette action de Camillus & des Romains est honorable, moins ne le fut celle du Consul Fabricius, auquel comme il estoit en son camp estant venu un homme qui luv apportoit une missiue escrite de la main du Medecin de Pirrhus, par laquelle ce Medecin offroit de faire mourir son Maistre par poison moiennant qu'on luy promist une recompense condigne, pour auoir terminé une facheuse guerre sans danger.

Fabricius detestant la meschanceté & perfidie de ce Medecin, escriuit une lettre à Pirrhus en ces termes: Tu as faict mal-heureuse eslection d'amis aussi bien que d'ennemis, ainsi que tu pourras cognoistre en lifant la lettre qui nous a esté escrite par un de tes gens: pour ce que tu fais la guerre à hommes iustes & gens de bien, & te fie \* à des desloiaux & meschans : de quoy nous t'auons bien voulu aduertir, non pour te

faire plaisir, mais de peur que l'accident de ta mort. ne nous fasse calomnier, & que l'on estime que nous avons cherché de terminer cette guerre par un tour de trahison, comme si nous n'en peussions venir à bout par vertu.

|| Pyrrhus ayant leu cette lettre & aueré le contenu en icelle, chastia le Medecin ainsi qu'il auoit merité. & pour loyer de ceste descouuerture enuova à Fabricius & aux Romains leurs prisonniers sans payer

rancon.

439

Nos Sauuages bien que brutaux & enclins à la vengeance, ne faussent iamais leur parole donnée publiquement, & moins trahissent-ils leurs freres ny leur patrie pour chose qui puisse arriver, au contraire ils tiennent à gloire de luy estre fidelle, il n'y a qu'entre nous autres Chrestiens où ce malheur arriue, ô mon Dieu où en sommes-nous! faut-il que ceux qui ne vous cognoissent point soient plus gens de bien que nous, & qu'ils soient un iour nos Iuges deuant vous, Seigneur qui reietterez les enfans du Royaume, pour y colloquer les enfans perdus, horrible eschange de l'honneur d'icy bas! en une espouuentable confusion de demons, l'eternel mespris & l'humiliation des meschans.

. Neantmoins nos Hurons pour bien enclins qu'ils foient (fors qu'à la reconciliation) n'ont encor pû comprendre la doctrine de cest admirable Prince de paix Marc Aurelle, car n'y ayant point de defordre parmy leur gendarmerie, où chacun vit de ce qu'il porte fur fes espaules, comme ie diray plus amplement cy apres, ils n'en peuuent receuoir aucune incommodité, &

partant continuent leur guerre contre leurs ennemis, non pour en posseder les terres, ny pour les rendre tributaires & suiects à leur estat, mais pour les exterminer & ruyner totalement : de maniere, qu'ils tiennent plus à gloire d'auoir || tué un de leurs ennemis, 440 que d'auoir gaigné cent lieuës de païs, & si toutes ces guerres ne sont fondées pour la pluspart, que sur un appetit de vengeance, pour quelque petit tort ou desplaisir qui n'est pas souuent grand chose, mais leur grande union & l'amour reciproque, qu'ils se portent les uns aux autres, faict qu'ils embrassent volontiers en general le faict & cause d'un particulier, offencé par un estranger.

Maissi l'un d'entr'eux a offencé, tué ou blessé un de leur mesme nation, il en est quitte pour un present, & n'y a point de bannissement ny chastiment corporel, pour ce qu'ils ne les ont point en usage enuers ceux de leur propre nation, si les parens du blessé ou decedé, n'en prennent eux mesmes la vengeance, ce qui arriue fort peu souuent, car ils se sont rarement iniure & du tort les uns aux autres. Mais si l'offencé est de nation estrangere, alors il y a indubitablement guerre declarée entre les deux nations, si celle de l'homme coulpable ne se rachepte promptement par de grands presens, qu'elle exige du peuple, si les trefors publiques\* font espuisez, pour la partie offencée: & par ainsi il arriue le plus souuent que par la faute d'un feul, deux peuples entiers se font cruellement la guerre, & viuent toufiours dans une continuelle crainte d'estre surpris l'un de l'autre, particulierement fur les frontieres où les femmes mesmes n'osent cul-

tiuer les terres, ny faire les bleds, qu'elles n'ayent tousiours auprés d'elles, des hommes armez, pour les conseruer & dessendre de quelque mauuaise auenuë.

| Quand ils veulent faire guerre, foit offensiue, foit dessensiue ce seront deux ou trois des anciens ou vaillans Capitaines, qui en entreprendront la conduite pour cette sois, & vont de village en village, faire entendre leur volonté, donnant des presens à ceux desdits villages, pour les induire à leur octroyer l'ayde & le secours qu'ils leur demandent, & par ainsi sont comme generaux d'armées.

Il vint en nostre bourg un grand vieillard fort dispos & robuste, lequel ie crû estre de la mesme qualité, car il alloit de cabane en cabane parler aux Capitaines, & à la ieunesse, qu'il portoit à une guerre malheureuse, contre la Nation des Attinoindarons, de quoy nous le tançames fort, & dissuadames le peuple d'y entendre, à sa consusion, & au grand contentement de tous les amateurs de la paix, car en esse il n'y a point d'apparence de rompre auec une Nation si puissante, sans se mettre au hasard d'en estre totallement ruyné, & puis l'esperance d'y aduancer la gloire de Dieu s'en alloit totalement perduë par cette guerre, auec ce peu de bien que nous y auions commencé.

Ces Capitaines ou generaux d'armes \* ont le pouuoir, non feulement de designer les lieux, de donner quartier, & de renger les bataillons, mais aussi de commander aux assauts, & disposer des prisonniers, & de toute autre chose de plus grande consequence. Il 442 est vray qu'ils ne sont pas tousiours || bien obeïs de leurs soldats, entant qu'eux mesmes manquent souuent dans la bonne conduite, & celuy qui conduit mal est souvent mal suivi. Car la fidelle obeissance des suiets despend de la suffisance de bien commander du bon Prince, disoit Theopompus Roy de Sparte.

Pendant que nous estions là, le temps d'aller en guerre contre les Hiroquois estant arriué un ieune homme de Sain& Ioseph, desireux d'honneur & de reputation, voulut luy seul en faire le festin, & deffrayer pour un iour entier, tous ses compagnons, ce qui luy fut de grand coust & despence, aussi en fut-il grandement estimé: car ce festin estoit de six grandes chaudieres pleine \* de bled d'Inde concassé, auec quantité de grands poissons boucanez, sans les farines, & les huiles pour faire la fauce.

On mit les chaudieres fur le feu dés auant iour, dans l'une des plus grandes cabanes du bourg, puis le Confeil estant acheué, & les resolutions de guerre prises, tous entrerent au festin, pendant lequel, ils firent les uns apres les autres, les mesmes exercices militaires. qu'ils ont accoustumé aux festins de guerre. Les chaudieres nettes, & les complimens & remerciemens rendus, partirent pour le rendez-vous de toute l'armée assigné sur la frontiere, d'où ils se rendirent sur les terres ennemies, aufquelles ils prindrent enuiron foixante prisonniers, la pluspart desquels furent tuez fur les lieux, & les au- || tres amenez pour faire mou- 443 rir aux Hurons par le feu, puis mangezen leur assemblée, finon quelque \* membres qui furent distribuez à des particuliers pour leurs malades.

Leurs guerres ne sont proprement que des surprises & deceptions plus tost que des batailles & combats ou

fiege de villes, non par coüardife & faute de courage, car ils fe trouuent fouuent aux prifes auec l'ennemy, mais pour attraper quelqu'un mort ou vif, fans exception d'aage ou de fexe, pour les conduire en triomphe en leur païs.

Tous les ans au renouueau & pendant tout le temps que les feuilles couurent les arbres, cinq ou fix cens ieunes hommes Hurons ou plus, s'en vont auec cet ordre, s'espandre dans le païs des Hiroquois, se departent cinq ou six en un endroit, cinq ou six en un autre, & se couchent le ventre contre terre par les champs & les forests, & à costé des grands chemins & lieux passans, & la nuict venuë ils rodent partout iusques dans les villes, bourgs, & villages pour attraper quelqu'un de leurs ennemis, lesquels ils emmenent en leur pays, pour les faire passer par les tourmens ordinaires, finon apres les auoir tuez à coups de fleches ou de masse, ils en emportent les testes, ou la peau des testes escorchées auec la cheuelure, qu'ils appellent Onontsita, lesquelles les femmes passent pour les conferuer, & en faire des trophées & banderoles en temps 444 de guerre, ou les at- || tachent au haut de leurs murailles ou pallissades au bout d'une longue perche.

Il y a d'autres Nations en nostre Amerique qui auoient accoustumé d'escorcher ceux qu'ils prenoient à la guerre, & de remplir de cendres leurs peaux, qu'ils appendoient à leurs places publiques, comme autant de trophées, & de monumens de leurs beaux faits. Il y en auoit neantmoins plusieurs d'entr'eux qui employoient ces peaux à d'autres usages, & en faisoient des tambours, disans que ces caisses quand on

venoit à les batre, auoient une secrette vertu de mettre en fuitte leurs ennemis. Tous les Hurons & Algoumequins crovoient la mesme vertu en nostre beau chasuble, mais ils n'en peurent venir à l'espreuue, car il nous faisoit besoin. & puis c'estoient toutes folles opinions pardonnables à ces pauures gens là, & non à un Chrestien qui y adhereroit.

Quand ils veulent tenir la campagne, & aller en païs d'ennemis, ils ne meinent iamais autres pouruoyeurs ou viuandiers qu'eux mesmes, chargez chacun d'un plein sac de farine qu'ils appellent Eschionque, accommodez derriere leur dos, auec des lanieres ou cordelettes, qu'ils appellent Acharo, de forte que ce paquet les incommode de fort peu, & puis c'est la charge d'Esope, qui va tousiours en diminuant à mesure qu'ils s'arrestent pour les repas.

De fouller le bon homme il ne s'en parle point, non plus que d'en tirer la piece, car il ils viuent & logent 445 tousiours en pleine campagne, & au fond du bois, où ils prennent leur refection qui est aysée, car cette farine se mange aussi bien cruë que cuite, seiche que moüillée, d'eau tiede ou froide, à la volonté d'un chacun, sans qu'il soit besoin de feu, ny d'autre sauce que l'appetit.

Ils mesnagent tellement ce petit sac qu'il leur dure iusques à leur retour qui est enuiron six sepmaines ou deux mois de temps, car apres ils viennent se rafraischir au pays, finissent la guerre pour ce coup, ou s'y en retournent encores auec d'autres prouisions.

Que si les Chrestiens usoient de telle sobrieté & temperance ils pourroient avsement entretenir de tres-

puissantes armées auec peu de fraiz, & faire la guerre auec aduantage, aux ennemis de Dieu & du nom Chrestien, sans fouller les peuples, ny ruyner le pays, & puis Dieu n'y feroit point tant offencé, comme il est à present par la pluspart de nos foldats François, qui viuent auec une telle licence chez les paysans, & par tout ailleurs où ils mettent le pied, qu'on en abhorre la veuë, & fait fuyr un chacun l'esclat de leur infolence. Les pauures Sauuages (à nostre confusion) se comportent ainsi modestement en guerre, sans incommoder personne & s'entretiennent de leur propre & particulier moyen, sans autre gage ou esperance de recompence, que du seul honneur & loüange || qu'ils estiment plus que tout l'or du monde, où l'on ne faist icy estat que de l'argent, autrement point de service.

Ils n'ont pour toutes armes que la masse, l'arc & les fleches, lesquelles ils empannent de plumes d'aigles, comme les meilleures de toutes, & à faute d'icelles ils y en accommodent d'autres. Ils y appliquent aussi fort proprement des pierres tranchantes collées au bois, auec une colle de poisson tres-forte, & de ces sleches ils en emplissent leur carquois, qui est fait d'une peau de chien passée, qu'ils portent en escharpe sur leur dos. Ils portent aussi de certaines armures & cuirasse qu'ils appellent Aquientor, pour arrester le coup de la sleche: car elles sont saites à l'espreuue de ces pierres aiguës, & non toutesois de nos fers de Kebec, quand la sleche qui en est accommodée sort d'un bras roide & puissant, comme est celuy d'un Sauuage.

Ces cuirasses sont faites auec des baguettes couppées de mesures, & serrées les unes contre les autres, tis-

fues & entrelassées de cordelettes fort durement & proprement. Ils se seruent aussi d'un rondache ou bouclier fait d'un cuir bouilly fort dure,\* & d'autres faits de planches de bois de cedre fort grands, larges & legers qui leur couurent presque tout le corps. Il me fouuient qu'estant à la bourgade de Sain& Nicolas, autrement de Troenchain, ie vis arriuer plusieurs ieunes hommes d'une guerre estrangere, qui me monstrerent une assez grande || piece d'un bouclier de leurs 447 ennemis, qui sembloit de l'yuoire, ie ne pû comprendre ny coniecturer de quel animal ce pouuoit estre, mais que ce fut d'yuoire, ou d'une coquille polie de quelque grande tortuë, elle estoit pour resister à quelque fleche que ce fut & à l'espée, & le poignard.

Ils ont diuerfes enseignes ou drapeaux faits, (pour le moins ceux que i'ay veus) d'un morceau d'escorce rond, attaché au bout d'une longue baguette, comme une cordelette de caualerie, sur lequel sont depeintes

les armoiries de leur ville ou Prouince.

Ce font les principales armes dont nos Hurons fe feruent ordinairement, & principalement de l'arc & de la fleche de laquelle ils se seruent auec tant de dexterité, qu'ils ne manquent guere de donner où ils visent: & tirent si legerement & habilement, que comme ils disent eux-mesmes, ils ont plus-tost decoché dix fleches que nos meilleurs arquebuziers ne fçauroient auoir deschargé deux coups de leur harquebuze, & s'en est trouué de si hardis de defier en pleine campagne, un François auec fon harquebuze, difans qu'ils scauroient bien esquiuer son coup, & ne le point faillir de leur fleche.

Depuis qu'on a eu porté des lames d'espées en Canada les Montagnais, & autres peuples errants, ont trouué l'inuention de les emmancher en de longs bois comme demyes piques, qu'ils sçauent roidement elan-448 cer à la chasse contre l'eslan, & à la guerre || contre leurs ennemis.

Comme on a de coustume fur mer, pour signe de guerre, ou de chastiment, mettre dehors en euidence le pauillon rouge: Aussi nos Sauuages, non seulement és iours solennels & de reiouissance, mais principalement quand ils vont à la guerre, ils portent autour de leur teste, pour la pluspart, de certaines pennaches encouronnes, & d'autres en moustaches, faits de longs poils d'eslan, peints d'un rouge cramoify beau par excellence, & collez, ou autrement attachez à une bande de cuir large de trois doigts, & longue affez pour entourer la teste.

Nostre chasuble à dire la Saincte Messe, leur agreoit fort, & l'eussent bien desiré traicter de nous, pour le porter en guerre en guise d'enseigne, ou pour mettre au haut de leurs murailles, attachée à une longue perche, afin d'espouuenter leurs ennemis, disoient ils, mais ce n'estoit pas chose à leur usage, ny qui deut estre ainsi prophanée. Les Algoumequins de l'Isle nous auoient fait la mesme priere au Cap de Masaire, ayant desia à ce suiet amassé sur le commun, enuiron quatrevingts Castors: car ils le trouuoient non seulement tres-beau, pour estre d'un excellent damas incarnat, enrichy d'un passement d'or (digne present de la Reyne, qui nous l'auoit donné auant partir de France) mais aussi pour la croyance qu'ils auoient qu'il leur

causeroit du bon heur, & de la prosperité en toutes leurs deliberations & entreprises de guerre.

|| Quant la guerre est declarée en un pays, & qu'on 449 doute des forces de l'ennemy, à tout euenement, on se fortifie par tout auec l'ordre que le Conseil y donne. Les habitans destruisent tous les bourgs, villes & villages frontiers, incapables d'arrester l'ennemy, ou de pouvoir estre suffisamment fortifiés pour soustenir un fiege, & chacun fe range dans les lieux fortifiez de sa iurisdiction, où ils bastissent de nouvelles cabanes pour leur demeure, à ce aydez des habitans du lieu, qui leur font la courtoisie auec affection.

Les Capitaines, à ce aydez de leurs officiers & gens du Conseil de guerre, trauaillent continuellement à ce qui est de leur conservation & fortification, à ce que par leur faute ou negligence ils ne soient surpris de l'ennemy, font balayer & nettoyer les suyes & araignées des cabanes, de peur du feu que l'ennemy y pourroit ietter, par de certains artifices qu'ils ont appris de ie ne fçay qu'elle \* Nation que l'on m'a autrefois nommée, & qui s'est eschappée de ma memoire.

Ils font porter sur les guarittes, des pierres & de l'eau pour s'en feruir dans l'occasion, & crainte de tout perdre si la forteresse venoit à estre prise d'assaut, ou que le feu s'y prist, plusieurs font des trous en terre, dans lesquels ils enferment ce qu'ils ont de meilleur, & le couurent si proprement de la mesme terre, que le lieu ne peut estre recogneu || que de ceux-là 450 mesmes qui y ont trauaillé.

Un bon Capitaine n'a pas seulement soin du dedans

mais aussi du dehors, & manquer dans la preuoyance est tout perdre, peur de quelque camisade, les chess enuoyent par tout des espions & coureurs, pour descouurir & observer l'ennemy, & posent leurs sentinelles selon la necessité, pendant que d'autres exhortent & encouragent le reste des gens de guerre, à faire des armes, & de se tenir prests pour vaillamment & genereusementcombattre, resister & se dessende si l'ennemy vient à paroistre.

Le mesme ordre s'obserue en toutes les autres villes & forteresses du pays iusques à ce qu'ils voyent l'ennemy attaché à quelqu'unes, & pour lors la nuict venuë à petit bruit, une quantité de soldats de tous les villages voisins, vont au secours, & s'enserment au dedans de celle qui est assiegée, la dessendent, sont des sorties, dressent des embusches, s'attachent aux escarmouches, & combattent de toute leur puissance, pour le salut de la partie, surmonter l'ennemy, & le desfaire du tout s'ils peuuent.

Pendant que nous estions au village de S. Joseph, nous vismes faire toutes les diligences susdites tant en la fortification des places, apprests des armes, assemblées des gens de guerre, prouision de viures, qu'en toute autre chose necessaire pour soustenir une grande guerre qui leur alloit tomber sur les bras, de la part des Attiuoindarons, si le bon || Dieu n'eust diuerty cet orage, & empesché ce malheur qui alloit menaçant nostre bourg d'un premier choc, lequel à ceste occasion sut mis en estat de dessence en ruynant les cabanes escartées, qu'on rebassit dans le fort reduit en forme ronde, & en lieu assez fort d'assiette de tous costez.

Mais pour ce que nous ne voulusmes pas quitter nostre ancienne cabane pour nous placer dans la ville. les Sauuages nous aduertissoient de nous donner sur nos gardes, à quoy nous ne manquions pas, car il nefaut point tenter Dieu, & negliger ses asseurances, c'est pourquoy nous barricadions nostre porte toutes les nuicts, auec grosses busches de bois posées les unes fur les autres, auec deux paulx derriere piquez en terre, & n'ouurions point à heure induë à qui que ce fust, finon aux François.

Or pour ce que la guerre n'est en rien bonne, si elle n'est pour le soustien de la foy, & que les Neutres qui pouuoient faire iusques à cinq ou six mille hommes n'estoient que trop fort \* pour deux mille hommes que nos Hurons peuuent faire au plus, nous fusmes les intercesseurs de la paix, comme i'ay dit ailleurs, & donnasmes nos raisons, lesquelles nous acquirent quelque chose sur leur esprit, & la promesse qu'ils se tiendroient en paix, & ne penseroient plus à la guerre. si les Neutres ne les y obligeoient, & que ce en quoy ils auoient auparauant fondé l'esperance de leur salut estoit en nostre grand esprit, & au || secours que quel- 452 ques François mal auisez leur auoient sait esperer de Kebec: outre une tres-bonne inuention qu'ils auoient conceuë en leur esprit, par le moyen de laquelle ils esperoient tirer un grand secours de la Nation du Feu, ennemis iurez des Neutres.

L'inuention estoit telle, qu'au plustost ils s'efforceroient de prendre quelqu'un de leurs ennemis, aufquels \* ils couperoient la gorge, & que du fang de cest ennemy, ils en barbouilleroient la face & tout le corps

de trois ou quatre d'entr'eux, lesquels ainsi ensanglantez seroient par apres enuoyez en Ambassade à cette Nation du Feu, pour obtenir d'eux quelque secours & assistance à l'encontre de si puissans ennemis, & que pour plus facilement les esmouuoir à leur donner ce secours, ils leur monstreroient leur face & tout leur corps dessa teints & ensanglantez du sang mesme de leurs ennemis communs.

l'admiray l'inuention & l'esprit de ce bon Capitaine Aioandaon qui m'en fit le recit, mais pour cela la paix valloit mieux que la guerre, & que demeurassions amis de tous pour gaigner tous, de quoy furent fort contans la pluspart des hommes, & generalement tous\* les semmes, lesquelles nous en parloient en particulier, & nous prioient d'y tenir la main, c'est ce qui nous sit croire qu'elles ont peu de voix en chapitre, & qu'il ne leur est pas permis de parler librement des choses qui concernent le faict des hommes.

453 || Des prifonniers de guerre lesquels ils mangent en festin apres les auoir fai& cruellement mourir & du Truchement Bruslé, deliuré miraculeusement de la main des Hiroquois, par la vertu d'un Agnus Dei.

## CHAPITRE XXVIII.

Les tourmens dont nos Sauuages usent à l'endroit de ceux qui leur font ennemis, font si furieusement cruels, qu'ils tesmoignent en effet combien est absolu le pouuoir que le Diable a acquis fur leur malheureux esprit, car ils sont au delà de toute pensée humaine, & si estrangement horribles, qu'il ne se peut imaginer rien de plus douloureux, ny de plus conftamment fouffert.

Bien heureux celuy qui endure pour le Ciel, & non pour la terre, & malheureux est celuy qui patit sans profit, car l'un est Martyr du Diable, & l'autre de Iefus Christ. Nos Hurons ayans pris quelqu'un de leurs ennemis, apres l'auoir lié & garotté, luy font une longue harangue des cruautez, rigueurs, & mauuais traitemens que luy & les siens ont exercé à leur endroit, & qu'au semblable il deuoit se || resoudre d'en 454 endurer autant, & plus s'il fe pouuoit, & luy commandent de chanter tout le long du chemin, ce qu'il fait (s'il a du courage assez), mais souuent auec un chant fort trifte & lugubre.

Estant arriué au village, il est receu uniuersellement de tous, & particulierement des femmes, auec de grands cris & acclamations, battans doucement des doigts le bout de leurs leures, de iove qu'elles ont de voir leurs ennemis prisonniers, ausquels elles sont continuellement festin, non-seulement pour les engraisser pour la chaudiere, mais pour les rendre plus fensibles aux tourmens.

Ils n'en font pas de mesme aux semmes & petits enfans, lesquels ils font rarement mourir, & passer par les rigueurs de la Loy, d'autant qu'ils les conseruent ordinairement pour leur seruir, ou pour en faire des presens à ceux qui en auroient perdu des leurs en

guerre, & font estat de ces subrogez, comme s'ils estoient leurs propres enfans, lesquels estans paruenus en aage, vont aussi librement en guerre contre leurs parens, que s'ils estoient naiz ennemis de leur propre patrie, qui est un tesmoignage euident du peu d'amour que les ensans Sauuages ont pour ceux qui leur ont donné l'estre, puis que si tost ils en oublient les biensaits passez par les presens, comme i'en ay veu l'experience en plusieurs, ou bien telle || est leur coustume passée en loix en toutes ces Nations.

I'ay leu de certains peuples qui conferuent leurs ieunes prifonniers de tout fexe pour leur feruir, puis les mangent quand la fantasie leur en prend, apres de longs feruices; qui est une cruauté bien esloignée de la douceur & humanité de Plutarque, lequel comme il disoit de luy-mesme, n'eust pas voulu tuer le bœuf qui luy eust long-temps seruy, & encor moins un esclaue fait à l'image de Dieu, car celuy qui est cruel aux bestes, l'est ordinairement aux hommes.

Quand nos Hurons ne peuuent emmener toutes les femmes & filles, auec les enfans qu'ils ont pris fur leurs ennemis, ils les tuent fur les lieux, & en emportent les teftes, ou les peaux, auec la cheuelure. Il s'en est veu (mais peu souuent) qu'ayans amené de ces femmes & filles dans leur pays, le desir de vengeance leur en a faict passer quelqu'unes par les mesmes tourmens des hommes, sans que les larmes de ce pauure sexe, qu'elles ont pour toute dessence, les aye pû esmouuoir à compassion, & exempter pour un peu d'un si furieux orage, plus miserables & malheureuses en cela, que certains Hollandois, lesquels ayans esté pris en qualité

d'ennemis, par ceux de la Nation des Loups, & appliquez au feu, versèrent tant de larmes sur les braisiers ardans, qu'elles esteignirent auec le feu, la cholere de leurs meurtriers, qui les renuoyerent comme femmes du costé de la Virginie, où ils auoientesté pris.

|| Les Canadiennes & Montagnaifes recoiuent leurs 456 foldats reuenans de la guerre d'une maniere fort differente à celle de nos Huronnes, car à mesme temps qu'elles ont apperceu les canots ou ouy la voix des hommes, toutes les ieunes femmes & filles s'encourent sur le bord de la riuiere, & là elles attendent de pied coy (leurs ceintures oftées, & leurs robes detachées, qu'elles tiennent seulement en estat pour cacher leur nudité) que les canots foient à enuiron à cent pas d'elles, puis à mesme temps, quitans leurs robes, le iettent toutes dans l'eau, & vont à la nage (car elles scauent nager comme poissons) empoigner les canots ou \* font les prisonniers ou les cheuelures de ceux qu'ils ont faict mourir, qu'elles tirent à bord, puis se saisissent de tout le butin qui est dedans, & comme leur appartenant par droit d'antiquité, comme aux hommes victorieux la gloire du triomphe qui leur est rendu, non pas admirable & rauissant, tels \*qu'à ces anciens Romains, riches & puissans, mais à la portée de pauures Sauuages, à qui peu d'honneur sert de

Or comme ces Amazones sont prestes ne \* se faisir des canots, & qu'il n'y a plus qu'à mettre la main desfus pour les conduire à terre || les hommes les 457 abandonnent, & se iettent tout nuds dans l'eau auec leurs armes en main & nagent jusques au bord de la

beaucoup pour amimer \* leur courage.

riuiere, où ils font receus du reste du peuple, auec une ioye & acclamation uniuerselle de tous, leur disans qu'ils sont bien vaillans & courageux d'auoir eu le dessus de leurs ennemis, & amené plusieurs prisonniers, tous lesquels de ce pas, sont conduicts dans la cabane de leur Capitaine, où sa femme & ses amis preparent un magnisique sestin de tout ce qu'ils ont de meilleur, qu'ils leur donnent auec autant de gayeté, que s'ils auoient conquis un Empire, ou obtenu la paix pour leur païs.

Il faut que ie die ce petit mot, qu'à la verité nul ne fe peut dire heureux que celuy qui vit contant, ils ont peu & peu de choses les contente, ils sont comme les petits enfans, qui croyent estre beaucoup quand ils ont une plume sur leur bonnet, ou comme les Hypocondres qui s'imaginent d'estres \* Roys, Empereurs ou Papes, & ne commandent qu'à des mouches.

Lorsque les soldats Montagnais se iettent en l'eau, & cedent leurs canots & tout ce qui est dedans aux ieunes semmes & silles, qui leur vont à la rencontre, ils ne sont pas si simples que d'y laisser leur meilleur butin, mais auparauant que de se faire voir, ils en cachent la pluspart dans les bois, qu'ils vont requerir quelque temps apres, & ne laissent dans leurs canots que ce qu'ils veulent perdre, & que par ainsi les sem-458 mes n'ont pas souuent grand chose, & || quelquesois rien du tout, car les armes sont aussi souuent des pertes, comme le cancre, qui est pris pensant prendre.

Ils attachent leurs prisonniers à la barre de leur canot auec une corde, qui leur prent par les deux

bras audessus du coude allant par derriere le dos, & une autre entre le genoüil & le molet des deux iambes, qu'ils attachent ensemble si estroictement, qu'ils ne peuuent marcher que fort doucement & aucc grand peine. Ils uzent quelquefois d'une autre espèce de ligature, bien plus cruelle & inhumaine, enuers ceux qu'ils croyent auoir tué plusieurs de leurs parens & amis, car ils leur percent le gras des iambes & des bras auec un cousteau, puis passans une corde au trauers des playes, les lient de forte qu'ils ne peuuent groüiller fans fentir de furieuses douleurs.

Nos Hurons aui prirent quantité de leurs ennemis, pendant que i'estois demeurant dans leur païs, n'uzerent pas de cette cruauté, car ils fe contenterent simplement de les bien garotter, & engarder de pouuoir prendre la fuitte, & apres ils les accommoderent en petits damnez.

Les femmes & filles, ne vont point au deuant auec la mesme ceremonie des Montagnais, & se contentent de leur faire la bien-venuë dans le village, & de les ayder à brusler, si elles se rencontrent à la cabane où se faict le supplice, car il y en a d'un naturel si tendre, qu'elles ne peuuent voir fans horreur, deschirer les membres d'un miserable.

|| Lorsque les hommes reuiennent de la guerre, ils 459 ont accoustumé de chanter d'un ton fort haut, approchant de leur bourg ou village, comme i'ai veu pratiquer à la ville de S. Gabriel, nommée par les Hurons Quieuindohain, au retour de quelqu'uns des leurs, & il y en a aussi qui ne disent mot, ny de prés ny de loin, entrent & s'assoyent dans les cabanes sans

faluer personne, sinon qu'ils disent tout bas leur disconuenuë à leurs plus familiers amis, comme firent ceux que ie vis arriuer au village de S. Nicolas, autrement nommé Toenchain, où i'estois pour lors auec Onraon Malouin de Nation.

I'en av veu d'autres ietter de haut \* cris en approchans, denotans par ces voix lugubres, la perte de quelqu'uns de leurs compagnons, aussi ne leur faisoiton pas grand accueil, & demandant la raison de ces facons de faire à quelques Sauuagesses, elles me respondirent Danston teongyande, il n'y a rien de bon, les affaires ne vont pas bien pour nous.

Il est quelquesois arriué qu'aucuns de nos Hurons, estans poursuiuis de prés, se sont neantmoins eschappez, car pour amuzer ceux qui les poursuiuent & se donner du temps pour euader & gagner le deuant, ils tirent leurs colliers du col, & les iettent au loin arriere d'eux, afin que si l'auarice commande à ses poursuiuans de les aller ramasser, ils pensent tousiours les deuancer & se mettre en lieu de seureté, ce qui a reuffi à plusieurs. l'ay ruminé & creu que c'est là la 460 principale raifon pour laquelle ils || portent tous leurs plus beaux colliers en guerre, afin de seruir d'amorce à leurs ennemis, car de rançon ou de tribut il ne s'en parle point, non plus que d'eschanger un prisonnier pour un autre.

Lorsqu'ils ioignent un ennemy & qu'ils n'ont qu'à mettre la main dessus, comme nous disons entre nous, rends-toy, eux disent fakien, c'est à dire, assied-toy, ce qu'il faict, s'il n'ayme mieux se faire assommer sur la place, ou se deffendre iusques à la mort, ce qu'ils ne

font pas louuent en ces extremitez, sous esperance de se sauuer & d'echaper auec le temps, par quelque ruze. desquelles ils ne manquent pas.

Or comme il y a de l'ambition à qui aura des prifonniers, cette mesme ambition ou l'enuie de la gloire de son compagnon, est aussi cause que ces prisonniers y trouuent quelquefois leur liberté & fouuent leur compte comme ie vous feray voir en l'exemple fuinante.

Il arriua un iour, que deux ou trois Hurons, se voulans chacun attribuer un prisonnier Hiroquois, & ne se pouuans accorder, ils en firent juge leur mesme prisonnier, lequel bien aduisé se seruit de l'occasion & dit. Un tel m'a pris & suis son prisonnier, ce qu'il disoit contre son propre sentiment & exprés, pour donner mescontentement à celuy de qui il estoit vray prisonnier : & de faict indigné qu'un autre eut iniustement l'honneur qui luy estoit deu, parla en secret la nuict suiuante au prisonnier & lui dit : tu t'es donné & adiugé à un autre qu'à moy qui t'auois pris, ie pourrois bien presentement || te saire mourir & me 461 vanger de ton mensonge, mais ie ne le feray point pour euiter noyse & te donneray liberté, plustost qu'il aye l'honneur qui m'est deu, & ainsi le desliant le fist euader & fuyr secrettement la nuict.

Les prisonniers estans arriuez dans leur ville ou village, on leur continuë bien les festins & bonne chere, mais ie vous asseure qu'ils en voudroient bien estre exempts & estre bien esloignez de ces caresses, car les tourmens qu'ils sçauent qu'on leur prepare, leur donnent bien d'autres pensées que celle de la

bonne chere, & si la Sagamité est bien ou mal assaifonnée. Ouy les supplices sont si cruels & inhumains qu'il faut que le Diable (car Dieu n'est point auec eux) les assiste pour les pouvoir supporter courageusement comme ils font, car il n'y a pas insques aux semmes & filles aussi cruelles & inhumaines que les hommes, qui inuentent de nouvelles saçons de les tourmenter, & saire languir pour plus endurer.

Premierement ils leur arrachent les ongles auec les dents, leur couppent les trois principaux doigts de la main, qui feruent à tirer de l'arc, puis leur leuent toute la peau de la teste auec la cheuelure, & mettent fur le tet des cendres ardentes, ou y font degoutter de la gomme fonduë, pendant que d'autres disposent des slambeaux d'escorces, auec quoy ils les bruslent tantost fur une partie, puis sur l'autre, & à aucuns ils sont manger le cœur de leur parens & amis, qu'ils tiennent prisonniers, tant leur barbarie est incapable d'assouissement.

462

|| Ils les font ordinairement marcher, nuds comme la main, au trauers un grand nombre de feux, qu'ils font d'un bout à l'autre de la cabane ordonnée, où tout le monde qui y borde les deux costez, ayans en main chacun un tizon allumé, luy en donnent par tout \* les endroits du corps en passant, puis l'ayant lié à un poteau, luy marquent des iaretieres autour des iambes auec des haches chaudes, desquelles ils luy frottent aussi les cuisses du haut en bas, & ainsi peu à peu bruslent ce pauure miserable: & pour luy augmenter ses tres-cuisantes douleurs, lui iettent par sois de l'eau sur le dos, & luy mettent du seu sur les extre-

mitez des doigts, & de sa partie naturelle, puis luy percent les bras prés des poignets & auec des bastons en tirent les nerfs & les arrachent à force, & ne les pouuans auoir les couppent, ce qu'ils endurent auec une constance incrovable, chantans cependant auec un chant neantmoins fort trifte, mille menaces & imprecations contre ces bourreaux & contretoute la Nation, disant: il ne me chaut de tous vos tourmens ny de la mort mesme, laquelle ie n'ay iamais apprehendée pour aucun hazard, poussez, faictes ce que vous voudrez, ie ne mourray point en vilain ny en homme couard, car i'ay toufiours esté vaillant à la guerre, & rien ne m'a pas encore espouuanté.

Et bien vous me tuerez, vous me bruslerez, mais aussi en ay-ie tué plusieurs des vostres, si vous me mangez, i'en ay mangé plusieurs de vostre Nation: & puis i'ay des freres, i'ay des oncles, des cousins & des parens, qui sçauront bien || venger ma mort, & vous 463 faire encore plus fouffrir de tourmens que vous n'en fcauriez inuenter contre moy; neantmoins auec tout ce grand courage, encores y en a-il qui se trouuent fouuent contraints de ietter de haut \* cris, que la force des douleurs arrachent du profond de leur estomach, mais tels hommes impatiens, estoient reputez ignominieux & infames entre les peuples du Peru auant leur conuersion & y prenoient de si prés garde, que si pour aucun tourment, langueurs & fupplices, le miferable deffunct auoit tesmoigné le moindre sentiment de douleur, ou en son visage, ou és autres parties de son corps, ou mesme qu'il luy fut eschapé quelque gemisfement ou quelque fouspir, alors ils brisoient ses os

apres en auoir mangé la chair, & les iettoient à la voirie ou dans la riuiere, auec un mespris extreme.

Au contraire s'il s'estoit montré patient, resolu, constant & mesme farouche dans les tourmens, en tel cas comme ils en auoient mangé la chair & les entrailles, ils seichoient les nerss & les os au soleil, puis les ayans mis sur le sommet des montagnes, ils les tenoient pour des dieux, les adoroient & leur faisoient des facrissices. Voyla comme entre les peuples les plus brutaux mesme la patience dans les tourmens, & la constance parmy les difficultez a tousiours esté en estime, iusques a estre adorée comme un Dieu, & au contraire de l'impatience & des impatiens, desquels les os estoient iettez à la voirie ou dans la riuiere, comme indignes d'estre meslez parmy ceux des gens de bien.

464 | Reuenons à nos Hurons.

Ce pauure corps estant prés d'expirer & rendre les derniers souspirs de la vie, ils le portent hors de la cabane sur un eschaffaut dressé exprés, où la teste luy ayant esté tranchée, le ventre ouuert, & les boyaux distribuez aux enfans, qui les portent en trophée au bout de leurs baguettes par toute la bourgade en signe de victoire, ils le sont cuire dans une grande chaudiere, puis le mangent en festin, auec des ioyes & liesses qui n'ont point de prix.

Quant les Hiroquois ou autres ennemis, peuuent attraper de nos Hurons, ils leur en font de mesme ou pis s'ils peuuent, car c'est à qui fera mieux ressentir les essects de la hayne à son ennemy. Or si le bon-heur en veut quelquesois à nos Hurons, qu'ils ayent de l'ad-

uantage fur leurs ennemis, la chanse se tourne aussi souuent du costé des Hiroquois, qui scauent donner ordre à leur faict, & comme chacun se tient sur ses gardes & fe mesfie de fon ennemy, tel vay \* pour prendre, qui est fouuent pris luy-mesme au filet.

Les Hiroquois ne viennent pas pour l'ordinaire guerroier nos Hurons, que les feuilles ne couurent les arbres, pour à la faueur de ces ombres & feuillages. furprendre nos hommes au despourueu, ce qui leur est assez facile, d'autant qu'il y a beaucoup de bois dans le païs & proche la pluspart des villages, que s'ils nous eussent pris nous autres Religieux, ils nous eussent faict passer par les mesmes tourmens de leurs ennemis, & arraché la barbe: de plus, comme || firent au 465 Truchement Bruslé, qu'ils pensoient faire mourir, & lequel fut miraculeusement deliuré par la vertu de l'Agnus Dei qu'il portoit pendu à fon col, dont voicy l'histoire

Il est tres-difficile & comme impossible à tous les François encore peu usitez dans le païs de nos Sauuages, de faire des voyages de long cours & courir les bois & forests, où il n'y a sentiers ny chemin, sans guyde ou fans s'egarer, comme il arriue ordinairement, & moy-mesme y ay esté pris. Or ie conseillerois volontiers à un chacun, pour ne plus tomber en ces inconueniens, de ne fortir iamais en campagne feul, fans guide ou fans un cadran & bouffole, pour ce qu'encor bien que la veuë du Soleil à laquelle il fe faut apprendre à marcher, foit une asseurée guyde à ceux qui cognoissent son cours, celle de la boussole est encore plus commode à nous autres, qui ne fommes pas

naturellement Astrologues comme les Sauuages, & puisle Soleil ne se voit pas tousiours, & la boussole peut seruir en tout temps, & la nuiet & le iour, il n'y a qu'à en sçauoir user. Mais il saut auoir remarqué au prealable auant partir du logis, à quel Rut de vent on desire aller, & à quel autre Rut vous doit demeurer la maison, afin que vostre cadran que vous regarderez souuté, \*vous redresses serves à manquer, comme il ne peut qu'il n'arriue quelquesois.

Ce pauure Bruslé, quoy qu'assez sçauant dans le païs des Hurons & lieux circonuoisins, se perdit neantmoins, & s'egara de telle sorte que saute d'auoir 466 une de ses boussoles, ou prins || garde au soleil, il tourna le dos aux Hurons, trauersa sorce païs & coucha quelques nuics dans les bois, iusques à un matin qu'ayant trouué un sentier battu il se rendit par iceluy sans un village d'Hiroquois, où il sut à peine arriué, qu'il sut sais & constitué prisonnier, & en suite condamné à la mort par le conseil des Sages.

Le pauure homme bien estonné ne sçauoit à quel Sainct se vouer, car d'esperer misericorde il sçauoit bien qu'il n'estoit point en lieu, il eut dont recours à Dieu & à la patience, & se soubmit à ses diuines volontez, plus par sorce qu'autrement, car il n'estoit guere deuot, tesmoin ce qu'il nous dit un iour, que s'estant trouué en un autre grand peril de la mort, pour toute priere il dit son Benedicité.

Or ie ne sçay s'il le dit icy se voyant prisonnier & dans le premier appareil de la mort, car des-ia ils l'a-uoient faict coucher de son long contre terre & luy arrachoient la barbe, lors que l'un d'eux auisant un

Agnus Dei, qu'il portoit pendu à fon col, luy voulant arracher, il se prit à crier & dit à ses bourreaux, que s'ils luy ostoient, Dieu les en chastieroit, comme il sist car ils n'eurent pas plustost mis la main dessus pour luy tirer du col, que le ciel auparauant serein, se troubla, & enuoya tant d'esclairs, d'orages & de soudres, qu'ils en creurent estre au dernier iour, s'enfuyrent dans leurs cabanes & laisserent là leur prisonnier, qui se leua & s'enfuit comme les autres, mais d'un autre costé.

Ie sçay bien que quelque petit espritse ren- || dra in- 467 credule à cecy, n'importe, suffit que les gens de bien & ceux qui ont demeuré dans les païs infidelles, sçachent que Dieu y opere encore de plus grandes merueilles, & souuent par des personnes plus mauuaises, pour faire dauantage esclater sa gloire & cognoistre qu'en essect il est seul tout puissant, & peut ce qu'il veut, & faich du bien à qui il luy plaist.

A la fin ce fortuné \* Bruslé, a esté du depuis condamné à la mort, puis mangé par les Hurons, aufquels il auoit si long-temps seruy de Truchement, & le tout pour une hayne qu'ils conceurent contre luy, pour ie ne sçay qu'elle \* faute qu'il commit à leur endroit, & voila comme on ne doit point abuser de la bonté de ces peuples, ny s'asseurer par trop à leur patience, pour ce que trop exercée elle se change en furie, & ceste surie en desir de vengeance, qui ne manque iamais de trouuer son temps. Il y auoit beaucoup d'années qu'il demeuroit auec eux, viuoit quasi comme eux, & seruoit de Truchement aux François, & apres tout cela n'a remporté pour toute

recompense, qu'une mort douloureuse & une fin suneste & malheureuse; ie prie Dieu qu'il luy fasse misericorde, s'il luy plaist, & aye pitié de son ame. Il arriue aucunesois que les prisonniers s'eschap-

pent, specialement la nuich, au temps qu'on les faich promener par dessus les seux, car en courant sur ses cuisans brasiers, de leurs pieds ils escartent les tizons, cendres & charbons par la cabane, qui rendent apres une telle obscurité qu'on ne s'entrerecognoist point:

468 || de sorte qu'on est contrainct (pour ne perdre la veuë) de gaigner la porte, & de sortir dehors & luy aussi parmy la presse, & de là il prend l'essor & s'en va: & s'il ne peut encores pour lors, il se cache en quelque coin à l'escart, attendant l'occasion & l'opportunité de s'euader & gagner païs. I'en ay veu plusieurs ainsi eschappez, qui pour preuue nous faisoient voir les trois doigts principaux de leur main droicte couppez.

Entre les Mexicains auant leur conuersion, il s'y faisoit souuent de tres-grandes guerres à ce dessein, principalement d'obtenir des prisonniers, pour les faire mourir & sacrisser à leurs Idoles, comme i'ay rapporté en quelque autre endroit de ce volume, de sorte qu'il s'est conté pour tel iour (cas pitoyable) dans la seule ville de Mexique Capitale du Royaume iusques à cent mille hommes facrissez sous le Roy Moteezuma, & pourquoy cela sinon pour contenter & auoir sauorables leurs saux dieux, affamez du sang humain, qui par une inuention infernale bastie & forgée sur l'enclume de leur obstination eternelle, ne vouloient qui \* leur sus facrisse autre chose que des

prisonniers de guerre, afin d'entretenir tousiours les guerres & exterminer ces peuples miferables, car le Diable ne demande que la ruvne de ceux qui le feruent. C'est pourquoy lorsque les Prestres des Idoles n'auoient pas toutes choses à souhait, & que leurs Dieux ne leur estoient pas secourables, ils alloient par tout trouuer les Roys & les Princes, & leur disoient que les Dieux mouroient || de faim, & qu'ils eussent 469 fouuenance d'eux ; alors les Princes s'enuoyoient des Ambassadeurs l'un l'autre, & s'entredonnoient aduis de la necessité en laquelle les Dieux se trouuoient les conuians pour ceste cause à faire leuée de gens de guerre pour donner la bataille, afin d'auoir de quoy donner à manger aux Idoles. Ainsi ils marchoient en abondance aux lieux destinez. & venoient aux mains pour aller à la mort, & de la mort aux enfers.

Les prisonniers que les Mexicains obtenoient, estoient menez en haut deuant la porte du grand Temple, où le Souuerain Prestre, leur ouuroit la poitrine auec un cousteau, & leur arrachoit le cœur, qu'il monstroit premierement au Soleil, luy offrant ceste chaleur & ceste fumée, puis il le iettoit au visage de l'Idole. Les autres Prestres donnoient apres du pied au corps, qui roulant par les degrez s'en alloit en bas, ou ceux qui les auoient pris à la guerre se les partageoient & en faisoient des festins solemnels, presque à la maniere de nos Sauuages.

470 || Voyage de nostre frere Geruais au Cap de Victoire, & de la maniere que furent amenez & receus deux prisonniers Hiroquois par les Montagnais.

## CHAPITRE XXIX.

l'ay faich mention au chapitre precedent, mais fort fuccinchement, de la maniere que font amenez & receus entre les Montagnais, leurs prifonniers de guerre, dont ils font en quelque chose differens des autres nations, qui ne donnent point tant de part aux femmes en leurs victoires, estans d'ailleurs assez fatisfaictes au repos de leur \* mesnages & à la douceur, à quoy il semble que nos Huronnes soient enclines & moins interessées en ces actions de guerre que les errantes.

Nostre Frere Geruais m'a appris, que comme il fut

enuoyé par le R. P. Ioseph le Caron Superieur de Nostre Conuent de Kebec dans une barque auec le R. P. Lallemand Iesuite, pour les trois Riuieres, à desfein d'apprendre des Hurons (qui s'y deuoient trouuer) des nouuelles de nostre Pere Ioseph de la Roche, qui estoit dans leur païs, & d'y monter s'il eust esté necessaire pour son secours. Estans là arriuerent sur le soir trois canots de ieunes Montagnais, || volontiers qui malgré leurs parens & Capitaines estoient partis pour la guerre contre les Hiroquois, pour y mourir ou pour en ramener des prisonniers, comme ils sirent.

Il dit qu'ils venoient chantans tout debout dans leurs canots, comme personnes fort contantes & ioyeuses, & que de loin qu'on les apperceut & qu'on

pû discerner leur chant & leur posture, on iugea à leur mine, qu'ils venoient de la guerre & qu'asseurement, ils auoient autant de prisonniers, comme ils repetoient de fois à la fin de chacun couplet de leur chanfon la sillabe ho, ce qui fut trouué veritable, car ils la repetoient deux fois, aussi auoient-ils deux prisonniers.

Ils en font de mesme quand ils ne rapportent que les testes de leurs ennemis, ou leurs perruques escorchées, lesquelles ils attachent chacune au bout d'un long bois, arrangez fur le deuant de leurs canots, pour faire voir leur prouesse & la victoire obtenue sur leurs ennemis à ceux qui leur doiuent une honorable reception pour ces exploicts.

Le bon Frere Geruais, desireux de voir ces prisonniers de plus prés, & fonder s'il pourroit obtenir leur deliurance, se fist conduire à terre auec le R. P. Lallemand, & de là entrerent dans les cabanes pour voir ces pauures prisonniers, qu'ils trouuerent chez un Sauuage, nommé Mecabo ou Martin par les François,

qui nous estoit grand amy.

Son gendre appellé Napagabiscou, & par les Francois Tricatin, fils d'un pere nomme Nep- || tegaté, 472 c'est à dire homme qui n'a qu'une iambe, non qu'il fust boiteux, mais estoit son nom de naissance. Ce Napagabifcou estoit Capitaine des sept autres barbares, qui l'auoient accompagné à la guerre contre les Hiroquois, d'où ils auoient amenez ses deux prisonniers lesquels ils auoient surpris occupés à la pesche du Castor, en une Riuiere autour de leur village ou bourgade.

Ces pauures esclaues, l'un aagé d'enuiron 25. ans, & l'autre de 15. à seize, estoient assis à platte terre proche de ce Capitaine Napagabiscou, sestinans en compagnie de plusieurs autres Sauuages, d'une pleine chaudiere de pois cuits, & de la chair d'Eslan, auec la mesme gayeté & liberté que les autres, du moins en saisoient-ils le semblant, pour n'estre estimez poltrons ou auoir peur des tourmens, desquels ils auoient desia eu le premier appareil capable de pouuoir tirer des larmes de personnes moins constantes, car pour moindre mal, nous crions bien à l'ayde.

Le bon Frere dit, qu'on leur auoit des-ia arraché les ongles de tous les doigts des mains, puis bruslé le dessus auec de la cendre chaude, ordinairement mes-lée de sable bruslant, pour en estancher le sang. L'un d'eux auoit aussi esté tres-bien battu par une semme Montagnaise, qui luy mordit le bras, dont elle mangea une grande piece, disant: que c'estoit une vengeance de la mort de son sils, qui auoit esté pris &

mangé en leur païs.

Ils auoient aussi esté tres-bien battus en les || prenans & par les chemins, dont ils estoient presque
tout brisez de coups, particulierement le plus ieune,
qui ne pouuoit quasi marcher d'un coup de massue
qu'il auoit receu sur les reins sans que cela l'empechast de la mine gaye & ioyeuse, & de chanter auec
son compagnon, mille brocards & imprecations à
l'encontre de Napagabiscou & de toutes les nations
Montagnaites & Algoumequines, qui ne se faschoient
nullement d'entendre un si fascheux ramage, telle estant leur coustume, qui seroit meritoire si elle estoit

obseruée pour Dieu ou à cause de Dieu, mais le malheur est qu'il n'y a rien que la seule vanité qui les porte d'estre estimés inesbranlables pour les iniures,

& pleins de courage dans les tourmens.

Il y a une autre raison qui ayde encore à leur constance & fermeté, c'est qu'en saisant voir un si grand mespris des iniures & des tourmens, ils croyent intimider ceux qui leur font souffrir, & que si facillement ils n'oseront plus aller à la guerre contre une Nation si belliqueuse & constante, & que ce sera assez pour eux de se tenir doresenauant sur leur garde, peur qu'on ne vienne venger sur leurs testes, la mort de ces pauures patiens, & que s'ils se monstroient timides & effeminez, ou pleuroient pour les tourmens, on retourneroit librement en leur pays pour attraper de ses femmes, ainsi appellent-ils les hommes impatiens & fans courage.

Le festin estant finy, l'on les mesna en une || autre 474 grande cabane, où quantité de ieunes filles, & garcons se trouuerent pour la dance qu'ils firent à leur mode, dont les deux prisonniers estoient au milieu qui leur servoient de chantres, pendant que les autres dançoient autour d'eux, si eschaussez qu'ils suoient de

toutes parts.

Leurs postures & leurs grimasses sembloient de Demons. Ils frappoient du tallon en terre de telle force que le bruit en retentissoit partout, car c'est leur mode de se demener fort, particulierement les ieunes hommes qui n'auoient pour tout habit qu'un petit brayer denant leur nature.

Les filles estoient un peu plus decemment couuer-

tes & plus modestes en leurs actions, car en dançans elles auoient les yeux baissez, & les deux bras le long de leurs cuisses estendus, comme c'est leur coustume & non point des Huronnes. Ie m'oubliois de parler des violons ou instrumens musicaux, au son desquels, & des chansons des deux chantres, tout le bransle alloit, & se remuoit à la cadence, c'estoient une grande escaille de tortuë, & une façon de tambour de la grandeur d'un tambour de basque, composé d'un cercle large de trois ou quatre doigts, & de deux peaux roidement estenduës de part & d'autre, dans quoy estoient des grains de bled d'Inde, ou petits caillous pour faire plus de bruit : le diamettre des plus grands tambours est de deux palmes ou enuiron, ils le nom-475 ment en Montagnais Chichigouan; ils ne le || battent

pas comme on faict par deça: mais ils le tournent & remuent pour faire bruire les caillous qui sont dedans, & en frappent la terre tantost du bord, tantost quasi

du plat, pendant que tout le monde dance.

Voyla tout ce qui est des instrumens musicaux du pays, finon qu'il se trouua quelques petits garçons assis au milieu de la dance auprés des prisonniers, qui frappoient auec des petits bastons sur des escuelles d'escorces à la cadence des autres instrumens pour feruir de basses. Mais quant aux chansons elles estoient de diuers airs, & au bout de chacun les chantres crioient tousiours, ho, ho, ho, & les danceurs hé, hé, hé, & quelquefois ché, ché, ché; & puis tous ensemble à la fin de chaque chanson la voix ho, ho, coué, coué, roulloit toufiours.

Nostre bon Frere Geruais avant veu toutes ces cere-

monies, fut à la fin contrainct fortir de la cabane auant que tout fut acheué, tant pour l'excessiue chaleur, que pour la quantité de poudre qui luy ofsus-

quoit les yeux.

Le Magicien ou principal Iongleur qu'ils appellent Manitousiou, nom commun à tous leurs Sorciers, sut à la fin fort bien recompensé de plusieurs danceurs qui luy donnerent, qui un Castor, qui une peau de loutre, une robe de chien, de laquelle il fit grand estat, puis une de castor, & une autre d'ours dans l'excellence, voyla comme il sut grandement salarié & payé, iusques à la va- || leur de six ou sept robes de castors, 476 qui vaudroient en France plus de quatre vingts es-

cus, au prix que l'on les y achepte.

Tout cecy n'est pas la fin des mysteres de nos pauures prisonniers, ils ont encores des tours à faire auant que de voir la fin de leur tragedie, les barbares ne sont pas si fort empressez que de vouloir vuider sitost une affaire où ils trouuent tant soit peu de recreation, ou suiet de festiner, le ris ou la cuisine leur est trop recommandable, & la punition de leurs ennemis trop precieuse pour en demeurer là, & s'arrester à si beau ieu, il faut que la feste soit saite entiere, & que chacun reste content, qui n'est iamais pendant qu'il y a de quoy, i'en parle comme sçauant, & non pas à la maniere d'un certain Baron, lequel en voulant donner à garder à tout plein de personnes de qualité, auec lesquels nous disnions de compagnie chez son Rapporteur, car comme on fut à la fin du fecond\*, il commença à discourir d'un pretendu voyage qu'il auoit fait parmy les Sauuages du Canada (nottez il n'y auoit iamais esté) & entr'autre chose il s'estendit sort sur la deduction d'un sestin que les Barbares luy firent (à son dire) à l'entrée du pays, ie le laissay dans les gayes humeurs iusques à la fin que ie luy demanday, Monsieur où ses pauures Sauuages auoient-ils emprunté la vaisselle, à cela point de response, mon pauure Gentilhomme demeura muet, &

confessa qu'il ne m'y croyoit pas si prés.

477

Il La dance finie, l'on ramenales prisonniers dans la cabane de Napagabiscou, où estoit preparé le souper que Macabo fon beau pere luy vouloit faire pour son heureux retour, F. Geruais qui se trouua là present en fut prié, & ne s'en pû excuser, pour ce que comme ce bon Macabo l'aymoit comme fon petit fils (ainsi l'appelloit-il) c'eust esté l'offencer que de l'econduire: car ces bonnes gens là ne considerent pas le degoust que l'on a de leurs fauces, il faut tout prendre en gré, & tesmoigner le mieux que l'on peut, qu'on est fort leur obligé, d'auoir part à leur bonne chere & à leur amitié, en verité plus sincere que celle de la pluspart des Chrestiens, ausquels il n'y a à present que tromperie, mensonge & dissimulation, iusques aux maisons qui semblent les plus sainctes, cela n'est que trop aueré & cognu, au grand regret de tous les gens de bien, & des ames vrayement deuotes & candides.

Ce festin estoit composé d'un reste de chair d'eslan de son Hyuer passé, moisie & seiche comme du bresil, qu'on mit dans la chaudiere sans la lauer ny nettoyer, auec des œuss de canars si vieux & pourris que les petits y estoient tout formez, & partant fort mauuais. On y adiousta encore des poissons entiers sans

estre habillez, puis des pois, des prunes, & du bled d'Inde, qu'on sit boüillir dans une grande chaudiere, broüillé & remué le tout ensemble auec un grand auiron.

leur pouuoit auoir ce beau potage, & s'il fut pas necessaire à ce bon Religieux de se surmonter soy-mesme pour gouster d'une telle viande, de laquelle il mangea neantmoins un peu, pour ne pouuoir plus. Apres quoy il pria pour la deliurance des prisonniers qu'il voyoit fort ieunes & affamez, sans qu'ils tesmoignassent aucun ressentiment de leur capture, non plus que s'ils eussent esté en pleine liberté. Et pour ce remonstra à tous ces Sauuages là assemblez que puisque ces pauures Hiroquois ne leur auoient faict aucun desplaisir, il n'estoit pas raisonnable de les saire mourir ni traitter comme ennemis, veu mesme leur ieunesse, & qu'ils auoient esté pris en peschant, & non point en combatant.

A cela ils luy respondirent qu'il n'y auoit ny paix ny tresue entr'eux & les Hiroquois, mais une guerre continuelle, qui leur permettoit d'user de toutes sortes de rigueurs à l'endroit de ceux qu'ils pouuoient attraper, & qu'au cas pareil les Hiroquois usoient des mesmes cruautez enuers ceux de leur Nation qu'ils pouuoient prendre, & partant qu'il ne seroit pas raisonnable de laisser aller ces deux prisonniers sans chastiment, qui portast moins que la mort, sinon qu'ils voulussent passer pour gens esseminez, & de peu de courage, qui ne sçauoient chastier leurs ennemis, & ainsi furent condamnez ces deux pauures pri-

479 fonniers à mourir deuant || toutes les Nations affemblées pour la traite, fans que les prieres de nostre Frere peussent rien obtenir pour eux qu'une prolongation de quelques iours, que le Sieur de Champlain, auec le reste des Capitaines Montagnais deuoient se rendre à la traite.

Le lendemain du festin nous prismes le deuant, & sismes voiles pour le Cap de Victoire, dit le bon Frere Geruais, & ne leur sut possible de passer l'entrée du lac Sainct Pierre, à cause d'un vent contraire iusques au iour suiuant qu'ils furent iusques au milieu auec un vent assez fauorable, mais qui changea soudain en un contraire, qui les obligea de ranger la terre, & moüiller l'anchre le trauers d'une petite riuiere qui vient du costé du Sud, ou desia estoient à l'abry plusieurs canots sauuages attendans le beau temps pour le mesme voyage.

Le vent s'estant changé en un fauorable, nos gens leuerent l'anchre, partirent sur les deux heures apres minuit, & aduancerent iusques au bout du lac, & lendemain matin apres un petit different suruenu entre les Mariniers pour le chemin, à cause qu'il y a plusieurs petites Isles, entrecouppées de plusieurs petites riuieres qui entrent dans le lac, & rendent le pays beau à merueille, ils arriuerent à la traite, sur le bord du grand fleuue deuant la riuiere des Ignierhonons, où quantité de Barbares estoient desia cabanez attendans nos Montagnais des trois Riuieres, auec les Hurons qui n'estoient point encore descendus. || Sur le soir du mesme iour, les prisonniers arriuerent lesquels surent gardez liez & garottez, l'es-

pace de deux ou trois iours dans la cabane de leur hoste, pendant lequel temps le Sieur Champlain arriua de Kebec, dans le canot du Capitaine Mahican Atic, auec son frere, & deux autres Capitaines dans un autre canot. Tous les François, & plusieurs Sauuages se resiouvrent fort de leur venuë, sous l'esperance qu'ils pourroient obtenir la deliurance des prifonniers, laquelle le Frere Geruais n'auoit pû obtenir, mais il s'v presenta tant d'obstacles, qu'apres que ledit sieur de Champlain eut bien debatu pour ce bon œuure, un Capitaine Algoumequin mesprisant sesconfeils, luy dit: Tu veux que l'on deliure ces gens là qui sont nos ennemis. & ie ne le veux pas moy qui suis Capitaine, il y a trop long-temps que ie mange maigre, ie veux manger gras, particulierement de la chair des Hiroquois, de laquelle i'ay grande enuie & partant deporte-toy de tes poursuittes, & nous laisse faire iustice de nos ennemis, car nous ne nous meslons point de tes affaires.

Puis sur le soir un Capitaine Montagnais nommé Chimeouriniou autrement par les François le meurtrier, couppa les cordes aux deux prisonniers, pensant les faire euader, mais il ne pû. On ne scait par quel instinc, ny quel suiet le mouuoit à ce faire, sinon qu'il eust mieux aymé leur donner liberté, qu'ayant eu la peine de les amener un autre eust la || gloire de les 481 deliurer, car ils font fur tout ambitieux d'honneur, & enuieux qu'un autre leur empiete. Le fieur de Champlain resta fort mescontant de cette action du Montagnais & auec raifon, car il auoit un tres-bon dessein en la poursuitte de cette deliurance pour la-

quelle il estoit venu exprés de Kebec, pour ce que comme il est croyable, il n'y auoit pas plus beau moyen pour traiter de paix auec les Hiroquois qu'en deliurant leurs prisonniers par le moyen des François.

Ce que consideré par plusieurs Capitaines Sauuages, ils tindrent diuers conseils, où assistement tousiours le sieur de Champlain, & quelqu'uns des principaux François, ou \* apres plusieurs contestations il sut resolu que l'un des deux prisonniers seroit renuoyé en son pays accompagné de deux Montagnais & de quelques François, si aucun se presentoit, pour traitter de paix par le moyen de ce prisonnier, pendant que l'autre demeureroit pour ostage iusque à leur retour à Kebec.

Cet arrest consola merueilleusement tous les Sauuages portezà la paix, & en remercierent le fieur de Champlain, aduoüantqu'il estoit un grand Capitaine, digne de sa charge, & de fort bon iugement, marris que depuis vingt Hyuers qu'il hantoit auec eux, il ne s'eftoit point estudié à leur langue pour jouyr de ses confeils, & fe communiquer auec eux par foy-mesme, & non par Truchemens, qui fouuent ne rap- || portent pas fidellement les choses qu'on leur dit, ou par ignorance ou par mespris, qui est une chose fort dangereuse, & de laquelle on en a souuent veu arriuer de grands accidens. I'ay dit vingt Hyuers pour vingt années, c'est la façon de parler des Montagnais, lesquels voulans dire, quel aage as-tu, disent combien d'Hyuers as-tu passé, de mesme au lieu que nous dirions deux iours, trois iours, ils disent deux nuicts, trois nuicts, comptans par les nuicts au lieu que nous comptons par les iours.

482

Sur l'esperance d'une paix prochaine que nos Sauuages se promettoient de cest Ambassade, ils ordonnerent des dances, des festins, & diuers petits ieux, en quoy ils fe firent admirer par les François qui y prenoient un fingulier plaisir, nommement la ieunesse. Mais comme on estoit occupé à ces esbats voicy arriuer une double chalouppe de Gaspey conduitte par des François qui donnerent aduis au sieur de Champlain, de l'arriuée du fieur du Pont, & de son petitfils le sieur Desmarets à Kebec, mais que le nauire du R. P. Noirot Iesuite ne paraissoit point, & faisoit douter de quelque naufrage, ou mauuaise rencontre, neantmoins qu'il leur estoit arriué des viures deschargez à Gaspey, & qu'il estoit necessaire que le R. P. Lallemant descendit à Kebec, pour les enuoyer querir au plus tost.

A ces nouuelles on aduifa d'enuoyer || prompte- 483 ment le prisonnier Hiroquois, le Capitaine Chimeouriniou, un autre Montagnais, nommé par les Francois Maistre Simon, & un Hiroquois de Nation, lequel ayant esté pris fort ieune, & donné à une femme vefue qui l'adopta pour son fils, est tousiours demeuré depuis en leur pays, & affectionné à ce party. Ils demanderent d'estre assistés de quelques François, par une prudence politique, que s'il venoit faute d'eux, & des François tous les autres François fussent obligez par honneur de se ioindre à eux, & prendre vengeance de leurs hommes contre les Hiroquois, en quoy ils fe pouuoient tromper, car on n'est pas si eschauffez icy que de prendre part dans les interests de ces pauures gens, finon par ceremonie, ou par quelque profit.

Le Frere Geruais m'a dit qu'il eust bien desiré d'y aller, & se fust volontiers offert s'il eust esté en lieu pour en auoir l'obedience, & par permission du R. Pere Ioseph, mais qu'en estant trop esloigné, il luy en resta seulement le desir & la bonne volonté d'y aller hasarder sa vie pour Dieu, & y cognoistre le pays.

Plusieurs François s'offrirent bien d'y aller, mais auec des conditions si desaduantageuses qu'on les esconduit tous, excepté un nommé Pierre Magnan, lequel prodigue de sa vie contre l'aduis de ses amis se mist en chemin auec le prisonnier, & les || trois Montagnais moyennant douze escus qu'on luy deuoit donner à son retour, auec tout le prosit de ses Castors, qui estoit assez peu pour un si perilleux voyage, qui en esset, leur sut funeste & malheureux, car ils y surent tous quatre miserablement condamnez à mourir, puis mangez par les Hiroquois.

Le François estant d'accord pour son voyage, Chimeouriniou se disposa aussi auec les autres pour partir, & asseura le sieur de Champlain, & tous les autres François, & Barbares, que asseurement ils reuiendroient dans vingt nuicts, & que s'ils en tardoient plus de vingt cinq, seroit signe qu'ils seroient arrestez ou morts, ou tombez malades en chemin, puis partirent le iour de la Saincte Magdelene pour le pays des Hiroquois, & le Reuerend Pere Lallemant, auec le sieur de Champlain pour leur retour à Kebec, pendant que le Frere Geruais resta encore à la traite pour un temps.

|| De la creance, Religion ou superstitions des Hu-485 rons.—Du Createur, & de sa mere grand.—Des ames des deffuncts, & des presens & aumosnes qu'ils font à leur intention.—De certains esprits ausquels ils ont recours, & des ames des chiens, & des choses inanimées.

## CHAPITRE XXX.

Encor que Ciceron aye dit, parlant de la nature des Dieux, qu'il n'y a gent si fauuage, si brutale, ny si barbare, qui ne soit imbuë de quelque opinion d'iceux & n'aye ce sentiment naturel d'une nature superieure à celle de l'homme, qui le porte à quelque forme d'adoration de Religion, & de culte interieur, ou exterieur pour en tesmoigner les recognoissances, neantmoins nos Hurons, & Canadiens, semblent n'en auoir aucune pratique ny exercice, que nous ayons pû descouurir, car encor bien qu'ils aduouent un premier principe & Createur de toutes choses, & par consequent une Diuinité, auec le reste des Nations, si este qu'ils ne les prient d'aucune chose, & viuent | 486 presque en bestes, sans adoration, sans Religion & sans vaine superstition sous l'ombre d'icelle.

De Temple ny de Prestres, il ne s'en parle point entr'eux nom \* plus que d'aucunes prieres publiques ny communes, & s'ils en ont quelqu'unes à faire, ou des sacrifices, ce n'est pas à cette premiere cause, ou premier principe qu'ils les adressent, mais à de certains esprits puissants qu'ils logent en des lieux parti-

29.

culiers, aufquels ils ont recours, comme ie vous diray

cy apres.

Pour les Diables & malins esprits, ils en croyent des nombres infinis, & les redoutent fort, car ils leurs \* attribuent la cause principale de toutes leurs maladies & infirmitez, qui faict que quand dans un village il y a nombre de malades, ils ordonnent des bruits & tintamarres pour les en dechasser, croyans que ces bruits sont capables d'espouuenter les Demons, comme ils feroient une troupe d'oyseaux, ou des petits ensans.

Ils n'ont ny Dimanches ny Festes, sinon celles qu'ils ordonnent pour quelque ceremonie, car ils estiment tous les iours egaux & aussi solemnels les uns comme les autres, & ne font non plus distinction de sepmaines, mais seulement de mois par les Lunes, des quatre saisons de l'année, & des années entieres.

487

|| Or comme il y a diuerses Nations, & Prouinces de Barbares, Sauuages, aussi il y a diuersité de ceremonies, d'opinions, & de croyance saincte, car n'estans pas esclairez de la lumiere de la foy, & de la cognoissance entiere du vray Dieu, dans leurs tenebres chacun se forge des observations, des ceremonies, & une diuinité, ou Createur à sa poste, auquel neantmoins ils n'attribuent point une puissance absoluë sur toutes choses, comme nous faisons au vray Dieu, car leur en parlant ils le confessoient plus grand seigneur que leur Yoscaha, qu'ils croyent viure presque dans la mesme infirmité des autres hommes, bien qu'eternel.

Les Indiens de diuerses Prouinces plus meridionales de nostre mesme Amerique, firent iadis election de leurs Dieux, auecquelque consideration, tenant pour Deitez les choses dont ils receuoient quelque profit, tels qu'estoient ceux qui adoroient la terre, & l'appelloient leur bonne mere, à cause qu'elle leur donnoit fes fruicts; les autres l'air, pour ce disoient-ils, qu'il faisoit viure les hommes par le moyen de la respiration; les autres le feu, à cause qu'il leur seruoit à se chauffer, & à leur apprester à manger; les autres le mouton, pour le grand nombre de trouppeaux qu'ils nourrissoient en leurs pasturages; les autres le maïz, ou leur || bled d'Inde, pour ce qu'ils en faisoient du 488 pain; & les autres toutes fortes de legumes, & de fruicts, que leur pays produisoit.

Mais à le prendre en general, ils recognoissoient la mer pour la plus puissante de toutes les Deitez, & l'appelloient leur mere. Voyla comme tous ces Payens & Barbares parmy leur \* Deitez, en ont tousiours recognu quelqu'une de plus grande puissance, dont la mesme chose se recognoist entre nos peuples Hurons. bien qu'ils ne les adorent auec des ceremonies si par-

ticulieres des anciens Pavens.

Ceux qui habitent vers Miskou & le Port Royal. au rapport du sieur Lescot, croyent en certain esprits\*, qu'ils appellent Cudoüagni, & disent qu'il parle souuent à eux, & leur dit le temps qu'il doit faire. Ils disent que quand il se courrousse contr'eux, il leur iette de la pouciere aux yeux. Ils croyent aussi quand ils trespassent, qu'ils vont és Estoilles, puis vont en de beaux champs verts, pleins de beaux arbres, fleurs & fruicts tres-fomptueux & delicats.

Pour les Souriquois, peuples errants, leur creance

est que veritablement il y a un Dieu qui a tout creé, & disent qu'apres qu'il eut fait toutes choses, il les mit 489 en terre, d'où sortirent hommes & semmes, || qui ont multiplié au monde iusques à present. En suitte de quoy il demanda à un Sagamo s'il ne croyoit point, qu'il y eut un autre qu'un seul Dieu, un fils, une mere, & le Soleil, qui estoient quatre, neantmoins que Dieu estoit par dessus tous: mais que le Filsestoit bon & le Soleil, à cause du bien qu'ils en receuoient; mais la Mere ne valoit rien & les mangeoit, & que le Pere qui est Dieu, n'estoit pas trop bon par les raisons que ie diray cy apres.

Puis dit: anciennement il y eut cinq hommes, qui s'en allerent vers le Soleil couchant, lesquels rencontrerent Dieu, qui leur demanda: où allez-vous? ils respondirent: nous allons chercher nostre vie. Dieu leur dit, vous la trouuerez icy, ils passerent plus oultre sans faire estat de ce que Dieu leur auoit dit, lequel prit une pierre & en toucha deux qui furent transmuez en pierres. Et il demanda de rechef aux trois autres où allez-vous? & ils respondirent comme à la premiere fois: & Dieu leur dit de rechef: ne passez plus outre vous la trouuerez icy: & voyans qu'il ne Jeur venoit rien ils passerent outre, & Dieu prit deux bastons desquels il toucha les deux premiers, qui furent transmuez en bastons & le cinquieme s'arresta ne voulant passer plus outre. Et Dieu luy demanda de rechef: où vas tu? ie vay chercher ma vie, demeure, & tu la trouueras: il s'arresta sans passer plus outre. Et Dieu lui donna de la viande & en mangea. Apres auoir faict bonne chere, il retourna auec les autres Sauuages, & leur ra- || conta tout ce que dessus. 490

Ce Sagamo fist encore ce plaisant discours à ce Francois. Qu'une fois il y auoit un homme qui auoit quantité de tabac, & que Dieu dit à cet homme & luy demanda où estoit son petunoir, l'homme le prit & le donna à Dieu qui petuna beaucoup, & apres auoir bien petuné il le rompit en plusieurs pieces: & l'homme luy demanda: pour quoy as-tu rompu mon petunoir. & tu vois bien que ie n'en ay point d'autre : & Dieu en prit un qu'il auoit & le luy donna luy disant: en voyla un que ie te donne, porte-le à ton grand Sagamo, qu'il le garde, & s'il le garde bien, il ne manquera point de chose quelconque ny tous ses compagnons: cet homme prit le petunoir qu'il donna à son grand Sagamo, & durant tout le temps qu'il l'eut, les Sauuages ne manquerent de rien du monde: mais que du depuis ledit Sagamo auoit perdu ce petunoir, qui est l'occasion de la grande famine qu'ils ont quelquefois parmy eux. Voila pourquoy ils difent que Dieu n'est pas trop bon, ayant fondé toute leur abondance fur un Calumet de terre fragile, & que les pouuant secourir il les laissoit souffrir au delà de toutes les autres Nations.

La croyance en general de nos Hurons (bien que tres-mal entenduë par eux mesmes & en parlent fort diuersement,) est que le Createur qui a faict tout ce monde, s'appelle Youskeha, & en Canadien Atahocan, ou Attaoüacan, lequel a encore fa mere grand, nommée Eataentsic: leur dire qu'il n'y a point d'apparence, qu'un Dieu || qui a esté de toute éternité, ave 491 une mere grand & que cela se contrarie, ils demeu-

rent fans replique, comme a tout le reste de leur creance. Ils disent qu'ils demeurent fort loin, n'en ayans neant-moins autre certitude ou cognoissance que la traditiue qu'ils tiennent de pere en fils, & le recit qu'ils alleguent leur en auoir esté faict par un Attiuoindaon, qui leur a donné à entendre l'auoir veu & les vestiges de ses pieds imprimées sur un rocher au bord d'une riuiere qui auoissine sa demeure; & que sa maison ou cabane est faicte au model des leurs, y ayant abondance de bled & de toute autre chose necessaire à l'entretien de la vie humaine. Que Eataentsic & luy sement du bled, trauaillent, boiuent, mangent, dorment, & sont lasciss comme les autres; bres ils les sigurent tous tels qu'ils sont eux mesmes.

Que tous les animaux de la terre font à eux & comme leurs domestiques. Que Youskeha, est tres-bon & donne accroissement à tout, & que tout ce qu'il faist est bien faist, & nous donne le beau temps & autre chose bonne & prospere. Mais à l'opposite que sa mere grand est meschante, & gaste souvent tout ce que son petit fils a faist de bien.

D'autres disent, que cette Eataentsic est tombée du

Ciel, où il y a des habitans comme icy, & que quand elle tomba elle estoit enceinte. Qu'elle a faict la terre & les hommes & qu'auec son petit fils Youskeha, elle gouuerne le monde. Que Youskeha, a soin des viuans & des choses qui concernent la vie, || & par consequent ils disent qu'il est bon. Eataentsic à\* soin des ames, & parce qu'ils croyent qu'elle faict mourir les hommes, ils disent qu'elle est meschante & non pas pour le mauuais temps, comme disent d'autres, ou

pour bouleuerser tout ce que son petit fils fait de bien. Voila comme ils ne s'accordent pas en leur penfée.

Un iour discourant en la presence des Sauuages de ce Dieu terrestre, pour leur donner une meilleure croyance & leur faire voir leur absurdité, entre autre chose ie leur dis, que puisque ce Dieu n'estoit point dans le Paradis, demeuroit sur la terre & ne s'estoit pû libérer des necessitez du corps, qu'il falloit par consequent & necessairement, qu'il fut mortel & qu'enfin apres estre bien vieil il mourut & fut enterré comme nous autres, & de plus que je desirois fort sauoir le lieu qu'il auoit esleu pour sa sepulture, afin de pouuoir luy rendre les derniers deuoirs au cas qu'il mourut pendant nostre seiour en leur païs. Ils furent un longtemps à fonger auant que de me vouloir respondre, se doutant bien que ie les voulois surprendre, & que difficilement se pourroient-ils desuelopper de ce piege fans y engager leur honneur, qu'ils desiroient honnestement & prudemment fauuer. Un ieune homme de la bande, plus hardy que les autres, apres un long silence entreprit la dispute & dit: que ce Dieu Youskeha auoit esté auant cest Univers, lequel il auoit creé & tout ce qui estoit en iceluy, & que bien qu'il vieillisse comme tout ce qui est || de ce monde y est suiect, 493 qu'il ne perdoit point son estre & sa puissance, & que quand il estoit bien vieil il auoit le pouuoir de se raieunir tout à un instant & de se transformer en un ieune homme de vingt-cinq à trente ans, & par ainsi qu'il ne mourroit \* iamais & demeuroit immortel, bien qu'il fut un peu suiect aux necessitez corporelles comme le reste des hommes.

En fuitte ie leur demanday, quel seruice ils luy rendoient, & quelle forme de priere ils luy offroient estant leur Createur & bienfaicteur. A cela point de responce, sinon qu'il n'auoit que faire de rien, & qu'il estoit trop esloigné pour luy pouuoir parler ou le prier de quel-

que chose.

Pourquoy donc ufez-vous de prieres, & offrez-vous des presens à de certains esprits que vous dites resider en des riuieres & rochers, & en plusieurs autres chofes materielles & fans fentiment, pour ce, dit-il que non feulement les hommes & les autres animaux ont l'ame immortelle, mais aussi toutes les choses materielles & fans sentiment entre lesquelles il y en a qui ont de certains esprits particuliers fort puissans, qui peuuent beaucoup pour nostre consolation si nous les en requerons en la presence des choses qu'ils habitent. car bien qu'ils n'apparoissent point à nos yeux ils ne laissent pas d'operer & nous faire souuent ressentir les effects de leur puissance, en exaucant nos prieres. Que si nous en prions d'absens, comme lors que nous preschons les poissons dans nos cabanes, les rets ou l'esprit des fil- || lets le rapportent aux poissons, qu'ils prient de donner dans nos pieges ou d'esquiuer la main de ceux qui iettent de leurs os au feu, de maniere que si nos Predicateurs sont excellens Orateurs, nous sommes asseurez d'en auoir à force, ou rien du tout si on a ietté de leurs os au feu, ou commis quelque autre insolence en la presence des filets, solie aussi grande que celle des Montagnais, qui n'ozent respandre à terre le pur fang d'un Castor, croyans que s'ils l'auoient faict ils n'en pourroient plus prendre.

494

Pour reuenir à nostre dispute du vieil Youskeha raieuny, ils ne sceurent à la fin plus que respondre. & se confesserent vaincus, ignorans le vray Dieu & Createur de toutes choses, dont les uns se retirerent de honte, & d'autres qui s'estoient embrouïllez se tindrent au tacet, qui nous fit cognoistre qu'en effect ils ne recognoissent & n'adorent aucune vrave Diuinité ny Dieu celeste ou terrestre, duquel ils puissent rendre quelque raison. & que nous puissions scauoir. car encore bien qu'ils tiennent tous en general Youfkeha pour le premier principe & Createur de tout l'Uniuers auec Eataentsic, si est-ce qu'ils ne lui offrent aucunes prieres, offrandes ny facrifices comme à Dieu, & quelqu'uns d'entr'eux le tiennent fort impuissant, au regard de nostre Dieu, duquel ils admiroient les œuures.

Ils ont bien quelque respect particulier à ces demons ou esprits qu'ils appellent Oki, mais c'est en la mesme maniere que nous auons le nom d'Ange, distinguans le bon du mauuais, il car autant est abomi- 405 nable l'un, comme l'autre est venerable. Aussi ont-ils le bon & le mauuais Oki, tellement qu'en prononçant ce mot Oki ou Ondaki, fans adionction, quoy qu'ordinairement il soit pris en mauuaise part, il peut signifier un grand Ange, un Prophete ou une Diuinité, aussi bien qu'un grand diable, un Medecin ou un esprit furieux & possedé.

Ils nous y appelloient aussi quelquessois, pource que nous leur enseignions des choses qui surpassoient leur capacité & les faisoient entrer en admiration, qui estoit chose aysée veu leur ignorance.

Ils croyent qu'en effect il y a de certains esprits qui dominent en un lieu, & d'autres en un autre, les uns aux riuieres, les autres aux rochers, aux arbres, au feu & en plusieurs autres choses materielles, aufquels ils attribuent diuerses puissances & authorités, les uns sur les voyages, les traictes & commerces, les autres à la pesche, à la guerre, aux sestins, és maladies & en plusieurs autres affaires & negoces.

Ils leur offrent parfois du petun & quelque\* fortes de prieres & ceremonies ridicules, pour obtenir d'eux ce qu'ils desirent, mais le plus souuent sans profit; il n'y a que les demons qui ne soient pas les bien-venus chez eux, lesquels ils chassent de leur village à force de bruits, pour ce qu'ils leur causent toutes leurs maladies à ce qu'ils disent. Et en essect mon grand oncle Auoindaon, estant tombé malade me prioit de fort bonne grace de ne permettre pas que le demon le sist mourir.

496

|| Ils m'ont monstré plusieurs puissans rochers sur le chemin de Kebec, ausquels ils croyent presider quelque esprit, & entr'autres ils me monstrerent un à quelque cent cinquante lieuës de là, qui auoit comme une teste & les deux bras esleuez en haut, & au ventre au milieu de ce grand rocher il y auoit une prosonde cauerne de tres-difficile accés. Ils me vouloient persuader & faire croire à toute force auec eux, que ce rocher auoit esté autresois homme mortel comme nous, & qu'esleuant les bras & les mains en haut, il s'estoit metamorphosé en cette pierre, & deuenu à succession de temps un si puissant rocher, lequel ils ont en veneration & luy offrent du petun en passant

par deuant auec leurs canots, non toutes les fois, mais quand ils doutent que leur voyage doiue reuffir; & lui offrant ce petun qu'ils iettent dans l'eau contre la roche mesme, ils luy disent: tien prend courage & fay que nous ayons bon voyage, auec quelques autres paroles que ie n'entends point, & le Truchement Bruslé duquel nous auons parlé au chapitre precedent nous dit (à sa confusion) d'auoir une fois fait pareille offrande auec eux (de quoy nous le tancâlmes fort) & que son voyage luy fut plus profitable qu'aucuns autres qu'il ait iamais faict en tous çes païs-là.

C'est ainsi que le Diable les amuse, les maintient & les conferue dans ses filets & en des superstitions estranges, leur prestant ayde & faueur (comme à gens abandonnez de Dieu) felon la croyance qu'ils luy ont en cecy, comme || aux autres ceremonies & forcelle- 497 ries, que leur Oki obserue & leur faict obseruer pour la guerison de leurs maladies & autres necessitez.

· Ils croyent l'immortalité de l'âme, auec tous les autres peuples sauuages, sans faire distinction du bon ou du mauuais, de gloire ou de chastiment, & que partant de ce corps mortel, elle s'en va droicte du costé du Soleil couchant, se resiouir & dancer en la prefence d'Youskeha & de sa mere grand Eataentsic, par la route des estoilles qu'ils appellent Atiskeinandahatey & les Montagnais Tchipai Meskenau, le chemin des ames, & nous la voye Lactée ou l'escharpe estoilée & les simples gens le chemin de Saint Iacques. Ils disent que les ames des chiens & des autres animaux y vont aussi par le costé du Soleil leuant, (à

ce que disent les Montagnais), qui croyent aller apres leur mort en un certain lieu où elles n'ont aucune necessité. Je demanday à nos Hurons, quelle estoit la route des ames des chiens, & si elle estoit autre que celle des hommes, ils me dirent qu'ouy, & me monstrans certaines estoilles proches voisines de la voye Lactée, ils me dirent que c'estoit là le chemin qu'elles tenoient, lequel ils appellent Gaguenon andahatev, le chemin des chiens, c'est à dire que les ames des chiens vont encores seruir les ames de leurs maistres en l'autre vie, ou du moins qu'elles demeurent auec les ames des autres animaux, dans ce beau païs d'Youskeha où elles se rangent toutes, lequel païs n'est habité que des ames des animaux raisonnables & irraifonnables, & celles des haches, cousteaux 498 || chaudieres & autres choses, qui ont esté offertes aux deffuncts, ou qui sont usées, consommées ou pourries fans qui\* s'y mesle aucune chofe qui n'ayt premierement gousté de la mort ou de l'aneantissement, c'estoit leur ordinaire response, lorsque nous leur difions que les fouris mangeoient l'huyle & la galette, & la rouïlle & pourriture le reste des instrumens, qu'ils enfermoient auec les morts dans le tombeau. Ils croyent de plus que les ames en l'autre vie bien qu'immortelles ont encores les mesmes necessitez du boire & du manger, de se vestir, chasser & pescher, qu'elles auoient lorsqu'elles estoient encores reuestues de ce corps mortel, & que les ames des hommes vont à la chasse des ames des animaux, auec les ames de leurs armes & outils, sans qu'ils puissent donner raifon de tant de fottizes, ny si les ames des castors &

eslans qu'ils tuent à la chasse pour leur nourriture, ont encore une autre ame, ou si elles engendrent pour conseruer leur espece, car on ne peut esperer beaucoup de raison de gens nais & nourris dans l'ignorance grossiere du Paganisme, si premierement elles n'ontesté instruictes en l'escole de Iesus Christ, & aux sciences qui nous sont necessaires, c'est pourquoy il en faut auoir compassion, & croire que si nous sussions naiz de mesmes parens barbares, nous serions de mesmes eux & peut estre encore pis.

Nous leur parlions souuent du Paradis & comme la demeure des bien heureux estoit dans le Ciel auec Dieu, où ils n'ont aucune ne- || cessité & viuent tousiours contans. Ils trouuoient cela fort bien & nous en demandoient le chemin, mais ils abhorroient celuy de l'enser, remply de diables, de seu & de meschans.

I'ay trouué excellent que dans toutes leurs superstitions & soins qu'ils ont des trespassez ils ne facrissent aucune personne, comme souloient iadis faire les peuples du Peru en la mort de leur Roy & de leurs Caciques, qui estoient leur Souuerain Prestre, & aussi pour la guerison des malades & le bon succez de leurs entreprises, car lorsque le Roy Guynacapa mourut, il y eut mille personnes de sa maison qui furent tuez & enseuelis auec luy pour le seruir en l'autre vie: & la raison pourquoy ils enterroient ainsi leurs familles & leurs richesses auec eux, estoit pource qu'il leur sembloit quelquessois voir ceux qui estoient morts aller par leurs possessions, estans parez de ce qu'ils auoient emporté auec eux, & accompagnez de leur famille, à raison de quoy se persuadans qu'en l'autre vie on a

499

besoin de seruice, d'or, d'argent, & de viures, ils les en pouruoyoient le mieux qu'ils pouuoient, comme font nos Hurons les leurs de ce qu'ils peuuent.

Il me vient de resouuenir que lorsque ie parlois au commencement à nos Hurons de la demeure de Dieu. du Ciel, du Paradis, ou\* felon l'Apostre l'œil n'a point veu, ny l'entendement humain ne sçauroit comprendre les biens que Dieu a preparé à ceux qui l'ayment, ils me respondoient qu'il ne pouuoit faire beau au lieu d'où la neige, la gresle & la pluye venoient, s'i-500 maginans que || tout cela venoit du Paradis, tant ils estoient mauuois Astrologues, mais comme ie ne scauois pas moy-mesme comme toutes ces influences se forment en l'air, pour n'auoir iamais estudié en aucune de ces sciences, ie me seruis d'un liure que ie portois toufiours auec moy, pour leur donner à entendre, aydé du Truchement, & leur dis: premierement, que le Paradis la demeure des bien heureux faifoit l'unziesme Ciel & qu'au dessous d'iceluy il y en anoit dix autres.

Que le tonnerre essoit un esclat d'une exalaison ensermée entre deux nuées froides, sortant auec essort pour suyr son contraire (ce n'est donc point un oyseau comme ils pensent). Que l'esclair, est une exalaison enslammée, prouenante de la rencontre & conssis des nuées, & la foudre une exalaison pareille à l'esclair, à sçauoir: toute slamboyante, faisant bresche à la nuée, auec un tres-soudain & grand essort, & a cecy pardessus l'esclair, qu'elle descend iusques icy bas.

Mais quant aux nuées, ie leur en dis en begayant, touhours assisté du Truchement ce que mon liure portoit, qu'elles estoient un ramas & assemblage de plusieurs vapeurs extraictes de l'eau, & ce en la moienne region de l'air, & que la pluve estoit une essusion d'eau tombant ca bas, prouenant de la dissolution des nuées par la chaleur du Soleil, ou par le choc qu'elles font l'une contre l'autre par l'impetuosité des vents.

Ils me demanderent en fuitte bien quasi aussi ignorant qu'eux-mesmes, car à peine ay-ie sceu decliner mon nom, en quelque\* mois que i'ay esté sous un Maistre, pour ce que la liberté m'es- || toit plus chere 501 que la science & mon propre contentement assez innocent, que tout le Latin & l'eloquence d'un Ciceron. O mon Dieu que la ieunesse est mauuais iuge de son bien. Ie leur dis que mon liure m'enseignoit que la neige estoit une impression aqueuse engendrée de nuées gelées par le froid, laquelle venant à se dissoudre, tomboit à flocons iufqu'icy bas, & que la gresle n'estoit autre chose qu'une pluie congelée en l'air à mesure qu'elle descouloit de la nuée. Voyez si mon liure dit vray, & ne m'interrogez point là dessus, car comme ie vous ay dit, ie n'ay iamais rien sceu, sinon qu'il vaut mieux cognoistre Iesus Christ & ignorer toutes choses, que de scauoir toutes choses & ignorer Jefus Chrift

Pour la quantité de la terre considerée en son globe, on la tient de tour, 11259, lieuës françoifes. Et par ainsi estant comparée au Ciel des estoiles fixes, elle n'est qu'un point, & comme un grain de Coriandre enuironné d'un cerne distant dix mille pas efgalement de luy, qui est à dire, que la terre est merueilleusement petite, encore qu'elle nous semble grande, & que

les Roys & les Princes qui ne sont que des petits fourmis au regard de Dieu, ont grand tort d'entreprendre guerre & mettre en hazard leur propre falut. pour si petite chose qu'ils ne peuvent à peine posseder. que la mort ne les engloutisse.

Ie passe les bornes d'un homme sans estude, mais il faut que ie die encore cecy, que i'ay tasché faire sca-502 uoir à mes Hurons, que la Lune est || estimée quarante fois plus petite que le globe de la terre, & en est esloignée de octante mille deux cents treize lieuës. Mais releuons nostre ton plus haut & portons nostre pensée iusques à ce beau Soleil, qui nous esclaire & rauit nostre consideration, jusques à l'estimer quelque chose de diuin, i'entends les Payens, & nous trouuerons si les liures ne nous trompent, qu'il est 166. fois plus grand que le globe de la terre, par ainsi le Soleil est prés de sept mille fois plus grand que la Lune. Et par opinion on tient aussi que le Soleil estant monté au plus haut point, est dix-huict fois plus loin de la terre que la Lune. Et pour le comble de son honneur on l'appelle le Roy des estoilles fixes & errantes, estant le plus grand de tous les corps celestes, le plus lumineux & chaleureux fans comparaison, & apres cela ie n'ay plus de loüange à luy dire, finon qu'il est la figure & l'ombre de nostre vray Soleil de justice, Iesus qui faict du bien aux bons & aux mauuais sans distinction du fidel ou de l'infidel, mais bien heureux celuy qui a toufiours fon cœur & sa pensée en luy.

De la creance & vaines opinions des Montagnais de diuerses deitez. De la creation du monde, & du flux & reflux de la mer.

## CHAPITRE XXXI.

le pensois au commencement ne faire qu'un chapitre de la creance des Hurons & de || celle des Monta- 503 gnais, mais comme ie l'ay veu grossir sous ma plume au delà de mon dessein i'av brizé au milieu de la carriere & faict d'un grand chapitre deux petits, afin que l'on puisse mieux comprendre ce que ie dis, car la multitude de la matiere offusque l'esprit & empesche l'entendement de la bien conceuoir, & partant l'on ne trouuera pas mauuais qu'uns \* de mes chapitres font abregez, plus faute de rhetorique que de matiere, ô qu'il v a de personnes riches en paroles & en eloquence, qui diroient des merueilles où je me trouue muet, c'est mon impersection & mon dessaut d'estude. l'auois autresois appris beaucoup de petits contes fabuleux, touchant la creation du monde & le deluge uniuersel, que tiennent nos Hurons, lesquels me font eschappez de la memoire, & de ma plume peur de me meprendre, mais ie diray auec plus d'affeurance ce peu que i'en ay sceu de nos Montagnais, pour en auoir eu la memoire rafraichie en discourant auec nos Freres.

Mais au prealable, il faut que ie vous die de nos Canadiens ce que i'ay remarqué en nos Hurons, qu'il n'y a ny accord ny apparence en ce qu'ils nous

gnoissent, Autheurs, Createurs & Reparateurs de cet Univers, car si l'un dit une chose d'une sacon, l'autre en parle tout autrement, & ay veu en eux ce qui se dit des heretiques de nostre temps, desquels si les uns aduoüent Caluin ou Luther pour leur Apof-504 tre, les autres les rejettent comme des vilains || & infames, qui n'ont faict banqueroute à l'Eglise que pour leur ventre, ainsi en est-il generalement de tous les desuoyez, i'ay sceu mesme d'un honneste homme qui a demeuré deux ans à Constantinople, qu'il y a des Turcs qui se gaussent plaisamment, mais en cachette, de leur Mahomet, & d'autres le tiennent pour le premier Prophete de Dieu, & Iesus Christ pour le second, c'est le mal-heur de ceux qui ne suiuent point la vertu & n'ont point Dieu pour but de leurs actions, de se tromper de la forte.

Nos Montagnais recognoissent trois Deitez, sçauoir Atahocan, son fils & Messou, representant l'image de la tres-saincte Trinité, mais il faut dire de plus qu'ils confessent une mere, à laquelle ils ne donnent point de nom, d'autant qu'elle ne gouverne rien & semble representer en quelque chose la Mere de Nostre Seigneur Iesus Christ. I'ay leu autresois l'histoire de la Chine, où i'ay remarqué qu'entre leurs principales Idoles, ils en ont une qui a trois testes, lesquelles se regardent l'une l'autre comme n'ayant qu'une mesme volonté, puissance, aage & authorité, quoy que distinctes, non plus que le Pere n'est pas le Fils, ny le Fils le S. Esprit, un seul Dieu en trois personnes.

Nos Montagnais attribuent la creation & le gouuer-

nement du Ciel à Atohacan \*, mais ils font encores dans les admirations comment il l'a pu faire, veu fa hauteur, la quantité des planettes & les Cieux d'infinies distances, où nous ne pouuons aller qu'auec la pensée.

|| Quelqu'uns ont voulu dire que le fils auquel ils 505 ne donnent point de nom particulier, gouuerne la terre & la mer, mais d'autres & auec plus d'apparence en attribuent la creation, la conferuation & le gouuernement à Messou, lequel Messou est quelquesois pris pour un bon Ange, car ils disent qu'il est tousiours auec eux, & le Manitou aussi. Ils tiennent ces Deitez tres-riches, & qu'elles ne peuuent iamais auoir de necessité, ayans puissance de leur ayder, bien qu'ils ne leur offrent ny sacrifices ny prieres, comme nous faisons à nostre Dieu.

Ils disent qu'ils sont venir le beau temps & la pluye quand il est necessaire, mais si la chose arriue hors de saison, ou qu'elle apporte du dommage à leur bled, à leur chasse ou à la pesche, ou qu'il se fasse de grands coups de vents qui les empeschent de nauiger, ils attribuent tout ce mal-là au Manitou, qui est le Diable, lequel ils disent estre tousiours meschant.

Pour la creation ils tiennent qu'auant que les Deitez eussent formé ce monde, elles estoient toutes trois dans un canot sur les eauës auec une petite beste, qu'ils appellent Achagache, qui peut estre comme une blette un peu plus grosse, & que la iettant à l'eau elle alla au sond, d'où elle rapporta en ses pieds un peu de terre, de laquelle Messou en prist une partie & en sit une boulle toute ronde, laquelle il sousse

qu'elle groffiffoit à veuë d'œil, & l'ayant bien foufflée 506 il la fit si || grosse qu'elle deuint la terre comme elle est à present.

Du reste du morceau de terre il en fit un petit homme auec de la faliue qu'il cracha dans fa main & puis le fouffla tant qu'il deuint grand, estant grand il luy donna la parole, en lui foufflant dans la bouche. Voilà des fentiments & des pensées qui ne sont pas trop esloignées de la verité de la chose pour des Sauuages qui n'ont iamais esté instruits, car il ne se lit point que iamais les Apostres, leurs Disciples, ny aucun Religieux auant nous, ayent passé en ces payslà pour leur prescher la parole de Dieu, ny autrement.

Pour la creation de la femme, ils disent que le Mesfou remit cette petite beste à l'eau qui en rapporta encore de la terre, de laquelle il fit une femme de la mesme sorte qu'il auoit fait l'homme, puis demeurans ensemble sur la terre, ils eurent quantité d'enfans, & leurs enfants en eurent d'autres; de sçauoir leurs noms ils n'en fçauent aucuns, leurs peres ny leurs meres ne leur en ayans pas appris, pour les auoir euxmesmes ignorez, comme auoient fait leurs predeceffeurs.

Et disent de plus que tous ces enfans-là furent presque tous noyez, à cause qu'ils estoient trop meschans. Il en resta seulement cinq, scauoir; trois hommes & deux femmes, lesquels s'estans sauuez dans un canot fe tindrent tousiours sur les eauës, & voicy comme la chose arriua à leur dire: Ce Messou allant à la chasse, 507 ses loups ceruiers dont || il se seruoit au lieu de chiens, estans entrez dans un grand lac ils y furent arrestez.

Le Messou les cherchant partout, un oyseau lui dit qu'il les voyoit au milieu de ce lac, il y entre pour les retirer, mais ce lac venant à se desgorger, couurit la terre, & abysma le monde, & generalement tous les arbres qu'elle auoit produit d'elle-mesme en furent cachez, & leurs branches pourries dans les eaux ny restant que le tronc. Apres que les eaux se furent retirées, ce Messou tira des slesches à ces troncs d'arbres, lesquelles se conuertirent en branches, se vengea de ceux qui auoient arresté ses loups ceruiers, & espousa une ratte musquée, de laquelle il eut des enfants qui ont avdé à repeupler le monde, se disent quelqu'uns; mais d'autres tiennent que ce Messou ne se maria point, & qu'il n'y resta pour la reparation du monde que ces cinq personnes eschappées du deluge, d'où appert qu'ils ont quelque tradition de cette inondation uniuerselle qui arriua du temps de Noë.

Ils tiennent que ces cinq s'en allerent bien loing chercher le Messou, qui estoit Dieu, lequel ils ne pouuoient rencontrer, enfin apres auoir bien cherché sur les eaux, ils arriuerent en un lieu d'où les eaux s'estoient retirées, & y auoit terre ferme, sur laquelle ils trouuerent un homme, auquel ils demanderent s'il estoit ce Messou, il leur respondit que ouy, lors ils luy demanderent du tabac ou petun pour petuner, il leur en donna & || comme ils eurent petuné ils luy presenterent le calumet qu'il prist & le cassa, alors ils luy dirent qu'il n'estoit pas le vray Messou, car il n'est point meschant, mais plustost le Manitou, c'est pourquoy ils le quitterent là, & s'en allerent plus loing, où ils rencontrerent un grand homme qui ne

508

parloit point, mais leur fit figne de la main. Ils furent à luy, & l'ayant abordé il leur prefenta de grandes chaudieres pleines de viandes, mais comme il ne parloit point ils estoient bien empeschez; il suruint là un homme qui leur demanda où ils alloient, ils respondirent qu'ils cherchoient Messou, lors il leur dit, vous l'auez trouué, & puis leur donna bien à manger de fort bonnes viandes, & entr'autres il leur en donna d'une qui n'essoit pas plus grande que l'ongle, de laquelle ils auoient beau manger elle ne diminuoit point, & auoit le goust de toutes sortes de viandes, comme d'esslan, d'orus\*, de cariboust, lieures, perdrix, &c.

Apres qu'ils eurent bien mangez il leur demanda s'ils vouloient voir quelque chose de beau, ils dirent que ouy, aussitost il fit venir quantité d'animaux de toutes fortes, qui dancerent deuant eux, & les arbres aussi. Apres auoir veu tout cela il les congedia, & leur dit qu'ils n'en parlassent à personne, & ce qui les estonna dauantage, fut que cet autre ne parla iamais, mais auoit tousiours les yeux etincelans & comme

pleins de feu.

Cela fait ils s'en reuindrent par une petite || riuiere (car l'eau n'estoit plus sur la terre, en laquelle ils rencontrerent un petit Islet sur lequel il n'y auoit personne, n'ayans mesme point veu de pistes d'hommes le long du bord de l'eau qu'ils auoient passée. Ils demeurerent sur cest Islet, où là estant y vint des Manitous (qui sont des Diables) qui eurent affaires à leurs semmes, dont elles eurent des enfans, lesquels ont repeuplé le monde peu à peu comme il est.

Pour la mer, i'ay dit que c'est le Fils qui la gouuerne, & semblablement la terre, mais ils disent qu'ayant esté bonne à boire au commencement elle deuint sallée & amere par cet accident. Il arriua un iour que le Nikycou (qui est la loutre) ayant mordu la Ouynesque, qui est une petite beste fort puante, que nous appellons autrement l'ensant du Diable à cause de ses mauuaises qualitez, ce\* loutre l'ayant morduë, il eut la gueule insecte & puante de son ordure qu'il luy ietta, escumant ainsi il s'alla lauer dans la mer, & la rendit sallée & de mauuais goust, comme elle est.

Ils disent en outre, que tous les animaux de chaque espece ont un frere aisné, qui est comme le principe, & comme l'origine de tous les indiuidus, & que ce frere aisné est merueilleusement puissant & grand, l'aisné des Castors, disent-ils, est peut-estre aussi gros qu'une cabane, quoy que les cadets (s'entend les Caftors ordinaires) ne foient pas plus gros qu'un petit mouton : or ces aifnez de tous || les animaux font les 510 cadets du Messou (le voilà bien apparenté). Si quelqu'un void en dormant l'aisné, ou le principe de quelques animaux, il fera bonne chasse, disent-ils, s'il void l'aifné des Castors, il prendra des Castors, s'il void l'aifné des Eslans, il prendra des Eslans, iouissans des cadets, par la faueur de leur aisné qu'ils ont veu en fonge; mais quand on leur demande ou \* font ces aifnez ils fe trouuent bien empeschez, confessans eux-mesmes qu'ils ne sçauent où ils sont sinon que les aifnez des oyseaux sont au ciel & les aisnez des autres animaux font dans les eauës, mais l'Alcoran de Mahomet dit bien mieux que les bestes sont

dans le Paradis, & que ce grand coq, l'aisné de tous les coqs, prie pour tous ses freres, & que quand il chante, tous les coqs de la terre luy respondent, & chantent comme luy par une correspondance que les animaux de la terre ont auec ceux du Ciel, qui prient pour eux.

On dit de plus que nos Montagnais reconnoissent

deux principes des faisons, l'un s'appelle Nipinoukhe, c'est celuy qui ramene le Printemps & l'Esté, l'autre s'appelle Pipounoukhe, qui ramene la faison froide. Ils foustiennent bien qu'ils font viuans, mais ils ne scauent pas comme ils sont faits, s'ils sont hommes, ou animaux, ny de quelle espece, & disent qu'ils les entendent parler ou bruire, notamment à leur venuë, fans pouuoir distinguer ce qu'ils disent; pour leur 511 demeure, ils partagent le monde entr'eux || l'un fe tenant d'un costé, l'autre de l'autre, & quand le temps de leur station, qui est aux deux bouts du monde, est expiré, l'un passe à la place de l'autre, se succedant mutuellement. Quand Nipinoukhe reuient, il ramene auec foy la chaleur, les oyfeaux, la verdure, il rend la vie & la beauté au monde, mais Pipounoukhe rauage tout, estant accompagné de vents, de froids, de glaces, de neiges & des autres appanages de l'Hyuer.

Pour le flux & reflux de la mer, comme ils tiennent que l'eauë a une ame immortelle qui luy donne ses mouuemens, ils ne s'estonnent pas tant de ce flux & reflux, comme firent iadis nos Hurons arriuant auec nous à Kebec, lesquels encor bien qu'auec nos Montagnais ils croyent à l'eauë une ame viuante, ils

crurent nostre riuiere de bien plus grand esprit que celles de leur pays, qui n'ont pas de flux & reflux pour estre trop esloignées de la mer, & m'en demandoient des raisons, non seulement, mais ils eussent bien desiré me voir raisonner auec cette eauë, & luy demander à elle-mesme, pourquoy ses diuerses allées & venuës contraires, & à quel dessein, esses qu'ils admirerent plutost que de les pouvoir comprendre, ne les comprenans pas moy-mesme pour estre au delà de ma capacité, & de celle des sçauans.

On tient pour certain qu'Aristote se precipita dans l'Euripe, desirant que l'Euripe le comprit, puis qu'il ne pouuoit comprendre les principes & les raisons des mouuemens || d'iceluy. Qui est-ce aussi qui depuis 512 ce grand Philosophe a pû nous donner une raison certaine du mouuement admirable de cet espouuentable Occean? mouuement qui ne se fait pas du pole Arctique iusques au pole Antarctique, comme quelqu'uns se sont persuadez. Que si cet element ne faisoit que rouler du Nort au Sud, & retourner du Sud au Nort, il n'y auroit de quoy tant admirer : mais la merueille est que la mer prenant son cours vers le pole Antarctique, qui est celuy-là qui va du costé du Midy, au mesme temps elle vient vers l'Arctique qui luyest opposé, c'est à dire qui est du costé du Septentrion, & par ainsi elle a des mouuemens contraires (bien qu'en diuerses parties) en mesme temps, & à l'instant qu'elle se retire de nostre pole Arctique, elle retourne aussi de l'Antarctique, refluant tant d'une part que d'autre, au milieu de la mer : où les marées, & reflux venant à s'entrerencontrer sous la ligne Equinoctiale, incontinent la mer vient à bouffir, s'enfler & groffir aussi long temps que le reslux se faict. Et de reches la mer estant estrangement enslée, & esleuée comme de treshautes Montagnes, elle commence aussitost à se dilater & abaisser. Tant plus elle s'abaisse au dessous de la ligne; & d'autant qu'elle s'abaisse en ce milieu du monde, plus elle monte & se dilate d'une part & d'autre vers les deux poles susdits, roullant dessus les sables, inondans les campagnes, se calquagne de toutes ports inscrees à la Laboragnes.

513 & esleuans de toutes parts iufques à || Lebe venant. Lorfqu'elle fe dilate ainfi vers nous, & autres extremitez de la mer, on l'appelle flux, & reflux quand elle fe retire vers l'Equinoctiale.

Ce flux & reflux se fait deux sois pendant vingtquatre heures. Car en cinq heures ou enuiron, la mer fluë vers le Nort & vers le Sud, & en quelque six à sept heures elle sait son reflux. Et comme l'estat de la Lune n'est egal ou pareil, mais irregulier en son croissant & decroissant, ainsi le mouuement de la mer, & l'experimentons en nostre petite riuiere de saince Charles, tous les quartiers de la Lune, & les mois de l'année, & principalement en la pleine Lune, où nous voyons l'eau s'essleuer le plus vers nostre Conuent, ce qui nous obligeoit en ces temps-là, de ne rien laisser de nos meubles & ustencilles, que sort esloignez du bord de la riuiere.

Finissons ce chapitre de la creance & des superstitions de nos Montagnais, par cette conclusion, que qui voudroit faire estat de les observer toutes il en faudroit faire un iuste volume à part, tant elles sont en grand nombre, mais comme la lecture n'en seroit agreable ny utile, ie me contente de ce que i'en ay escrit comme suffisant, & finy par cette priere que ie fais à Dieu, de leur donner lumiere & cognoissance de leur aueuglement, qui les porte à ignorer le vray Dieu. & attribuer des puissances diuines à des choses insensibles, iusques à croire || que la neige & la gresle 514 ont une ame qui a cognoissance & intelligence, & s'offence de la lumiere & clarté des chandelles & fallots, auec quoy ces pauures gens n'oferoient fortir la nuict quand il neige, ou gresle, peur que cette ame en aduertisse les animaux qui prendroient la fuitte. Tiennent aussi que les chiens ne doiuent ronger les os des castors, des oyseaux ny des autres animaux pris au lacet. Que d'autres ne doiuent non plus estre iettez dans le feu, & que si on manque à la moindre observation de leurs folles opinions, que c'est fait de leur chasse, & de leur vie, & que tout ira s'en dessus dessous, & à contrepoil de leur intention.

De la saincte Oraison. De l'apparition des Esprits, & du grand Capitaine Auoindaon.

## CHAPITRE XXXII.

Sans Oraifon la vie de l'homme est miserable & sa fin malheureuse, disoit le B. Pere Barthelemy Solutiue. Il me semble auoir autresois leu, aussi bien qu'ouy dire, que ce grand Empereur Charles le

Quint Roy des Espagnes estant couché au lit de mort, 515 & prest de rendre son ame à || Dieu le Createur, sut prié par quelqu'uns de ses amis plus familiers de leur dire qu'el \* estoit la chose qui plus l'auoit contenté en ce monde, & qu'il ne leur dit autre chose, l'Oraifon: Dieu m'a fait la grace, disoit-il, que depuis l'aage de vingt-trois ans, iusques à present, iamais ie n'ay passé un seul iour sans auoir fait quelque peu d'Oraifon mentale, laquelle m'a tellement feruy que ce resouuenir de Dieu m'a tousiours consolé en mes ennuys, m'a fortifié en mes disgraces, m'a donné force contre le peché, & pour le comble de mon bonheur, elle m'a retiré des tracas du monde, & des tumultes de la terre, pour me colloquer dans ce lieu de repos, d'où i'espere moyennant la grace de Nostre Seigneur, aller en Paradis.

C'est une chose admirable, & un prodige merueilleux, qu'un Prince si grand, & un Monarque si puissant, enuironné de tant d'ennemis, & ayant de si
grandes, & si puissantes armées à gouuerner, par
mer & par terre, n'aye pû dans le gouuernement
d'un si grand Empire, estre diuerty pour un seul iour
du seruice & deuoir qu'il deuoit à son Dieu, à la confusion de nous autres petits vermisseaux de terre, qui
perdons si aysement cette presence tant necessaire d'un
Dieu, pour le moindre petit diuertissement qui nous
arriue. C'est mon regret & mon desplaisir, qui me
516 fait crier à vous Seigneur, à ce qu'il || vous plaise nous
faire la grace que l'exemple de ce Prince serue à nostre salut, & non point à nostre confusion, car si nous
sommes soigneux de nourrir nostre corps, pourquoy

nostre ame creée à vostre Image & semblance, manquera-elle de son alliment spirituel, car de mesme que la gorge est le canal par le moyen duquel l'estomach reçoit sa nourriture corporelle, l'Oraison est le conduit par lequel vostre diuine Maiesté communique ses graces & ses dons spirituels à l'ame, & comme sans cette gorge l'estomach ne receuroit aucune nourriture, ny vie, aussi sans l'Oraison, l'ame meurt à la grace, & ne peut auoir de vie pour le Paradis.

Nos pauures Sauuages ignorans encore la maniere d'adorer & feruir Dieu, auoient fouuent recours à nos prieres, & ayans par plusieurs fois experimenté le secours & l'assistance que nous leur promettions d'en haut, lorsqu'ils viuoient en gens de bien, & dans les termes que leur prescriuions, aduoüoient franchement que nos prieres auoient plus d'efficace que tout leur chant, leurs ceremonies, & tous les tintamarres de leurs Medecins, & se resioüissoient de nous ouyr chanter des Hymnes & Pseaumes, à la loüange de Dieu, pendant lesquels (s'ils se trouuoient presens), ils gardoient estroictement le silence, & se rendoient attentifs, pour le moins au son, & à la voix, qui les || contentoit fort.

S'ils se presentoient à la porte de nostre cabane, nos prieres commencées, ils se donnoient la patience qu'elles suffent acheuées, ou s'en retournoient en paix, sçachant desia que nous ne deuions pas estre interrompus en une si bonne action, & que d'entrer de force, ou par importunité, estoit chose estimée mesme incivile entr'eux & un obstacle aux bons esfects de la priere, tellement qu'ils nous donnoient du

517

temps pour prier Dieu, & vaquer en paix à nos Offices diuins. Nous aydant en cela la coustume qu'ils ont de n'admettre aucun dans leurs cabanes, lorsqu'ils y chantent les malades, ou que les mots du festin ont

Lorsque la Saincte Messe se disoit dans nostre cabane, ils n'y assistionent non plus, car elle s'y disoit tousiours la porte sermée, ou si matin qu'ils n'en vovoient rien, non seulement pour ce qu'ils estoient

esté prononcez.

incapables d'y affister, comme infidelles, mais aussi pour une apprehension que quelques\* malicieux nous defrobast nostre Calice, qu'ils appelloient petite chaudiere, & n'en eussent point fait de scrupule: pour nostre voile de Calice, nous leur monstrions assez librement, auec le beau chasuble que la Reyne nous auoit donné, qu'ils admiroient auec raison, & trou-518 uoient riche par dessus tout ce qu'ils auoient || de plus rare, & nous venoient souuent supplier de le faire voir à leurs malades, la feule veuë desquels\* les consoloit, & leur sembloit adoucir leurs douleurs. La bonne femme du Sauuage du Pere Ioseph, en auoit defrobé l'Etole, & cachée au fond d'un tonneau, mais après l'auoir longtemps priée & coniurée, car elle estoit tousiours sur la negatiue, elle nous la rendit enfin, disant qu'elle l'auoit retirée des mains de quelque volleur de la Nation du Petun, mais c'estoit elle-mesme qui en auoit faict le vol, ne pensant pas que nous y deuffions prendre garde, & c'est en quoy elle fe trompoit.

Auoindaon grand Capitaine de la ville Sain& Iofeph, auoit tant d'affection pour nous, qu'il nous fer-

uoit comme de pere fyndique dans le pays, & nous voyoit aussi souuent qu'il croyoit ne nous estre point importun, & nous trouuans par-fois de genoüils prians Dieu, il s'y mettoit auprés de nous, les mains ioincles, auec une posture qui donnoit de la deuotion, & ne pouuans d'auantage\*, il taschoit serieusement de contrefaire nos gestes & ceremonies, remuant les leures, puis esleuoit les mains & les yeux au Ciel, & y perseueroit iusques à la fin de nos offices & Oraifons, qui estoient assez longues, & luy aagé d'enuiron foi- || xante & quinze ans. O mon Dieu que cet 519 exemple deuroit confondre les Chrestiens! & que nous dira ce bon vieillard Sauuage, non encore baptifé, au iour du lugement, de nous voir plus negligens d'aymer & seruir Dieu, que nous congnoissons, & duquel nous receuons iournellement tant de graces, que luy qui n'avoit iamais esté instruict que dans l'escole de la gentilité, & ne le cognoissoit encore qu'au trauers les espaisses tenebres de son ignorance.

Mon Dieu, refueillez nos tiedeurs, & nous eschauffez du feu de vostre diuin amour, car nous sommes pour la pieté, en quelque chose plus froids que les Sauuages mesmes. Ce bon homme m'importuna fort de luy donner un petit Agnus Dei, qu'il porta à son col, auec tant de respect & de deuotion, qu'il n'yauoit aucun François qui en fist plus d'estat, non pour la beauté de la soye de laquelle il estoit enueloppé, mais pour la croyance qu'il y auoit, lequel il conseruoit tellement que peur de le perdre, il le fit encore couurir d'un autre morceau d'estoffe.

Il nous pria fort de luy permettre d'assister à la Saincte Messe, pour y prier Dieu auec nous, mais comme nous luy eufmes dit qu'il ne pouuoit, n'eftant pas baptifé, il nous supplioit qu'on le baptisast 520 pour y pouuoir assister, & faire au reste com- || me nous. Et comme il estoit tout plein de bonne volonté, il ne cherchoit que l'occasion de nous faire plaisir, & demandoit de coucher dans nostre cabane, lorsqu'en l'absence de mes confreres i'y restois seul la nuict. Ie luy en demandois la raison, & s'il croyoit m'obliger en cela, il me disoit qu'il apprehendoit quelque accident pour moy, particulierement au temps que les Hiroquois estoient entrez dans leurs terres, & qu'ils me pourroient avsement prendre, ou me tuer dans nostre cabane, sans pouuoir estre secouru de perfonne, & que de plus les esprits malins qui les inquietoient me pourroient aussi donner de la frayeur, s'ils venoient à s'apparoir à moy, ou à me faire entendre de leurs voix, comme ils font en diuerses contrées, & fous diuerses figures. Ie le remerciois de sa bonne volonté, & l'affeurois que ie n'auois aucune apprehenfion, ny des Hiroquois, ny des esprits malins, & que ie voulois demeurer seul la nuict dans nostre cabane, en filence, prieres & Oraifons. Il me repliquoit: mon nepueu, ie ne parleray point & ne prieray Iesus auec toy, fouffre-moy feulement en ta compagnie pour cette nuict, car tu nous es cher, & crains qu'il ne t'arriue du mal, ou en effet, ou d'apprehension. Ie le remerciois de rechef, le renuovois au bourg, & || demeurois feul à la garde de Nostre Seigneur & de mon bon Ange, car ie ne iugeois pas necessaire d'auoir autre

nostre Conuent de Paris, un de nos Religieux nommé Frere Bonauenture, natif d'Amiens, tellement poursuiuy & molesté par l'ennemy du genre humain, s'y \* qu'à peine luy laissoit-il prendre un peu de relasche, de sorte que tous les Religieux & principalement les Nouices, comme nouueaux apprentifs en la voye de Dieu, en restoient tous effrayez & n'ozoient plus se tenir seuls la nuict dans leurs cellules, s'ils n'auoient le soir esté asseurez par leur Pere maistre & receu fa benediction

Combien de fois on a veu ce pauure Frere meurtry de coups & efgratigné comme d'un animal meschant, on a ouy quelquefois des chaifnes de fer rouller par le Conuent, & des tintamarres effroyables, que ce malin esprit proche les bons iours principalement, faifoit en la poursuitte de ce bon Religieux, pour l'espouuenter & luy faire quitter ses oraisons & l'exercice de ses mortifications, pendant lesquelles on l'a souuentefois veu rauy en extase || deux ou trois sois le 526 iour. Dieu m'a faict la grace de m'y estre quelquesois trouué present & en des iubilations admirables où sa voix egallement deuote auec ses parolles, sembloient celles d'un Ange du Ciel, tant elle essoit douce & rauitsante.

Ce malin esprit inuenta un iour une estrange maniere de le vexer & luy donner peine, car comme il luy en vouloit, il ne cherchoit que l'occasion de luy mal faire & le faire mourir s'il eut pû. Il y auoit une grande Croix dans la cellule de ce bon Religieux, deuant laquelle il auoit accoustumée de se prosterner & faire ses oraisons, le diable desirant de le faire mourir.

prit des cordes & l'attacha pieds & poings liez fur ceste Croix, en sorte qu'il n'eust sceu se bouger ny remuer, puis luy mist une corde au col, & la serra de si prés qu'il l'en pensa estrangler, & pour empescher qu'on ne le secourut (malice infernale) il serma la porte par dedans en telle maniere, que le superieur su contrainct d'y faire entrer un Religieux par la senestre auec une eschelle, où la porte ouuerte ce pauure Frere sut trouué comme mort, & destaché sut mis sur sa couche, d'où reuenu à soy, il loüa Dieu & luy rendit graces infinies d'auoir combatu pour luy & deliuré son ame d'un si puissant ennemy.

Dieu tres-bon ne permet iamais que nous foyons tentez au delà de nos forces, il veut que nous foyons esprouuez & non point sur- || montez, car il n'y a que celuy qui le veut qui le puisse estre. Les esprits infernaux desesperés de pouuoir rien gaigner sur ceste belle ame, que plustost ils luy augmentoient ses couronnes & merites, un d'iceux en guise d'un Courtisan s'adressa un iour à l'un de nos Nouices auquel n'ayant pû mettre en l'esprit de quitter la saincte Religion, le batit de telle sorte que le Reverend Pere Prouincial entendant les coups de sa chambre, accourut promptement le secourir, mais à son approche ce feint Courtisan disparut, de quoy le Nouice rendit graces à Dieu & audit Pere, auquel il compta l'histoire.

Je pourrois encore icy rapporter plusieurs autres apparitions & combats des demons à l'encontre des Religieux, mais comme ce n'est pas mon suiest & que cela est assez ordinaire, ie me contente pour le present

des deux sussities, lesquelles doiuent suffire, l'une pour nous faire tenir sur nos gardes & resister fortement à l'ennemy dés qu'il nous approche par quelque tentation, & l'autre pour nous apprendre qu'il y a tousiours à combatre pendant que nous sommes en ce monde, & que tant plus nous approchons de Dieu, plus puissamment le diable nous assaille, mais auec la grace de Nostre Seigneur, nous luy pouuons resister, & dire auec S. Paul, ie puis tout en celuy qui me donne confort.

|| Durecours que les Sauuages auoient à nos prieres. 528 De la creance qu'ils nous auoient, & où ils croyent que le Soleil se couche.

## CHAPITRE XXXIII.

Priez les uns pour les autres afin que vous foyez fauuez, disoit l'Apostre Sainct Iacques. Ie ne m'estendray pas dauantage pour vous faire voir combien merite celuy qui prie pour son prochain, que de vous rapporter une memorable sentence de la Bien-heureuse Saincte Angelique de Foligny laquelle a autant grauement que veritablement dit ces mots dignes de sa persection: peut-estre que l'on se mocquera de moy de ce que ie vay vous dire, mais neantmoins il est vray que i'ay receu plus de graces de Dieu, priant pour autruy, que priant pour moy mesmes\*.

Ce qui se confirme par l'histoire suiuante extraicte

il ne faut plus de preuue ny d'autre tesmoignage du bien qui nous reuient de prier pour autruy, quoy que nous foyons grand \* pescheurs, car Dieu ne se laisse iamais vaincre de courtoisie, & est tousiours prest à donner pour peu qu'on le prie auec foy. Un certain 529 Religieux & parfaict Frere Mineur II homme de tresfaincte vie, prioit ordinairement tous ceux à qui il parloit d'auoir memoire de luy en leurs prieres. Aduint un iour, comme il entroit en quelque ville, qu'il rencontra une femme fort vitieuse & mal viuante, qui le faluant, luy rendit aussi tost le reciproque, & la pria tres-humblement de prier Dieu, & la Vierge pour luy. Mais ceste femme toute estonnée d'un propos si nouueau en fon endroit, luy respondit, hélas! mon pere, mes prieres vous feroient inutiles & ne vous feruiroient de rien par ce que ie suis la plus grande pescheresse du monde. Qu'elle \* que vous soyez, repart le Religieux, ie vous supplie de m'obliger de ce bien, ô chose admirable: si tost qu'elle fut entrée en l'Eglise, elle fit la reuerence à une image de la Saincte Vierge, & alors elle se ressouuint du Religieux, incontinent se mit à genoux deuant icelle image, disant l'Ave Maria pour luy, elle n'eust si tost acheué ladite oraifon, qu'elle fut rauie en esprit, & vit la Vierge Mere de Dieu, tenant son fils bien aymé entre ses bras, qui le prioit pour elle, luy disant, Monseigneur, ie vous supplie escoutez, s'il vous plaist l'oraison de cette pescheresse, & quoy ma mere, respondit l'enfant, (comment voulez-vous que i'escoute l'oraison odieuse de ma grande ennemie, encores qu'elle prie pour mon

garde auec moy, & puis de mon naturel ie suis assez

peu apprehensif, Dieu mercy.

Il y en a qui s'imaginent que les païs fauuages sont tout plains de demons, & que ces pauures gens en font continuellement tourmentez & vexez, cela est bon pour le païs de ceux qui les adorent, comme faifoient anciennement les Mexicains, mais pour nos Hurons, ils les croyent meschans & ne les adorent aucunement encores qu'il\* le femblent faire aux offrandes qu'ils font en des lieux particuliers, comme i'ay dit ailleurs, & si Sathan leur apparoist comme il saict à quelqu'uns, ce n'est pas tousiours sous une forme hydeuse & espouuentable, mais ordinairement sous une forme humaine, ou de leurs parens & amis deffuncts, & quelquefois en fonge seulement, principalement aux femmes, où ils se font ouyr de la voix, & comme ils la diuersifient, tantost triste & plaintiue, & tantost gaye & ioyeuse, auec des risées, sans qu'on y puisse rien comprendie, ny qu'on apperçoiue aucune chose. Les Sauuages m'en demandoient l'interpretation, & me servant dextrement de l'occasion, ie leur disois que ces voix tristes & lamentables de leurs parens & amis deffuncts, n'estoient autres que des regrets & desplaisirs de leur damnation, pour n'auoir pas esté baptisez & vescu selon la loy que le Fils de Dieu nous a enseignée par ses Apostres. Et que pour ce qui estoit de ces ris & voix de || resiouissance, cela 522 ne procedoit que du malin esprit, qui leur vouloit faire croire par là, contre toute verité que leurs parens estoient bien-heureux. & iouissoient de la felicité eternelle, afin de les diuertir eux-mesmes de la voye

de Dieu, les obliger à la mesme vie, les maintenir dans les mesmes vices, & les entrainer en la mesme damnation auec leurs parens & amys dessuncts, tellement que les pauures Sauuages par ceste responce detestans ces cachots tenebreux, frappoient de la main doucement contre leur bouche & disoient ho, ho, ho, ho, ho. Danstan téonguiandé, voylà qui n'est pas bien, voylà qui ne vaut rien, & ils auoient raison.

Il arriue quelquefois que le diable pere de mensonge dit des veritez, mais cela luy est si rare, qu'il n'en diroit iamais s'il n'y esperoit du profit, ou que Dieu ne luy contraignit, aussi ne le doit-on croire, ny l'escouter, que comme on doit faire un demon, en bouchant

luy contraignit, aussi ne le doit-on croire, ny l'escouter, que comme on doit faire un demon, en bouchant ses aureilles. Un honneste gentilhomme de nos amis, nommé le sieur du Vernet, demeurant auec nous au païs des Hurons, nous dit un iour que comme il estoit dans la cabane d'une Sauuagesse vers le Bresil, qu'un demon vint frapper trois grands coups sur la couverture de la cabane, & que la Sauuagesse qui cognut que c'estoit son demon, entra dés aussitos dans sa petite tour d'escorces, où elle auoit accoussumé de receuoir ses oracles & entendre les discours de ce malin esprit. Ce bon gentilhomme presta l'oreille, & escoustant le colloque, entendit le diable qui se plaignoit tout haut, d'estre grandement fati- || gué, & que son seul respect

colloque, entendit le diable qui se plaignoit tout haut,
523 d'estre grandement fati- || gué, & que son seul respect
l'auoit amené là d'un loingtain païs, d'où il venoit de
guerir des malades (ô le malheureux medecin). Apres
auoir encor long temps discouru auec une voix assez
basse, il dit ensin à cette Magicienne qu'il y auoit
trois Nauires François en mer, qui arriueroient bientost, ce qui fut trouué veritable, car à trois ou quatre

10urs de là ils arriverent, & aprés que la Sauvagesse l'eut remercié & faict ses demandes, le demon s'en retourna dans les enfers & ledit fieur du Vernet dans les Nauires nouvellement arrivez.

Ce mesme gentilhomme nous dit, qu'il avoit remarqué en ses Sauuages bien que tout nuds, hommes, femmes & enfans, que iamais les femmes ne cognoiffoient d'autres hommes que leurs propres maris, lefquels en estoient si ialoux, qu'ils n'eussent souffert pour chose du monde qu'un autre eut abusé de leur couche, & d'abondant que tous ses peuples, par une fuperstition pavenne, s'alloient tous les iours lauer à la riuiere dés qu'ils estoient sortis du lict & ne nous en sceut donner autre raison, sinon celle de leur antiquité, pour se nettoyer du peché.

Ce n'est pas seullement aux peuples infidelles & barbares, que le diable apparoist sous diuerses formes & figures, mais aussi à plusieurs Chrestiens & Religieux. Depuis quelques années ença, i'ay appris d'un bon Pere des nostres de la Prouince de Flandre, que demeurant de communauté dans un Conuent de la même Prouince. Il \* y eut un ieune Nouice lequel fe || promenant feul dans le iardin, & prestant trop 524 inconfiderement la penfée à la tentation, qui luy remettoit en memoire les grands biens qu'il auoit laissé au monde, & que s'il y fust demeuré qu'il eut esté riche & opulent, au lieu d'une extreme pauureté qu'il embrassoit, eut esté bien monté au lieu d'aller pieds nuds, & estimé au lieu d'estre mesprisé, dont le diable prenant occasion luy estourdit l'esprit & le plongea dans une telle melancolie, que meprifans en son ame

les actions vertueuses de la faincle Religion, il aspira aux plaisirs mondains de telle sorte, que le diable pour le perdre dauantage, luy fist apparoir un gros cheual noir bien equippé, fellé & bridé, garny d'une bonne bougette à l'arcon de la felle, qui fembloit pleine d'efcus, le Nouice grandement effrayé d'une apparition si inopinée rentrant en luy-mesme s'enfuit au Conuent, où n'ayant pû dissimuler sa peur, sut commandé par le Superieur de luy dire le suiest de son estonnement, ce qu'ayant faict encor tout tremblant, fut doucement disposé à rendre l'habit de la Saincle Religion, & charitablement aduerty que l'ordre n'admettoit que ceux qui batailloient & resissoient vaillamment à l'ennemy, & non ceux qui adheroient à leurs tentations. Il rendit donc l'habit bien qu'auec regret. & fut renuoyé au monde, où il vit, tousiours un peu troublé & inquieté de ceste apparition.

Il a du depuis faict de grands efforts pour rentrer en l'ordre, mais il n'a pu venir à chef de ses preten525 sions, pour apprendre aux Nouices || & nouueaux champions en la milice de nostre Seigneur d'estre tousiours sur leur garde, & de resister aux tentations du malin esprit dés l'instant qu'elles se presentent, peur de tomber en pareil inconuenient & mal-heur de ce Religieux, car le diable ne dort iamais.

Il y a d'autres apparitions qui arriuent, mais à des personnes plus aduancées à la vertu, par de rudes combats & des prises estranges auec cet esprit malin, que Dieu permet pour les faire meriter & affermir dans la mesme vertu.

Depuis quelques années ença, nous auons eu en

partout couuert de nuées obscures qui se deschargeoient abondamment fur la terre, se fist serain & toutes ces nuées se ramasserent en un globe au dessus du bourg, qui tout à coup s'alla fondre derriere les bois sans qu'on en apperceut iamais tomber une seule goutte d'eau. Et ce beau temps dura enuiron trois sepmaines au grand contentement & admiration des Sauuages, qui satisfaicts d'une telle saueur celeste nous en resterent fort affectionnez, auec deliberation de faire passer en conseil, que de là en auant ils nous appelleroient Peres, qui estoit beaucoup gaigné sur leur esprit, & à nous une grande obligation de rendre infinies graces à nostre Seigneur, qui nous auoit exaucé, veu qu'il \* n'usent iamais de ce mot Pere. qu'enuers les vieillards de leur nation, & non enuers les estrangers, par une certaine vanité qu'ils ont de tenir tousiours le dessus.

Quelqu'uns en fuitte nous appelloient Arondiouane, c'est à dire Prophete ou homme qui predit les choses à venir & peut changer les temps, car entr'eux il y a de certains Sorciers, Medecins ou Magiciens, qui ont accez au diable & qui font estat de predire les choses sutures & de faire tonner ou cesser les orages, & ceux-là sont les plus estimez entr'eux, comme entre nous les plus grands sainces, non qu'ils les estiment sainces, mais admirables & sçachans les choses à venir. C'est tout ce qu'ils peuuent dire d'excellent de nous, car pour nous appeller Oki ou Ondaki, qui veut dire demon ou Ange, cela estoit quelque degré au dessous de ceste premiere qualité.

|| Bref les Sauuages nous eurent une telle creance & 535

auoient tant d'opinions de nous depuis ceste faueur celeste, que cela nous estoit à peine, pour ce qu'ils en inferoient & s'imaginoient que Dieu ne nous esconduiroit iamais d'aucune chose que luy demandassions, & que nous pouuions tourner le ciel & la terre à nostre volonté (par maniere de dire), c'est pourquoy il leur en falloit faire rabatre de beaucoup & les aduiser que Dieu ne faict pas tousiours miracle, & que nous n'estions pas digne \* d'estre tousiours exaucez, mais souuent corrigez.

Il m'arriua un iour qu'estant allé visiter un sauuage de nos meilleurs amis, grandement honneste homme, & qui sentoit plus tost son bon Chrestien que non pas son sauuage, comme je discourois auec luy & pensois monstrer nostre cachet, pour luy en faire admirer l'image qui estoit de la faincte Vierge, une fille subtilement s'en saisit & le ietta de costé dans les cendres, pour n'en estre trouvée saisse & le ramasser aprés ma fortie. l'estois marry que ce cachet m'eut esté ainsi desrobé, & dis à ceste fille que ie foupconnois, tu te ris à present de mon cachet perdu, mais scache que s'il ne m'est rendu, que tu pleureras demain & mourras bien-tost, car Dieu n'ayme point les larronnesses & les chastie, ce que ie disois simplement pour l'intimider & faire rendre son larrecin, comme elle fist à la fin l'ayant moy-mesme ramassé du lieu qu'elle me monstra l'auoir ietté.

Le lendemain matin à heure de dix estant retourné 536 voir mon Sauuage, ie trouuay cette || fille toute esplorée, malade & trauaillée de grands vomissemens, estonné & marry de la voir en cet estat ie m'infor-

may de la cause de son mal & de ses pleurs, l'on me dit que c'estoit le chastiment de lesus que ie luv auois predit, & que deuant mourir elle desiroit s'en retourner à la nation du petun d'où elle estoit, pour ne mourir hors de son païs, ie la consolay alors & luy dis qu'elle ne mourroit point pour ce coup, ny ne sentiroit dauantage de mal, puis que ce cachet auoit esté retrouué, mais qu'elle auisast une autre sois de ne plus desrober, puis que cela desplaisoit au bon Iesus, elle me demanda de rechef si elle n'en mourroit point, ie luy dis que non, aprés quoy elle resta entierement guerie & consolée & ne parla plus de retourner en son païs comme elle faifoit auparauant.

Comme ils estimoient que les plus grands Capitaines François estoient douez d'un plus grand esprit, & qu'ayans si grand esprit ils pouuoient saire les choses les plus difficiles & non les pauures qui n'auoient point d'esprit. Ils inferoient de là que le Roy (comme le plus grand Capitaine des François) faisoit les plus grandes chaudieres & les autres Capitaines les moindres & plus petits meubles. Ie les tiray de cette folle pensée lors qu'ils nous en presenterent à raccommoder, car leur ayant dit que c'estoit l'ouurage des pauures artisans & non du Roy ny des grands, l'admirant, ils nous dirent: les pauures ont donc de l'esprit en vostre païs, & d'où vient donc que ce sont les Capitaines de Kebec qui ont toute \* les marchandises & non les || autres, c'est que les pauures leur donnent 537 leur trauail. & les riches les nourrissent.

Ils nous prierent quelquefois de fort bonne grace, de faire pencher en bas les oreilles droictes de leurs

chiens, pour les rendre femblables à ceux de Kebec, & de tuer cet importun Tonnerre qui les estourdissoit de son bruit, car ils croyoient qu'il estoit un oyseau fort delicat qu'on mangeoit en France, couvert de fort belles plumes, & nous demandoient si les pennaches de nos gens estoient de ses plumes, & s'il auoit bien de la graisse, & pourquoy il faisoit tant de bruit, & de -la caufe des esclairs, & de ces roulemens, & ie satisfaifois felon ma petite capacité à leur demande, & les detrompois leur faisant voir qu'ils ne deuoient penser si peu apparemment des choses, ny croire à tous esprits de quoy ils restoient fort contens & satisfaits, car ils font bien ayse d'apprendre, & d'ouyr discourir des choses qu'ils ignorent, pourueu qu'on leur parle serieusement, & en verité, & non point en gaussant, ou niaisant, comme faisoient nos François. Ils furent fort estonnez entre autre chose, aussi bien

que plusieurs simples gens d'icy, d'ouïr dire que la terre fut ronde, & suspendue sans autre appuy que de la puissance de Dieu, que l'on voyageast à l'entour d'icelle, & qu'il y eut des Nations au dessous de nous, & mesme que le Soleil sit son cours à l'entour; car ils pensoient que la terre sut || posée sur le sond des abysmes des eauës, & qu'au milieu d'icelle il y eut un trou dans lequel le Soleil se couchoit iusques au lendemain matin qu'il sortoit par l'autre extremité.

Cette opinion est quasi conforme à celle des Peruennois, lesquels quand ils voyoient que le Soleil se couchoit & qui sembloit se precipiter dans la mer, qui en toute l'estenduë du Peru est du costé du Ponent, ils disoient qu'il entroit dedans où par la violence de sa grand amy? hé! mon fils, repliqua la Vierge, de grace, faites-luy misericorde, & vous la rendez amie, pour l'amour de vostre grand amy.

Ceste pauure femme retournée à soy, grandement estonnée d'une telle apparition, cou- || rut inconti- 530 nent trouuer le Religieux, & luy raconta ce qu'elle auoit veu en son esprit, aprés lui fit une entiere & parfaite confession de tous ces\* pechez, & depuis s'estudia du tout à fuir le vice. & seruir deuotement ceste tant secourable Aduocate des pecheurs.

Enuiron les mois d'Auril & May les pluyes furent tres-grandes & presque continuelles au païs de nos Hurons (au contraire de la France qui fut fort seiche cette année-là,) de forte que les Sauuages estoient dans de grandes apprehensions que tous les bleds deschamps deussent perir, & dans cette affliction qui leur est fort fensible, ne sçauoient plus à qui auoir recours sinon à nous, car desia, toutes leurs inventions & superstitions auoient esté inutilement employées, c'est ce qui les fist recourir au vray Dieu qui leur departit misericordieusement les effects de sa diuine prouidence. Ils tindrent donc conseil entre les principaux Capitaines & vieillards, & aduiserent à un dernier & salutaire remede, qui n'estoit pas vrayement sauuage, mais digne de personnes plus illuminées. Ils firent apporter un tonneau de mediocre grandeur, au milieu de la cabane du grand Capitaine où se tenoit le conseil, & ordonnerent que tous ceux du bourg qui auoient un champ de bled ensemencé y apporteroient une escuellée de bled de leur cabane, & ceux qui auroient deux champs, en apporteroient deux escuellées, & ainsi des

autres, puis l'offriroient & dedieroient à l'un de nous trois, pour l'obliger auec ses deux autres confreres, de

prier Dieu pour eux.

531 | Cela faict, ils me manderent par un nommé Grenole de me trouuer au confeil, où ils defiroient me communiquer quelque affaire d'importance, & aussi pour receuoir un tonneau de bled qu'ils m'auoient dedié.

Auec l'aduis de mes confreres, ie m'y en allay, & m'assis auprés du grand Capitaine, lequel me dit: Mon Nepueu, nous t'auons enuoyé querir pour t'aduiser que si les pluyes ne cessent bien-tost, nos bleds se pourriront, & toy & tes confreres auec nous, mourrons tous de faim; mais comme vous estes gens de grand esprit, nous auons eu recours à vous & esperons que vous obtiendrez de vostre Pere qui est au Ciel, quelque remede & assistance à la necessité presente, qui nous menace d'une totale ruyne.

Vous nous auez toufiours annoncé qu'il eftoit tresbon, & auoit tout pouuoir au Ciel & en la terre, si ainsi est qu'il soit tout puissant, & puissece qu'il veut, il peut donc nous retirer de nos miseres, & nous donner un temps fauorable & propice, prie-le donc, auec tes autres confreres, de faire cesser les pluyes & le mauuais temps, qui nous conduit infailliblement dans la famine, s'il continue encore quelque temps, & nous ne te serons pas ingrats ny mescognoissans: car voylà des-ia un tonneau de bled que nous t'auons dedié, en attendant mieux.

Son discours finy & ses raisons deduites, ie luy remonstray que tout ce que nous leur auions dit & en-

feigné estoit tres-veritable, mais qu'il estoit à la liberté d'un Pere d'exaucer ou reietter les prieres de son enfant, & que pour chas- || tier ou faire grace & miseri- 532 corde, il estoit tousiours la mesme bonté, y ayant autant d'amour au refus qu'à l'octroy, & luy dis pour exemple: voylà deux de tes petits enfans, Andaracouy & Aroussen, car ainsi s'appelloient-ils, quelquefois tu leur accorde ce qu'ils te demandent, & d'autres fois non, que si tu les resuses & les laisse contristez, ce n'est pas pour havne que tu leur portes, ni pour mal que tu leur veuille; ains pour ce que tu iuge mieux qu'eux que cela neleur est pas propre, ou que ce chastiment leur est necessaire. Ainsi en use Dieu nostre Pere tres-fage, enuers tous ses petits enfans & seruiteurs.

Ce Capitaine un peu groffier en matiere spirituelle, me repliqua, & dit: Mon Nepueu, il n'y a point de comparaison de vous à ces petits enfans, car n'ayans point d'esprit ils font souuent de folles demandes, & moy qui fuis pere fage & de beaucoup d'esprit ie les exauce ou refuse auec raison. Mais pour vous qui estes grandement fages & ne demandez rien inconsiderement, & qui ne soit tres-bon & equitable, vostre Pere qui est au Ciel n'a garde de vous esconduire, que s'il ne vous exauce & que nos bleds viennent à se perdre, nous croyrons que vous n'estes pas veritables, & que vostre Iesus n'est point si bon ny si puissant que vous nous auez annoncé. le luy repliquay tout ce qui estoit necessaire là-dessus, & luy remis en memoire que desia en plusieurs occasions ils auoient experimenté le fecours d'un Dieu & d'un Createur si bon & pitoyable,

533 & qu'il les affisteroit enco- || re à ceste presente & presente necessité, & leur donneroit du bled plus que suffissamment, pourueu qu'ils nous voulussent croire & quittassent leurs vices, & que si Dieu les chastioit parfois, c'estoit pour ce qu'ils estoient tousiours vicieux & ne sortoient point de leurs mauuaises habitudes, & que s'ils se corrigeoient, ils luy seroient agreables & les traitteroit aprés sans qu'ils manquassent de rien.

Ce bon homme prenant goust à tout ce que ie luy disois, me dit: ô mon Nepueu ie veux donc estre enfant de Dieu comme toy, ie luy respondis tu n'en es point encore capable, ô mon oncle! il faut encore un peu attendre que tu te sois corrigé, car Dieu ne veut point d'ensant s'il ne renonce aux superstitions & qu'il ne se contente de sa propre semme, sans aller à celles d'autruy, & si tu le sais nous te baptiserons, & aprés ta mort ton ame s'en ira bien-heureuse auec luy en Paradis.

en Paradis.

Le conseil acheué, le bled d'Inde sut porté en nostre cabane & m'y en retournay, où i'aduertis mes confreres de tout ce qui s'estoit passé, & qu'il falloit serieusement & instamment prier Dieu pour ce pauure peuple, à ce qu'il daignast les regarder de son œil de misericorde & leur donnast un temps propre & necessaire à leurs bleds, pour de là les faire admirer ses merueilles. Mais à peine eusmes-nous commencé nos petites prieres & esté processionnellement à l'entour de nostre petite cabane (le P. Joseph reuessu) en disant les Litanies & autres prieres propres, que N. S. tresbon & misericordieux sist à mesme temps cesser les 534 pluyes, tellement que le || Ciel, qui auparauant estoit

chaleur il desseichoit la pluspart des eauës, & qu'à l'imitation d'un bon nageur, il faisoit le plongeon par dessous la terre qu'ils croyoient estre sur l'eau, pour sortir le iour d'apres des portes de l'Orient ce qu'ils ne disoient que du coucher du Soleil sans parler de celuy de la Lune, ny des autres estoiles. De toutes lesquelles choses on peut inferer qu'ils n'estoient gueres sçauans en Astrologie, & fort ignorans en ces sciences pour n'y auoir pas eu de maistres.

Histoire d'une femme Huronne baptisée & d'un ieune Montagnais auquel le diable s'apparut sous diuerses formes. — Du grand fessin qui fut fait à son baptesme & de la harangue des Sauuages.

## CHAPITRE XXXIV.

La conuersion des Insidelles est le propre gibier des Freres Mineurs, & de roder || toute la terre, pour les 539 amener à Iesus Christ, car Dieu ne nous a pas enuoyé pour nous seuls, mais pour ayder à sauuer les autres en nous sauuans nous-mesmes, autrement nous ne satisfaisons pas à tout ce qui est du deuoir d'un vray Frere Mineur, qui doit estre martyr de volonté, s'il ne le peut estre d'effet.

Ie fais mention au chapitre suiuant des conuersions admirables que nos tres-sainces Freres ont sait dans les Indes & presque par toutes les terres Payennes & Barbares, lesquelles surpassent infiniment celles qui se

font faictes dans tout le Canada; mais ceux qui confidereront ce qui est de la nouuelle France, & le peu de zele de l'ancienne à y porter leur ayde.\* La grande estenduë & le peuple presque infini des Indes, outre le bon ordre que les Viceroys & Gouuerneurs des pays y tiennent, que ce sont des peuples policez pour la pluspart, admireront qu'il y en aye aucun de conuerty dans nostre pauure Canada, & que nos Religieux y ayent pû disposer un si grand nombre de Barbares à la foy, & en baptiser plusieurs, entre lesquels ie feray choix de quelqu'uns pour vous faire voir qu'en esset, on y seroit du prosit si on y estoit assisté.

Nous baptisames une semme Huronne, malade en nostre bourg de Sainct Ioseph, qui ressentit interieurement, & tesmoigna exterieurement de grands essets du Sainct Baptesme, il y auoit plusieurs iours qu'elle seme prenoit aucune nourriture, ne pouuoit rien aualler & n'auoit d'appetit non plus qu'une personne mourante, elle auoit neantmoins tousiours l'esprit & le iugement tres-bon, ioüissoit de la faculté de ses sens, & paroissoit en elle ie ne scay quoy d'aspirant aux biens eternels, car à mesme temps qu'elle sut baptisée l'appetit luy reuint comme en pleine santé, & ne ressentit plus de douleurs par l'espace de plusieurs iours, apres lesquels la maladie se rengregeant & son corps s'asoiblissant, elle rendit son ame à Dieu le Createur, comme pieusement nous pouuons croire.

Auant d'expirer elle repetoit fouuent à fon mary, que lors qu'on la baptifoit, elle ressentoit en son ame une si douce, si suaue & agreable consolation, qu'elle ne pouuoit s'empescher d'auoir les yeux & la pensée

continuellement esleuez au Ciel, & eut bien desiré qu'on eut pû luy reiterer encore une autre fois le Sainct Baptesme, pour pouvoir iouir de rechef de cette consolation interieure, grace & faueur que ce Sacrement luv auoit communiqué.

Son mary nommé Ong vata, tres-content & ioyeux au possible, nous en a tousiours esté du depuis fort affectionné & desiroit encore estre Chrestien, auec beaucoup d'autres, mais il falloit encore un peu temporifer & attendre qu'ils fussent mieux instruits & fondez en la cognoissance d'un Iesus Christ Crucifié pour nos pechez, au mespris de || toutes leurs folles 541 ceremonies, & à l'horreur du vice, pour ce que ce n'est pas assez d'estre baptisé, pour aller en Paradis, mais il faut viure chrestiennement & dans les termes & les Loix que Dieu & son Eglise nous ont prescrit: autrement il n'y a qu'un Enfer pour les mauuais Chrestiens, non plus que pour les Infidelles, & non point un Paradis.

Et puis ie diray auec verité, & veux bien le repeter plusieurs fois, que la doctrine & la bonne vie des Religieux, ne suffisent pas à des peuples Sauuages pour les maintenir dans le Christianisme, & en la soy, il faut de plus la conuersation & le bon exemple des personnes seculiers; car comme ils disent eux-mesmes. s'il y auoit des mesnages de bons Catholiques habituez auec eux, ils apprendroient plus en deux Lunes, leur voyans rendre les deuoirs de bons & vertueux Chrestiens seculiers, qu'en quatre, les oyans dire a des Religieux, à la vie desquels ils trouuent plus à admirer qu'à imiter.

Entre plusieurs Sauuages Canadiens que nos Peres ont baptisez, soit de ceux qu'ils ont fait conduire en France, ou d'autres qu'ils ont baptisez & retenus sur les lieux, un principalement merite que ie vous descriue l'Histoire qui est assez remarquable.

l'ay rapporté cy deuant au premier liure de ce vo-

lume, chapitre sixiesme, comme le Canadien Choumin, autrement nommé le Cadet, auoit promis au Pere Ioseph de luy amener son fils aisné nommé Naneo-542 gauachit, || pour estre instruit & baptisé, si tost qu'il scauroit son retour de France, comme il sit en esset, s'y rendant si foigneux, qu'à peine ledit Pere eut-il pris un peu de repos qu'il le vint trouuer auec fondit fils, lequel apres un petit compliment luy dit en sa langue: Pere Ioseph voylà mon fils que ie t'ay amené pour demeurer auec toy, ou pour l'enuoyer en France ainsi que tu voudras, ie te l'auois promis & m'en acquitte, & te le laisse en depos pour en disposer à ta volonté, seulement ie te supplie pour l'amour que tu porte a Iesus, d'en auoir le soin, de l'instruire & de le faire fon \* enfant comme tu m'as promis, car ie veux qu'il viue doresenauant comme toy, & aille en Paradis auec toy.

L'enfant ne pouuoit auoir lors qu'enuiron neuf ou dix ans seulement, mais il estoit fort ioly, honneste, & sentant peu son sauuage non plus que son pere. On lui demanda s'il vouloit demeurer auec nous, & estre baptisé, il dit que ouy, & qu'il estoit sort contant. L'adessus on luy fait quitter son habit de sauuage, qui consistoit en un petit capot rouge qu'il auoit eu à la traite pour des pelleteries, & sur reuessu d'un petit

habit à la Françoise, qui le consola fort, car il se contemploit, se regardoit, & s'admiroit luy-mesme auec ce petit habit. Mais combien est puissant l'amour d'un pere enuers son ensant, & reciproquement celuy d'un ensant bien nay enuers son pere, il n'y a que celuy qui l'a experimenté qui le puisse exprimer.

|| Ce pauure Sauuage auoit esté contant iusques là, 543 mais quand il fut question de dire à Dieu à son enfant, la parole luy manqua, & sondant en larmes, il n'osoit plus regarder ce fils, l'obiet de ses douleurs, non plus qu'une autre Saince Paule son petit sur le riuage de la mer, neantmoins surmontant sa paternelle affection, & aymant plus son fils pour Dieu que pour luy-mesme, dit de reches au Pere Ioseph, cet enfant est à toy, ie te l'ay donné, & me suis despouillé du pouuoir que i'auois sur luy, afin qu'il suiue tes volontez, reçois-le donc, & en fais comme de ton fils, & sur ce partit pour s'en retourner auec les autres Sauuages, chargé de quelque petit present qu'on luy donna pour essuyer ses larmes.

Or cefuticy bien la pitié, car Naneogauachit voyant partir son pere, il n'y eut plus de paix à la maison, il pleuroit, il s'affligeoit & vouloit à toute force s'en retourner auec luy, sans qu'on pû par aucune douceur luy persuader de demeurer, à la fin on usa de quelque menace de luy oster son habit, & de le renuoyer comme il estoit venu, ce qu'aprehendant, il s'appaisa un petit, & dit au Pere Ioseph; si tu m'ayme comme tu dit, \* laisse-moy donc aller auec cet habit, car il me plaiss infiniment, autrement ie ne voy point que tu aye de l'amour pour moy, car l'amitié ne se recognoiss

que dans le bienfait, & tu me le veux ofter, ce n'est pas que ie desire te quitter pour tousiours, mais seu-544 lement pour la || confolation de mon pere qui fe meurt de tristesse. Et quoy, voudrois-tu bien user d'une si grande rigueur à l'encontre de celuy qui ne peut vaincre les fentimens que la nature luy a donné pour celuy qui l'a mis au monde, ie ne le peux conceuoir. & ne scaurois comprendre que tu sois bon pour les autres, & que pour moy feul tu fois mauuais, c'est à toy à faire voir ta courtoisie en effet, & à moy de t'en faire les remerciemens selon leur valeur, & te promettre comme ie fais, de te venir voir souuent auec d'autres petits garcons que ie t'ameneray pour apprendre à prier Dieu auec moy, si tu m'en donne le congé: mais comme il vid qu'il falloit tout à bon quitter l'habit ou demeurer, il se resigna, & dit qu'il ne s'en vouloit point aller, & deslors demeura auec n'os Peres, sans plus parler de ses parens.

Il faut aduouer qu'il y eut un rude combat à cette feparation, & puis le Diable y allumoit bien les tifons, car il y alloit de fon interest, comme la suitte de ce discours vous fera voir. Ce petit se rendit si soigneux d'apprendre la doctrine Chrestienne, & les prieres necessaires, qu'il s'en faisoit admirer, car outre qu'il auoit l'esprit bon, & la memoire heureuse pour bien apprendre, il auoit ie ne sçay quoy de gentil qui le faisoit aymer, & esperer de luy quelque chose de bon pour l'aduenir.

Apres qu'il eut appris ses petites prieres, il ne man-545 quoit pas de les reciter soir & ma- || tin de genoüils deuant une Image deuote ou à l'Oratoire, & ne se

couchoit iamais qu'au prealable il ne se fut recommandé à Dieu. & fait le deuoir d'un bon Chrestien (Paven qu'il estoit). Lors qu'ils \* alloit par les cabanes de ceux de fa Nation, il inuitoit les petits garçons d'apprendre les mesmes choses. & de venir demeurer auec luy, & aduertissoit les malades de ne mourir point sans estre baptisé, car luy-mesme auoit un si grand desir de l'estre, apres qu'il eut un peu compris la doctrine Chrestienne, qu'il ne cessoit iour n'y \* nuict de prier nos Freres de le baptiser, & fallut en fin pour fa consolation & celle de son pere qui les en prioit aussi luy donner iour pour cette solemnité, à Pasques, ou quand les Nauires arriveroient de France, pendant lequel temps il apprit toute sa croyance, son Catechisme, & les commandemens de Dieu & de l'Eglife, auec une facilité & contentement incroyable.

Ce que ne pouuant supporter l'ennemy du genre humain, luy dressa une furieuse baterie, & inuenta tout ce qu'il peut pour l'empescher de son salut, qui ne luy reussy pas neantmoins. Il incita quelqu'un de sa Nation de dire à son pere de ne point permettre qu'il fut baptisé, & qu'autrement il mourroit comme les autres qui l'auoient esté. Ce qu'ils \* disoient \* pour plusieurs Sauuages que nos Peres auoient baptisez à l'article de la mort || apres auoir esté instruicts enfanté, 546 & partant qu'il le deuoit retirer vers luy. Ce pauure homme affligé de cette nouvelle, partit à mesme temps du lieu où il Hyuernoit, esloigné de plus de trentecinq lieuës de nostre maison, & se rendit à l'habitation, non fans une grande peine, pour consulter les François sur ce qu'il auoit à faire touchant son fils. Il

s'addressa, mais fort mal à propos, à de certains indeuots, qui ne se soucioient non plus du salut des Sauuages que du leur propre, car au lieu de porter ce pere à faire baptiser son fils, ils l'en destournerent le plus qu'ils peurent, l'asseurant qu'il le deuoit retirer de nos mains, & suiure le conseil de ceux de sa Nation, à quoy il n'essoit dessa que trop enclin.

Ce mauuais conseil des François n'estoit pas qu'ils se

Ce mauuais confeil des François n'estoit pas qu'ils se souciassent que l'enfant sut baptisé ou non, mais c'estoit pour tirer de ce pauure pere quelques pieces de pelleteries, ou de venaison, ce qui parut lors que n'en pouuans rien auoir, ils luy chanterent iniures, l'appellant yurongne, & qu'il ne valloit rien d'auoir ainsi liuré son fils, qu'on enuoyeroit en France si tost qu'il seroit baptisé, & que le Pere Ioseph auoit tort de l'auoir accepté. Voyez l'insolence & la temerité de ces indeuots; ie croy que les chess les en auront chastiez, si la faulte leur en a esté descouuerte, car ils ne peuuent

547 tout cognoistre, que par || les yeux d'autruy.

Qui n'eut esté esmeu de tant de mauuais conseils, & des iniures des François, autre qu'un esprit bien fort. Ce pere ainsi trauersé dans ses pensées, s'en vint chez nous, où il sur bien receu & traitté de mesme nous, & ne sçachans son mauuais dessein, on luy permit de parler à son fils en particulier, auquel il demanda s'il vouloit quitter là les Religieux; mais l'ensant luy respondit que non, & qu'il vouloit demeurer auec eux, pour estre baptisé, & que le iour destiné pour son baptesme approchoit fort. Le pere ne luy en parla pas d'auantage pour lors, se contentant de cette premiere atteinte, iusques à une autre sois qu'il reuint le pres-

fer de plus prés, sans que l'enfant descouurit rien à personne, de la peine que son pere luy donnoit, peur qu'en la descouurant, il ne fut renuové à ses parens.

en quoy il fe trompoit.

Ces malicieux & faux Chrestiens Francois, continuerent tousiours de solliciter ce Choumin à retirer fon fils de nos mains, & de ne permettre qu'il fut baptisé, quelques autres Sauuages s'y employerent aussi. qui l'animerent si bien, que le samedy de Pasques il vint chez nous accompagné d'un Sauuage, que l'on tenoit pour grand Sorcier, & auoir une frequente communication auec le Diable, aussi bien que le pere de ce petit, qui outre cela estoit || estimé le meilleur 548

Medecin, & grand chasseur du pays.

Comme on ne se messioit point de luy, on le laissa derechef monter seul dans la chambre où estoit son fils occupé à quelque petit exercice, & l'ayant falué à fa mode luy dit que c'estoit à ce coup qu'il falloit qu'il renonçast au sainct Baptesme, & à tout ce qui estoit de nos instructions, autrement qu'il mourroit, & qu'il fit estat de s'en retourner auec luy. L'enfant insistoit tousiours du contraire, & ne pouuant gouster un si mauuais procedé, pressé de trop prés, luy dit franchement que s'il le contraignoit d'auantage en sa conscience, qu'il le renonceroit pour son pere, & qu'il auoit bien peu d'esprit (mot ordinaire) de vouloir luy empescher à present une chose que luy-mesme luy auoit conseillée, lors qu'il le donna au Pere Ioseph.

Le pere irrité que par douceur, & autrement il ne pouuoit rien gaigner sur l'esprit, & la constance de son fils, voulut user de menace, & luy deschargea un si

au bruit duquel le Frere Geruais accourut, qui luy demanda pourquoy il auoit frappé fon fils, mais le petit prenant la parole, respondit : Ne vois-tu pas bien qu'il n'a point d'esprit, & qu'il ne scait ce qu'il faict. Il voudroit que ie vous quittasse, & que ie ne sus point 549 baptizé, mais ie le veux estre, & mourrois || plus tost à la peine, que de m'en retourner auec luy sans auoir receu ce benefice, c'est pourquoy pour me liberer de ces importunitez si ie vay en France ie n'en reuiendray pas, ou bien vous me contraindrez de reuenir. car autrement ie ne puis auoir de repos. Les Religieux qui se trouuerent là, voyans sa constance le consolerent, & tancerent le pere de vouloir empescher le baptesme de son fils : lequel s'excusa sur ce que les François mesmes, auec plusieurs de sa Nation, luy conseilloient de le reprendre, & de ne permettre qu'il fut baptizé.

C'estoit la coustume que nos Freres alloient toutes les sestes & dimanches, faire l'Office diuin à l'habitation, & y demeuroient depuis le matin iusques apres Vespres qu'ils reuenoient à nostre Conuent. Le iour de Pasques dés le matin le Pere Ioseph s'y en alla à mesme dessein, accompagné de son petit Sauuage, & de Pierre Anthoine Patetchouenon, autre Sauuage qui auoit esté baptiséen France, Choumin s'y trouua aussi ou \* ayant rencontré son fils, le pria dereches de s'en retourner auec luy, & pour l'amadouer l'ayanstiré un peu à l'escart loin de la maison, luy presenta quelque chose à manger, qu'il n'accepta que par contrainte, & encor moins luy voulut-il obeyr en son mauuais des-

fein; tellement que cet impetueux n'ayant encor pû rien gaigner fur sa constante resolution, fut à la fin contrainct de l'abandonner en || ses bonnes volontez, 550 & le laisser retourner auec nos Freres.

Vespres estant dites, le Pere Ioseph fit chercher ce petit, & ne l'ayant pû trouuer s'accompagna de son Pierre Anthoine, & partit pour fon retour au Conuent, esperant que si le garcon n'y estoit encore arriué qu'il les suiuroit bientost apres, car il estoit asseuré de fa resolution.

Or l'enfant qui auoit un peu trop tardé auec son pere fut bien marry que le Pere Ioseph fut party, car il craignoit tousiours la rencontre de ceux qui le dissuadoient de son salut. & sut contrainct de s'en aller seul en nostre maison. Estant arriué au-dessus de la coste du fourneau à chaux, qui est à un grand quart de lieuë de nostre Conuent, chantant comme ils ont accoustumé allans par les bois; s'apparut à luy un fantosme en guyse d'un vieillard, ayant la teste chauue, & une grande barbe toute blanche, qui n'auoit point de pieds, mais feulement deux bras & deux aisles, auec lesquelles il voltigeoit autour de luy, luy disant quitte les Religieux, & le Pere Ioseph, ou autrement ie te tueray.

Ce petit un peu esmeu, luy respondit qu'il n'en feroit rien, qu'il les aymoit trop, & vouloit estre baptifé. Je te tueray donc repliqua le fantosme, & à mesme temps fe ietta fur luy, comme il passoit entre deux arbres, l'abatit sur la neige pour lors encore d'un pied & demy d'espaisseur, & luy || pressa tellement l'esto- 551 mach que de douleur il fut contrain & de ietter de hauts

cris, & d'appelerle Pere Ioséph à son ayde, ce qu'ayant fait lascher prise à ce santosme, il luy emporta son

chapeau à plus de trois cens pas de là.

S'estant releué, il se prit à crier, & courir de toute fa force, fans scauoir où estoit son chapeau, lequel il retrouua au milieu du chemin fort loin d'où il luy auoit esté pris, & l'ayant ramassé non sans quelque apprehension du malin esprit, qui l'auoit l'a \* porté, il ouvt une voix qui luy dit derechef, quitte donc ces Calscoue ou acepet (ainsi appellent-ils les Recollects). Il respondit: ie n'en feray rien, & fuyoit tousiours vers le Conuent en criant aux Religieux qu'ils l'allaffent secourir, lequel ayant esté à la fin entendu, le Pere Ioseph enuoya Pierre Anthoine pour voir que c'estoit, car on ne pouuoit encor discerner la voix que confusement, Estant rencontré il conta à Pierre Anthoine fon infortune, & les frayeurs qu'il auoit eu de ce fantosme, le priant au reste de n'en dire mot à perfonne, peur que cela ne retardat son baptesme, ou que l'on en conceut quelque mauuaise opinion de luy, ce qu'ils tindrent fort secret iusques au temps qu'il le fallut descouurir. l'ay eu diuerses pensées sur ce fantosme, & m'est venu en l'opinion que ce pouuoit estre Choumin mesme, qui l'auoit enuoyé à son fils pour 552 luy faire quitter le party de Dieu, || car comme i'ay dit ailleurs il estoit estimé un fort grand Pirotois.

Ce foir mesme les bons Peres Iesuites qui estoient logez à nostre departement d'embas, donnerent à soupper à nos Religieux, qui leur en donnoient aussi reciproquement, où ils menerent Pierre Anthoine, & un autre Sauuage qui nous auoit promis son fils, puis le

petit Naneogauachit auec fon pere qui l'estoit venu voir, lesquels louerent fort l'apprest des viandes, & la maniere de nous gouuerner en nos repas. Apres fouper le petit Naneogauachit monta à la chambre auec le Frere Geruais, & tout gay & ioyeux se tenoit auprés du feu, pendant que ledit Frere escriuoit quelque \* mots fauuages qu'il luy enseignoit, comme tout à coup il vint à tomber pleurant amerement auec la gorge & un visage fort enflé, qui estonnoit fort nos gens, ne scachant d'ou \* ce mal luy pouuoit proceder; On luy demanda ce qu'il auoit, mais à cela point de responce, seulement on luy oyoit dire entre ses dents, Nema, Nema, qui veut dire en nostre langue, non, non. Lors ledit Pierre Anthoine qui auoit desia sceu l'apparition du fantosme, dit alors qu'il y auoit là du fort necessairement. & quelque traict de la magie de fon pere, ou de cet autre Sorcier qu'il auoit amené, & pour confirmation de son dire, conta l'histoire de ce Demon, qui en forme d'un vieillard luy estoit apparu fur le chemin reuenant de Kebec.

|| Ce qu'ayant sçeu le bon Frere Geruais & craignant pis, appella le P. Ioseph à son secours & auec luy les R.R. Peres Iesuites, pour voir l'estat du petit & comme on en deuoit user, car il estoit comme mort estendu de son long deuant le seu, la premiere chose qu'ils voulurent faire sut de le mettre sur la couche qui estoit là tout proche, mais ils ne le purent oncques leuer de terre, à la sin nostre Frere Charles y prestant la main & tout ce qu'il auoit de sorce auec le Frere Geruais, le mirent sur sa paillasse. Le Pere Ioseph & les R.R. P.P. Iesuites ne sçachant la cause de ce chan-

553

gement si soudain, s'informerent de Pierre son considant d'où cela pouvoit proceder, lequel leur raconta derechef la rencontre du fantosme, qui leur donna quelque crainte d'obsession, & que ces si grands tourments qu'il se donnoit à luy-mesme sur la couche, en estoient des autres indices, c'est pourquoy ils se mirent tous en prieres.

En ces entrefaicles, le pere de ce petit parut auec fon compagnon, auquel on conta ce qui s'estoit passé,

mais il en fit bien l'estonné, & dit mon fils veut mourir, mais laissez-moy faire & ie le gueriray, & se retirant dans le iardin auec cet autre medecin, firent des extorsions du corps & des grimasses estranges, pendant lesquelles son mal augmentant, il se prit à pleurer & fuer à grosses gouttes par tout le corps, les yeux fermez & tellement changé de face qu'il n'estoit pas cognoissable, nonobstant il repetoit souuent comme s'il eut parlé à quelqu'un Nema, qui veut dire 554 nom\*, & quelquefois Neo, || icy baptifé, toutaganiouy, ie veux estre baptizé, & se plaignant fort de l'estomach. disoit: que ce qu'il auoit veu sembloit le vouloir estouffer tant il le pressoit. Ce que voyant le R. P. Lallemant, luy couurit le visage desa couuerture, où ayant esté peu de temps, on l'entendit qu'il contestoit fort, difant Nema & ralloit comme un homme agonizant. On le descouurit promptement pour luy donner de l'air, car il auoit des-ia la face toute changée, les leures fort enflées, & les yeux tout tournez. En reprenant un peu haleine, il dit, mais auec peine, que c'estoit le petit homme qu'il auoit veu, qui le vouloit estrangler à cause qu'il vouloit estre baptizé & que cela le tenoit encor à la gorge, l'on luy donna du vin qu'il aualla, mais cela ne luy feruit de rien, non plus que d'un autre dans lequel le P. Lallemant auoit faict tremper son Reliquaire, car l'enfant crioit tousiours Nek boutamounau, i'estousse. Neke poutamepitau, i'estrangle.

Le P. Ioseph voyant que tout ce qu'on luy auoit pû faire ne l'auoit de rien soulagé, luy fist aualler une cuillerée d'eau beniste, laquelle ayant auallée, il dist, qu'est-ce qu'on m'a faict boire, ce meschant craint bien cela, il l'a faict fuir, il ne me tient plus à la gorge, il est à present aux pieds du lict, iettés en dessus : apres qu'on en y eut ietté, il dit, il n'est plus là, il est sous le lict, iettez y en aussi, ce qu'ayant saict l'enfant dit, voylà il n'est plus ceans, il s'est enfuy, tant il craint ce que tu luy iette.

Pendant que cela se passoit dans la chambre, | le 555 pere auec son compagnon estoient dans le iardin, où ils faisoient des grimasses & chimagrées auec de certaines inuocations au demon, d'où ayans fceu qu'on les apperceuoit, ils cesserent & furent appellez à la chambre, & reprimandez de leurs magies, & iufqu'à la veille de la Pentecoste, que ce petit deuoit estre baptizé, il fut tourmenté tous les foirs par ce demon, l'espace d'une heure & quelquesois de deux, auec des peines pareilles de la premiere fois.

Il luy est aussi arriué que allant seul par les bois chasser aux escurieux pour son diuertissement particulier, il ouyt une voix fans rien apperceuoir, qui luy repeta par trois ou quatre fois, quitte donc les Religieux ou ie te tueray, (c'estoit la menace ordinaire du

laissant là son arc, ses flesches & l'escureux qu'il auoit

tué, s'enfuit à trauers les bois iusques dans nostre Conuent, & dés lors ne vouloit plus fortir feul, finon que nos Religieux l'aduertirent, que quand il oyroit, ou verroit quelque fantosme, qu'il se signast du signe de la Saincte Croix, inuoquant le Sainct Nom de Iesus & de Marie, & que par ce moyen l'ennemy ne luy pourroit plus nuyre, ce qu'ayant obserué & baisé souuent le Reliquaire qu'il portoit à son col, auquel il y auoit de la vrave Croix, il s'affeura du tout & n'eut plus peur de l'ennemy, iusques à un certain iour que le demon s'apparoissant derechef à luy hors le Conuent, & luv commandant auec une voix affreuse, de quitter 556 les Religieux, || il en demeura tellement effrayéqu'en fuyant il crioit comme un perdu au secours, mais comme il vint à se resouuenir de ce qui luy auoit esté enseigné, il fist promptement le signe de la Saincte Croix fur luy, & adiousta, ie ne te crains point ô Satan, car tu ne me sçaurois empescher d'estre baptizé dans huictiours, ce qu'ayant dit l'ennemy difparut, & s'en alla comme un tourbillon de vent rencontrer trois de nos Religieux qui estoient dans le iardin du rempart, lesquels il pensa renuerser du haut en bas des murailles, mais s'estans recommandez à Dieu, ce tourbillon les quitta & s'attacha à un petit arbrisseau, qu'il esbranla & fecoua de telle forte qu'il en rompit plufieurs petites branches, & ne toucha à aucun des autres qui estoient là aupres, desquels les fueilles ne branslerent pas seulement. Le petit estant de retour à la maison, il dit à nos Peres ce qui luy estoitarriué, &

que le demon l'avant quitté il estoit allé droit à eux. mais on ne luy voulut point dire ce qu'ils en auoient experimenté peur de l'espouuenter.

Nos Freres voyans cet enfant toufiours dans les fouffrances & que l'esprit malin ne desistoit point de ses poursuittes, se resolurent de le baptizer le jour de la Pentecoste prochaine, & en parlerent par plusieurs fois à son Pere, lequel recognoissant sa faute, dit qu'il estoit tres-marry de ce qui s'estoit passé, & que c'auoit esté à la persuasion de quelqu'uns de sa nation & de plusieurs François, qui ne trouuoient pas bon que son fils allast en France & fut baptizé, mais qu'à present, il ne se soucioit pas de leur discours, & estoit trescontant qu'on en fist un || bon Chrestien & que luy 557 mesme se trouueroit à Kebec au iour de son baptesme. pourueu qu'on luy die en quel iour de la Lune ce feroit, (car nos Montagnais de mesme que nos Hurons, content par Lune ce que nous contons par mois, & par nuicts ce que nous contons par iour) & que s'il pouuoit il y ameneroit plusieurs Algoumequins, fes parens & amis, auec toute sa famille pour en voir les ceremonies & magnificences.

Le Samedy de la Pentecoste estant arriué, le P. Iofeph accompagné du petit & de Pierre Anthoine allerent aux cabanes des Sauuages, les prier pour la ceremonie du baptesme qui se deuoit faire en publique, apres lequel il y auroit festin solemnel, pour tous ceux qui s'y trouueroient indifferemment, hommes, femmes & enfans, qu'estoit le moyen d'y auoir bonne compagnie, car où la chaudiere marche, ils font affez diligens.

Le lendemain dés le matin, le P. Iofeph & le P. Lallemant allerent donner ordre pour la ceremonie du baptesme, lequel le sieur de Champlain, Lieutenant pour Monsieur le Duc de Vantadour dans le païs, ne voulut permettre estre faict en publique, comme il auoit auparauant promis, par des raisons d'estat, disant qu'une autre sois si les Sauuages auoient enuie de conspirer contre les François, ils n'auroient point meilleur occasion qu'à presenter un ensant au baptesme, & pendant que nos gens seroient occupez à en voir les ceremonies, ils les pourroient tous tuer ou emmener esclaues, comme s'il estoit tousiours necessaire le faire ces ceremonies en publique, & par cette dessence il empecha le contentement & l'edification

qu'elles eussent pû donner à plus de deux cens Sau-

uages qui estoient là arriuez.

Le R. P. Lallemant celebra la Saincte Messe & en suitte la Predication à la priere du P. Ioseph, à la fin de laquelle on fist venir le petit habillé de blanc à la porte de l'Eglise, lequel en la presence de toutela compagnie, fut interrogé s'il vouloit pas estre baptizé, il respondit que ouy & generallement à tout, suiuant qu'il est porté dans le Rituel Romain; voyant sa perseuerance, on le fist entrer dans la Chapelle de la Court, (car il n'y a point d'autre Eglise) & la fut baptizé par le P. Ioseph le Caron, & nommé Louys par le sieur Champlain, qui le tint au nom du Roy, & la dame Hebert premiere habitante du Canada, pour Mareine, une bonne partie des François en furent les tesmoins, auec la pluspart des parens du garçon, excepté de son pere, qui n'y put assister pour quelques assaires parti-

culieres qui luy estoient suruenuës. A la fin le Te Deum sut chanté en action de graces, & deux coups de canon tirés, & quelque \* mousquetades.

Tout estant acheué, il fut question de donner ordre pour le festin des Canadiens, mais auparauant, le P. Ioseph assisté du P. Lallemant, du sieur de Champlain & de quelques autres François, leur voulant donner la refection spirituelle de l'ame, car s'estant transportez en une grande placeoù tout le peuple estoit là assemblé, il leur fist une exhortation, en langue || Canadienne, par laquelle il leur fist entendre ce qui estoit du S. Baptesme & de sa necessité & la principale raison pour laquelle nous nous estions acheminez en leur païs, qui estoit pour les instruire en nostre Religion, leur apprendre à seruir Dieu & gaigner le Paradis. Plus il leur demanda s'ils vouloient pas estre instruicts. & nous donner de leurs enfans, pour estre esleuez en nostre Conuent aux choses de la foy, comme desia on leur en auoit beaucoup de fois prié, & auoient tousiours differé d'en donner, & qu'il les prioit de luy dire à present leur volonté.

Puis s'addressant aux Capitaines, il leur dit : c'est principalement vous autres qui deuriez prendre soin de vous faire instruire & enseigner, afin que vos ensans & les autres Sauuages fissent de mesme & ensuiuissent vostre exemple. Ie vous supplie donc d'y auiser & me faire sçauoir vostre deliberation, car en une affaire ou \* il va de vostre salut, il n'y faut point de remise. Les R.R. P.P. Iesuites sont icy venus nous seconder & trauailler pour le mesme esset, ce qui vous doit grandement consoler, carauec l'instruction spirituelle,

55a

ils ont moyen de vous affister en vos necessitez corporelles, & esleuer de vos enfans dans leurs maisons lorsqu'ils \* seront basties, ce que nous n'auons pû faire nous autres, à cause de nostre pauureté, & que nous ne viuons que d'aumosnes qui nous sont escharsement données par les François, desquelles si nous vous saisons part ils ne sont pas contans, comme l'auez pû apperceuoir, ny mesme des choses qui nous sont besoin.

chant la gloire des bien-heureux & les tourmens des damnez; & fur la fin il leur recita les Commandemens de Dieu qu'ils comprirent fort bien, mais quand il vint au fixiesme commandement Non mecaberis, la pluspart se prirent à rire, disans que cela ne se pouvoit observer; mais d'autres plus sages leur respondirent : les Peres l'observent bien, car ils n'ont point de semmes & n'en veulent point avoir, pourquoy non nous autres?

A la fin du discours un des Capitaines nommé Chiméourinion, pristla parolle & dit: Il est vray que nous n'auons point d'esprit, de voir que depuis douze Hyuers que tu es icy, & que tu nous as tant de sois parlé du chemin du Ciel & de te donner de nos ensans, pour estre nourris & instruicts (ils mettent tousiours la nourriture auant l'instruction,) en ta Religion & en tes ceremonies, nous ne t'en auons encor point voulu donner que fort rarement, en partie à cause de ta pauureté, & auons negligé nostre instruction & le bien que tu nous procurois, ne pensans pas qu'il nous sust necessaire.

Tu monstre bien que tu nous ayme grandement,

d'auoir quitté ton pays pour nous venir instruire & endurer tant de mal comme tu as faict pendant deux ou trois Hyuers, que tu as couru les bois auec nous pour apprendre nostre langue.

Si nous allons chez toy, tu nous faict part de tes biens, & nous donne à manger & à nos enfans, & pourquoy te ferions-nous ingrats & || mecognoissans 561 en ne receuans tes parolles, puis que tu es fort puisfant & scauant, & nous des bestes rampantes, ou comme petits enfans qui manquent de iugement: nous voicy treize Capitaines auec tout cet autre peuple qui nous est suiet & plain d'amitié pour toy, car tous te cognoissent pour bon & pacifique: nous tiendrons demain confeil pour deliberer fur tes parolles, & puis nous te dirons nostre resolution & le desir que nous auons de te contenter & d'amender les fautes passées.

Apres un autre Capitaine nommé Mathican Atic, s'addressant à Pierre Anthoine. Patetchounon, dit-il, il est vray que tu n'as point d'esprit de ne nous auoir point raconté ce que tu as appris en France, nous t'y auions enuoyé afin que tu y remarquasse les choses bonnes pour nous les faire sçauoir, & neantmoins voilà plus d'un Hyuer passé que tu en es de retour, & ne nous as encore rien dit; ie ne scay si c'est faute d'esprit ou faute de hardiesse, ou que tu te mocque de ce qui est en France, car quand tu nous en parle, qui est fort fouuent, tu ne fais que rire, & fais tousiours l'enfant, il faut que tu sois homme, & dise hardiment & fagement les choses que tu as veuës & apprises, afin que nous en tirions du profit.

Lors le Pere Ioseph prenant la parole pour Pierre

Anthoine, respondit au Sauuage, il est bien vray que Patetchounon est un peu honteux de vous parler de ce qu'il a veu & appris en France, car quand il vous 562 en parle il se plaint || que vous vous en mocquez, disans que les François luy auoient appris à mentir; c'est pourquoy il ne vous ozeroit plus rien dire. Premierement il y a appris à parler François, à prier Dieu, lire & escrire, & beaucoup d'autres choses necessaires que vous autres ne sçauez pas, & que si vous voulez nous apprendrons à vos ensans & à vous-mes, si vous voulez vous en donner la peine.

Cela finy, un chacun se leua pour aller au sestin. Les R.R. P.P. Iesuites, nos Religieux & quelques Capitaines Sauuages, auec Pierre Anthoine & le nouueau baptizé, auec ses principaux parens, allerent disner à l'habitation auec le sieur Champlain, & Escouachit Capitaine Montagnais alla chez la Dame Hebert, où se preparoit le grand sestin des Canadiens pour leur distribuer la viande, car entr'eux chacun se contente de ce qu'on lui donne, & personne ne prend luy-mesme au plat, dont reussit un grand silence, douceur & paix en tous leurs repas.

Les viandes qui furent employées à ce folemnel feftin, furent en tres-grande quantité, car il y auoit premierement 56. outardes ou oyes fauuages, 30. canards, 20. farcelles, & quantité d'autres gibiers, que Pierre Anthoine Patetchounon, & le petit Naneogauachit deftiné au baptesme, & quelque \* François que le sieur de Champlain auoit pressé, tuerent au Cap de Tourmente pendant trois iours qu'ils y giboyerent. Le sieur Destouche Parisien y contribua deux gruës, qu'il

auoit tiré pres de nostre Conuent & deux corbillons de poix. Plusieurs autres François || firent aussi leur\* 563 presens, & Messieurs de la Traicte principalement, desquels on eut deux barils de poix, un baril de galettes, 15. ou 20. liures de pruneaux, six corbillons de bled d'Inde, & quelque autre commodité, qui furent mises auec tout le reste des viandes, bled, pain, poix & pruneaux dans la grande chaudiere à brasserie de la dame Hebert.

Les Officiers qui eurent soin de disposer ce banquet folemnel, furent Guillaume Coillard, gendre de la dame Hebert, Pierre Magnan, qui a esté depuis mangé par les Hiroquois, comme ie diray cy apres. Un nommé Matthieu celuy qui auoit hyuerné auec nous aux Hurons, & Iean Manet Truchement des Skecaneronons. Lesquels apres auoir fai& bien boüillir le tout ensemble, pesle-mesle, dans cette grande chaudiere, ils se seruirent des grands rateaux du iardin en guyse de fourchettes, pour en tirer la viande, & d'un sceau attaché au bout d'une perche, pour en puiser le bouillon, qui fut distribué & partagé auec la viande par ledit Capitaine Escouachit, à toute la compagnie, commençant par luy le premier. Et apres qu'ils furent tous bien rassassiez, ils dancerent à leur mode, puis emporterent le reste des viandes dans leurs cabanes, difans qu'ils voudroient qu'il y eut tous les iours baptesme pour y faire tous les iours bonne chere.

564 || Histoire d'un Algoumequin baptizé, surnommé par les François Trigatin, & de sa ferueur.

#### CHAPITRE XXXV.

Ie vous ay rapporté au chapitre precedent la harangue que le deffunct P. Ioseph fist aux Sauuages sur le suiect du baptesme du petit Naneogauachit, vous verrez à la suitte de ce discours que plusieurs la receurent, comme des fruicts du Paradis, & d'autres comme chose indisserente. Car comme il est dit dans l'Euangile, une partie de la semence tomba sur la bonne terre, & l'autre partie sur la pierre dure.

Les barbares ayans ruminé le discours de ce bon Pere, teindrent conseil par entr'eux & resolurent de se faire instruire & donner de leurs ensans pour estre enseignez en la voye du Ciel, comme il leur auoit esté dit. Ils deputerent deux Capitaines pour luy en donner aduis, scauoir Chimeourinion & Escouachit, lesquels le prierent de se transporter auec eux à Kebec, où le sieur de Champlain & le Sauuage Mathican Atic l'attendoient à ce suiest pour aduiser des moyens. Le P. Ioseph ne perdit point de temps & ayant prié le P. Charles Lallemant Superieur des RR. PP. Iesuites, (pour lors encores logez || auec nous dans nostre

565 tes, (pour lors encores logez || auec nous dans nostre Conuent) d'y assister, s'en allerent de compagnie auec les deux Sauuages à Kebec, où le P. Ioseph leur reitera les mesmes exhortations qu'il leur auoit faictes au temps du sestin, & de plus leur remonstra la necessité qu'il auoit de sçauoir parsaictement leur langue

auant que de leur pouuoir entierement expliquer les mysteres de nostre soy, & que cela ne se pouuoit saire eux estans tousiours errans & vagabonds par les bois & les Montagnes, qu'auec des longueurs & pertes de temps infinis; & que tout le remede qu'on pouuoit apporter à cela estoit de suiure nostre premier dessein, qui estoit de choisir une place, cultiuer les terres & se rendre sedentaires, & que par ce moyen on apprendroit facilement leur langue, on les instruiroit en la soy & se formeroient au gouuernement des François.

Le Pere ayant finy fon discours : le Capitaine Montagnais prit la parole & fist une harangue, accompagnée de son eloquence ordinaire d'ont \* en voicy la teneur, que i'ay bien voulu vous coucher icy, non pour la rareté de son stile, mais pour la substance que son discours contient, enfermé dans sa simplicité que ie confesse estre sincere comme celle de nos meilleurs Catholiques. Vous qui estes icy assemblez, escoutez, considerez & prestez l'oreille à ce que ie vay vous dire, afin que vous en puissez faire fruict. Il est vray que nous n'auons point d'esprit nous autres barbares, nous le cognoissons bien à present au lieu que du passé nous nous croyons fages, mais aussi faut-il aduouer que vous en auez || bien peu (vous Pere Iofeph,) en cette demande que vous nous faictes, de cultiuer les terres & nous habituer auprés de vous auec toutes nos familles comme nous en auons eu autrefois le dessein par tes remonstrances, desquelles depuis long-temps tu n'as plus ozé dire mot, ou pour y estre contrarié par les François, ou pour considerer toy-mesme que nous n'auons pas de quoy viure, ny toy moyen de nous en

566

donner pendant que nous abatterions les arbres & defricherions les terres. Mais si les François auoient du courage affez, de nous en prester pendant un an ou deux, qu'il nous faudroit pour disposer ces terres, nous nous y employerions de bonne volonté auec toutes nos familles, qui ne demanderoient pas mieux, & y avant de quoy les nourrir, nous irions à la chasse. & rendrions aux François leurs viures en des pelleteries & fourrures plus qu'ils ne nous auroient presté, autrement nous ne pouuons pas nous arrester en un lieu fans mourir de faim; voyez donc si vous pouuez nous assister, & selon vos offres, nous tascherons de satisfaire à vos desirs.

Ceux à qui la chose touchoit de plus prés ne firent point d'autre responce, sinon, qu'il n'y auoit point de prouision à Kebec, & qu'on doutoit encore que les nauires arriuassent si tost, & partant qu'on ne pouuoit leur en prester pour ce coup, puis que les François estoient eux-mesmes en necessité; ce qu'entendans les 567 pauures Sauuages pleins de bonne volonté, Il ils offrirent nonobstant leurs enfans pour estre instruicts auec les François, mais à raifon qu'il y auoit peu de viures au magazin, comme ie viens de dire, on differa d'en vouloir prendre iusqu'à l'arriuée des Nauires.

Les R.R. P.P. Iesuites receurent neantmoins un petit garçon nepueu d'Escouachit, mais soit qu'il s'ennuiat feul, ou qu'ils n'eussent pas moyen de l'entretenir, il ne leur demeura guere, car la perte de leur vaiffeau & du R. P. Noirot, les auoit mis à l'estroict & priué de beaucoup de commoditez, qui leur eussent pû feruiren cette belle occasion.

Voicy encore un autre fruich du baptesme du petit Naneogauachit & de l'exhortation du Pere Ioseph le Caron, enuers un Algoumequin nommé Napagabiscou, & par les François Trigatin, lequel à quelque iours de là estant tombé malade eut si peur de mourir sans estre baptisé, qu'il demanda maintesois & auec tres-grande instance, si que se voyant pressé du mal, il disoit que s'il n'estoit baptisé, qu'il en imputeroit la faute deuant Dieu à quiconque luy resuseroit, promettant d'ailleurs que si Dieu luy rendoit la fanté, il se feroit instruire aussi tost apres son baptesme & viuroit à l'aduenir en bon Chrestien.

Tellement qu'un Sauuage nommé Choumin vint aduertir le F. Geruais qui estoit encor pour lors au Cap de Victoire de se transporter promptement auprés du malade qui le demandoit à toute instance, mais à peine ledit F. eut-il moyen de luy rendre ref-Il ponce & des'informer de sa si soudaine maladie qu'un autre messager arriua en grand haste (lequel depuis a esté baptizé par les R. R. P.P. Iesuites) pour le faire diligenter, luy disant viens viste frere Geruais pour baptizer Napagabiscou, qui t'en prie, car il s'en va mourir. Alors le bon frere luy dit, ie veux bien l'aller fecourir & faire mon possible pour le rendre capable du Ciel, mais comment veux-tu que ie me transporte là, ie ne peux passer la riuiere à la nage, & n'ay ny canot ny chalouppe pour me conduire. Le Sauuage refpondit, c'est à tort que Choumin a laissé retourner son canot, mais met-toy librement fur mes espaules, & ie te passeray à la nage, car autrement tu tarderas trop icy.

Considerez un peu, ô Chrestiens, l'affection que ce

568

bon Sauuage auoit pour le falut de son frere prochain, luy qui n'en auoit pas encore pour luy-mesme, pour n'estre pas encore assez illuminé. Il court, il sollicite, il prend soin de son ame, & passe la riuiere à nage pour demander le secours du frere Geruais, & la repasse de reches pour luy amener une chalouppe, puis qu'il ne s'estoit pas voulu mettre sur ses espaules, où il n'eust pas esté trop asseuré, comme en esse qu'elle apparence à nous autres Religieux couuerts de gros habits qui boiuent l'eau comme l'esponge, se mettre sur les espaules d'un barbare pour passer un si grand sleuue, le suiet en estoit bon, mais le hazard fort grand.

Apres que ce bon Religieux fut muny d'une cha-569 louppe, il pria le Truchement Marsolet || de le vouloir accompagner, comme il promit de tres-bonne volonté, mais comme ils penserent iouer de l'auiron, il suruint des slots & des coups de vents si puissans, auec la pluye qui estoit fort violente, qu'on sut contraint de rentrer dans une barque, & attendre là un autre temps plus beau, car les Mattelots resuserent de passer outre.

Comme ils estoient là attendans la fin des pluyes, ils apperceurent deux Sauuages dans le sieuue à la nage, qui allerent premierement à la barque d'où estoit party le frere Geruais qu'ils cherchoient, puis vindrent à celle où il estoit, auquel ils firent leur legation, & le solliciterent de partir promptement pour ce que le pauure malade l'attendoit auec impatience, & une apprehension grande de mourir sans estre baptizé.

Estans arriuez auec quatre ou cinq François qui les accompagnerent, ils trouuerent ce pauure homme dans une conuulsion, & une grosse fieure qui le met-

toient dans un doute qu'il en pû reschapper', car n'y ayant là ny Medecin, ny remede, on ne scauoit que luy faire, sinon de l'obseruer, & voir quand il expireroit. O bon Iesus, ou \* fommes nous-qui nous delicatons tant pour peu de mal, à la moindre indisposition, les Medecins font à nos cheuets, & les remedes font à foifon distribuez à nos maux pour nous sauuer la vie du corps pendant que nous perdons fouuent celle de l'ame, Seigneur, qui doit estre pour vostre Paradis.

Il Ce pauure Sauuage est au destroit, ce pauure 570 homme est agonizant, les douleurs de la mort l'assaillent de tout \* costez, crie-il au Medecin sauue-moy la vie, non, mais reuenu de sa conuulsion, il n'a recours qu'à ceux qui luy peuuent faire part dans l'heritage de Dieu, puis se tournant du costé du frere il luy dit auec un accent plein de deuotion: Mon Frere, il y a long-temps que ie t'attendois pour estre fait enfant de Dieu, ie te prie baptizer celuy qui preferant les interests du Ciel à ceux de la terre, ne veut que ce que ton Dieu veut, qui est la grace de le louer à iamais.

Le bon Frere luy demanda s'il y auoit long-temps qu'il auoit ce desir, il respondit qu'il y auoit plus de trois Hyuers qu'il en auoit fait la demande au Pere Ioseph, & qu'asseurement il auoit compris que sans le Baptesme on n'alloit point en Paradis. Et le bon Religieux continuant ses interrogations luy demanda par les Truchemens Oliuier & Marsolet (car il entendoit fort peul'Algoumequin) s'il cognoissoit nostre Dieu duquel il parloit. Ouy, dit-il, aux effects de sa toutepuissance & bonté, laquelle nous experimentons & voyons tous les iours deuant nos yeux, & quand bien

nous ne le cognoistrions qu'en cet Uniuers, le Ciel, la terre & la mer qu'il a creés, & tout ce qu'ils contiennent pour nostre seruice, comme nous pour sa gloire ainsi que nous a eu dit le P. Ioseph, cela suffiroit pour le confesser ce qu'il est, tout puissant & || Dieu par dessus toutes choses, qui a enuoyé son unique sils en ce monde, mourir pour le rachapt des humains.

Puis poursuiuant son discours il dit: Ie ne me puis pas souuenir, malade comme ie suis, de toutes les instructions que le P. Ioseph m'a eu donnée \*, mais ie croy entierement tout ce qu'il croit, & que tu crois aussi, & veux viure & mourir dans vostre creance, car ceux qui ne sont pas des vostres, ne peuuent iouyr de la vie eternelle, comme vous, ils vont dans un seu sous la terre auec les Manitous, c'est ce que i'ay retenu de plus particulier de vos instructions & enseignemens, tu me feras resouuenir du reste qui m'est necessaire à un autre temps, mais auparauant baptizemoy mon Frere, car ie seray tousiours en peine, & en doute de mon salut que cela ne soit accomply.

Le Religieux le voyant dans une si bonne resolution & serme propos du S. Baptesme, luy dit qu'il en estoit fort edifié, mais qu'il falloit de plus estre marry des offences qu'il auoit commises contre Dieu, auec une serme resolution de n'y plus recidiuer, & d'abandonner pour un iamais toutes leur\* vaines superstitions, & de se faire plus amplement instruire s'il reuenoit en conualescence; ce qu'il promit & tesmoigna auec des paroles & des soupirs qui ne pouuoient proceder que d'un cœur vrayement touché de Dieu, &

confus de sa confusion mesme. Ouy, dit-il, ie suis grandement fasché de tout le mal que i'av fait en ma vie, & d'auoir fait le Manitou en tant d'oc- || casions; 572 tien voylà mon fac qui est là attaché à cette perche. prend-le & tout ce qui est dedans, & le brusle, ou le iette dans la riuiere, fais en fin tout ce que tu voudras, car dés à present ie te promets que ie ne m'en feruiray iamais, baptize-moy donc.

Il y auoit là plusieurs François, tant Catholiques que Huguenots, lesquels dirent tous que veritablement il le falloit baptizer, & qu'il y auroit conscience de le laisser mourir sans luy donner contentement, puis qu'il auoit rendu de si grands tesmoignages de son bon desir: Mecabau beau-pere du malade le desiroit aussi: avant desia à cet effet fait assembler plusieurs Sauuages pour le baptesme de son gendre qu'il crovoit luy deuoir estre conferé apres de si grandes prieres, fur quoy print suiet nostre Religieux de faire une harangue à toute l'assemblée des merueilles & misericordes de nostre Dieu enuers ce pauure alité, puis luy dit à luy-mesme.

Mon frere, tu ne peux ignorer la mauuaise volonté que plusieurs Sauuages ont eu contre nous depuis la mort de la petite fille de Kabemistic; disant qu'elle estoit morte pour auoir esté baptizée, & receu un peu d'eau fur la teste, & leur cholere est arriuée iusques aux menaces de nous vouloir tous tuer, & partant je veux bien t'aduertir, & tous ceux qui sont icy presens. que ce n'est pas le Sainct Baptesme qui fait mourir ceux qui le reçoiuent, mais au contraire il donne fouuent la fanté du corps, auec la vie de l'esprit. Donc

573 || que ceux de ta Nation ne dient point que l'eauë du Baptesme t'aura fait mourir si Dieu t'appelle de ce monde apres iceluy, mais que ç'a esté pour te deliurer des miseres que tu souffre, & te rendre bien-heureux en Paradis, à quoy respondit le malade, qu'il le croyoit ainsi, & que ceux qui croiroient le contraire ne seroient pas fages.

Lors fon beau-pere ayant ouy fes plaintes & sceu le mauuais dessein de quelques Sauuages, se leua en surfaut & dit: ie ne scay comme il se peut trouuer des personnes de si petit esprit, que de croire qu'un peu d'eau soit capable de nous faire mourir. Ne sçait-on pas bien qu'il faut que tous les hommes meurent, baptifez ou non baptifez, & que nous ne fommes icy que pour un temps. Ce sont des meschans, qui attribuent de si mauuais effets au baptesme que ces Religieux nous conferent pour nostre salut.

Ha, dit-il en cholere, si ie rencontre iamais de ses malins, ie les feray tous mourir, & ne supporteray. iamais qu'aucun tort soit fait à ces Peres, encores que mon gendre vienne à mourir, puis se pourmenant à grand \* pas d'un bout à l'autre de la cabane, auec une hache en la main, disoit d'une voix forte: Vous autres de ma Nation, & vous mes amis, parlant aux Algoumequins (car il estoit Montagnais), ie vous dis que ie veux que mon gendre soit baptizé, puis qu'il le veut estre, & qu'il en a le dessein depuis un si long-temps; 574 faut-il vouloir du mal à ceux qui nous veu- || lent du bien, rendre des desplaisirs pour des bien-faits, vous

auez trop d'esprit pour le vouloir faire, mais ie vous asseure que ie couperay la teste à tous ceux qui y con-

trediront, & puis ie la porteray aux François, pour preuue que ie fuis leur amy.

Si fon discours fut fort long il n'en fut pas moins animé, car il ne parloit que de tuer, & fembloit qu'il deust assommer tous ceux de la cabane, tant il se demenoit auec sa hache, non qu'il eust l'esprit troublé & offusqué de colere, car c'est chose qui leur arriue rarement, observans l'escriture, qui dit: Faschez-vous & ne m'offencez point; mais pour faire voir son zele à l'endroit de nous autres qui cherchions leur salut, & qu'affeurement il ne vouloit pas qu'on contredit à une chose si saincle.

Sa ferueur estant un peu appaisée, il s'assit à terre entre le Frere Geruais & le malade, puis d'une voix douce & pacifique, commenca à parler à toute l'assemblée en ces termes. Mes amis, nous fommes icy affemblez pour une chose de grande importance, qui est le falut de mon gendre, il est malade comme vous voyez, sans esperance qu'il en releue, & pour ce faut trauailler pour le repos de son ame, par le moyen du baptesme qu'on est prest de luy donner, s'y \*vous estes bien ayse de cecy, vous serez cause que ie viuray & mourray content, & parainsi viuant & mort ie seray bien-heureux, que si vous nous voulez ensuiure, vous redoublerez nostre ioye, & à | la fin vous viendrezen 575 Paradis auec nous, où nous deuons tous aspirer.

Lors plusieurs Sauuages dirent qu'ils estoient bien contens des resolutions de son gendre, & seroient sort ayses d'en voir les ceremonies, nonobstant tous les discours qu'on auoit tenu que cela faisoit mourir les hommes, à quoy adiousta un autre Canadien fort plaisam-

ment, que tels hommes estoient de bien peu d'esprit, de croire qu'un peu d'eau que l'on iette sur la teste d'une personne qu'on baptise soit capable de la faire mourir, veu que depuis que nous sommes icy (dit-il) en voylà desia plus de quatre seaux que l'on a ietté fur la teste & par tout le corps de cest autre pauure malade, & il n'en est pas mort, donc un peu ne fera pas grand mal à ce gendre, qu'on le baptife. Ie vous laisse à penser si cela ne donna pas à rire à tous les François qui se trouuerent là present, \* & s'ils ne se mocquerent pas plaisamment de ceux qui arguoient que l'eau du baptesme faisoit mourir, n'usans eux mesmes d'autre rafraischissement plus salutaire pour adoucir les ardeurs de la fieure, que de ietter quantité d'eau fraische sur le corps de ceux qui en sont trauaillez, & puis dites qu'ils font bons Medecins, & fournis de bonnes drogues.

En ces entresaites il suruint une grande conuulsion à nostre Catecumene, qui le rendit froid comme une glace, & sans aucun sentiment, car ayant estendu ses pieds sur les charbons ardans, il n'en sentit rien du tout || qu'apres estre reuenu de sa pamoison. Le Religieux le voyant en cet estat creut qu'il estoit trespassé & blasma sa negligence de ne l'auoir pas assez tost baptisé, mais comme l'on eut bien remué ce corps, il reuint à soy, & dit lesus Maria, en ioignant les mains au Ciel selon qu'il auoit appris en nostre Conuent de le saire de sois à autre, de quoy toute l'assistance loüa Dieu, & se resiouit, puis regardant le bon Frere ayant tousiours les mains iointes il luy dit:

Frere Geruais, ie m'en vay mourir comme tu vois,

ie te prie donc de me baptiser presentement, car si ie meurt \* fans l'estre, tu respondras de mon ame deuant Dieu, il n'y aura point de ma faute, elle fera toute tienne, quel tesmoignage veux-tu dauantage de mov que de croire tout ce que tu crois, & te promets que si ie retourne en conualescence, que i'vray demeurer proche de toy pour me faire plus amplement instruire. Alors tous les François dirent tous d'une commune voix qu'il le falloit baptiser, sans en remettre l'action au Pere Ioseph, que le Frere attendoit, peur d'un accident de mort inopiné. A quoy obtemperant le Religieux, il pria les deux Truchemens d'expliquer encore une fois les principaux misteres de nostre foy en langue Algoumequine.

Cela estant fait, tous se mirent de genoüils & dirent le Veni Creator & le Salue Regina & le Salue Sante \* Pater, à la fin desquels, le Frere luy demanda derechef s'il || croyoit tout ce que luy, & nos autres Fre- 577 res luy auoient enseigné, & ayant dit que ouy, il rentra dans une grande conuulfion, pendant laquelle il fut baptisé, & peu apres estimé pour mort par l'espace de demie heure, apres laquelle il affeura luy-mesme estre baptisé, ayant ouy les paroles & senty l'eau tomber sur sa teste, & que du depuis il n'auoit rien entendu ny fenty de tout ce qu'on luy auoit fait. & qu'au reste il estoit à present tout prest de mourir s'il plaisoit à Dieu luy en faire la grace, pour aller bien tost auec luv.

On chanta le Te Deum laudamus, en action de graces, on regala le nouueau Chrestien le mieux que l'on peut, & chacun luy fit offre de fon feruice, auec

asseurance d'une amitié eternelle, de quoy il sentit une grande allegresse en son ame, & les remercia.

Son beau-pere qui estoit là present s'adressant alors au Religieux, il luy dit en sa methode simple & ordi-

naire, mais energique: Mon frere, tous mes parens & amys qui font icy presens, & moy, sommes bien ayses que tu aye baptisé mon gendre & sait ensant de Dieu comme toy, ce qu'estant il n'est plus à nous, il est à toy, c'est pourquoy fais-en tout ce que tu voudras, gouverne-le en sa maladie à la façon de vous autres, seigne-le, couppe, tranche, il est à toy, & ne veux plus qu'aucun de nos Manitousiou le chantent. Puis s'a-578 dressant aux Sauuages, il leur dit: S'il || meurt il ne saut pas que vous en parliez sinistrement, & iugiez mal du Baptesme, comme quelqu'uns ont sait. Ie porteray son corps en la maison du Pere Ioseph, asin de l'y enterrer auprés du sieur Hebert, à quoy s'accorda sa femme, qui iusques alors auoit gardé lesilence, contente en son ame du bonheur de son mary.

Le Frere Geruais promit de l'affister & seruir le iour & la nuict au mieux qu'il luy seroit possible, puis prenant son sac auec tous les instrumens dont il se seruoit en son office de Medecin, en ietta la pierre (dont i'ay parlé au chapitre des malades) dans la riuiere, & les petits bastons dans le seu, pour leur oster le moyen de s'en pouuoir plus seruir.

Le fieur de Caen chef de la traite, ayant sceu ce bon œuure, se transporta aupres du malade auquel il tesmoigna l'ayse & le contentement qu'il auoit de son Baptesme & luy sit offre de tout ce qui estoit à son pouuoir, luy recommandant d'user librement auecluy

comme auec son frere de tous ses viures pour sa perfonne en particulier, qu'il ne vouloit pas luy estre espargné, puis tirant une croix d'or de son col, il la luy mist au sien, disant: Tien voylà une croix precieuse, laquelle ie te preste & veux que tu la porte iusques à entiere guerison, que tu me la rendras, fais-en un grand estat, car il y a dedans du bois de la vraye Croix. Tous les Chrestiens l'adorent, & venerent comme gages de || leur Redemption, car par le moyen d'icelle 579 le Ciel nous a esté ouvert, & nous auons esté faits coheritiers de Iesus Christ, nostre Dieu, Nostre Pere, & nostre Tout: ce disant, il la baisa reueremment, la sit baifer au malade & la mit à fon col, luy recommandant d'auoir esperance & confiance en Dieu, puis partit pour son bord, laissant ce pauure nouueau Chrestien en paix, & plein d'affection enuers cette Croix, qu'il baisoit incessamment, disant Iesus chouerimit egoké faguitan, qui fignifie: Iesus aye pitié de moy & ie t'aymeray. Voylà ce que vaut un bon chef dans un pays, & que pleust à Dieu que tous ceux qui ont esté auant & apres luy, eussent esté de mesme luy, portez pour le falut des Sauuages, ie m'asseure que cela eust grandement profité & aduancé leur conuersion.

La charge du malade avant esté donnée à nostre Frere Geruais; par fon beau-pere, il luy fit prendre pour premier appareil un peu de theriaque de Venise, auec un peu de vin, qui luy fit ietter quantité d'eauës, qui le foulagerent grandement, & en suitte les autres medicamens necessaires, iusques à entiere guerison, apres laquelle il rendit la Croix d'or au sieur de Caen, auec les remerciemens & complimens, que son hon-

nesteté luy pû suggerer. Il le remercia aussi des viandes de sa table, desquelles il luy auoit fait part tous les iours de sa maladie, puis ayant mis une Croix de bois à son col, à la place de celle d'or, il s'en retourna à sa cabane || tres-content & plein de bonne volonté pour ses biensaiteurs, & deuot enuers Dieu.

Pendant la maladie de ce bon homme, sa femme accoucha d'une fille qu'elle presenta à son mary, à laquelle le Frere Geruais demanda si elle vouloit qu'on la baptisast, elle respondit simplement que ouy, comme sit semblablement son mary, & que sa femme le sut aussi, dont le Frere sut sort satisfait.

Ie vous ay tantost dit comme ce nouueau Chrestien auoit promis de se venir saire plus amplement instruire, apres qu'il seroit guery, à quoy il ne manqua point, car l'Automne venu il se vint cabaner proche de nous, où il passa tout l'Hyuer & les deux autres suiuans, pendant lesquels il estoit la pluspart du temps auec nos Religieux, desquels il apprint tout ce qui est necessaire à salut, & ne voulut iamais plus chanter les malades, ny parler au diable, comme il souloit auant son baptesme, car en estant fort prié par ceux de sa Nation, il leur respondit qu'il auoit renoncé à tout cela, & qu'il vouloit saire tout ce qu'il auoit promis aux Ca Iscoueouacopes, signifiant par ces mots, ceux qui sont habillés comme les semmes, c'est à dire les Recollects qui portent leurs habits longs.

Un iour un Sauuage reprochant à nos Peres que nous ne deurons pas empescher Napagabiscou, nostre nouueau Chrestien, de chanter les malades, & que cela leur faisoit un grand tort à cause de son experience,

on luy dit qu'estant à present Chrestien il ne le deuoit plus faire || ny aucune de leurs superstitions, ce qui 581 fascha fort ce barbare qui ne laissa pas d'aller trouuer Napagabifcou, & luy dire que nos Religieux luy permettoient d'y aller, ce qu'il ne creut pas, & dit qu'il en auoit menty (c'est une facon de parler assez commune entre les Sauuages) & que nous ne luy auions pas dit cela, & qu'il n'iroit pas: le fuis homme, ditil, & non point enfant, i'ay promis de ne plus faire le Manitou, & ie ne le feray plus aussi quand bien ma femme m'en deust prier pour elle-mesme.

Entre les instructions de nos freres on luv enioignit d'aller tous les Festes & Dimanches à la Saincte Messe, & pour ce qu'ils n'ont aucun Dimanche, on lui faisoit remarquer le septiesme iour, ce qu'il fit dés lors assez exactement, mais pour les iours de festes on l'en aduertissoit particulierement. Un iour qu'il auoit manqué de s'y trouuer le R. P. Massé Iesuite le rencontrant, luy dit, tu n'as point auiourd'huy affisté à la Saincte Messe, cela n'est pas bien, l'autre luy repartit, ie ne scauois pas qu'il y fallust assister auiourd'huy, mais afin que ie n'y manque plus, ie vay me cabaner en lieu plus commode, & quand tu iras dire la Saincte Messe, tu m'appelleras en passant, & ie te suiurai pour n'y manquer plus.

Il y en a qui ont voulu dire que ce pauure baptizé est retourné demeurer parmy ses parens, sans considerer que n'ayant de quoy viure il a bien fallu qu'il en cherchast où il pouuoit aussi bien que les François dans la || necessité, puisque nous n'auons pas le moyen 582 de le nourrir, ny les François la deuotion de l'entre-

tenir, mais il ne se trouuera point que depuis son baptesme il aye fait le Manitousiou, ny usé de ses anciennes superstitions, ausquelles ils sont attachez de pere en fils, qui est beaucoup & partant ie dis que n'y ayant point de sa faute Dieu luy pardonnera beaucoup de choses qu'il n'excuseroit point en nous pour auoir tout occasion de bien saire & moyen de viure en vray Chrestien, ou \* les Sauuages errants sont priuez de nos aydes.

D'une petite fille Canadienne baptisée. De sa mort, & de celle du sieur Hebert premier habitant du Canada.

#### CHAPITRE XXXVI.

Au commencement de l'Hyuer en l'an mil fix cens vingt fix, un Sauuage nommé Kakemistic, lequel auoit accoustumé de passer une bonne partie des Hyuers proche de Kebec, tant pour en receuoir quelque alliment, s'il tomboit en necessité, que pour faire part aux François de quelque morceau de viande de sa chasse, s'ils luy faisoient d'ailleurs cour- || toisie, prist resolution d'aller Hyuerner assez loin des François, mais comme il pleust à Dieu de disposer des choses, il ne sut pas loin qu'il sut contraint de retourner sur ses pas d'où il estoit venu pour le peu de neige qu'il trouua par tout au mois de Decembre, laquelle à peine pou-

uoit estre d'un pied de hauteur au plus, qui estoit trop peu pour arrester l'eslan, & puis sa femme estoit fort enceinte, & preste d'accoucher.

Kakemistic auec toute sa famille, composée de huict personnes, prirent donc resolution de retourner vers les François, & passans par nostre petit Conuent, ils y seiournerent deux iours, pendant lesquels nos Freres leur donnerent à manger de ce qu'ils auoient, car ces pauures Sauuages n'auoient pour toute prouision qu'un peu d'anguilles boucannées du reste de leur pesche.

Au bout de deux iours ils trousserent bagage pour aller cabaner proche du fort, afin de pouuoir receuoir quelque foulagement des François de l'habitation, mais auparauant partir il pria le Pere Iofeph de luy vouloir donner une paire de raquette \* qui luy faisoient besoin, & quelque peu de viures pour ayder à nourrir fa famille, pendant qu'il iroit faire un voyage en son pays vers la riuiere du Saguenay au Nort Nordest de Kebec. Ce bon | Pere Ioseph tout bruslant 584 de charité, luy accorda facillement tout ce qu'il desiroit, nonobstant la pauureté du Conuent, & luy donna deux paires de raquettes, un fac de pois & un fac de grosses febues, auec quelques autres petites choses propres à son voyage, car en verité sans exagerer la vertu de ce bon Pere, il estoit tellement porté de leur bien faire (& à tous les Sauuages generalement) qu'il se priuoit souuent & luy & ses freres, de ce qui leur faisoit besoin pour les accommoder, de quoy il estoit aucune fois blasmé, par ceux qui ne pouuoient approuuer ses liberalitez, & cet excez de charité enuers des

personnes qui n'estoient pas encores Chrestiens n'y \* en termes de l'estre.

Le bon Sauuage se voyant si estroictement obligé. fit plusieurs complimens à sa mode, & des remerciemens qui tesmoignoient assez le ressentiment de tant de bienfaicts, & entre autre chose, il dit au Pere Ioseph: Ie voy bien que tu as un bon cœur, & que tu m'aime bien & toute ma famille semblablement, c'est pourquoy ie te la recommande derechef, & te prie de ne permettre qu'elle ave aucune necessité. Si ma femme accouche pendant que ie seray absent, ne laisse point mourir l'enfant sans estre baptisé, puis que tu dis qu'il le faut estre pour aller au Ciel, elle en sera bien ayfe, & moy aussi, car luy en ayant parlé elle me l'a tesmoigné. Et apres plusieurs autres discours 585 l'on luy promist d'en auoir le soin, & puis || partit pour son voyage du Saguenay apres auoir cabané sa famille proche le fort des François.

Il ne fe paffa pas un long temps apres fon depart, que sa femme se trouuant mal, elle en fist aduertir le P. Iofeph & le prier de luy enuoyer quelque peu de viures pour faire ses couches, car ceux de sa Nation ne la pouuoient ayder ny fecourir de quelque chose

que ce soit.

Le pauure Pere ayant receu cet aduertissement, luy en enuoya autant qu'il pû par Pierre Anthoine & le petit Neogauachit, auec commandement de le venir aduertir dés l'instant qu'ils sçauroient la fin de sa couche, pour aller baptizer l'enfant, à quoy obtemperant ils ne manquerent point, car encore bien qu'elle en fist quelque difficulté au commencement, elle y

consentit à la fin & les pria d'aller querir le P. Ioseph. pour baptizer la petite fille qu'elle venoit de mettre au monde, affez foible & fluette, ce que scachant il y accourut promptement pensant la baptizer, mais l'ayant trouué\* assez forte en dissera le baptesme auec consentement de la mere, iusques à l'arriuée du Pere Charles Lallemant qu'il fut querir en nostre Conuent, luy referant ceste honneur, en recognoissance de la peine qu'ils auoient prise de nous venir seconder à rendre les Sauuages enfans de Dieu. Ce que le R. P. Lallemant luy accorda & retournerent de compa-Il gnie à la cabane de l'accouchée, où ils trouuerent le 586 mary arriué de son voyage qu'il n'auoit pû accomplir comme il pretendoit, pour la rencontre de deux ours que son chien auoit esuenté dans le creux d'un arbre, lesquels il tua, & en apporta de la viande, puis renuoya querir le reste le lendemain matin par ses domestiques.

Ce pauure Sauuage se monstra tres-content de voir sa femme heureusement accouchée, & en bonne santé, marry feulement de voir son enfant malade & en danger de mort. Ils eurent ensemble quelque discours, scauoir s'ils le feroient baptizer ou non, il disoit pour lui qu'il en auoit prié le P. Ioseph, & sa femme plus attachée à ses superstitions, vacillant tousiours n'aduoüoit point qu'elle y eust consenty, & taschoit de l'en diuertir, disans pour ses raisons que cette eau du Baptesme feroit mourir son enfant, comme elle auoit fait plusieurs autres. En ces entrefaites arriuerent les P.P. Ioseph le Caron & Lallemant, lesquels cognoissans ce petit different suruenu entre le mary & la fem-

me touchant le Baptesme de leur petite fille, les eurent bientost vaincus de raisons, & faists consentir dereches qu'elle seroit baptizée, ce qui sut fait par le R. P. Lallemant, à la priere du P. Ioseph. L'on ne luy imposa point de nom pour estre proche de sa fin, car elle mourut le soir mesme de sa naissance, non en Payenne, mais en Chrestienne, qui luy donne le iuste titre d'ensant de Dieu & coheritiere de sa gloire.

Le pere & la mere furent fort affligez de || la mort 587 de ceste fille plus qu'ils n'eussent esté de celle d'un garçon, entant comme i'ay dit ailleurs, qu'elles ne fortent point de la maison du pere, & que si elles se marient il faut d'ordinaire que les gendres viennent demeurer auec elles au logis de leur beau-père. L'on confola ces pauures gens au mieux que l'on peut, apres quoy le P. Ioseph leur demanda le corps de la deffuncte qu'ils auoient enueloppé à leur mode, pour la mettre en terre faincte au Cimetiere proche Kebec. mais le pauure homme estoit tellement passionné pour sa fille morte, qu'il la vouloit garder & la porter par tout où il yroit, disant que puis que son âme estoit au Ciel, elle prieroit Latahoquan, qui est le Createur, pour sa famille, & qu'elle n'auroit iamais de faim. Et comme on luy eut dit qu'à la fin il se lasferoit d'un tel fardeau, il respondit que du moins il ne la vouloit pas enterrer que ceux de sa Nation ne fussent arrivez à Kebec pour en faire le festin plus folemnel, & leur tesmoigner par effect l'ayse & le contentement qu'il auoit du Baptesme de sa fille, & qu'à present il se pouvoit dire parent & allié de tous les François depuis cette magnificence.

Nonobstant les Peres le gaignerent tellement qu'il confentit qu'elle seroit enterrée en terre saincle. & auec les ceremonies de la faincle Eglife, au plustost qu'il se pourroit, sans attendre la venuë de ceux de fon pays, qui ne deuoit pas estre de long temps. A ceste ceremonie se trouuerent deux de nos Religieux. scauoir le P. Ioseph, & le F. Charles, le P. Lalle-Il mant, & le F. François Iesuite auec plusieurs Fran- 588 cois de l'habitation, qui tous ensemblement se transporterent à la cabane de la deffuncte, qu'ils prirent & la porterent solemnellement en la Chapelle de Kebec chantans le Psalme ordonné aux enfans, puis le R. P. Lallemant avant dit la Saincle Messe on fust l'enterrer au Cimetiere auec un assez beau conuoy pour le pays, car le pere de l'enfant marchoit tout le beau premier couuert d'une peau d'Eslan toute neuue enrichie de matachias & bigarures, & auec luy marchoit le sieur Hebert & les autres François en suitte, selon l'ordre qui leur estoit ordonné, non si grauement mais moins modestement que ce Sauuage pere, qui tenoit mine de quelque signalé Prelat.

L'insolence & l'auarice sont blasmables, mesme par ceux qui ne cognoissent point Dieu. Quand il fut question d'enterrer le corps il y eut quelque debat entre les François, à qui appartiendroient les fourrures dans quoy il estoit enueloppé, & vouloient luy arracher, particulierement un certain qui se disoit Officier de la Chapelle, si la risée & mocquerie des autres ne l'en eussent empesché. Ce que voyant le pere de la deffuncte, il ne voulut permettre qu'aucun autre que luy l'enterrast peur du larrecin & des debas des Fran-

çois, en quoy il se monstra tres-sage. Il disposa donc la fosse & la para auec des rameaux de sapin tout autour en dedans & mist 3. ou 4. bastons au sond pour empescher que le corps dessa enueloppé & garotté ne touchast à la terre.

bouleau, & replia par dessus les rameaux de sapin qui sortoient en dehors, puis par dessus plusieurs pieces de bois pour le tenir en seureté contre les bestes, sans vouloir permettre qu'aucun y iettast de la terre iusques au lendemain matin qu'à son insceu on l'en couurit peur de plus grand inconuenient.

Ce bon Sauuage a esté tousiours du depuis grand amy des François, & tesmoigna au renouueau suiuant à tous ceux de sa Nation, l'ayse & le contentement qu'il auoit du salut de sa fille, par un festin solemnel qu'il leur sist plus splendidement que de coustume en memoire de la desuncte qu'il n'auoit pû faire pour leur absence le iour de sa sepulture.

La ioye que nous eusmes du falut de cette pauure ame, sut bientost suivie d'une affliction en la mort du sieur Hebert, laquelle sut autant regrettée des Sauuages que des François mesmes, car ils perdoient en luy un vray pere nourricier, un bon amy, & un homme tres-zelé à leur conversion, comme il a tousiours tesmoigné par effect iusques à la mort, qui luy sut aussi heureuse comme sa vie auoit pieusement correspondu à celle d'un vray Chrestien sans fard ny artisice.

Ie ne peux estre blasmé de dire le bien là où il est, & de declarer la vertu de ce bon homme, pour seruir d'exemple à ceux qui viendront apres luy, puis qu'elle a esclaté deuant || tous & a esté en bonne odeur à tous. 500 Si ie n'en dis point autant des viuans, personne ne doit estre appellé fainct qu'apres sa mort, ny jugé comme meschant, iusques apres le trespas, pour ce qu'on peut toufiours dechoir de sa perfection ou fortir du vice pour la vertu. Un iour iuge de l'autre, mais le dernier iuge de tous, disoit un Philosophe, & par ainsi il faut attendre apres la mort pour iuger de l'homme.

Dieu voulant retirer à foy ce bon personnage & le recompenser des trauaux qu'il auoit souffert pour Iesus Christ, luy enuoya une maladie, de laquelle il mourut 5. ou 6. sepmaines apres le Baptesme de ceste petite fille de Kakemistic. Mais auparauant que de rendre son ame entre les mains de son Createur, il se mist en l'estat qu'il desiroit mourir, receut tous ses facremens de nostre P. Joseph le Caron, & disposa de ses affaires au grand contentement de tous les siens. Apres quoy il fist approcher de son list, sa femme & ses enfans aufquels il fist une briefue exhortation de la vanité de cette vie, des tresors du Ciel, & du merite que l'on acquiert deuant Dieu en trauaillant pour le falut du prochain. Ie meurs content, leur disoit-il, puisqu'il a pleu à Nostre Seigneur me faire la grace de voir mourir deuant moy des Sauuages conuertis. l'ay passé les mers pour les venir secourir plustost que pour aucun interest particulier, & mourrois volontiers pour leur conuersion, si tel estoit le bon plaisir de Dieu. Ie vous supplie de les aymer comme ie les ay aymez, & de les affister || selon vostre pouuoir, 591

Dieu vous en sçaura gré & vous en recompensera en Paradis; ils sont creatures raisonnables comme nous & peuuent aymer un mesme Dieu que nous s'ils en auoient la cognoissance à laquelle ie vous supplie de leur ayder par vos bons exemples & vos prieres.

Ie vous exhorte aussi à la paix & à l'amour maternel & filial que vous deuez respectiuement les uns aux autres, car en cela vous accomplirez la Loy de Dieu fondée en charité, cette vie est de peu de durée, & celle à venir est pour l'eternité, ie suis prest d'aller deuant Dieu, qui est mon iuge, auquel il faut que je rende compte de toute ma vie passée, priez-le pour moy, afin que ie puisse trouuer grace deuant sa face, & que ie sois un iour du nombre de ses esleus; puis leuant sa main il leur donna à tous sa benediction. & rendit fon ame entre les bras de fon Createur, le 25. iour de Ianuier 1627, iour de la conuersion sainct Paul, & fut enterré au cimetiere de nostre Conuent, au pied de la grande croix, comme il auoit demandé estant chez nous, deux ou trois iours auant que tomber malade, comme si Dieu luy eust donné quelque fentiment de sa mort prochaine.

Fin du deuxième Volume.

Imprimé par H. Schoutheer, à Arras, Pour la LIBRAIRIE TROSS, à PARIS.

#### LIBRAIRIE TROSS, A PARIS Rue Neuve-des-Petits-Champs, 5.

#### HISTOIRE

# DUCANADA

### ET VOYAGES

OUE LES FRÈRES MINEURS RECOLLECTS Y ONT FAICTS POUR LA CONUERSION DES INFIDELLES

#### DIVISEZ EN QUATRE LIURES

Où est amplement traiété des choses principales arrivées dans le pays depuis 1615 iusques à la prise qui en a esté faicte par les Anglois.

L'Hifloire du Canada, par le Frère Gabriel Sagard Theodat, est l'ouvrage ancien le plus important qui ait paru sur cette partie de l'Amérique.

Il est d'une rareté excessive.

La nouvelle édition formera quatre volumes dont la pagina-tion fe fuivra pour le corps de l'ouvrage, le dernier volume réu-nissant différentes pièces fera précédé d'une notice historique.

Le prix de chaque volume, sur PAPIER VÉLIN, est fixé à 12 fr. 

C'est une réimpression figurée de l'édition rarissime de 1636, mais il était impossible de suivre strictement page par page cette première édition. Les chissres de la pagination de l'original ont été placés en marge, & la table de la nouvelle édition re-produira les deux paginations, ce qui facilitera les recherches. Cette réimpression a été tirée à un nombre très-restreint d'exemplaires. — Le second volume vient de paraître, le troi-

sième paraîtra au mois de Septembre & l'ouvrage entier sera

terminé avant la fin de l'année.

Paris, 30 Juin 1865.

#### LE GRAND VOYAGE

DU

## PAYS DES HVRONS

Situé en l'Amérique vers la Mer douce, ès derniers confins de la nouuelle France, dite Canada.

Où il est amplement traité de tout ce qui est du pays, des mœurs & du naturel des Sauuages, de leur gouuernement & façons de faire, tant dedans leurs pays, qu'allans en voyages: De leur foy & croyance; De leurs conseils & guerres, & de quel genre de tourmens ils font mourir leurs prisonniers. Comme ils se marient & esleuuent leurs enfans: De leurs Medecins, & des remedes dont ils vsent à leurs maladies: De leurs dances & chansons: De la chasse, de la pesche & des oyseaux & animaux terrestres & aquatiques qu'ils ont. Des richesses du pays: Comme ils cultiuent les terres, & accommodent leur Menestre. De leur deuil, pleurs & lamentations, & comme ils enseuelissent & enterrent leurs morts.

Auec un Dictionnaire de la langue Huronne, pour la commodité de ceux qui ont à voyager dans le pays, & n'ont l'intelligence d'icelle langue.

#### PAR GABRIEL SAGARD THEODAT

RECOLLET DE S. FRANÇOIS, DE LA PROVINCE DE S. DENYS EN FRANCE.

#### A PARIS

Chez Denys Moreau, ruë S. Iacques, à la Salamandre d'argent.

M. DC. XXXII

CAvec Privilege du Roy.

2 vol. petit in-80, frontispice gravé.

Papier vélin, 24 fr. — Papier vergé, 30 fr. Papier de Hollande, 40 fr.

#### Il vient de paraître:

# **GEOFROY TORY**

PEINTRE ET GRAVEUR

#### PREMIER IMPRIMEUR ROYAL

RÉFORMATEUR DE L'ORTHOGRAHE ET DE L'IMPRIMERIE SOUS FRANÇOIS I  $^{\rm er}$ 

PAR

#### AUGUSTE BERNARD.

Deuxième édition, entièrement refondue.

VIII ET 408 PAGES.

Papier vélin, in-8		12 fr.
Grand papier de Hollande, gr. in-	8.	24 fr.
Peau de vélin, gr. in-8	•	300 fr.

Cette nouvelle édition, qui forme pour ainsi dire un nouvel ouvrage, contient le double du texte de la première. Elle est ornée de nombreuses gravures en bois.

Cette Monographie, digne pendant des Annales des Alde & des Estienne publiées par Renouard, est devenue parsaite dans cette nouvelle édition. Elle intéresse également & les amateurs des arts & les bibliophiles.

#### Il paraîtra le 10 Juillet:

# DISCOURS DV VOYAGE

#### FAIT PAR LE CAPITAINE IAQVES CARTIER

Aux Terres-Neufues de Canadas, Norembergue, Hochelage, Labrador, & pays adiacens, dite nouuelle France, auec particulieres mœurs, langage,& ceremonies des habitans d'icelle.

A Rouen, de l'imprimerie de Raphael du Petit-Val, 1598.

Relation du voyage de 1534, publiée d'après l'édition de 1598 & d'après Ramusio, par M. H. Michelant.

On trouve à la suite:

#### DOCUMENTS INÉDITS

SUR

### JAQUES CARTIER & LE CANADA

Publiés d'après les originaux jusqu'alors inconnus

#### · PAR M. ALFRED RAMÉ.

Un vol. pet. in-8, avec deux grandes cartes:

Papier vergé. Papier vélin à							18	fr.
Papier vélin à	la	cuve.	. Wha	tma	n		25	fr.
Peau de vélin	12	exem	inl.)				180	

Les documents sur Jacques Cartier sont nombreux & très-intéressants, ils nous apprennent entr'autres les noms de ses officiers & de son équipage, &c.

Arras, typ. Schoutheer, rue des Trois-Visages.







